




18405


P

KAT. KOMP.



18405





IMMUNITAS ECCLESIASTICA

Jure tum Divino tum humano in aliquibus
iam Statutis Regni Poloniæ adversus Impugna-
tores suos olim.

PROPUGNATA.

à R. P. IGNATIO GLOWACKI
SOCIETATIS JESU.

Nunc verò

MAGNO NOMINI Et HONORI
PERILLUSTRIS Et REVERENDISSIMI
DOMINI DOMINI
ALEXANDRI
GEMBARTH

Almæ Ecclesiæ Metropolitanæ Gnesnensis & Collegiæ Vie-
lunensis Canonici, Præpositi & Officialis Califfiensis

Unà Cum Conclusionibus Academicis

DEDICATA

Califfii Anno Domini 1758. Die 26. Januarii.



Typis S. R. M. Collegii Califfiensis Societatis
J E S U:

IN A VITAM STELLA
PERILLUSTRIS ET REVERENTISSIMI
DOMINI

BIBLIOTHECA UNIV.



18405.1

Hæc Tibi sint Laudi, Naso quæ dixerat olim:
Odimus Accipitrem, quia Semper Vicit in armis
Utiq; etiam Summæ lingua vestigia famæ
Stemmata de Solea Cernere quisq; potest.

vinæ ma
oratio p
cendum



PERILLUSTRIS
 Et
 REVERENDISSIME
 DOMINE

C. R. BIBLIOTHECA
 VNIV. IAGELL.
 CRACOVENSIS



Uanquam me pridem, & Tua amplissimi Maje-
 stas Officii, & longè maxima promeritorum glo-
 ria, & mea quoque, qua Tecum agi par est, gra-
 ti animi memoria, ad istud Tibi persolvendum
 Officium vehementer accendebant; tamen hoc
 aditu laudis, non mea me voluntas, sed partim
 vitæ meæ ratio, partim Tuæ in omni laudum genere amplitudini impar
 oratio prohibuere. Nam cùm antea, neque tantùm in me, aut ad di-
 cendum facultatis, aut ad scribendum virium copięque inesse scirem;
 quantum

quantum non dicam ad exornandas, sed ad enarrandas etiam res à Te
præclare gestas sufficeret. Statueremq; nihil Tibi nisi perfectum inge-
niò, elaboratum industriâ offerri oportere: silentiò admirari malui,
quàm celebrare præconiò. Ita neque Tu vacuus unquam ab iis eras,
qui meam in exornando Te supplerent vicem: & meus labor in quo-
tidianæ exercitationis usu fructum est amplissimum consecutus. Nam
cum Coronam Divinæ impositurus scientiæ, Theologiæ nimirum, non
meò quidem meritò, quod sentio quàm sit exiguum, neque aliqua ab op-
timarum artium disciplinis profecta ratione, in qua me non inficer
mediocriter versatum esse, MARIANÆ Academix (: ut scholasticâ
loquar formulâ:) Rector renunciatus sum, non longa, mihi investiga-
tione opus fuerat: cui porro strenuissimo Christianæ Reipublicæ Heroi
hunc quasi gladium consecrarem. Præterquam enim quòd longè maxi-
mus scientiarum Amor, peracres mihi stimulos, unâq; multo suavissi-
mas addebat illecebras: ipsa aded cum humano, tum Divino etiam ju-
re, in hoc aureæ libertatis Regno propugnata Christianæ Reipublicæ
immunitas, quorundam tamen non modo sine ulla Religione, verum e-
tiam dissimulatione in omni genere convitiorum impugnata, sacrâ pro-
fanaq; permulta privatim & publice spoliata, clamare, atque à Te ex-
postulare subsidium videntur: ut & pro Tui ratione muneris, & pro
Polonæ libertatis studio, hac calamitosa temporum tempestate, utinam
non in eadem, uti Svecica olim, navi navigantis! (:a:) moritura Sve-
cica libertas atrocissimè libertatem Ecclesiasticam ardebat, ut simul
morerentur, & quod caput est, pro DEI Ipsius amore, ut inquam his
quasi vocibûs & lachrymâs ad misericordiam incitatus, jacentem extol-
lere, ac pristinam ejus dignitatem, immunitatemque amplificare non
graveris. Cum præsertim neque ita certis adstrictam limitibus potesta-
tem habeas, ut quidquid hac in parte volueris, id non possis: neque e-
am voluntatem, ut quidquid potueris, id non velis.

Quodsi igitur vel prima hæc Christianæ Ecclesiæ immunitas tantò
ad consecrandam se Tibi incitamentò est; quantò validiores in eam ip-
sam rem oportet esse illas ceteras ex sese maximas, illas præcellentissi-
mas dedicationis istius rationes? Nam licet opus istud publicæ omnium
utilitati imprimi, at verò privata nullius laudi consecrari potuit. sitamen
illud dedicandum suscepi, suscepi potissimum illi, cui & longè nobilissi-
ma materiæ ejusdem dos, & loci, temporis, Congressusq; nobilissimi ra-
tio, & ipse denique, cui tandem dicandum foret, omnibus istis Causis,

(a:) Maimb: de malo Hares:

ingeniò,

ingeniū, virtute, nobilitate, Officiū mirum in modum faceret. Verū
cū unus iste Tu ipse sis OFFICIALIS Præstantissime suscepi con-
secrandum Tibi, præterquam nemini. Fateor quidem in profana sa-
craque Republica permultos esse, à quibus officio superaris, illos tamen
tales esse, quibuscum agere, neque ob meam privati hominis rationem,
tantum me Animi habuisse, neque, si id quidem velim, ita faciles adi-
tus ad Eos esse, quin densissimas Sæ Claritudini offundi tenebras, Au-
thoritati per me inuri labem quærentur. Te autem si adeo facilem
domi habeam, ut qui, dignitate maximis quibusdam excellis; facilita-
te par infimis esse videaris: ecquem profecto alium aut ingenio, aut au-
thoritate, aut probitate, aut optimarum artium studio, aut innocentia,
aut ullo genere laudis præstantiorem quæram foris?

Age amabo quā longissimè potest mens Tua respicere spatium præ-
teriti temporis, & pueritiæ memoriam recordari ultimam, inde usque
repetens, quibus affinitate successisti, computa, & nihil unquam magis
esse ex vero dictum deprehendes. Tota Dobrinensis Terra, quin to-
ta adeo Polonia, haud unquam de Vestris Laudibus conticescet. Avus
Tuus, quem, & alios cæteros honoris causâ memoro ALEXAN-
DER GEMBARTH Venatoris Dobrinensis perfunctus Titulo,
quamvis ad publica Regni Tribunalia inter Judices Deputatus,
eidem Officio sit immortalis; immortalem tamen vel inde consecutus
Laudem; quod quantum Ipse de Universa Polona Republica sit meri-
tus, tantundem quoque optimi Patris studium æmulabantur Filii A-
DALBERTUS Venator, IGNATIUS Vicariam Judicis Do-
brinensis potestatem gerens, MIROSLAUS, MICHAEL, ille Do-
brinensis Præfectus Aerarii, hic Dapifer, illi Patruus, hi Cognat-
ione Patruus, Amore, virtute, Nomine, Ingenio Germani omnes.
Te verò FRANCISCE GEMBARTH Germane Officialis Dignis-
simi Frater, quibus Laudibus offeram? quibus studiis prosequar? qui
cū Ipse, quā prudentiā, quā Nobilitate præstanti ad Commendatio-
nem Polonæ Reipublicæ mirum in modum facias; tum eidem ad bene-
sperandum de Tua in Tuis Filiis, ALEXANDRO, JOSEPHO,
GASPARO, virtutum animiq; imagine, quasi signum aliquod sustu-
listi. Eximium enim verò Nomen & quod conferri haud quaquam pos-
sit, quin per se adeo eximium, honoratissimumque efficiat; Cuicumque
denum (adeoque & Tibi Germana Perillustri Officialis Soror
THEOPHILA KOZUCHOVIO Pocillatori Vielunensi in

aequale Matrimonium collocata :) sit collatum. Vobis verò equis in le-
tissimos plausus gratulaturus non effundatur animus? qui cum Ipsi ex
lese suis Nobilissimi, tum eò honoratiores videlicet, quod cum Nobilissi-
ma GEMBARTHORUM Familia, multiplici VOS pridè ex Patre
affinitate devinxistis DZIAŁYNSCII, LASOCCII, KOZOBUC-
CII, ZALESII, PONINSII, LESZCZYNSCII, BALIN-
SCII, KRETKOSCII, KRESII, KONARSCII, NOKWA-
SCII, PAWŁOWSCII, MACHINSII, KOZUCHOWSCII,
ULATOWSCII, MOLSCII, BILINSII, WILCZYNSCII,
BINKOSCII, GOLIMOWSCII, KALISZKOWSCII, PA-
PROCCII, MASŁOWSCII, OYZANOWSCII, MORSZTY-
NOWII, CIELECCII. Quid verò de illa altera, quā VOS exor-
nari video, aequè nobilissima Maternæ Partis Prosapia commemo-
rem? KRASZKOWSCII? KAMINSII? PAĞOWSCII?
DORUCHOWSCII? STOCCII? KACZKOWSCII? LUB-
STOSCII? BILSCII? KOMECCII? RYCHŁOWSCII?
JARACZESWCII? OLEWINSII? PRZESPOLEWSCII-
IS? JANISZEWSCII? infinita sit oratio, si nullam ex omnibus his
Prosapiis, quæ in longè Nobilissimum GEMBARTHORUM
Nomen promanarunt, Gloriæ partem, certa huiuscriptionis ratio non
velit à me prætermittam. Quid igitur tantamne è GEMBARTHORUM
Nomine profusum lumen, tantus splendor, meam privati ho-
minis obscuritatem non illustret, quod toti illustrandæ Polonia non est
impar? Sentio, Præses dignissime, qua parte occurri fortasse orationi hu-
ic meæ à quopiam possit dixerit fortasse aliquis, pulcherrimum Tuis o-
lim Majoribus, tantam Tibi Laudis Copiam reliquisse; at verò Tibi ne-
quaquam Gloriæ id ducendum, quam accepisti Laudem, conservasse, ne-
quaquam verò amplificasse, aut si amplificatum sit quidpiam, illud exi-
guum, illud obscurum esse, illud eorum, quæ acceperis, obrui magnitudi-
ne. Ineptam enim verò orationem, quam vel ille proferre audeat, qui
sit omnium ignarus rerum! Ego verò nihil me magis ex re facturum
puto, quam ut Sacrum hunc librum, à sacra Tua Auctoritate sanctiorem
redderem, idè verò sapientissimum, ut pari in Te fœderetur Sapientiæ.
Plurimum ad pretium gemmarum refert, in aurea sciendè includi emble-
mata, promicare ex annulis, nitescere è Coronis. Quid enim autori-
tatis, quid sapientiæ, ad gerendum hocce, cui Tu suppar, officium, re-
quirat quispiam, quod in Te desideres? Sapientiam quidem quod atti-

net,

net,
isthic
bus i
tan
ficul
nobil
ab in
imm
mum
Eò f
tur,
vent
lent
saxon
teor,
ne do
gè no
access
re. Q
tissim
bilita
gratu
Nomi
nalia
Ad
Karna
solven
Calissi
FICI
in eos
quæ B
cognat
ce in T
Te suo
Nepote
Polonia
exordia

net, nondum plandē ex ephēbis excessisti, cū primū in Polonia, nam
isthic natus es, liberalissimis affluenti studiis celeriter antecellere omni-
bus ingenii gloriā contigit; Tum tantus in Te discendi exarsit ardor,
tanta fames, ut Te Romam ad Theologica conferentem studia, non dif-
ficultatum horror ad contemptum, non a menus ad delectationem, non
nobilitas Urbium ad cognitionem, non denique labor ipse ad quietem;
ab instituti Cursus celeritate retardarunt; ut quantū aeterna Nativis,
immortalia caducis, Divina antecellunt humanis: tantū Te Amantissi-
mum Divine hujus facultatis extollendum tribuisses, quod ita profe-
ctū factum est. Sic enim Tuus deinde ad Pohniam adventus celebraba-
tur, ut famam ingenii, expectatio hominū, expectationem ipsius ad-
ventus, admiratioque superaret. Et quāquam permultos Viros excel-
lentis animo, ac virtute fuisse sine ullo doctrinæ adminiculo Ipsius dun-
taxat naturæ habitu prope Divino moderatos & graves existisse fa-
teor, imō & illud adjungo, sæpius ac gloriam & virtutem naturam si-
ne doctrina quā doctrinam sine natura profuisse: tamen cū ad lon-
gè nobilissimas naturæ dotes quædam ratio, conformatioque doctrinæ
accefferit; tum illud nescio, quid præclarum ac eximium solere existi-
re. Quid nū igitur opus istud Tibi dicatum velim? quod cū sit sapien-
tissimum à Tua sapientia, si plurimum auctoritatis à sui argumenti no-
bilitate habeat, à Tuæ dignitatis splendore tantum Tibi lucis affundī
gratuletur, quantum & illa affundit Tibi, dum Te cū ob dignitatem
Nominis, tum quod virtutem studiis adjuvisti ad publica Regni Tribu-
nalia Præsidem ter destinavit.

Ad extremum siquid loci opportunitas ad commendationem valet, in
Karnkavianis Scholis Tibi dedico. Eximiam verò, qui mihi ad hoc per-
solvendam officium necessitatem imposuit, opportunitatem loci! Parietes
Calissiensis Gymnasii gratias Tibi, ut mihi videtur, agere gestiunt, OF-
FICIALIS Dignissime, tantū liquidissimæ voluptatis ubertatē, ex Te
in eos promanasse, quod cū illis Viros ad exornandum clarissimos undā-
que Benefactores munificentissimos mors abstulerit; illos illustrissima
cognitione conjunctos Tibi KARNKOVIOS in Te venerari, illis hoc-
ce in Te dicere opus videantur, agnoscunt videlicet ac venerantur in
Te suorum olim Benefactorum stirpem, suorum quondam Fundatorum
Nepotem. Et quoniam à Celsissimo in hac nostra majori, imō tota adeo
Polonia Principe, & summo Sacrorum Gnesnensi Antistite sua duxere
exordia; temperare proinde non possunt sibi: quin istius quoque Gloriæ
partem

partem Tibi deferant; cuius te promeriti Vicaria summi, quem nomina-
vi, Principis in visitandis, lustrandisq; Ecclesiis demandata, partici-
pem potestas fecit.

Vides jam, nisi vehementer fallor, vides OFFICIALIS Dignissime,
quantum & pro mea privati hominis tenuitate nihil consultius, & pro
harum Nobilitate imò admirabilitate rerum, nihil præstantius, & pro
loci opportunitate nihil illustrius facto oportuit, quam sit actum Unum
duntaxat exorari à Te est super, nè quæso, quem omnibus cumulasti
bonis, ei hoc unum neget bonum: nè Tibi accepta referam, quæ dona-
sti. Id est, nè quæso, istud à sinceri gratique erga Te animi documentum
perlinaci quadam modestia Tibi non oblatum pergas; si enim mirabi-
lem animi demissionem in tanto honorum fastu intendas: hanc Te in
mea privati hominis tenuitate inventam putes; si amplificandæ Nomi-
ni Vestro gloriæ immortalitatisque amore flagres: illud profectò istius
argumentum operis, istud locus hic, Tuorum perpetua Majorum recor-
datio, istud meum quoque apud optimum maximumque DEUM, siquid
valeat, votum efficiet; ut non hæc Tua vita dicenda sit quæ corpore
& Spiritu continetur: verum omnino illa, quæ pigebit memoriâ sæcu-
lorum omnium, quam posteritas ætæ, quam ipsa denique æternitas
conservabit.

ITA VOVET

Magno Nomini & Honori devinctissimus

PETRUS ROBOROWICZ

M. A. R.

AMICO LECTORI.

Gladium utraq; parte acutum [id est Jus utrumq; tum Divi-
num, tum Humanum] pro Defensione Immunitatis Ecclesia-
sticæ *Evaginatum*, manibus tuis ingero Amice Lector. Si
acutus est? gladium esse noveris, non ad offendendum, sed ad de-
fendendum tantum. Neminem pungit, neminem lædit, qui Im-
munitatem Ecclesiasticam prior non læserit. Quod olim, Cheru-
bim & gladius flammens atq; versatilis (de quo Genes: c. 3.)
ante paradisum voluptatis à Deo collocatus, ad custodiendam li-
gni Vitæ viam, fuit; hoc idem est Immunitati Ecclesiasticæ, præsens
evaginatus gladius. Pro custodienda immunitate Ecclesiastica ex-
cubat. Quæ verò causa, eius evaginandi fuerit, si quæris? hæc est. Cum
pro Clero Dei, ac oppressa in Regno Nostro à quibusdam Poli-
ticiis Immunitate Ecclesiastica. agendum, ipsa recta suaderet ratio,
zeli Domus Dei ductus, ejusdem Defensorem, lure utroq; tan-
quam gladio usus, agere proposui. Eo enim processit quorun-
dam illorum audacia, ut electam Dei sortem, & Immunitatem
Ecclesiasticam, suis statutis & legibus circumscribere, ac eam sibi
reddere tributariam non erubescant. Quod utrum rectè faciant,
ex adducto lure tum Canonico tum Civili, tum statutis Regni
Nostri, pro defensione ejusdem Immunitatis judicabis, Benevole
Lector. Fateor me fusilem in pertractanda Immunitate Eccle-
siastica Personali, eaq; Privilegii Foti, & Reali exstitisse. Sed ne
mirere; hic enim meus præcipuus & singularis in hac defensione
præfixus fuerat scopus, ut Politicos hujus ævi, qui in Regno No-
stro Immunitatem Ecclesiasticam, præcipuè Personalem & Rea-
lem impugnant, informarem, & edocerem. De Privilegio verò
Canonis & Immunitate Locali, eruditionis solum gratiâ, brevi-
ter mentionem facio. In hoc autem Te Amice Lector, præ-
monendum volo. Cum statutum Regni Nostri cito, me citare
statutum illud, quod ex statutis Lascei & Herbuti, ac Constitutio-
nibus a Joanne Januszowski collectum, in ordinem redactum,
ac Cracoviæ Anno Domini 1600. typis impressum est. Hanc
defensionem Immunitatis Ecclesiasticæ, benevolò accipe animò
Benevolentissime Lector, ac optimè vale.

IMPRIMATUR

THEODORUS POTOCKI
Archiepiscopus Gnesnensis, Primas
Regni & M. D. L. 17. Septembris. 1724.
(L. + S.)

MARTINUS TRAMPCZYNSKI
PRÆPOSITUS PROVINCIALIS SOCIETATIS
JESU per POLONIAM.

Cum Opus quod inscribitur *Gladius Evaginatus* idio-
mate latino aliquot ejusdem Societatis Theologi re-
cognoverint, & in lucem edi posse probaverint, po-
testate mihi facta ab A. R. P. Nostro Michæle An-
gelo Tamburino Societatis Nostræ Præposito Generali,
facultatem concedo, ut typis mandetur, si iis ad quos
pertinet ita videbitur. In cujus fidem, has Literas ma-
nu mea firmatas & sigillô munitas dedi Leopoli die 13.
Februarii Anno 1724.

M. Trampczynski S. J. mpp.




R

CKI

Primas

. 1724.



NSKI
TATIS

natus i
cologi re
int, po
aéle An
Generali
s ad quos
teras ma
di die 13.

mpp.

(I)



APOLOGIA

Pro Statu Spirituali ad Politicos
hujus ævi.



Cum agerem, si præsentem pro statu Spirituali Apologiam, ad eos Regni nostri Poloniæ Proceres dirigerem, quorū delicatæ conscientiæ, & teneritudini cordis profundè inhasit primævorum Polonorum pro S. Fide Catholica, zelus, Divini Numinis, cultus, & præcipua Cleri ac Spiritualium veneratio. Non me enim latet, ac universum orbem, ab introducta in Poloniam S. Fide Catholica, Principes ejus & Incolas, acerrimos Fidei Orthodoxæ Defensores, Summorum Pontificum, & Statūs Spiritualis speciales Cultores, Episcopatum, Abbatiarum, Ecclesiarum, Cænobiorum, & aliorum
A
piorum

piorum locorum liberalissimos Fundatores existisse, eamq; pietatem in præsentem diem vigere in Posteris. Res mihi itaq; est cum quibusdam hujus ævi Politicis, qui quodam innato odio, seu veriùs hausto ex continua, tum cum suspectis de Atheismo, tum cum Dissidentibus conversatione, venenoso spiritu, Statum Spiritua-lem exosi, Jura ejus & Privilegia convellunt; ad con- denda contra Immunitatem Ecclesiasticam Statuta, Nobilitatem Polonam, tum in Comitoliis, tum in Ge- neralibus Regni Comitibus commovent, eumq; exesse vellent è Regno Poloniæ. Cujus Spiritus sint, eorum- dem, dummodo semotum ab omni pravo affectu, ap- pello Judicium. Ipsimet decernant ex his, quæ pro defensione Immunitatis Ecclesiasticæ & Statûs Spiritua- lis adducenda proposui. Quanquam non miror eum illorû spiritum, quo afflati sunt in hac variarû sectarum ex diversis Gentibus, quæ non pridem totam inunda- verant Poloniam, colluvie; consequens id fuerat, im- piis ac injuriis sanctæ Fidei Catholicæ, imbutos do- gmatibus, sic insipere; ac Pseudo Politicorum, Hæreti- corum, Atheorum virus in S. Matrem Ecclesiam, in servos & Ministros DEI, & quod majus est, in ipsum DEUM evomere. Quamobrem, ut ad sanam men- tem & Veteranum Polonorum pro DEO, Ecclesiis, & Ministris ejus Zelum redeant; aliquot illis expono ve- ritates, quas accurratè perpendant; eosq; in omni chri- stiana

Christiana charitate, & patientia illis alloquer verbis, quibus S. Paulus suos allocutus est Corinthios: *Non ut confundam vos hac scribo, sed ut Filios meos charissimos moneo.* 1. Cor. 4. *Videte ne seducamini.* Luc. 21. *Utinam cognoscatis, quis vos fascinavit, non obedire veritati.* Ad Gal. 3. *Quod si quis illorum se ladi à me putaverit, (absit à me hic ausus, quem religiosa decet modestia) in defensionem mei, utar iisdem S. Hieronymi Ecclesiae Doctoris verbis, quibus in simili materia usus in Epistola ad Nepotian: Neminem speciatim sermo meus pulsavit. Qui mihi irasci voluerit, ipse, quod talis sit, consuebitur.*

§

Statui Spirituali præcipue Sacerdotali Jure Divino debetur reverentia.

ECclesiastici 7. dicit S. textus. *In tota anima tua time DEUM, & Sacerdotes illius sanctifica* (id est sanctos habe) *In omni virtute tua dilige eum, qui te fecit, & Ministros ejus ne derelinquas. Honora DEUM, ex tota anima tua, & honorifica Sacerdotes. Sancti itaq; habendi, & & honorandi sunt Sacerdotes ratione Ministerii. Licet enim quandoq; peccent, hæc tamen eorum peccata, nihil obsunt Officii dignitati; quemadmodum Imperiali, ac supremæ in populum Jurisdictioni, licentiosa vita nihil obest. Accipe exemplum ex S. Scriptura. Levit. 10. Nadab & Abiud Sacerdotes filii Aaron, gravissimè peccaverant, quia arreptis thuribulis, posuerunt*

A 2

ignem

ignem & incensum, desuper offerentes coram Domino ignem alienum, quod eis præceptum non erat. Egressusq; est ignis à Domino & devoravit eos, & mortui sunt coram Domino. In pœnam peccati, quòd ignem alienum obtulerint Domino, flamma absumpsit Sacerdotes, vestibus autem sacerdotalibus pepercit; ut advertit Lyranus, & constat ex sequenti textu: *Vocatis autem Moyses Misaele & Elisaphan ait ad eos: Ite, tollite fratres vestros, de conspectu sanctuarii, & assortate extra castra. Confestimq; pergentes, tulerunt eos, sicut jacebant, vestitos lineis tunicis, & ejecerunt foras, ut sibi fuerat imperatum.* Si ignis jussu DEI sanctam habuit in malis sacerdotibus, sacerdota-lem dignitatem, quæ in vestibus denotabatur, multò magis homines, quibus à Deo injunctum est, ut honorificent sacerdotes, sacerdotalem dignitatem revereri debent. Odit DEUS sacerdotum scelera, eaq; gravissimè punit, eorum tamen Characterem honorificari præcipit. Si Principi etiam scelerato & ex infima sorte assumpto debetur honor & reverentia, multò magis Vicario & Ministro Christi. Scribunt: *Joseph: antiquit: Judai: l. 11. c. 16. Jo: Zonar: 10: 1. Anna: Cum Alexander M. qui se natum Diis credebat, captâ Gazâ, appropinquaret Jerusalem, Jaddus Sacerdos oravit DEum pro gente sua; monitusq; in somnis, ut in Deo altissimo confideret, & Pontificalibus indutus, obviam Alexandro iret. Fecit id Jaddus Sacerdos; quem cum Alexand: M.*

vidis-



vidisset Pontificalibus indutum, & laminam desuper caput ejus, in qua erat Nomen Domini Terragrammaton, descendit de equo, ac sacerdotem profundè veneratus. Ingressus Civitatem sanctam cum sacerdote, & in Salomonis Templo Nomen Domini cæli & terræ adoravit, demum ad castra rediit. Quæsitus à Militibus suis, cur sacerdotem hominem, ipse par Diis, veneratus fuisset, respondit: quia in somno, DEum in tali habitu vidi, qui mihi Principatum Persarum daturum se promisit, DEum in homine adoravi. Utinam hujus ævi Politici discant & præceptô Divinô, & exemplô Domitoris Orbis, reverentiùs habere sacerdotes, & Ministros DEI.

§. 2.

Status Sacerdotalis sua dignitate superat omnes hujus mundi dignitates. 2

NULLA dignitas in orbe terrarum reperitur, quæ dignitatem Sacerdotalem superet vel adæquet. Gelasius Papa sic scripsit Anastasio Imperatori, ut habetur dist. 96. Duo sunt Imperator Auguste, quibus principaliter hic mundus regitur: auctoritas Sacra Pontificum, & Regalis potestas. In quibus tantò gravius pondus est sacerdotum, quanto etiam pro ipsis Regibus hominum, in Divino sunt reddituri examine rationem. Honor, Fratres, & sublimitas Episcopalis nullis poterit comparationibus adæquari. Si Regum fulgori compares, & Principum diademati, longè eris

inferius, quàm si plumbi metallum ad auri fulgorem compa-
res; quippe cum videas Regum colla & Principum, submitti
genibus Sacerdotum, & osculatâ eorum dexterâ, orationibus
eorum credant se communiri. 1. Petri: 2. dicitur, Regale
Sacerdotium, etiam ex eo, quòd antea, non alii Reges
quàm Sacerdotes erant. Sic in Lege Naturæ Melchi-
sedech DEI altissimi Sacerdos, qui panem & vinum
DEO obtulit, Rex Salem dictus fuit. Genes. 14. Item Job
& tres amici ejus Sacerdotes & Reges fuerant, ut ait
Pineda in C. 1. Job. v. 1. 1. Reg: 8. Sacer textus testatur,
quòd Samuel & Rex Sacerdos fuerit, à cujus temporibus
populus excutiens jugum DEI petiit sibi dari Re-
gem, qui cum more altarium gentium judicaret. Ora-
vit Samuel ad DEum: Dixit autem Dominus ad Samue-
lem: audi vocem populi in omnibus, quæ loquuntur tibi; non
enim te abjecerunt, sed me, ne regnem super eos. Ait itaq;
Samuel ad populum. Hoc erit jus Regis, qui imperaturus
est vobis; Filios vestros tollet, & ponet in curribus suis, fa-
cietq; sibi equites & præcursores quadrigarum suarum,
& constituet sibi tribunos & centuriones, & aratores agro-
rum suorum, & messorum segetum, & fabros armorum &
curruum suorum. Filias quoq; vestras faciet sibi unguenta-
rias, & focarias & panificas, &c. &c. Et tunc quodam-
modo separata fuit pontificalis dignitas à Regia pote-
state. Distinct: 21. C. Cleros dicitur: Antea autem,
qui Reges erant, & Sacerdotes erant. Nam majorum hæc

erat

erat consuetudo, ut Rex esset etiam Sacerdos & Pontifex. Unde & Romani Imperatores, Pontifices dicebantur. Hac de re Nerembergus in Theopolitico p. 2. l. 1. c. 10. sic scribit: Olim Sacerdotii appendix Regnum erat, nec altis cura rerum humanarum commissa est, quam curatoribus divinarum. Idem olim Sacerdos & Rex. Postea excrescentibus Imperiis, cum unus homo duplici huic muneri satis non potuisset facere, divulgum est a Regno Sacerdotium, quod quia maximum, quia optimum, optimo & maximo tributum, ac cum inclinaremur ad externa, aliis permiserunt Reges Sacerdotium, ex malitia quadam meliori se abdicantes Majestatis frusto. Noverunt hoc prisca Hispania Reges pientissimi, qui Praesides Sacros suos Dominos vocarunt. Hucusque ille. Et jure merito Dignitas Sacerdotalis omnes superat dignitates; illa etenim est prima post DEum inter homines. Sacerdotes, Dii in S. Scriptura appellantur, quod DEI Personam repraesentent. Illis data est potestas in Persona Christi Sacramenta conficiendi, Christum in altari praesentem sistendi, Nomine DEI peccata hominibus remittendi, juxta illud: quorum remisistis peccata, remittuntur eis, & quorum retinueritis, retenta sunt. Joan: 20. Illi habent Claves Regni caelorum, sicut DEUS, qui aperit, & nemo claudit; claudit, & nemo aperit. Apoc: 3. Nam S. Petro & Successoribus ejus Christus dixit: Tibi dabo claves Regni caelorum Matth: 16. Illorum voci DEUS obtemperat, ac de Caelo descendit,

in

in eorumq; manibus DEI Filius, velut in utero Virgi-
 nis incarnatur, ut *S. August. ait hom: 2. in Psalm. 37.* In-
 super Christus contumeliam Sacerdoti factam, suam
 & æterni Patris reputat, ut dicit *Lucæ 10.* *Qui vos*
spernit, me spernit; qui autem spernit me, spernit eum, qui
misit me. Hinc *S. Ignatius M. Episc: 10. ad Smyrnen.*
dicit: Sacerdotium est omnium bonorum, quæ in mundo sunt
apex, qui adversus illud fuerit, non hominem ignominia affi-
cit; sed DEUM. Quæro hinc ex Politicis? Ille, qui Vi-
 ces Imperatoris vel Regis agit, habetne sibi parem in
 eodem Regno, dignitate, vel superiorem se, præter Im-
 peratorem & Regem? Eidem aliquam inferre contu-
 meliam vel Irreverentiam, eritne crimen læsæ Impera-
 toriæ vel Regiæ Majestatis? si ita est, infero: ergo
 cum Sacerdotes vices DEI & Christi agant, remitten-
 do peccata, conficiendo Corpus & Sanguinem Christi,
 neminem sibi inter homines parem vel se superiorem
 habent. Cui enim Laicorum etiam supremæ digni-
 tatis à DEO hæc commissa potestas, ut hac in parte
 vices DEI agat. Item infero, læsisse Sacerdotalem di-
 gnitatem, erit crimen læsæ Divinæ Majestatis. De
 hac Sacerdotum præeminentia in Regno nostro, Przy-
 tuscius noster, licet hæreticus sic loquitur: *Sacerdotes*
omnium Ministri ac salutis procuratores sunt: quam ob cau-
sam pii Principes illorum Ordinem Primarium in Repub:
esse voluerunt. Agnovit hanc in Christi Ministris Ex-
 cellen-

cellen
M. In
tali d
æstim
auxit

Consta

Q
rit Pr
cujus
sui ba
contu
habea
ita in
cum S
busq;
Impe
carius
tifies
ces pr
Impe
derur
neant
rum,

cellen

Virgi. cellentiam recens ad fidem S. conversus Constantinus
 . In. M. Imperator, & veneratus est, utq; eidem sacerdo-
 suam tali dignitati majus inter homines faceret pretium, &
 Qui vos æstimationem, singularibus eam adornavit Privilegiis,
 m, qui auxit opibus, cumulavit favoribus.

yrnen. *Constantinus M. Imperator, quanti appretiaverit Sacerdo-*
 do sum *talem dignitatem? adducitur.*

Quanti appretiaverit Sacerdotalem Dignitatem ;
 Constantinus M. Imperator, & quantiseam auxerit Privilegiis, constat ex C. Constantinus distin: 96. cujus tenor talis: Constantinus Imperator, 4ta die sui baptismi, Privilegium Romanæ Ecclesiæ Pontifici contulit, ut in toto Orbe Romano Sacerdotes ita hunc habeant, sicut Judices Regem. In eo privilegio, ita inter cætera legitur. Utile judicavimus, una cum Satrapis Nostreis, & universo Senatu, Optimatibusq; meis, etiam & cuncto populo Romanæ gloriæ Imperio subjacenti, ut sicut B Petrus, in terris Vicarius Filii DEI esse videtur constitutus, ita & Pontifices, qui ipsius Principis Apostolorum gerunt Vicces principatus potestatem, amplius, quàm terrena Imperialis nostræ serenitatis mansuetudo habere videtur, concessam à nobis nostroq; Imperio obtineant, eligentes nobis ipsum Principem Apostolorum, vel ejus Vicarios firmos apud DEUM esse Pa-

„ tronos. Et sicut nostram terrenam Imperialem po-
 „ tentiam, sicejus sacrosanctam Romanam Ecclesiam
 „ decrevimus veneranter honorari, & amplius, quàm
 „ nostrum Imperium, & terrenum thronum sedem
 „ sacratissimam B. Petri gloriosè exaltari, tribuentes
 „ ei potestatem & gloriæ dignitatem atq; vigorem &
 „ honorificentiam Imperialem. Atq; decernentes san-
 „ cimus, ut Principatum teneat tam super quatuor
 „ præcipuas sedes, Alexandrinam, Antiöchenam,
 „ Hierosolymitanam, Constantinopolitanam, quam
 „ etiam super omnes in universo Orbe terrarum Eccle-
 „ sias DEI, & Pontifex, qui pro tempore ipsius sa-
 „ crosanctæ Romanæ Ecclesiæ extiterit, celsior & Prin-
 „ ceps cunctis sacerdotibus totius mundi existat, &
 „ ejus Judicio, quæq; ad cultum DEI vel fidei Chri-
 „ stianorum stabilitatem procuranda fuerint, dispo-
 „ nantur. *Et infra.* Ecclesiis BB. Apostolorum Petri
 „ & Pauli pro continuatione luminariorum, possessio-
 „ num prædia contulimus, & rebus diversis eas dita-
 „ vimus, & per nostram Imperialem jussionem sacram
 „ tam in Oriente, quàm in occidente, vel etiam se-
 „ ptemtrionali, & meridiana plaga, videlicet in Judæa,
 „ Græcia, Asia, Thracia, Africa, & Italia, vel diversis
 „ Insulis, nostra largitate ei concessimus, ea prorsus ra-
 „ tione, ut per manus Beatissimi Patris nostri Sylve-
 „ stri summi Pontificis, successorumq; ejus omnia di-
 „ sponan-

spona
 Pontr
 bus e
 munc
 contr
 deinc
 simul
 licet
 lum,
 tunic
 ta, se
 equit
 simul
 ta Im
 culm
 tem
 eiden
 illud
 haben
 vider
 fules
 bus e
 milit
 decer
 tia o
 Ostia

sponantur. *Et infra.* B. Sylvestro Patri nostro summo
 Pontifici & universalis Urbis Romæ Papæ, & omni-
 bus ejus successoribus Pontificibus, qui usq; in finem
 mundi in Sede B. Petri erunt sessuri, de præsentī
 contradimus Palatium Imperii nostri Lateranense,
 deinde diadema, videlicet coronam capitis nostri,
 simulq; phrygium, nec non & super humerale, vide-
 licet lorum, quod Imperiale circumdare assolet col-
 lum, verum etiam & Chlamydem purpuream, atq;
 tunicam coccineam, & omnia Imperialia indumen-
 ta, sed & dignitatem Imperialium præsentium,
 equitum conferentes, etiam & Imperialia sceptrā,
 simulq; cuncta signa, atq; banda & diversa ornamen-
 ta Imperialia, & omnem processionem Imperialis
 culminis, & gloriam potestatis nostræ. Viris au-
 tem reverendissimis Clericis, in diversis ordinibus
 eidem sacrosanctæ Romanæ Ecclesiæ servientibus,
 illud culmen, singularitate, potentiâ, & præcellentiâ
 habere sancimus, cujus amplissimus noster Senatus
 videtur gloriâ adornari, id est Patricios atq; Con-
 sules effici, necnon cæteris dignitatibus Imperiali-
 bus eos promulgamus decorari. Et sicut Imperialis
 militia ornatur, ita & Clerum S. R. Ecclesiæ ornari
 decernimus. Et quemadmodum Imperialis poten-
 tia officiis diversis & cubiculariorum, nempe, &
 Ostiariorum, atq; omnium excubitorum ornatur,

ita & S. R. Ecclesiam decorari volumus. Et ut amplissimè Pontificale decus præfulgeat, decernimus & hoc, Clericorum S. R. Ecclesiæ, manipulis & linteaminibûs, id est candidissimo colore decorari equos, ita & equitare. Et sicut noster Senatus, calceamentis utitur cum udonibus, id est candido linteamine illustratis, sic utantur & Clerici, ut sicut cælestia, ita & terrena ad laudem DEI decorentur. Præ omnibus autem licentiam tribuimus ipsi sanctissimo Patri nostro Sylvestro & successoribus ejus ex nostro indicto, ut quem placatus propriò consiliò clericare voluerit, & in Religiosorum numero Clericorum connumerare, nullus ex omnibus præsumat superbè agere. Decrevimus itaq; & hoc, ut ipse, et successores ejus, diademate, videlicet Coronâ, quam ex capite nostro illi concessimus, ex auro purissimo & gemmis pretiosis uti debeant, & in capite ad laudem DEI pro honore B. Petri gestare. Ipse verò Beatissimus Papa, quia super Coronam Clericatûs, quam gerit ad gloriam B. Petri, omnino ipsâ ex auro non est passus uti Coronâ, nos phrygium, candido nitore splendidum, Resurrectionem Dominicam designans, ejus sacratissimo vertici manibûs nostris imposuimus, & tenentes frænum equi ipsius pro reverentia B. Petri, stratoris officium illi exposuimus, statuentes eodem phrygio omnes ejus

succes-

succes-
tatione
non v
tas, g
rium
Urbe
num
simo
tradi
busej
const
Eccle
persp
tem i
Bizan
Civit
periu
Chris
const
terren
quæ p
alia d
usq; i
nere c
regna
obtes

successores singulariter uti in processionibus ad imitationem Imperii nostri. Unde ut Pontificalis apex non vilescat, sed magis quam terreni Imperii dignitas, gloria & potentia decoretur, ecce tam Patrium nostrum, ut prædictum est, quam Romanam Urbem, & omnes Italiæ, seu Occidentalium Regionum provincias, loca, & Civitates præfato Beatissimo Pontifici nostro Sylvestro Universali Papæ contradimus atq; relinquimus, & ab eo, & à Successoribus ejus per hanc divalem nostram, & pragmaticum constitutum decernimus disponenda, atq; juri S. R. Ecclesiæ concedimus permansura. Unde congruum perspeximus nostrum Imperium & Regni potestatem in Orientalibus transferri Regionibus, & in Bizantiæ Provinciæ optimo loco, Nomini nostro Civitatem ædificari, & nostrum illic constitui Imperium, quoniam ubi Principatus Sacerdotum & Christianæ Religionis caput, ab Imperatore cælesti, constitutum est, justum non est, ut illic Imperator terrenus habeat potestatem. Hæc verò omnia, quæ per hanc nostram Imperialem Sacram, & per alia divalia decreta statuimus, atq; confirmavimus, usq; in finem Mundi illibata, & inconcussa permanere decernimus. Unde coram DEO vivo, qui nos regnare præcipit, & coram terribili ejus judicio obtestamur per hoc nostrum imperiale constitutum,

omnes nostros successores Imperatores, & cunctos
 Optimates, Satrapas etiam, amplissimum Senatum
 & universum populum in toto Orbe terrarum, nunc
 & in posterum, cunctis retro temporibus Imperio no-
 stro subjacentem, nulli eorum quomodolibet licere,
 aut infringere, aut in quoquam convellere. Si-
 quis autem, quod non credimus, in hoc temerator
 aut contemptor extiterit, æternis condemnationi-
 bus subiaceat innodatus, & Sanctos DEI, Principes
 Apostolorum Petrum & Paulum sibi in præsentem &
 in futura vita sentiat contrarios, atq; in inferno in-
 feriori concrematus cum diabolo & omnibus deficiat
 impiis. Hujus verò Imperialis decreti nostri pa-
 ginam propriis manibûs roborantes, super veneran-
 dum Corpus B. Petri Principis Apostolorum posui-
 mus. Datum Romæ III Kal: Aprilis. Domino no-
 stro Flavio Constantino Augusto quater, & Galli-
 cano v. c. Coss:

Quid ad hæc dicent Politici, qui Primatui &
 Jurisdictioni summi Pontificis detrahunt. Ruminant
 attentius hoc decretum, velim, ac in Neophito Im-
 peratore tantam mirentur pietatem. Ille Pontificium,
 Principatum amplius, quàm suam Imperiale potentiam
 veneranter honorari, & plusquàm Imperium suum ex-
 altari decrevit; hi verò summum Pontificem supra
 Reges nihil habere promulgant? Ille summum Ponti-
 ficem

ficem
 quæ
 Judi
 nem
 habe
 exam
 Impe

Statu

SA

vinat
 elect
 Omni
 tuitur
 cia pr
 ut re
 spect
 ut pr
 rant
 Idem
 Sacer
 nobisc
 dicit
 tes M

ficem non solum, quæ ad cultum DEI, sed etiam, quæ ad fidei Christianæ stabilitatem pertinent, esse Judicem recognovit; hi eundem, quæ ad Religionem in statu politico spectant jurisdictionem nullam habere asserunt. Accuratiùs suum, quo loquantur, examinent spiritum, eumq; cum Catholico Piissimi Imperatoris, conferant zelo.

§. 4.

Status Spiritualis plurimum proficius est Rebus publicis, & privatis.

Sacerdotes, sunt Mediatores inter DEUM & homines, qui pro peccatis universi humani generis Divinam Majestatem deprecantur. Ad id officii à DEO electi sunt. Testatur id Sanctus Paulus *ad Hebræ. 5.* *Omnis Pontifex ex hominibus assumptus pro hominibus constituitur in his, quæ sunt ad DEUM, ut offerat dona & sacrificia pro peccatis.* Alii ex hominibus assumuntur à DEO, ut regant populum in iis, quæ ad statum politicum spectant, sacerdotes verò à DEO assumuntur ad id, ut pro delictis populi placationis hostiam DEO offerant, ut DEUM populo sacrificiis propitium reddant. Idem asserit *S. Thomas Doct̃or Ang. in 4. dist. 14. & 25.* *Sacerdotes orant pro nobis, ut DEUS nostri misereatur, & nobiscum pacificetur.* De Sacerdotibus Propheta Joël dicit *cap. 2.* *Inter vestibulum & altare plorabunt sacerdotes Ministri Domini & dicent: Parce Domine parce populo*

tuo, & ne des hereditatem tuam in opprobrium ut dominen-
tur eis Nationes. Hic, velim, advertant Politici, quæ
 sit obligatio sacerdotalis functionis, & quid ex vi officii
 sui, in bonum humani generis præstare teneantur.
 Temporibus Isaïæ Prophetæ fortè exiguus sacerdotum
 fuerat numerus, proinde gembundus lamentatur ac
 dicit ad DEUM: *cap. 64. Non est qui invocet nomen tuum,*
qui consurgat & teneat te; abscondisti faciem tuam à nobis.
 Quia non erant sacerdotes, qui pro populo DEI de-
 precarentur DEUM, ideo DEUS suam ab eo avertit
 faciem. Non habet Populus propitium sibi DEUM,
 si pro se non habeat ad DEUM exoratores, ad quorum
 preces DEUS placatus redditur. 2. Machab. 3. Cum
 Heliodorus cum suis satellitibus expilaret Jerosoly-
 mitanum Templum: apparuit quidam Equus, terribilem
 habens sessorem, isq; cum impetu Heliodoro priores calces eli-
 sit, -- Alii etiam apparuerunt duo Juvenes speciosi amictu,
 qui circumsteterunt eum, & ex utraq; parte flagellabant eum
 sine intermissione multis plagis verberantes. Tunc verò ex
 amicis Heliodori quidam rogabant Oniam, ut invocaret
 altissimum, ut vitam donaret ei, qui in supremo spiritu erat
 constitutus. Summus Sacerdos Onias, obtulit pro salute
 viri hostiam salutarem, Cumq; summus Sacerdos exoraret,
 iidem Juvenes eisdem vestibus amicti astantes Heliodoro
 dixerunt: Onia Sacerdoti gratias age; nam propter eum
 Dominus tibi vitam donavit. Idem Levit: C. 4. habetur:

Et ro-

Et rog
 Rogab
 tur ei.
 missio
 valet
 Imò e
 etiam
 decre
 latria
 cervic
 faciam
 DEUM
 tra pop
 dare
 catusq
 adver
 ad Pro
 sumas
 quomin
 eorum
 bunde
 re in i
 dam;
 ad suu
 ut in

Et rogante pro eis Sacerdote propitius eis erit DEus. Et c. 26. Rogabitq; pro eo Sacerdos, & pro peccato ejus, & dimittetur ei. Hæc est ipsius DEI veracis in dicendo, promissio, quæ neminem fallere potest. Tantum itaq; valet deprecatio Sacerdotis pro peccatore coram DEO. Imò eadem preces obfistunt DEO, quominus vindictam sumat pro peccatis hominum. Exod. 32. Cum decrevisset DEus delere populum suum propter Idololatriam, ait ad Moysen: Cerno, quod populus iste, dura servis sit; dimitte me, ut irascatur furor meus contra eos, faciamq; te in gentem magnam. Moyses autem orabat Dominum DEum suum dicens: Cur Domine irascitur furor tuus? contra populum tuum, quem eduxisti de terra Egypti. Recordare Abraham & Isaac & Israel servorum tuorum, -- Placatusq; est Dominus, ne faceret malum, quod locutus fuerat adversus populum suum. Jeremiæ quoq; c. 7. dicit DEUS ad Prophetam: Tu ergo noli orare pro populo hoc, nec assumes pro eis laudem & orationem, & non obfistat mihi, quominus vindictam sumam.

Sacerdotes sunt utiles populo DEI; Officii enim eorum est, administrare Sacramenta, juvare moribundos, solari infirmos, opem ferre afflictis, instruere in iis, quæ spectant ad salutem æternam obtinendam; dirigere in via spirituali, & quemq; hominem ad suum finem, ad quem à DEO creatus est, nempe ut in hac vita DEum amet, revereatur, ei serviat, tandem

tandem salvus fiat, manuducere: Soli spirituales sunt gnari viæ illius, quæ ducit ad vitam æternam, à qua quisq; facile deflectet & errabit, si Doctorem non habuerit. Diversis à politicismo principiis & veritatibus instruendus est, qui viam beatitudinis æternæ vult ingredi. Hinc meritò *Sapient. 5.* Mundi hujus sectatores suam incusant insaniam & errorem. Ergo erravimus à via veritatis. Causa vero hujus erroris est, quia deerant tales, qui illos ignorantes, vias Domini docerent, ut ipsimet fatentur: *Justitia lumen non luxit nobis, & sol intelligentiæ non est ortus nobis. Lassati sumus in via iniquitatis & perditionis, & ambulavimus vias difficiles, viam autem Domini ignoravimus. Quid nobis profuit superbia? aut divitiarum jactantia quid contulit nobis? Transierunt omnia illa tanquam umbra, &c.* Quid autem prodest homini, si universum mundum lucretur, animæ vero suæ detrimentum patiatur? Sunt item Sacerdotes Medici spirituales curantes morbos & languores animæ. Medicus, qui curat corpus, potest illud ad tempus sanare, sed à morte in perpetuum præservare non potest. Sacerdos verò animam per peccatum mortale DEO mortuam, resuscitare, & gratiæ Divinæ restituere, ac ne æternum moriatur, efficere potest. Item Sacerdotes offensum nobis reconciliant DEum. Videant itaq; Politici, quanta sit Populo Sacerdotum necessitas; &, si suo privato minime volunt, saltem publico prospiciant Bono. §. 5.

*Sacerdotum sacrificia & Orationes plus prosunt Bono publico,
& conservationi Regnorum, quàm numerosus
exercitus.*

SI dixero, hanc veritatem esse, proximam fidei. nul- 6
lus puto inficiari poterit. Omnis prosperitas re-
rum siue publicarum, siue privatarum à DEO est.
Genes. 39 de Josepho S. textus dicit: *Erat vir in cun-
ctis prospere agens. datq; rationem, quia Dominus fuit
cum eo.* Pace & victoriâ Regna & bonum publicum
conservari, indubitatum est. Utraq; autem à DEO
est. 1. Paralip. 22. testatur David Sermonem DEI ad
se factum esse de filio suo Salomone in hæc verba:
*faciam cum requiescere ab omnibus inimicis suis per circuitum,
& ob hanc causam Pacificus vocabitur, & pacem, & otium
dabo in Israel cunctis diebus ejus.* 1. Reg. 17. David con-
tra Philistæum Goliath pugnaturus, non aliis se muni-
vit armis, nisi spe in DEum; dixitq; ad Philistæum:
*Tu venis ad me cum gladio, & hasta, & clypeo, ego autem
venio ad te in Nomine Domini exercituum, DEI agminum
Israel, & dabit te Dominus in manu mea, & percutiam
te, ut noverit universa Ecclesia hæc, quia non in gladio,
nec in hasta, salvat Dominus; ipsius enim est bellum, & tra-
det vos in manus nostras.* Pax itaq; & victoriâ à DEO
habentur. Quis autem hæc à DEO impetrabit, si
non Sacerdotes per sua sacrificia & Orationes? Mili-
tium

tum est, cum hoste pro Patria decertare, Sacerdotum est, auxilium illis à DEO implorare, sine quo nihil gloriosi præstare poterunt. Quamobrem eo fine Constantinus M. in bello Persico, tabernaculum in Castris adinstar templi figi iussit, in quo sacra peragebantur, & cuius Legioni tanquam mobile templum erat, in quo Sacerdotes sacrificia DEO, implorantes Militum robur, offerebant. Hinc ortæ sunt Missæ Castrenses. Duos Theodosios Imperatores, ardentissimis Sacerdotum orationibus, plures victorias comparasse, quam armatis copiis, testantur Historici. Et certè si DEUS pro nobis, quis contra nos. Non numerosus exercitus, sed dextera DEI parit victoriam. Gedeon trecentis tantum viris stipatus, innumerabiles hostium delevit copias. Quid Josuen, Moysis successorem, quid Jephthen & alios viros commemorem? Constantinus M. non tam numero Militum, & robore exercitus, quam Christi præsidio, & in signo Crucis vicit Maxentium. 2. Paralip: 16. *Venit Hanani Propheta ad Aza Regem Juda, & dixit ei: quia habuisti fiduciam in Rege Syriae, & non in Domino DEO tuo, idcirco evasit Syriae Regis exercitus de manu tua. Nonne Aethyopes & Lybies multo plures erant quadrigis & equitibus, & multitudine nimia, quos, cum Domino credidisses, tradidit in manu tua. Oculi enim Domini contemplantur universam terram, & præbent fortitudinem his, qui in corde perfecto cre-*

dunt

dant
præse
Cum
ab h
tos d
num
milit
hujus
dech
enim
Abra
gente
volu
est D
ejus:
tibi l
suam
tum
meum
DE
contr
& H
ret
missi
bat
Israe

dant in eum. Stulte igitur egisti, & propter hoc etiam ex
 presenti tempore adversum te bella consurgent. *Genes. 14.*
 Cum audisset Abram captum esse Loth fratrem suum
 ab hostibus, numeravit expeditos vernaculos trecentos
 decem & octo, & persecutus est eos. Adorsus est
 numerosum & fortissimum exercitum non exercitato
 milite vicit 4. Reges & prædam recepit. Vis nosse
 hujus victoriæ auctorem. DEUS ipse fuit. *Melchisedech*
 enim Rex Salem, proferens panem & vinum (erat
 enim Sacerdos DEI altissimi) benedixit & ait: Benedictus
 Abram DEO excelsio, & benedictus DEUS excelsus, quo prote-
 gente hostes in manibus tuis sunt. *Numer: 6.* DEUS sic
 voluit benedici populum à Sacerdotibus: Locutusq;
 est Dominus ad Moysen dicens: Loquere Aaron & filiis
 ejus: sic benedicetis filiis Israël & dicetis eis. Benedicat
 tibi Dominus, & custodiat te. Ostendat Dominus faciem
 suam tibi, & misereatur tui. Convertat Dominus vultu-
 tum suum ad te, & det tibi pacem. Invocabuntq; nomen
 meum super filios Israël, & ego benedicam eis. Hæc est
 DEI promissio! *Exodi 17.* Venit Amalech et pugnabat
 contra filios Israël in Raphidim -- Moyses autem & Aaron
 & Hur ascenderunt super verticem collis. Cumq; leva-
 ret Moyses manus, vincebat Israël; sin autem paululum re-
 misisset, superabat Amalech. Quamdiu Moyses eleva-
 bat manus ad cælum supplicando DEO pro victoria
 Israelitarum, tamdiu Israelitæ superabant hostem; si

verò levare manus destitit, superabat hostis. Ut itaq;
 plena esset victoria penes Israelitas, Aaron & Hur su-
 stentabant manus Moysis ex utraq; parte, fugavitq;
 Josue Amalech & populum ejus *in ore gladii*. Eam
 quoq; ob causam *Ezech 22*. DEUS de populi sui iniqui-
 tate vindictam sumere coactus, quærebatur, quod
 nullus sacerdotum se objecisset pro avertenda ejus irâ:
Et quasi vi de eis virum, qui interponeret sepem, & flaret
oppositus contra me pro terra, ne dissiparem eam, & non in-
veni. Et effudi super eos indignationem meam, & in igne
ira mea consumpsi eos Hoc est, si vel unicus sacerdos
 repertus esset, qui DEUM deprecatus fuisset, ut iram
 suam averteret, misertus fuisset DEUS populi sui.
 Exercitus etiam numerosissimus, si fuerit flagitiosus,
 DEUM non ad ferendum sibi auxilium, sed ad scele-
 rum suorum vindictam provocabit; proinde necesse
 est, ut sacerdotes suis sacrificiis DEUM reddant ei pro-
 pitium. Placet hujus ævi Politicis, numerosissimos
 habere Patriæ Defensores, ac Boni publici Conserva-
 tores, placeat quoq; quàm plurimos recensere Exora-
 tores ad DEUM, à quo dependet Regnorum Defensio
 & Conservatio, quo propitio, regna prosperantur,
 offenso, corruunt, ac de gente in gentem transferun-
 tur. Zelant pro conservando Milite, cujus fortitudi-
 ne & robore, conservatur Regnum, & bene est; Uti-
 nam sic zelent pro conservandis spiritualibus, quorum
 sacri-

sacri
forti

Proff

E

tuali
ritua
exti
locu
non
Pia
nisl
prot
lonia
proff
sed q
sic C
cale
agri
gene
ex v
Chri
Prin

sacrificiis & orationibus conservatur Militum robur & fortitudo.

§. 6.

*Prosperi sunt successus illorum Regnorum, in quibus DE-
culius, Ecclesiarum decus, ac status spiritualis
observatio viget.*

EXperientiâ didicimus, Principes & Reges, quod 7
liberaliores in DEum & reverentiores Status spiri-
tualis fuerunt, (seu uerius, Christum in Personis spi-
ritualibus venerati sunt) eò terribiliores suis hostibus
extitisse, ac DEum eorum Regna ampliâsse, opibus
locupletasse, ipsosq; Principes exexisse. Peregrina
non adduco exempla, cum domestica habeam. De
Piaſto Principe Regni nostri Poloniæ sic scribit Sta-
nislauſ Lubinski, Episcopus Płocensis in Respon: ad
protest. fol. 302. *Ad annum usq; 965. nullus erat (in Po-
lonia) qui publico Nomine Religionem Christianam palam
profiteretur, non quòd ea res Principum edictis vetaretur,
sed quod nullus esset, qui Statum Religionis ad normam Eccle-
siæ Catholici formaret, Regibus ipsis, nondum Sacramentis
caelestibus, imbutis. Quanquam quis vetat suspicari Piaſtum
agri Crusviciensis Colorem, ob piam liberalitatem ex humili
genere ad summum Principatus fastigium evectum, aliquid
ex veritatis lumine hausisse? Abavus is fuit Miecislai, qui à
Christianis subditis suis (qui jam tum frequentes etiam ex
Primoribus fidem Christianam colebant) ut damnato cultu
falso.*

falsorum Deorum, Christianus & ipse fieret, ac uxorem
 Christianam Dabrowkam Boleslai Bohemia Regis sive Ducis
 filiam duceret persuasus, primus se Christianum Principem
 esse palam professus est. De Piaſto quidem memorant scri-
 ptiores, illum, dum hospitalitatem coleret, sanctos Joannem
 & Paulum Romanos Martyres, sub Juliano Apostata olim
 Martyrio coronatos, hospitio excepisse, & penu ejus illorum
 beneficiò ita auctum fuisse, ut pauper rusticus eo interregno,
 quod mortem Popieli Tyranni & Parricide Principis conse-
 cutum est, universum Procerum Polonorum, qui ad eligen-
 dum novum Principem convenerunt cætu, convivio exce-
 perit, & ob eam causam suadentibus ipsæ sanctis, Rex re-
 nuntiatus fuerit. Quis enim non meritò in eam veniat suspi-
 cionem, sanctos illos, vitæ jam sanctos, sive etiam ij Angeli
 fuerint, ut aliqui existimant, nonnisi viro vera pietate im-
 buto, apparere, eumq; pietate cælesti imbuere voluisse? Sic
 DEus hujus Piaſti liberalitatem in servos suos & pie-
 tatem, sublimi principatu compensavit. De Bole-
 slao Chabri Principe Regni nostri scribunt Dlugossius
 & Cromerus: quòd zelosissimus fuerit in promovenda
 S. Fide Catholica, & extirpanda Idololatria. Pluri-
 mas fundavit & dotavit Ecclesias, Episcopatus, Mo-
 nasteria & pia loca. Nulla autem in re erat severior,
 quàm in contemptu Religionis, Templorum profana-
 tione, & sacerdotum injuriis atq; contumeliis vindi-
 candis. Omnes Ecclesias & Bona illarum ab oneribus
 publi-

publicis, & bellicis libera fecit, & perpetua libertate in ævum donavit. Sacerdotes summè venerabatur, & ab omnibus coli volebat, nec sedebat stante sacerdote, nisi & ille assedisset. Tanta fuerat hujus Principis in Ecclesias, & statum spirituales pietas, ac reverentia ! quam illi DEUS abundantissimè retribuit. Nam in multis cum hoste præliis semper evasit victor, ac Regni ejus limites DEUS dilatavit. In oriente ad fluvium Boristenem crexit columnas ferreas in limites. In Occidente ad fluvium Salam in Saxonia : in Septentrione ad fluvium Ossa dictum victrici Manu sua posuit Regni sui terminos. Vicit opulentissimos & fortitudine præstantes Russos, cum quibus in dimicando Constantinopolitanis Imperatoribus non leve negotium fuit. Subjugavit suo Principatui Prussiam, domuit Germanos, & Saxones, adjunxit Bohemiam, Moraviam, Cassubiam, Pomeraniam. Plures ejus victorias numerabis, quàm legeris. Sic Principis hujus Nomen Deus Orbi celebre fecit, ac primi Regis caput Regio diademate per Otthonem III. Imperatorem coronavit. Plura exempla non recenseo, satis sit innuisse : tamdiu in Regno Nostro prosperrimos fuisse progressus, quamdiu pietas in DEum, cultûs Divinî zelus, Sacrarum ædium decor, ac Immunitatis Ecclesiasticæ conservatio, cordi Polonorum erant : ast ubi horum neglectus fieri capit, cuncta in pejus sensim com-

D

mutata,

mutata, ac omne calamitatum genus invasit Poloniam.
Ut testatur Polona Historia.

8 Ad præfatam veritatem comprobendam adduco
Epistolam Alexandri Papæ VI. quam Philippo Archi-
Duci Austriæ, Burgundiæ & Brabantia Duci, cum
in Brabantia jura Ecclesiastica impugnarentur, scripsit,

Dilecte Fili. Salutem &c.

„ Auctoritatem S. Sedis Apostolicæ in tuis Do-
„ miniis & præsertim in Ducatu Brabantia, contemni,
„ libertatem Ecclesiasticam tolli, multorum fide di-
„ gnorum testimoniô intelligentes, mirati sumus, pa-
„ riter & doluimus. Nec sanè id Nobilitati tuæ ad-
„ scribimus, qui per ætatem fortasse perspicere non
„ potes, quantum ista conscientia, honoriq; tuo ob-
„ sint, cùm tamen in tenera ætate, optima indole,
„ & ingenio, ut audivimus præditus sis, Præceptoris
„ vicem apud te sustinere posse facillè credimus. Qua
„ de re te hortamur in Domino, utquo magis Rex
„ Regum DEus, tuum Principatum stabiliat, inter
„ cætera tuæ institutionis præcepta, id primum esse
„ non negligas, quòd DEum colas, DEum timeas, &
„ illum in suis Ministris venereris. Ecclesiastica Jura,
„ nullo unquam tempore violari permittas. Aposto-
„ licæ quoq; sedis auctoritatem, & Christi Vicarii Ju-
„ risdictionem à tuis subditis dilaniari, non finas, &
„ si quid in his sub tuæ Nobilitatis umbra temere com-
missum

missum fuit, id mox emendari, ac in irritum revo-
cari facias, ne ad culpam tibi imputetur, quod te
permittente in detestabilem traheretur abusus.
Nam qui secus egerit, non facile reperies quem-
quam ex his prosperè regnasse; sunt tam sacri quàm
gentilium codices pleni exemplis. Intellige ex tuis
Aulicis, quàm felicibûs tui Progenitores donec hæc
observaverint, claruere successibûs Tu igitur disce
Juvenis sic Principatum tenere, ut Christo Principi
Regum terræ, qui te fecit Principem, quod opta-
mus, placeas; ne tandem cadas, sicut unus ex Prin-
cipibus, priusquam consenescas. Datum Romæ,
&c. die 22. Octobris, 1492. Pontificatûs Nostri Anno 1.

§. 7.

*Plurimum & sibi & Regnis nocent, qui Ecclesiis vel Bonis
illarum aliquam inferunt injuriam.*

Quantùm sint DEO & hominibus execrabiles illi,
qui Tempia expilare, Bona Ecclesiastica invade-
re, eaq; spoliare præsumunt, plenæ sunt exemplis tam
sacræ, quàm profanæ Eccles: Historiæ. *Daniel. 1. & 4.*
Nabuchodonozor Rex Assyriorum, postquam DEI
templum fuisset deprædatus, in bestiam mutatus est.
Ibid. c. 5. Balthasar filius ejusdem quòd in profanos
usus sacra vasa convertisset, hostium manibûs perem-
ptus, & Regnum ejus alienis traditum. *2. Machab. 9.*
Antiochus Rex ob eandem causam à vermibus con-
sumptus.

sumptus. *Ibid.* c. 3. Heliodorus expilator templi graviter flagellatus. Plura suppeditant scriptores Christiani, apud quos legitur, Julianus Juliani Apostatae & Imperatoris Avunculus, cum ex Antiocheno templo sacra vasa abstulisset, repente saevo morbo correptus, & miserrimo saedoq; mortis genere extinctus est; Cuius etiam Quaestor, & in spoliando Templo adjutor Felix, rupta repente vena, animam cum sanguine evomens, celeriter est extinctus & consumptus. Isacius Italiae Exarchus, quod Lateranensis Basilicae sacrarium eousq; intactum spoliasset, repente vita privatus est. Mauritius vero Chartularius, qui Isacium ad sacrilegium induxerat, cum maxima ignominia est peremptus, DEO utriusq; Sacrilegium, miserabili morte vindicante. Trithemius tradit, nonnullis à DEO revelatum esse, Dagobertum Galliae Regem, quod Ecclesias expilasset, ad Tribunal DEI citatum fuisse; Carolum vero Martellum celeberrimum Ducem Pipini Patrem, & Caroli M. Imperatoris Avum, suppliciis æternis esse destinatum, quod templorum Thesauros usurpasset, & in Militum stipendia convertisset. S. Injuriosus Clotario Regi Francorum, dum tertiam partem proventuum Ecclesiasticorum thesauro suo applicare vellet, dixit: *Si volueris res DEI tollere, Deus tibi Regnum velociter auferet, quia iniquum est, ut pauperum stipe, quos tuo debes alere horreo impleantur: ut scribit S. Gre.*

Gregorius Turon. l. 4. c. 2. Si Ecclesiastici 10. dicitur:
*Regnum à gente in gentem transferetur propter injustitias, & injurias, & contumelias, & diversos dolos; multò magis transferetur propter injurias ipsi Christo, & ejus Patri-
 monio illatas. Quidquid enim Ecclesiis à Fidelibus datum est, id DEO & Christo consecratum est. DEO facit injuriam, qui Ecclesiam spoliat, Deusq; sibi illatæ injuriæ vindex est. Josue 6. Dixit Josue ad populum DEI: Quidquid auri aut argenti fuerit (in expugnata Jericho) & Vasorum aneorum, ac ferri, Domino consecratur repositum in thesauris ejus. Filii autem Israel prævaricati sunt mandatum, & usurpaverunt de Anathemate; Nam Achan Filius Charmi tulit aliquid de anathemate, iratusq; est Dominus contra Filios Israël. Cùm enim ascendissent ad expugnandam Civitatem Hai, statim terga vertentes percussi sunt à viris urbis Hai, & corruerunt ex eis triginta & sex homines, persecutiq; sunt eos adversarii de portâ usq; ad Sabarim, & ceciderunt per prona fugientes, pertimuitq; cor populi. Josue verò scidit vestimenta sua, & pronus cecidit in terram coram Arca Domini nesciens causam, cur DEUS iratus esset. Dixitq; Dominus ad Josue: surge, cur jaces pronus in terra? Peccavit Israël & prævaricatus est pactum meum, tuleruntq; de anathemate, & furati sunt atq; mentiti, & absconderunt inter Vasa sua, Nec poterit Israël stare ante hostes suos, eosq; fugiet, quia pollutus est anathemate, non ero ultra vobiscum donec*

conteratis eum, qui hujus sceleris reus est. Sic propter
unius hominis commissum sacrilegium, nempe pro-
pter pallium coccineum, ducentos siclos argenti, & re-
gulam auream quinquaginta Siclorum, quæ DEO de-
dicata fuerant, furto sublata, DEUS totum punivit
populum. Ita evenit, ut propter rapinas & sacrile-
gia Militum, DEUS Regnis subtrahat victoriam. Re-
ferunt nostræ Polonæ Historiæ Casimirum Regem Po-
loniæ, à Crucigeris prælio victum esse, ob eam causam
(ut revelatum à DEO fuerat Sędzivoio Canonico Gne-
snensi) quòd exercitus ejus Ecclesiis & bonis illarum,
multa intulisset damna. Observatum quoq; est sæpe,
Violatoribus Bonorum Ecclesiasticorum, nihil pro-
sperè & ex voto succedere, imò non solum Ecclesiasticas
facultates, quas per rapinam occupârunt, sed etiam
propriâs, cum quibus permiscuerunt, è manibus eorû
dilabi, ac penitus interire. Expertus est Henricus VIII.
Rex Angliæ, cum suo magno Regniq; sui damno, qui
Apostata à Fide Catholica factus, cum in Monasterio-
rum ac Templorum omnium facultates sacrilegè invo-
lasset, & ex illis ingentem thesaurum collegisset, non
solum thesaurum illum evanuisse, sed totum etiam
ærarium suum evacuatum esse, advertit. Quamvis
enim tunc nullum haberet hostem, contra quem mi-
les fovendus esset, tamen ad eam redactus est egesta-
tem, ut eam nullis exactionibus, quibus populum sibi
subje-

subjectum opprimebat, relevare potuerit, quamdiu
vixit. Carolo VII Regi Galliae ad extrema redacto &
destituito necessariis ad continuandum bellum in Nor-
mandia cum Anglis, qui Provinciam illam ei eripue-
rant, à quo Regni pax & tranquillitas pendebat, Nor-
mandicae Ecclesiae Praefectus suavit, ut in belli subsidium,
Ecclesiasticas Decimas & sacra vectigalia converteret,
facturum se id negavit Rex, asserens, malè cessisse Prin-
cipibus nonnullis, qui ausu temerario eam rem tenta-
re praesumpserant. Leo Pontifex Emmanueli Regi
Lusitaniae concesserat, ut tertiae & decimae Vectiga-
lium Ecclesiasticorum in sumptum bellicum contra in-
fideles in Africa tribuerentur, sed concessionem illam
Rex remisit, dicens: sibi, ex quo hac Pontificis beni-
gnitate fuerat usus, nihil feliciter successisse. In Ca-
pitulis Caroli M. & Lotharii Augustorum haec habentur:
*Novimus multa Regna & Reges eorum propterea ce-
cidisse, quia Ecclesias spoliaverunt, resq; earum vastave-
runt, abstulerunt, alienaverunt, & diripuerunt; Episco-
pisq; & Sacerdotibus, atq; quod majus, Ecclesiis eorum
abstulerunt, & pugnantibus dederunt. Qua propter nec
fortes in bello, nec in fide stabiles fuerunt, nec victores ex-
iiterunt; sed terga, multi vulnerati & plures interfecti,
verterunt, Regnaq; & Regiones, & quod pejus est, Regna
caelestia perdiderunt.* Hinc Basilii Imperator à Gracis
Porphyrogenerita dictus, legem à Nicephoro Phoca la-
tam,

ram, qua vetabat Ecclesias Bonis immobilibus locupletari, prætexens prodigalitatē Episcoporum, quos aiebat in pauperes erogare ea, quæ justius donarentur militibus fame & inediā pressis, improbavit & abrogavit, hanc causam allegans: *Ex quo hæc lex (scilicet Nicephori) est observata, nihil boni penitus in hodiernum usq; diem Vitæ nostræ occurrit, sed contra, nullum penitus calamitatum genus defuit.* Ita Garzias à Loyla in annot. ad *Concil. Toletan. 6.* & addit: Nicephori statutum, fuisse causam omnium malorum, quæ tunc Imperium affligebant, & radicem universalis subversionis & confusionis illud perturbantis. Considerate hæc DD. Politici, & advertite, utrum eadem de Regno Nostro nequeant dici? Observatum hoc quoq; ab Historicis, quod infallibile sit signum futuræ mutationis Regni & Reipub: dum Ordo Politicus impugnat Immunitates Ecclesiasticas. Talia fuerant in Regnis Bohemiæ, Hungariæ, Sueciæ mutationis initia. Constat item ex Historiis, quod Familiæ Spoliatrices Ecclesiarum ac Bonorum illarum, non diu duraverint vel ad extremam devenierint egestatem. Habemus nos quoq; in Regno nostro, tam antiqua, quàm recentia hujus rei exempla domestica, in quo Familias deprædatrices Ecclesiarum & Bonorum earum, ita delevit DEUS, ut amplius earum non exstet memoria. Utinam his exemplis percellantur Politici, Ecclesiasticam impugnantes Immunitatem, sibiq; id eventurum metuant. §. 8.

Convulsio Jurium & Privilegiorum Ecclesiasticorum, est dispositio ad exterminandam e Regno S. Fidem Catholicam.

AD probandam hanc veritatem, sufficiat unicum ¹⁰ exemplum in Regno Sueciæ. Ante Lutheri Sectam hoc Regnum fuerat Catholicum & Liberum, quemadmodum Regnum nostrum Poloniæ. Ad inseminanda sua Dæmoni in Catholico Regno Sueciæ zizania, & expellendam inde fidem Catholicam, talis usus est astu. Regnante Rege Gustavo Woza, Anderson Cancellarius Regni sectâ Lutheranâ infectus, suavit Reipub: Sueticæ adhuc Liberæ, & induxit eam ad condendas statui spirituali præjudiciosas, ac Immunitatis ejusdem sublativas Constitutiones, quæ fuerant tales. Ut Episcopi & Spirituales suis Bonis privarentur; Ut Episcopi à Senatu excluderentur. Ne Spirituales in Bona succederent. Ut Décimæ Spirituum in alendum Militem converterentur. Ut omnes Fundationes à Regibus factæ tollerentur; & Bona immobilia redirent ad Fiscum Regium. Ut Nobilibus liceret Bona à suis Antecessoribus Ecclesiis applicata, repetere, vel onerata, pecuniis redimere. Ut supellex argentea vel aurea, & Campanæ Templorum in exsolvenda Regni Sueciæ debita, quæ tunc Lubecæ Civitati Anziaticæ debebantur, converterentur. Hæc ubi

E **decisa**

decisa sunt à Libera Repub. Suetica, & executioni mandata, spirituales exesse è Regno Suetico coacti sunt, cum quibus S. Fides Catholica expulsa, Hæresis Lutherana introducta, & post brevi absolutum Dominium. Trutinent nunc hujus ævi Politici, citas Constitutiones, & considerent, utrum non sint eadem cum suis pragmaticis. Hac via etiam illi S. Fidem Catholicam è Regno Poloniæ expellere, & oppositas eidem Sectas introducere, num non intendant? videant. Expulsis enim spiritualibus, vel diminutò notabiliter eorum numerò, serpentibus in Regno Hæresibus, quis se opponet? quis eas impedit? Hoc autem permissò, quid tandem expectandum? nisi ultimum S. Fidei Catholicæ, & Libertatis è Regno exterminium.

§ 9.

*Proprium est Hæreticorum & Atheorum, statum spiritua-
lem persequi & odisse, ac ejus Jura & Privilegia
impugnare.*

II **P**rimum veritatis punctum sic probatur. Nemo negare potest, qui est gnarus Historiarum de Origine Hæresum, quod earum Primipili suos errores ac Sectas ab impugnando statu spirituali, exorsi fuerint. Prima illorum dogmata fuere, contra S. Sedem Apostolicam, contra spirituales & eorum Jurisdictionem, contra Ecclesiastica Bona & Possessiones, consequenter

contra

contra Jura , Privilegia , & Immunitatem Ecclesiasticam. Unus & alter Hærefiarcha , huic veritati probandæ sufficiat. Joannes Wicleff , quem Constantiense Concilium declaravit Hæreticum & ejus ossa exhumari ac comburi mandavit , spirituales impugnavit statum ; quem ut fidelibus exosum redderet , multa in eum confinxit contumeliosa & injuriosa , quæ S. Sedes Apostolica , pro blasphemis , scandalosis , seditiosis , temerariis ac hæreticis declaravit. Inter propositiones 45. à Concilio damnatas , reperiuntur sequentes. Propositio 4. si Episcopus vel Sacerdos est in peccato mortali , non ordinat , non conficit , non consecrat , non baptizat 8. Si Papa sit præcitus & malus , per consequens membrum diaboli , non habet potestatem super fideles , nisi forte à Cæsare. 9. Post Urbanum VI. non est aliquis recipiendus in Papam , sed vivendum est more Græcorum sub propriis legibus. 10. Contra Scripturam S. est , quod Ecclesiastici habeant possessiones. 16. Domini temporales possunt ad arbitrium suum auferre Bona temporalia ab Ecclesia , possessionatis habitualiter delinquentibus. 18. Decimæ sunt puræ eleemosynæ & Parochiani possunt propter peccata suorum Prælatorum ad libitum suum auferre eas. 20. Conferens eleemosynam Fratribus , est excommunicatus ipso facto. 21. Siquis ingreditur Religionem privatam

qualem cunq; , redditur ineptior, & inhabilior: ad observantiam Mandatorum DEI. 22. Sancti instituentes Religiones privatas, sic instituendo, peccaverunt. 23. Religiosi viventes in Religionibus privatis, non sunt de Religione Christiana. 29. Universitates, studia, Collegia, graduationes & Magisteria in eisdem, sunt vana gentilitate introducta, & tantum profunt Ecclesiæ, sicut Diabolus. 30. Excommunicatio Papæ, vel cujuscunq; Prælati, non timenda, quia est Censura Antichristi. 31. Peccant fundantes Claustra, & ingredientes, sunt viri diabolici. 32. Ditare Clerum est contra Regulam Christi. 33. Sylvester Papa & Constantinus M. erraverunt Ecclesiam dotando. 34. Omnes de Ordine Mendicantium sunt hæretici, & dantes eis eleemosynam sunt excommunicati. 35. Ingredientes Religionem sunt inhabiles ad observandum divina præcepta, & per consequens ad perveniendum ad Regnum cælorū, nisi apostataverint ab eisdem. 36. Papa cum omnibus Clericis suis possessionem habentibus, sunt hæretici, eo quod possessionem habent, &c. &c. Alter Hæresiarcha Martinus Lutherus, Apostata à Religione & S. Fide, inter errores 41. à Leone X. damnatos, habet has propositiones: Romanus Pontifex Petri Successor, non est Christi Vicarius super omnes totius mundi Ecclesias ab ipso Christo in B. Petro institutus. Certum est, in manu Ecclesiæ

clesiæ aut Papæ prorsus non esse, statuere articulos fidei, imò nec leges morum, seu bonorum operum. Prælati Ecclesiastici, & Principes seculares, non malè facerent, si omnes saccos mendicitatis tollerent, &c. Quamobrem præfatus Apostata Principibus secularibus suadebat, ut nullas fundationes spiritualium facerent, factas tollerent, ut Bona spiritualibus auferrent, eosq; è suis ditionibus exesse juberent. Hinc ejus Afsectæ, cum aliquod Regnum, Provinciam vel Urbem, suâ inficerent Sectâ, à spoliandis Ecclesiis, ab expellendis inde spiritualibus, à Bonis Ecclesiasticis diripiendis inchoabant. Sic in Suecia (ut immediatè dictum) in Livonia & aliis plurimis locis practicatum est. Eadem fuere sectæ Calvinianæ seu Hugonottorum in Francia initia. Ex his patet, quanta sit in Sacerdotes Christi, in statum spiritualem, & in ipsum summum Caput Ecclesiæ concepta hæreticorum rabies, quorum proprium est statum spiritualem, & Jura ejus impugnare. Perpendant nunc Politici adductas Hæreticorum propositiones, & cum suis statistis (ut vocant) conferant principiis. Nonne ejusdem sunt sensus & spiritus? revocent in memoriâ illud non pridem in vulgus sparsum, scandalosum, & injurium S. Sedi Apostolicæ, rogo dignum scriptum, in quo ex occasione Breviis S. M. Clementis XI. in Poloniam Anno 1711. die 28. Julii dati, quidam ex illis, canino dente Au-

toritatem Pontificiam, & Jurisdictionem proscindunt; ac pro more suo, nullam Vicario Christi reverentiam & obedientiam præstandam, vulgo persuadere nituntur. Prætendunt, ut Jurisdictio spiritualium circumscribatur, ut Bona & redditus eorum, ad minorem redigantur numerum, & similia. Hoc idem ij sentiunt qui novas Sectas secuti, pulsam è Regnis suis volunt Religionem Catholicam. Ex his quisq; inferat, tales cujus sint spiritus!

12 Progredior ad secundum probandum veritatis punctum. Nomine Athei formalis intelligo eum, qui absolutè negat existere DEUM, vel saltem positivè deliberatè dubitat, utrum existat DEUS. Qui itaq; impiè negant DEUM existere, ad multa erronea, scandalosa & blasphema se resolvunt dogmata; impias & execrandas ex negata existentia DEI inferunt consequentias, quæ sunt hujusmodi. Siquidem non datur DEUS, nec cultus verus DEO vero ab hominibus exhiberi debet. Ut quid ergo tantis sumptibus, tam magnifica exstruuntur templa aurea vel argentea sacra supellex in honorem DEI, qui non existit? Quid si quis Chimæram adoraret, in honoremq; ejus amplissimas ædes exstrueret? nonne unius dementiæ arguendus esset? Avaritia est hæc hominum, qui se spirituales & servos DEI faciunt, ut seducant homines, & sub specie cultûs DEI colligant ingentes opes, se locu-

locupletent, & Republicas depauperent. Hæ sunt
blasphemæ impiorum Atheorum illationes. Juvat
Atheos in hac execranda blasphemia Nicolaus Machia-
vellus omnis Religionis expers, judiciò Doctorum
Atheus, sic asserens: *Religionem extrinsecus colito, sed
nullam habeto. Virtutes habeto in ore, nibili tamen faciendæ,
ne Religio quidem.* O quam astutè docet Atheismum
regi! vult simulari Religionem, cultum DEI, & nul-
lum haberi. Ad oculum, Catholicum esse, & intus
Atheum. Hæc est Atheo-Policorum hujus ævi vi-
vendi ratio, ne se manifestent Atheos. 2dum est, quod
asserunt Athei Animam hominis non esse immortalem.
Dicunt illi, quod post mortem hominis anima statim
intereat, sicut animæ brutorum intereunt. Verè bru-
tarum mentium ea ratiocinatio! Hæc impia Atheo-
rum doctrina omnia nefanda suadet scelera; permittit
homicidia, adulteria, perjuriam, rapinas, oppressiones pau-
perum, seditiones in Regnis, Tyrannides; & alia
omnia, quæ cogitari possunt enormia crimina, præ-
cipuè in potentioribus; idq; ex eo: quia non est, quod
ab his sceleribus hominem deterreat. Non pæna
æterna! nam ipse Machiavellus monet: *de æternitate
non sis sollicitus*, post mortē enim, quid timendū, à quo?
& cui? si nec DEus puniens datur, nec anima post mor-
tem vivit. Unica pæna temporalis metuenda à poli-
tica Jurisdictione infligenda, cujus evadendæ poten-
tiores

tiores mille habent artes. In his duobus impiis erroribus fundati Athei, nullam esse necessitatem Cultus divini, & status spiritualis judicant. Frustra enim id colitur tantis expensis, quod non est. Status etiam spiritualis ad eundem finem ordinatur, ut DEum sacrificiis, & orationibus colat, ejusq; cultum promoveat. Item functio status spiritualis est, DEum pro peccatis populi placare, salutem animarum procurare, &c. hæc autem functio cui usui? cum peccata hominibus post mortem nihil noceant, & salus æterna animarum utpote mortalium nulla detur. Habemus itaq; sensum Atheorum, quid de cultu DEI, quid de sacrificiis & Orationibus spiritualium, quid de eorum necessitate sentiant. Nunc ex Politicis quaero. Cum suadent Nobilitati, ne plures Ecclesiarum, & piorum locorum fiant Foundationes, (nisi fortè id in præjudicium tertii fieret, quod tunc esset justitiæ) ut factæ diminuantur, cujus rei creant suspensionem, quid per hoc intendunt? nonne id, ut cultus DEI non promoveatur, sed potius diminuatur? ut pauciores sint Sacerdotes & sacrificia ad placandum DEum pro populo, ut pauciores sint Ministri DEI procurantes salutem animarum. Quod in rei veritate est, velle, ut Cultus DEI, & Religio amplius non augeatur vel absolutè tollatur, & salus æterna fidelium negligatur. Id velle potestne verus, & zelosus Catholicus.

Solvuntur Objectiones Politicorum contra Statum Spiritualem.

Objicitur 1. Spirituales sunt avari. *Re.* Quæro ex 13 te Politice, in quo hanc constituis avaritiam? Quia, quæ ipsis ex vi foundationum debentur, exigunt, quia contra iniquos Retentores Censuum, contra Raptores Decimarum jure agunt? hæccine est avaritia? Ergo ego quoq; te Politice avarum dixero, cum tu Jura tua, & ab aliis iniquè possessa Bona jure vindicas. Ergo omnes damnandi avaritiæ tuò judiciò, qui in Judiciis Castrensibus, Terreſtribus & aliis ſubſelliis, ab injuſtis poſſeſſoribus, ſua jure repetunt. Ergo Milites, & Servi, avari dicendi, qui pro ſuis obſequiis debitum præſtendunt à Repub: & Dominis ſuis ſtipendium. Sic Politice Spirituales inſimulas avaritiæ, quia ſua, quæ ſibi jure debentur, exigunt; & tu non es dicendus avarus? qui nullo jure habito, Bonis Spirituallium inhias, eoſq; velles omnibus ſuis facultatibus ſpoliandos. Item Spirituales tuò judiciò, Politice, ſunt avari, quando retentos Censuum ſibi Decretò ſubſelliorum adjudicatos, Jure vindicant, tu verò minimè es avarus, qui eoſdem Spirituallibus debitos, reſtituere renuiſ? ita ut Spirituallibus, repetitis vicibus Jure contra te ſit agendum. Feſtucam vides in oculo fratris tui, trabem autem, quæ in oculo tuo eſt, non conſideras?

erro-
cultus
enim
etiam
m sa-
omo-
pro
cura-
ccata
æter-
Habe-
quid
de co-
uæro.
, &
id in
itiæ)
nem,
non
cioreſ
pro
antes
velle,
r vel
atur.

deras? Hypocrita ejice primum trabem de oculo tuo. Item, quid infertis inde DD. Politici? Spirituales sunt avari: ergo foundationes novæ non admittendæ, ergo antiquæ minuendæ, &c. Considerate, si estis boni Dialectici, quæ ista Consequentia? num hæc Spiritualium (quam dicitis) avaritia, ingens Reipublicæ intulit damnum? num Spirituales deprædati sunt publicum Reipub: ærarium? num in aliquo defraudarunt Rempub: ? num Militem Reip. vel quempiam injuriarunt in stipendio? num in Bona aliena violenter nullo habito jure involarunt? Utinam sic animadverteretis in eos, qui hæc faciunt? Alia verò avaritia, ut accipere pretium pro sola præcisè administratione Sacramentorum, pro baptismo, pro assistentia Matrimonio, pro sepultura &c. ut labes simoniaca, per Sacros Canones, à Domo DEI proscripta est.

44 - Objicitur 2. Spirituales scandalosè vivunt. R. Gravissimè indolendum ac ingemiscendum, quòd aliqui reperiantur ejusmodi. Utinam tales percellantur illis Verbis Christi Matth: 18. *Qui scandalisaverit unum de pusillis istis (id est quemcunq; hominum) qui in me credunt, expedit ei, ut suspendatur mola asinaria in collo ejus, & demergatur in profundum maris. Væ illi, & æternum væ homini illi, per quem scandalum venit! Utinam talis homo natus non fuisset! eò enim gravior talem manet æterna damnatio, quò magis ex vi officii sui, &* obli-

obligationis exemplo omnibus præesse debuerat. Peccata enim per se maxima, longè majora sunt in Sacerdotibus, quàm in privato homine, ratione dignitatis, & eminentiæ. Cæterum DD. Politici monendos vos vellem, meminisse illius auro notandi dicti Constantini M. Imperatoris, qui narratur dixisse (ut habetur distin. 96. c. In scripturis) *Verè, si propriis oculis vidissem Sacerdotem DEI, aut aliquem eorum, qui Monachico habitu circumamicti sunt, peccantem, chlamidem meam expoliarem, & cooperirem eum, ne ab aliquo videretur.* Uti-
nam tantam hujus Cæsaris in Ministros DEI, & Patres Vestros Spirituales, pietatem, & reverentiam imitemini. Quod si crimen aliquod scandalosum in Ecclesiastico advertistis, in charitate ad eos, quorum scire interest, deferre, & statum spiritualem, in quo longe plures sunt sancti, & exemplares, malitiosè, & contumeliosè cum læsione conscientiæ vestræ, & obligatione resarciendæ famæ, nolite proscindere. Habent illi suos Superiores, quibus à S. Synodo Trident. sic præscriptum est Sess. 22. de Reformatione. c. 1. *Statuit sancta Synodus, ut quæ alias à summis Pontificibus, & à sacris Conciliis de Clericorum Vita, honestate, cultu, doctrinaque retinenda, ac simul de luxu, comessationibus, choreis, aleis, lussibus, ac quibuscunque, criminibus, necnon secularibus negotiis fugiendis copiosè ac salubriter sancita fuerunt, eadem in posterum iisdem penis vel majoribus arbitrio Ordinarii imponendis, observentur, nec appellatio ex-*

custonem hanc, quæ ad morum correctionem pertinet, suspendat. Si qua verò ex his in desuetudinem abiisse compererint, ea quam primum in usum revocari, & ab omnibus accuratè custodiri studeant, non obstantibus consuetudinibus quibuscunq; ne subditorum neglectæ emendationis ipsi condignas, DEO vindice, penas persolvant. Item advertite DD. Politici, utrum sit legitima hæc vestra consequentia? Spirituales aliqui scandalosè vivunt; ergo nullam habent jurisdictionem in Spiritualibus, ergo illis nulla præstanda reverentia, ergo privandi suis beneficiis. Si ita est? ergo vestrò judiciò, Collegium SS. Apostolorum damnandum est, proscribendum, quòd in illo Judas prævaricator, fur & proditor Christi repertus fuerit. O quàm toto erratis cælo! Numquid Princeps, Judex, Parens, eo ipso privatur jurisdictione, quia scandalosè vivit? Num ob eam causam, Principi à suis subditis, Judici à litigantibus, Parenti à filiis deneganda reverentia, & obedientia? Audite Christum dicentem Matth. 23. Super Cathedram Moysi, sederunt scribæ, & Pharisei. Omnia ergo, quacunq; dixerint vobis, servate & facite, secundum opera verò eorum nolite facere; dicunt enim, & non faciunt. Quid tuâ refert? quòd Medicus, qui tuæ valetudinis curam habet, sit licentiosæ vitæ vel malæ fidei, dummodo te sanet; audis illum, revereris; & Medico Spirituali id non præstabis?

Objici-

Objicitur 3. Ecclesiastici non satisfaciunt suæ obligationi. **¶** Triplex est genus obligationis Ecclesiasticorum; primum, quod concernit DEum, ut Residentia, Horæ Canonicae, & Sacrificium Altaris. Secundum, quod concernit subditos, ut Verbum DEI, instructio in rudimentis fidei, administratio Sacramentorum, &c. Tertium concernit ipsum Ecclesiasticum, ut honestas vitæ, functiones propriæ, Ecclesia &c. Si aliqui Ecclesiastici obligationi illi, quæ concernit Deum, non satisfaciunt, quis vos DD. Politici in hac Causa constituite eorum Judices? Habent illi forum internum, in quo DEus Judex est, qui severissimè sibi illatam injuriam vindicabit. Si qui hac in parte delinquant, sciunt, ad quid teneantur. Quod si obligationi illi, quæ fideles, & ipsos concernit non satisfaciunt, habetis DD. Politici Judices Ecclesiasticos, quorum munus est, ad id animadvertere, examinare, & corrigere. Denunciate, & causam suo relinquite foro. Judicent illi, qui si segnes fuerint, gravissimam DEO reddent rationem. Non tamen ex ea causa DD. Politici, à vobis privandi sunt Ecclesiastici suis redditibus, Censibus, ac Decimis. Non vestrum est, ea, quæ debentur fabricæ Ecclesiæ, & Christi pauperibus, propria auctoritate sequestrare, vel in vestros usus convertere. Quod DEo dicatum est, à nullo vestrum sinè sacrilegio usurpari potest: Quinimò DD. Politici, Census, quos debetis

Ecclesiis, in integro reddite, Decimas solvite, tum de-
 mum Ecclesiastici, quod eorum obligationis est, fa-
 cient. Sit primò Beneficium, & erit officium. Utinam
 tamen DD. Politici à vobismet ipsis vestræ obligationis,
 quæ ad conservationem Boni publici spectat, tam ex-
 actam exigatis rationem, & advertatis, quotus vestrum
 præscriptæ in Statuto Regni, & legibus satisfaciat obli-
 gationi; hoc, longè magis Bono Reip: conservationi S.
 Fidei & Libertati Vestræ proficuum esset.

16 Objicitur 4. Spirituales immiscent se Statui po-
 litico, & turbant Rempub: &c. Id imponitur vel Spi-
 ritualibus, qui unà sunt Senatores. & Ministri Statûs,
 vel privatis Ecclesiasticis. Si Senatoribus? officii illo-
 rum est Bono publico consiliis prospicere; si quid in
 publicis Conventibus, & Generalibus Comitibus dicunt
 conforme legibus Regni, & conservationi Reipub: con-
 sonum, non est id Rempub: perturbare, sed Bono pu-
 blico ex vi muneris, & obligationis suæ consulere, ac
 dirrigere, ne quid nocivum Bono communi statuatur.
 Quòd autem iidem strenuè, & laudabiliter se opponant
 pro DEO, & Ecclesiis, nec permittant quidquam præ-
 judiciosum Ecclesiasticis Juribus statui in Comitibus
 Generalibus Regni, id non est turbare Rempub:, sed
 est satisfacere suo Pastoralis zelo; est parere sacris Ca-
 nonibus, qui eos ad præfatum zelum sub gravissimis
 comminationibus obligant; est demum statum secu-

larem

larem dirigere, ac præmonere, ne statuendo quid convulsivum immunitatis Ecclesiasticæ, incurrat in Censuras. Filii S. Matris Ecclesiæ sunt, ejus mandatis obediunt. Legite hæc comminationes, quas consultò ad edocendos vos, infra adduco, N. 184. & seq. & N. 190. & seq. DD. Politici, & discite Patrum ac Pastorum Vestrorum exemplò, legibus S. Matris Ecclesiæ obedire, & eam revereri. Habetis vos leges Vestras Patrias, (nulla enim Natio & Regnum sine legibus) habent & Spirituales suas. Zelatis vos pro legibus vestris patriis, & bene agitis; Spirituales quoq; pro Juribus suis Ecclesiasticis zelare, (ut in conscientia teneantur) permittite. Ut quid itaq; illis id vitio vertitis? Si quis verò vestrum DD. Politici, secundum DEum, & conscientiam rectam censuerit, consilium Spiritualis esse nocivum Bono publico, habet liberum Veto. Habet item contra Perturbatores publicæ pacis (si qui sunt ex Spiritualibus) altissimam in S. Sede Apostolica potestatem, ad eam recurrat. Si privatis Personis id imponitur, quæ nec in publicis Conventibus, nec in Comitibus habent locum, sine fundamento id asseritur; nam talium Spiritualium vox nullius activitatis. Et quàmvis aliquid in privato dixerint, Senatorii, & Equestri Ordinis est, num proficuum id sit Bono publico, ponderare, nec privati hominis persuasione facile flecti.

Obji-

Objicitur 5. Quo fine tanta multitudo Spirituum? **¶** Bono publico, salutis animarum, & Majori Divinae Gloriam injurius est, qui paucitatem Spiritualium suadet; nam experientia docet, quod in illis locis, in quibus est paucitas Spiritualium, sit summa inter homines ruditas, tum in iis, quae ad cultum DEI, & animarum salutem sunt necessaria, tum in iis, quae ad bonos mores spectant. **DD.** Politici, diminuto numero Spiritualium, quis vestros filios ac populum rudem instruet in sana doctrina? in fide Catholica, in Christianis virtutibus, & morum integritate? Considerate illos Incolas; qui destituti Spiritualibus, vel ab illis longè distiti, quantum in sciendis rudimentis fidei, in politicis, & ad communem vitam necessariis moribus deficient? talibusne incultis Vestram vultis consistere Rempublicam? Comparete inter se Civitates, oppida, villas, & advertetis in illis, cultiores esse honestate vitae & morum homines, in quibus plures recensentur Spirituales. Cæterum tamen hoc stupendum, quod in tam numeroso (ut dicitis) Spiritualium catu, in multis locis, reperiantur rudissimi Incolae, quid fieret? si pauciores Spirituales essent. Multi ex vobis nunciant in fide Catholica, multa contra legem Divinam, naturalem, Ecclesiasticam, contra prima principia, quandoque doctiorum explodenda risu, in discursum adducunt, idque ex eo, quia rara illis cum Spiritualibus

libus conversatio ; cogitate , quales Posterī Vestri futuri essent , diminutō spiritualium numerō ? Quæritis adhuc DD. Politici , cui usui tam frequentes Religioforum Foundationes ? *æ* in bonum Vestrum , & commodum Reipub: ne filii vestri vel filiæ mendicent. Sublatīs enim Religiosarum Domorum Foundationibūs , Religiosarum Personarum decrescet numerus , filiisq; vestris ac filiabus ad Religionem præcludetur ingressus. Non admissīs autem ad Religionem filiīs ac filiabūs vestris , iisdem in seculo de honesta sustentatione , de possessionibus providendum erit , ac Bona immobilia , & mobilia inter illos dividenda : sicq; successu temporis , augebitur numerō nobilitas , sed decrescet opibūs. Plūs expendendum erit ad nuptias evolanti dotandæ filiæ , quàm Religiosam amplectenti vitam , expensum fuisset ; plūs in sericeas , in aurō textas vestes , in famulatum , in equos , in rhedas , quàm in grossum habitum. Credite itaq; DD. Politici , diminutīs Religiosis Claustris , ac Religiosis Christi pauperibūs , vestros Posterōs successu temporis inopes evasuros. Item eo fine necessaria est multitudo spiritualium , ut quotidie per sacrificia , & psalmodiam DEum colant , ac pro peccatis populi & vestris cum deprecentur. *vide § 4.*

Objicitur 6. Cui usui tam pretiosus Ecclesiarum 18
decor & splendidus apparatus ? *æ* Hæc est Atheo-
politicorum , & hæreticorum objectio , qui cum Juda
G Iscario-

Isariote dicunt : *ut quid perditio hæc ?* pauperibus, & alendis militibus perit, quidquid decori Domus DEI impensum est. Publico Reipub: decessit ærario, quidquid ad DEI cultum, ad excitandam populi Religionem, ad ornatum Ecclesiarum profusum est. O zelosos Boni publici promotores! Hæccine est perditio, quidquid in cultum DEI expenditur? & illæ vestræ sumptuosæ aliquot centenîs millibûs æstimandæ *tempore Bacchanalium* Collationes non sunt perditio? Multum decessit publico Reipub. ærario, militibus, & pauperibus, quidquid accessit in Ornatum Ecclesiis, nihil verò decessit, quidquid in luxum vestium, in lautissimâ convivia, in meretrices expensum est? nonne his expensîs miles, & pauper ali poterat? Dolendum! licitum est iudicio Politicorum, æternam damnationē, ipsum infernum, tantîs mercari sumptibûs, & æternam salutem non licet minoribûs? Ut æternū pereas, fas est tibi totam substantiam, & facultates abligurire, & nefas est partem illarum ad placandum DEum pro peccatis, ad promerendam vitam æternam impendere? Nonne hæc est impietas Atheistica? Quis unquam potest id homini, quod illi jure naturæ debetur, denegare? Sed redeamus ad Ecclesiasticum apparatus. Quæro ex vobis DD. Politici, cui usui tam augusta Principum terrenorum ædificia, & palatia tot centenîs millium exstructa sumptibûs? cui usui sericeis, aurō textîs aulæis

aulæis adornati parietes? cui usui argentea aureaq; sup-
pellex? Dicetis: ad demonstrandam Principis terreni
Majestatem, ad persuadendam erga Principem in sub-
ditis admirationem, & reverentiam. Repono. Hæc
vultis terreno Principi fieri, & DEO Creatori Cæli, &
terræ denegatis? ficcine pluri æstimatis Majestatem
terreni Principis, quàm DEI Regis Regum, & Domi-
mini dominantium. Placet vobis unum hominem, qui
pulvis, & cinis est, qui par est naturâ homuncioni ab-
jectissimo, in splendidis habitare ædificiis, & DEum
sub speciebus Eucharisticis contentum, in adornato
tabernaculo, residere, vobis displicet? deprædicatis
majestuosâ Principum palatia, & Domum DEI opu-
lentam damnatis? vosne dicam veros DEI cultores &
Catholicos? Proh! dolor. Ethnici suis Idolis magni-
fica exstruebant fana, adornabant aurô; (quod &
nunc Machometani, in suis delubris, & sarcophagis
faciunt) nostri Pseudopolitici, DEI veri templa, omni
volunt spoliare decore! Estne hæc in DEum pietas Ca-
tholica? Indubitatum est, quòd DEus velit sibi ab ho-
minibus præstari cultum, eumq; maximum, vult se
glorificari, ut constat ex multis S. Scripturæ locis, &
lumen naturæ dictat. Quò autem modò excitabuntur
homines ad honorandum, & glorificandum DEUM,
si non Sacris ædib; splendidè adornatis? Quid in ad-
mirationem Divinæ Majestatis rapiet homines? quid

movebit ad supremi Numinis reverentiam? si non ampla Ecclesiarum Majestas, & apparatus? Vir clarissimus, si casam inhabitet, contemnitur; obscurissimus, si palatium incolat, honoratur. Hinc DEI instinctu, & Parentis sui Davidis jussu sapientissimus omnium Salomon DEO ædem exstruxit amplitudine, & ornatu prorsus admirandam. Amplitudinem ejus non describo, brevitatis gratiâ; solum ornatum recenseo. Trabes erant cedrinæ, concameratio cedrina aurô illita, & parietes omnes. In loco sanctiore, qui à reliquo templo distinguebatur, januæ aurô rutilabant, vela ductilia nitebant variis meandris, & floribus intexta; duo Cherubini ex auro puro. Vasa templi, quæ fecit Salomon enumerat Joseph l. 8. antiquit. c. 2. alias 3. (ut refert Azor Justit. Moral: p. n. l. 6. c. 8 & l. 6. c. 54. q. 2.) his verbis: *Candelabrorum item fecit decem millia juxta præscriptum Moysis, ex quibus unum in templo dedicavit, ut interdiu luceret juxta legem. --- Cantharorum autem vinariorum octoginta millia sex comparavit, & phialarum aurearum decem millia; argenteas verò fecit numerò duplicatò. Pateras autem aureas ad offerendam in illis simillam maceratam ad altare octoginta mille, & argenteas duplicatò numerò. Crateras quoq; in quibus simillam oleo subigebant aureos sexaginta mille, argenteos numerò duplicatò. Mensurarum, quales à Moyse Hin vocantur, & Asseronum aurearum erant viginti millia, & duplicatus numerus argentea-*

gentearum. *Acerra quoque aurea, hoc est thuribula, quibus odoramenta, & incensum in templo offerri solent, erant numero viginti millia, & alia, quibus deferabatur ignis à magno altari in parvum, intra templum, quinquaginta millia. Tubarum, quales Moyses præscripsit, ducenta millia. Instrumentorum præterea musicorum, quæ Nabla, & Cinnira vocantur, in usum hymnodiarum ex electro confecit quadraginta millia; quæ omnia Salomon ad honorem DEI magnificè paravit, nullis parcens sumptibus, sed omni libertate usus, hæc in thesauris DEI condidit.* DD. Politici, si tunc præsentibus fuissetis in præfato Salomonis templo, ad talem pretiosum splendorem, & apparatus, fortè intensiore exclamassetis voce: *Ut quid perditio hæc? improbassetis tunc prodigam libertatem Salomonis; & tamen tam magnificum Sacræ ædis apparatus, sibi gratum accidisse, DEUS in ejus dedicatione manifestò indicavit miraculò, ut habetur 2. Paralip. c. 8* Factas à Davide, & Salomone in ejus fabricam, & ornatum expensas copiosissimè remuneratus est, dum ejus Domum, regnatricem, in perpetuum, & Messiam nasci ex sua progenie, fecit, spoponditq; se in præfato templo oraturis semper futurum propitium. Experti sunt id ipsum Antecessores Nostri, qui, quo liberaliores erant in DEUM, & Sacras ejus ædes, quo magis auxerunt Domus DEI decorem, eò ditiores, & potentiores, opibus, famâ, & æstimatione exstiterunt.

19 Objicitur 7. Quid Spiritualibus, & Religiosis cum Villis, & prædiis? Vivant more Apostolorum, & eo sint contenti, quod ex eleemosynis perceperint. Hic error fuerat Hussitarum, & Hieronymi de Praga, asserentium, non licere Ecclesiasticis possidere Bona immobilia. Quem errorem Concilium Constantiense damnavit. Non nego quidem, quod in primitiva Ecclesia Spirituales solis sustentabantur eleemosynis, & pecuniâ ex venditis collectâ prædiis; sed successu temporis etiam prædia, fundos possidere cæperunt; ob quam causam, adduco testimonium Urbani Papæ Episcopi Unic. c. 1. sic dicentis: *Videntes autem summi Sacerdotes, & alii atq; Levitæ, & reliqui fideles, plius utilitatis posse conferre, si hæreditates, & agros, quos vendebant, Ecclesiis, quibus præsidebant Episcopi, traderent; eò quod ex sumptibus eorum tam præsentibus, quàm futuris temporibus plura, & elegantiora ministrare possent fidelibus communem vitam ducentibus, quàm ex præzio ipsorum; cæperunt prædia & agros, quos vendere solebant Matricibus Ecclesiis tradere, & ex sumptibus eorum vivere.* Hæc fuerat ratio Spiritualibus successu temporis possidendi Bona Immobilia. Cæterum DD. Politici, qui prætenditis, ut omnes Spirituales ex solis eleemosynis vivant, quæro ex vobis, tam numerosis Religiosis quis providebit illas? molestum vobis est, si unius Religionis Procurator eleemosynarum, aliquoties in annum compareat, & stipem

pem petat, accusatis vestram inopiam, conquerimini contra calamitosa tempora; quid diceretis? si plures ex variis Religionibus idq; sapius mendicantes ad postes Vestros accederent, fortè reponeretis, tam frequentibus eleemosynis vestros Pagos, & Villas non suffecturas. Si nunc Spirituales summam vobis faciunt molestiam, in repetendis, qui sibi ex justitiâ debentur, censibus; quantò majorem facerent, quod illis ex sola charitate præstandum esset. Hæc est itaq; Religiosis Ordinibus Villarum, & Prædiorum necessitas, ne vobis, & aliis, mendicando eleemosynam, sint molesti. Ideo piissimi Fundatores Monasteriorum, Cænobiorum, Collegiorum, Religiosis providerunt fundos, Pagos, ut vestris parcerent villis, & prædiis, ut vestri fructus manerent in integro. Quod si quandoq; iidem Religiosi apud vos mendicent, ne miremini, desolatio Bonorum per continuas contributiones, & iniquas oppressiones, eos cogit id facere. His addo singulare. Si possideri Bona Immobilia à Spiritualibus, esset contra æquitatem, & justitiam, num in Regno nostro, ad preces S. Stanislai Episc. Cracov: & M. pro vindicandis iisdem bonis mortuum Piotrovinum in testem, DEUS à mortuis suscitasset. Num DEUS in confirmationem iniquæ causæ, & sibi displicentis, tantum patrasset miraculum?

Objici.

20 Obijcitur 8. Metuendum est, ne universæ Nobilitatis Bona Ecclesiastici occupent. R. DD. Politi-
ci, tunc sperandum esset id eventurum, quod metui-
tis, quando universæ Nobilitatis filii, nullô exceptô,
Spirituales fierent, & in eo statu constituti, Bona sua
possiderent; si autem hoc impossibile creditis, & pri-
mum impracticabile cogitate. Proinde hunc Vestrum
metum, vanum esse credite, idq; ex eo. Sunt quæ-
dam Religiones, quæ sunt incapaces successionis, quæ-
dam incapaces Possessionum; ergo saltem illi, qui præ-
fatas ingredientur Religiones, devoluta in se Jure suc-
cessionis Bona, non occupabunt. Item ab ingressu
Religiosorum in Regnum Poloniæ, aliquot centena
hominum millia, se in variis Monasteriis DEO dedi-
carunt, ex quibus vix aliqui suas Possessiones Religio-
sis Domibus incorporarunt. Vos illorum successores
facti. Advertite, quod ex Fundatione Monasterio-
rum, & piorum locorum, plus Nobilitati accesserit,
quàm habere potuisset. Nam si non fuissent tot Fun-
dationes Religiosorum Ordinum in Regno Poloniæ,
hi qui nunc Spirituales fiunt, vel Religiones, Pauper-
tatem Christi amplexi, ingrediuntur, si in eodem statu
seculari permansissent, hæc Bona, quæ nunc sui succes-
sores Collaterales hæreditant, possedissent cum suis
Posteris per lineam rectam descendantibus; sicq; præ-
fati Nobiles, minùs vel nihil de Bonis, quæ nunc pos-
sident,

fident, habuissent. Item si à tanto tempore, quo lon-
 gè liberaliores, & profusiores erant Poloni in fundandis
 piis locis, nondum universæ Nobilitatis Bona per Spi-
 rituales occupata, nec secuturis temporibûs occupanda
 metuite. Addo vanum esse etiam ex hac ratione me-
 tum, quia si Bona Nobilium, & Spiritualium inter se
 conferantur, apertè constabit, Bona Spiritualium, à
 Numero Bonorum Nobilium longè deficere. Nam in
 toto Regno Poloniæ (ut habetur lib. cui Titul: Respons
 Duchowieństwá, & Chleb niezdrowy) in Bonis Nobi-
 lium Lanei sunt 180,000. In Bonis Spiritualium Lanei
 sunt. 22,000. Sed dato, non concessio, plura ab Ec-
 clesiasticis quàm à Nobilibus occupanda Bona, quid
 inde detrimenti haberet Respub. ? cùm eadem Spi-
 ritualium Bona æquè obligata essent oneribus Reipub:
 cum Bonis Nobilium. Nec etiam particularibus Re-
 gni Civibus, ejusmodi Spiritualium Possessiones, quid-
 quam nocumenti adferrent, quod sic deduco. Ali-
 quis Nobilium, qui unicum v g possidet glebæ laneum,
 nihil habet detrimenti, & injuriæ, ex eo, quòd alter
 Nobilis longè se ditior, laneos centum possideat; cur
 idem Nobilis habebit detrimentum, Spiritualis id to-
 tum possidente? Quod si de Bonis purè Ecclesiasticis
 fermo fiat? etiam hæc plurimum emolumenti Reipub:
 per sæpe repetita subsidia charitativa, attulerunt, &
 adferunt, quæ si hactenus à Nobilibus possessa fuissent,

nunquam quid simile in Bonum publicum contulissent. Cæterum, si quos adhuc hac in parte angit scrupulus, suadeo illis eundem in Ukrainam, & in loca deserta habitatione hominum destituta, ibi amplissima invenient latifundia, illa occupent, excolant, hominibus habitualia faciant, avulsa repetant; O! quanta Bona, sinè læsione alieni juris possidebunt.

21 Objicitur 9. Multæ Nobilium Possessiones, Censibus Ecclesiasticis oneratæ iisdem solvendis jam non sufficiunt. In Civitatibus verò Lapideæ iisdem Censibus subjectæ, corruunt ac eâ viâ Civitates desolantur. R. Eorum quæ obijciuntur, non tam Spirituales esse in causa, quam illos, qui summas Spiritualium in Censum accipiunt. Cur enim indigentes pecuniâ, fructus Bonorum suorum in parte, Spiritualibus Contractu Censuali (qui omni jure omnibus est licitus) vendunt? Pressi vix non extremâ indigentia, cum à Spiritualibus, multis precibus, & submissionibus, subsidium charitativum efflagitant, & ab iisdem sublevantur cum onere persolvendi Censis, grato id accipiunt animo; dum verò exsolvendi sunt iisdem juxta contractû initû Censis, gravatè id ferunt, & exsolvendorum obligationem subterfugiunt. Estne id æquitatis, & justitiæ? Indigi pecuniâ, charitatem Christianam à Spiritualibus sibi præstari non postulent, tum demum ad solvendos census non obligabuntur.

De

De Bonis verò subjectis Censibus respondeo. Cer- 22
 tum est, quòd cuilibet Nobili, & Civi improli (quan-
 quam etiam, & prolem habenti, modo filiis Legiti-
 mam relinquat) liberum est juxta suam voluntatem,
 sua Bona sive immobilia, sive mobilia vendere, & to-
 tum ex illis perceptum pretium in quasvis expensas
 (etiam, quod grave, & onerosum est conscientiae, quia
 cum damnatione aeternâ, in illicitas, nempe in luxum,
 in computationes, & similia) convertere, ita, ut si
 nihil de illo pretio post fata sua successoribus relinquat,
 nullam illis faciat injuriam; nec illi, ad quos transit
 pretium, ad restitutionem obligentur; Ut multa sunt
 hujus rei in Regno Nostro exempla; quòd Statuto An-
 ni 1511. sub Sigismundo confirmatum, quòd est tale:
*Quia Jure Divino, & humano permissum est hominibus,
 disponere de rebus suis, pro eorum arbitrio & voluntate: sta-
 tuimus, quòd Steriles homines omnia bona sua hereditaria,
 possint alienare juxta suam voluntatem.* Cur eidem homi-
 ni idem totum pretium in pios usus, & pro salute ani-
 mae suae, ad augendum DEI cultum expendere non erit
 liberum? praecipuè si nolit, ut suo labore, multo su-
 dore quaesito, alius vel extraneus, vel ingratus successor
 gaudeat; vel talis, qui id totum in illicitos luxus, cum
 aeternâ animae suae damnatione expensurus esset. Item
 si idem homo sterilis non habeat Emptorem Bonorum
 suorum immobilium vel mobilium, interim morti

proximus, sic de iisdem Bonis disponat: Omnia Bona mea, quæ tali æstimantur pretiò, pro salute animæ meæ lego, cum hoc onere, ut cuivis vendantur, & summa præfata, in pias expendatur causas. Quæro talis dispositio essetne iniqua? vel cui injuriosa? Num si supervixisset ille homo, vendere Bona sua non potuisset? juxta consilium Christi: Lucæ 12. *Vendite, quæ possidetis, & date eleemosynam; &c.* Accedit doctrina Dianæ, qui sentit, valere Legatum in hac forma: *Institu mihi heredem animam meam ita, ut testamentarii teneantur Bona relicta vendere, & pecuniam, in emendo panem, vinum, oleum, pisces, & alia necessaria, in eleemosynam Fratribus Minoribus hujus Civitatis insumere.* Idem tenet Vilbalo, &c. Ergo eidem licitum erit, eadẽ Bona, cuivis ita vendere, ut si par non sit solvendo, de pretio integro emptor, à summa non exsoluta censum solvat. Item licitum est cuiq; Bona sua immobilia, jure, & modò obligatoriò in summa certa obligare, & invadiare cuivis Laico; nec per hoc desolantur Bona; cur non licebit eadem Bona obligare Spiritualibus? Num deterioris conditionis, hac in parte debent esse Spirituales, quàm Laici? summa quoq; Dotalis hærentes in Bonis Nobilium, tolerantur à quovis Possessore: cur non Ecclesiasticæ summa. Item per Reformationes vestras, Bona non desolantur, & per Censu Ecclesiasticos desolantur? Quinimo sciendum, quòd per Censu Ecclesiasticos in Bo-

nīs Nobilium hærentes, non solum non desolantur Bona, sed etiam ipsamet Nobilitas magnum habet emolumentum, quod sic deduco. Supponamus duas esse Villas, quarum singularum pretium sit Centum millium flor. una tamen illarum est munda, & libera ab oneribus, altera verò, summā Censuali Ecclesiasticā 50. millium onerata. Ut quis priorem Villam mundam ab omni onere emat, summam 100. m. vel in paratis habere, vel aliunde cum summa sollicitudine, labore, & onerosis obligationibus commodato comparare debet. Ut verò posteriorem Villam summā Ecclesiasticā 50. m. flor. oneratam emat, sufficiet illi 50. m. habere; sicq; 50. m. numeratis, Villam 100 m. æstimatam, emet sinè ulla sollicitudine, sinè ullis onerosis obligationibus. O quantum levamen, & emolumentum ex summa Ecclesiastica, in illa hærente Villa! Dices: sed Possessor Villæ debet solvere Censum. Quid tum? num si aliunde summam 50. m. contraxisset, ab illā Provisionem solvere, eamq; in majori quantitate, quàm Censui Ecclesiastico, non obligatus fuisset?

Præstant insuper suis Censibus Spiritualibus, *Te- 23*
nuitariis Villarum (ample terminum hunc accipe) hoc beneficium. Nam illā summā, quā emunt Censum Spirituales, poterant medietatem v. g. Villæ emere, (cum non insolitum sit, in una Villa duos vel plures Possessores esse diversarum sortium) cum pacto de re-

trovendo, seu Contractu *Wyderkauff* dicto. In tali casu Spirituales, medietatis Villæ, cum omni jure, dominio, & proprietate, Possessores fuissent, industrias oeconomicas adhibuissent, fructusq; percepissent, &c. Cum autem Censum emunt, in re quasi, eam medietatem Villæ à se emptam, Tenutario alterius medietatis in possessionem tradunt, cum omni jure, dominio, & proprietate, ac fructibus, quos ipsi percepturi erant, solo sibi reservato certo pretio singulis annis à Tenutario exsolvendo, quod longè minus est, illis fructibus, quos Tenutarius ex illâ medietate Villæ Spiritualium est habiturus. En! quantum lucrum Tenutarii ex Censibus Ecclesiasticis habent?

24 De Lapideis vero Censu Ecclesiastico oneratis, dico. Sit ille, qui in Civitatibus Ordinatis est, Ordo, nunquam lapideæ corruent. Plurimæ in exteris Civitates, similes habent summas, & tamen, solutione Censuum non desolantur. Si tamen Possessoribus molestum videtur, Census præfatosolvere, suaderem, ut Nobiles sua Bona, Civitates, suas Lapideas Censibus oneratas per levationem summarum Originalium, mundas, & liberas faciant, & se solvendorum Censuum liberabunt onere. Quod si quæras? cum summis Originalibus levatis, quid Spirituales facient? Respondeo: suos Superiores, & S. Sedem Apostolicam consulent.

Ex hac

Ex hac occasione, hîc pios Fideles informandos 25
vellem; ut qui pro salute animæ, & remissione peccatorum ad placandum DEum, aliquid piis locis offerre volunt, si quas habent paratas summas, ut eas DEO offerant, ex nunc in pios usus convertendas, & absumendas, vel in restorationem collapsarum Fundationum; cum magis id DEO sit acceptabile, quod stante vitâ ab ipso offerente illi datur, quàm quod post fata per alienas manus. Quod si quis solum Bona immobilia habeat, nullam paratam summam, & velit pro salute animæ suæ, aliquod DEO præstare obsequium, satius illa Bona vendat, & pretium in pia legata convertat, nec sua Bona faciat Censualia; tali enim viâ, & Successores suos seu Possessores Bonorum, à periculo æternæ damnationis liberabit, quod facillè incurrerent, non solvendo census, ut experientiæ docent, & suâ piâ coram DEO non frustrabitur intentione.

Oppones. Ego volo fundationem facere perpetuis temporibus duraturam. 26
Quæro, hanc Fundationem vis applicari, vel animæ tuæ, vel aliis animabus, vel devotionibus, & obligationibus, perpetuò celebrandis? si Animæ tuæ? num perpetuis temporibus vis esse in Purgatorio, sicq; perpetuis indigere suffragiis? utinam in hac vitâ culpas nostras per Sacramentum Pænitentiae expiemus, pænas vero pro illis debitas tum per eleemosynas, tum per alia pia opera satisfactoria,

Storia, in hac vita extinguamus, quàm nos pœnis Purgatorii reservemus? Si verò hanc Foundationem vis applicari aliis Animabus Purgatorii, vel piis Devotionibus, & Sacrificiis in Ecclesiâ perpetuò instituendis! pium, & laudabile intendis opus; utinam hoc perpetuis duret temporibus. Sed hac in parte sum dubius, cum nos experientia doceat, multas ejusmodi Foundationes, ob retentos à multis annis Census, cessasse, multas corruisse. Jure verò, retentos Census vindicare, Spiritualibus, & sumptuosum est, & invidiosum. Satis invidiæ, & odii apud seculares habent, cum avaritiæ insimulantur. Insuper pro vindicandis Jure, retentis Censibus, nova deberet provideri fundatio, cum ex redditibus Beneficii, quos Spirituales percipiunt, & in usus certos expendunt, expensas in lites facere, nec obligentur, nec possint obligari. Ne verò perpetuis temporibus, pro animabus purgatorii cessent pia suffragia, Divina Providentia singulis temporibus corda fidelium ad hanc pietatem excitabit.

- 27 Objicitur 10. Gravem injuriam faciunt successoribus, & Consanguineis qui prætermisiss illis, Bona sua piis locis legant. Ex quo capite injuriam faciunt? Exstatne lex aliqua, ut ea, quæ quis stante vitâ suâ, proprio sudore, & industriâ comparavit, post fata sua necessario successoribus, & consanguineis applicet? & nullo modo pro æternâ salute animæ suæ?

Quid

Quid si eam industriam, & laborem non adhibuisset, nec ulla Bona comparasset, num alicui successorum fecisset injuriam? num quis ideo, quod in comparandis Bonis defudaverit, debet esse deterioris conditionis, & infelicior illo, qui ne digitum quidem movit? nam hic suæ voluntatis est Dominus, nec ulla lege gravante, & sibi præjudiciosa adstringitur, ille verò alienæ efficitur mancipium, cum de Bonis propriis tanto labore quæsitis ad arbitrium suum non possit disponere. Non diffiteor, legem naturalem esse, & Civilem, ut Parens Filiis suis provideat legitimam, & ad hanc eum obligari, ipsa dicat ratio; sed ut id quod est ultra legitimam, vel si nullam habeat Prolem, teneatur Successoribus relinquere, nec quidquam pro salute Animæ suæ expendere, exstatne lex aliqua Naturalis, vel Divina? Nam de ea, quam sibi fingunt quidam Politici, dicam Num: 176. *Et sequenti.* Nullus ageret contra Legem, nec Successoribus faceret injuriam, qui Improbis, totam suam substantiam, in Convivia, in numerosum famulatum, in largitiones, in pompam, & similia expenderet; vel qui in obsequium Reipub: minimè ei obligatus, ex mera liberalitate, aliquot cohortes militum suo sumptu aleret, totamq; suam sortem in id absumeret, quod verè esset pium opus; ille verò, qui id totum in bonum Animæ suæ expenderet, quam Legem violaret? Num Anima propria, omnibus his debet esse

Detrior? ... Quod Animæ propriæ ante omnia primus habendus sit respectus, Lex & Divina, & Naturalis dicat; & Lex Civilis exstat. **L. Habeat C. de Sacro: Eccles: 1.** Habeat unusquisq; licentiam sanctissimo Catholico Venerabilisq; Concilio, decedens, Bonorum, quod optaverit, (nota, Legem illimitatè loqui) relinquere, & non sint cassa iudicia ejus. Nihil enim est, quod magis hominibus debeatur, quàm ut suprema voluntatis (postquam jam aliud velle non possunt) liber sit stylus, & licitum, quod iterum non redit arbitrium.

28 Possit quoq; Ecclesiæ, & piis locis legari Bona stabilia vel in parte, vel in toto, Leges Civiles testantur, **L. Generali C. de Sacro: Eccles: Generali Lege sancimus, sive Vidua, sive Diaconissa, vel Virgo DEO dicata, vel Sanctimonialis Mulier, sive quocunq; alio nomine religiosi honoris, & dignitatis fœmina nuncupata, vel testamento vel codicillo sunt** (quod tamen alia omni Juris ratione munitum sit) **Ecclesiæ vel Martyrio** (id est: Templo Martyrum) **vel Clero vel Monachio, vel Pauperibus aliquid vel ex integro, vel ex parte, in quacunq; re vel specie crediderit relinquendum, id modis omnib; ratum firmumq; consistat, sive hoc institutione, sive substitutione, seu legato aut fidei commissio per universitatē, seu speciali sive scripta sive non scripta voluntate fuit derelictum; omni in posterum in hujusmodi negotiis ambiguitate submota.** Item Authen: de Sacro: Episc: Si quæ Mulier aut Vir, liberis non exstantibus Monasticam vitam elegerit, & Monasterium

Monasterium intraverit; Monasterio, quod intravit res ejus competere jubemus. Sed si Persona liberos habens, antequam de rebus suis disponat, Monasterium intret, liceat ei postea inter dividere, legitima nulli deminuta; Et quod eis non dederit, Monasterio competet. Sed si omnem substantiam inter illos dividere voluerit, suam Personam Filiis connumeratam, partem sibi retineat, quæ Monasterio competere debet. Sed se post ingressum Monasterii moriatur, antequam inter illos dividat, filii legitimam percipient, reliqua substantia Monasterio competente. Nota: quod in adductis textibus Juris, nulla habeatur successorum vel consanguineorum (exceptis liberis, quibus sola debetur legitima) mentio.

Insuper. Si totam substantiam convertere in pias causas, exclusis Successoribus, & Consanguineis esset contra Jus Naturale, & Divinum; num Christus, qui de se dixerat Matth. 5. Non veni solvere legem, sed adimplere. Illi Diviti (de quo Matth. 15. Marc. 10. Luc. 18. interroganti se: Magister bone, quid faciens, vitam æternam possidebo? respondisset: Vade, vende quæ habes, & da pauperibus, & habebis thesaurum in celo, & veni, sequere me. Nonne satius dicturus erat: vade, hæc Bona quæ habes relinque Successoribus, & Consanguineis, quibus Jure naturæ debentur, & sequere me. Nonne quoque Christus judicio Politicorum, Zacheum Luc. 19. dicentem: dimidium bonorum meorum do pauperibus reprehensum

prehensurus erat; quòd Successores suorum Bonorum
 hæredes non fecisset? Quid item censemus de Aposto-
 lis, Viris Sanctis, & observantissimis Legis Divinæ?
 qui Judæis, & Gentilibus optimæ fortunæ ad Fidem
 Christi accedentibus, omnia sua bona, communi Fi-
 delium sustentationi applicanda permiserunt, nullo
 Successorum, & Consanguineorum respectu habito;
 num id permisissent, si id facere, contra Jus Divinum,
 & Naturale esset? Quid dicemus de plurimis Sanctis
 Martyribus, qui ituri ad Martyrium, omnes suas
 facultates inter Pauperes Christi diviserunt? Num con-
 tra Jus Naturale & Divinum deliquisse promulgandi,
 & condemnandi? Quid de Sanctis Confessoribus, &
 Virginibus Sanctitate vitæ, & miraculis conspicuis?
 qui Sanctam auspicaturi vitam, Bona sua, & Patrimo-
 nium de integro in Pauperes erogarunt? Num DEUS,
 eorum tantam liberalitatem, si iniqua, & injuriosa esset,
 miraculorum famâ, & æternæ vitæ præmiô remunera-
 tus fuisset? Demum quid dicemus de illis Piissimis, &
 in S. Sedem Apostolicam liberalissimis Monarchis ac
 Regibus, qui Regna, Principatus, & Bona sua, in re-
 cognitionem Supremi Domini DEI, per quem Reges
 regnant, Successoribus S. Petri, & Vicariis Christi de-
 dicarunt? si contra Justitiam deliquerunt, si Successo-
 res suos injuriarunt, num DEUS eam eorû liberalitatem,
 utpote de alieno acceptasset? num eorundem Bono-

rum jam ab Ecclesia Possessorum, Invasores, ac præ-
tendentes eadem Bona à S. Sede Apostolica, & ab Ec-
clesiis avellere, ut Justissimus Judex, & Severissimus
Vindex, gravissimis punivisset pœnis? Lege Anna-
les Ecclesiasticos Eminentissimi Cardin: Baronii, &
aliorum.

Accedit lex, & praxis Ecclesiæ, quæ pia legata, 30
si fiant cum damno, & injuria tertii, non acceptat, sed
prius ex illis debita solvenda, & injuriatis satisfacien-
dum præcipit; tandem, si quid superest, in pias con-
vertendum causas. Quæ itaq; ratione eadem Ecclesia
factas à Fidelibus donationes Bonorum in pias causas,
approbaret, si per illas aliqua Successoribus fieret inju-
ria? Imò sciendum est, ex communi T. T. Sententia,
si quis injuriaret proximum v. g. per rapinam, per fur-
tum vel alio modo, & ingressus Religionem, hæc malè
acquisita, donaret Religioni; præfata omnia tene-
tur Religio restituere injuriatis, vel eorum Successo-
ribus. Ergo cum permittit Ecclesia, Bona à Fidelibus
legari piis locis, seclusis Consanguineis, patet per ea
legata, nullam Consanguineis fieri injuriam. Vide di-
cenda num: 244. & seq.

Hactenus dicta, concludo allocutione Vestri
DD. Politici. Creditisne? quæ Christus D. *Matth. 25.*
dixit: quod in tremendo illo extremo Judicio, in quo
omnibus nobis comparandum erit ad dandam ratio-

nem de totius vitæ dictis, factis, & cogitatis, Judex
vivorum, & mortuorum Christus, in illos, qui à sini-
stris erunt, talem proferet sententiam: *Discedite à me
maledicti in ignem æternum, qui paratus est diabolo, &
Angelis ejus.* Si causam tam horrendi Decreti, & æ-
ternæ damnationis quæritis? audite ipsum Christum
Judicem: *esurvi enim, & non detistis mihi manducare;
sitivi, & non dedistis mihi potum, &c.* Ideone damna-
buntur impii, quia cum benefacere possent egenis, ne-
glexerunt, quia ipsi Christo, in pauperibus, & servis
suis esurienti, & sitienti non subvenerunt? ita est.
Quæ ergo vos manet in illo tremendo Judicio senten-
tia? si qui non solum, cum benefacere de proprio pos-
setis, contempnistis, sed insuper alios à benefaciendo
retraxistis, si qui alios ad constituendum statuta, &
decreta, ne quis DEO pro æterna salute sua, pro re-
missione peccatorum, quidquam offerre posset, ut
pia legata cassarentur, & similia persuasionibus vestris,
inducere attentastis? Quid censeatis? quæ eos, qui
Pauperibus id, quod eis ad manducandum datum est,
surripuerunt, Divina expectet ultio? si illos, qui esu-
rientibus non subministrarunt cibum, æterna exspe-
ctat damnatio? si eò in profundum scelerum vestro-
rum devenistis, ut nulla sit vobis æternæ salu-
tis vestræ cura, nullus æternæ damnationis metus?
saltem à trahendo alios in eandem damnationem de-
sistite.

sistite. Si de vestris Bonis nihil conferre vultis, seu invidetis DEO (quanquam nec à vobis invitis id præ- tendit DEUS, qui voluntarium nostrum vult sacrificium) saltem de alieno non invidete. Quid indè damni vel detrimenti habetis, quia alii de proprio in DEUM sunt liberales? Videritis, ne hac impietate Vestra DEUM Largitorem omnium Bonorum, qui eorum omnium, quæ possidetis, absolutissimus est Dominus, & Dator; eaq; pro libitu suo auferre vobis potest, provocetis ad vindictam. Spectate exemplum in Regno Sueciæ, in quo post avulsa Bona Ecclesiastica, idem fatum, permittente sic in pœnam talionis DEO, in Bona Nobilium devolutum est; quæ nisi ipsis Nobilibus consentientibus facta fuissent tributaria, non fuissent sua. Recolite, quod Vobis jam DEUS aliqua ex parte par pari reddiderit. Quæ sit libertas Bonorum Nobilium ab omnibus Collectis, Contributionibus, stativis Militum, satis liquet ex Statuto Regni. Possessiones quoq; Spiritualium, pari cum vestris Bonis gaudebant libertate; & quamdiu hæ immunes fuerant ab omni oppressione, tamdiu, & Bona vestra in integro conservata. Hoc calamitoso tempore in Regno nostro, licentioso Militi per Regnum grassanti, consistentias in Bonis Spiritualium fieri, eaq; invadi, exactionari, devastari, suastis, ut vestra in integro conservaretis; tandem, cum Bona Spiritualium funditus deva-

devastata illi non suffecissent, Vestra aggressus est, sicq; Aularum vestrarum sublata securitas. Vultis Bona vestra conservanda? Bona Ecclesiastica conserve.

Quæ verò sit Immunitas Ecclesiasticarum Personarum, & Status Spiritualis, Libertas Bonorum eorundem ab oneribus, contributionibus, & aliis exactionibus, ad demonstrandum jam progredior.

DISSERTATIO

De Immunitate Ecclesiastica.

31 **I**mmunitas ut sic juxta Hostien: est quasi Emunitas; id est extra munia, vel munera, vel onera; sicq; definiri potest: est Privilegium, quo res aliqua vel Persona à communi aliqua obligatione eximitur. Immunitas verò Ecclesiastica est Privilegium & Jus, quo Ecclesia vel Personæ Ecclesiasticæ, vel Res illarum ab oneribus vel officiis Secularibus eximuntur. Ita Suar: in defens: Fidei Cathol: l. 4. c. 1.

Immu-

Immunitas Ecclesiastica triplex est. **Personalis**, 32
Realis, **Localis**. Hæc divisio licet non reperiatur in
 Jure Canonico his terminis, eam tamen *Lancell. l. 2. tit. 22. de immun. Eccles.* & alii Canonistæ admittunt.
 Ejus quoq; divisionis mentionem facit Concilium Pro-
 vinciale Coloniense part: 9. c. 20. his verbis: *Immunitas*
Ecclesiastica . . in duobus potissimum sita est: Primum, ut
Clerici, illorumq; possessiones & Bona, a vectigalibus, &
tributis, alijsq; muneribus Laicis, libera sint. (en, **Persona-**
lis, & **Realis**) . . *Deinde ne Rei criminis ad Ecclesias confu-*
gientes, inde violenter extrahantur: (en **Localis**).

Juxta hanc triplicem Immunitatis Ecclesiasticæ
 divisionem, præsens Dissertatio tribus constabit Par-
 tibus.

P A R S I.

De Immunitate Ecclesiastica Personali.

Immunitas Ecclesiastica Personalis est Privilegium, 33
 quod Personis Ecclesiasticis attributum est, ne
 oneribus afficiantur. Cum autem in Jure Cano-
 nico, duplex Privilegium inveniat, aliud Privile-
 K gium

gium Canonis, quo securitati, & indemnitati Personarum Ecclesiasticarum provisum est per singularem Censuram, latam in Percussores Clericorum. Aliud Privilegium Fori, quo Clericis exemptio à Jurisdictione Laica concessa est, cui consequenter annexa est exemptio à Tributis, Contributionibus, & aliis oneribus; de his Privilegiis agetur per Puncta.

PUNCTUM I.

De Privilegio Canonis.

14 **P**rivilegium Canonis, (si quis suadente 17. q. 4. tale est; Si quis suadente diabolo, hujus Sacrilegii reatum incurrerit, quod in Clericum, vel Monachum violentas manus injecerit, anathematis vinculo subiaceat; Et nullus Episcoporum illum presumat absolvere, (nisi mortis urgente periculo) donec Apostolico conspectui presentetur, Et ejus mandatum suscipiat.

Ex occasione præfati Canonis, possunt præcipua hæc quæri. 1. Quæ Personæ percutientes subjiuntur dicto Canonis. 2. Quæ Personæ gaudent Privilegio Canonis. 3. Ob quas actiones incurritur Excommunicationis. 4. An dentur aliqui casus, in quibus percussor Clerici non incurrit Excommunicationem. 5. Utrum præter summum Pontificem, possit quis absolvere à prædicta Excommunicatione.

ASSER.

ASSERTIO I.

Omnes baptizati tam Viri, quam Famina, etiam impuberes, Superiores, & inferiores, Clerici & Laici, Religiosi, habentes dignitatem, (excepto solo Papa) & non habentes, dummodo hi omnes habeant usum rationis, & peccare mortaliter possint; si percutiant Clericum, incurrunt Excommunicationem citati Canonis.

§. I.

DE Viris percutientibus Clericum, quod incurrant excommunicationem, clarè patet ex Canone. De Foeminis, probatur. C. Mulieres 6. de Senten: excom: sic habetur: *Mulieres vel aliæ Personæ, quæ sui juris non sunt (quales sunt servi, filii familias &c.) ab Episcopo diacejano absolvi possunt, si manus in Clericum injecerint violentas.* Ergo hic Canon supponit, quod mulieres percutientes Clericum, incurrant Excommunicationem.

De Impuberibus C. super eo 1. eod. tit. sic habetur: *Respondemus, quod si Clerici infra puberes annos se adinvicem, aut unus alterum percusserint, non sunt ad Apostolicam Sedem mittendi, quia eos ætas excusat.* Glossa: excusat non ab excommunicatione, sed quo ad hoc, quod non sint mittendi ad Curiam pro absolutione. Item C. Quamvis incidens 58. eod. tit. decernitur, ut qui vis percussor Clerici, S. Sedem Apostolicam adeat, nisi imminente mortis articulo, infirmitate, inimicitia, aut inopia, puerili vel senili ætate, fragilitate sexus, seu aliâ

corporis impotentia -- retrahatur, quominus Romanum Pontificem possis adire. Item C. Pueris 60. eod. Pueris, qui in Canonem inciderunt sententia promulgata, siue ante, siue post pubertatem postulent se absolvi, potest Diacesanus Episcopus, absolutionis beneficium impertiri.

37 De Clericis C. super eo. 1. supra citato immediato, habes textum. De Religiosis. C. Monach 2. eod: Monachi vero, & Canonici Regulares, quocumq; modo se in Claustro percusserint, non sunt ad Apostolicam Sedem mittendi, sed secundum providentiam sui Abbatis, disciplina subdantur.

38 Dixi in Assertionem Baptizati. Nam non baptizati, nullas incurrunt Censuras, quia non subsunt Jurisdictioni Ecclesiae. Dixi item, excepto solo Papa. Quia hic, nulli subiectus est Vide C. si Papa dif. 40. Dixi item: dummodo habeant usum rationis &c. pro solo enim peccato mortali excommunicatio major fulminatur. Utrum vero notorium Clerici Percussorem teneamur semper vitare? Anton. Escobar S. Theol. Moral. tract. 4. Exam: 2. c. 11. n. 32. sic dicit: Non tenemur, nisi percussio sit ejusmodi, ut nullo modo celari, & excusari possit; quod vix potest constare ante Judicis Sententiam. Nam (uti Laymanus annotat) constare debet, quod percussio Clerici notorie facta sit, atq; ita malitiose, ut nulla probabili ratione à peccato mortali, & annexa Censura Canonis excusari queat.

ASSER.

ASSERTIO II.

Privilegiò Canonis gaudent omnes Clerici habentes etiam primam Tonsuram, nec non Conjugati, modo deferant Habitum Clericalem, deserviant alicui Ecclesiae, & Bigami non sint. Monachi quoque, Religiosi, & Moniales, gaudent præfatiò Privilegiò.

§. 1.

DE initiatis primâ Tonsurâ probatur: Tridentinum 39 Sess. 23. c. 6. de Refor. Primâ Tonsurâ initiatus. . . fori Privilegiò non gaudeat, nisi Beneficium Ecclesiasticum habeat, aut Clericalem habitum, &c. In quod caput sacra Congregatio Cardinalium in Declarat: censuit; quòd Clerici, qui in hoc Decreto Concilii, Privilegiò fori privantur, Privilegiò Canonis non intelliguntur privati. Ergo initiati primâ Tonsurâ, gaudent Privilegiò Canonis. C. si Judex 12. de Senten. excom; in 6. Si Reus ipse ante deprehensionem pro Laico publice se non gerens, deprehensus fuit in habitu Clericali, Tonsuram videlicet, & vestes deferens Clericales; nam talem debemus Clericum, (donec constet de Contrario) reputare.

§. 2.

DE Conjugatis. Idem Tridentinum locò citatò, sic 40 dicit: In Clericis Conjugatis, servetur Constitutio Bonifacii IX., quæ incipit, Clerici; qui cum unicis: modo hi Clerici alicujus Ecclesiae servitio vel Ministerio ab Episcopo deputati, eidem Ecclesiae servant, vel ministrent, & Cleri-

ali habitu, & Tonsurâ utantur. Bonifacii autem Constitutio C. Clerici, qui cum unicis. De Cleri: conjug: in 6. hæc est: Clerici, qui cum unicis, & Virginibus contraxerunt, si tonsuram & vestes deferant Clericales, Privilegium retineant Canonis ab Innocentio Papa II. Prædecessore nostro editi in favorem totius Ordinis Clericalis.

§. 3.

41 **D**E Conjugato, qui dimisit habitum, Sacra Cardinalium Congregatio in Declarat. c. cit: censuit: Clericum Conjugatum, qui post dimissum habitum, & Tonsuram Clericalem pro delicto aliquo in Curia Laicali est citatus, & ob contumaciam condemnatus fuerit, si deinde reasumpto habitu, & Tonsurâ (modo non in fraudem) Ecclesiæ inserviat, juxta hoc Decretum non posse à Judice Laico, propter id delictum in carcerem conjici, aut personaliter adstringi: Ex quo infero; si præfatus Clericus gaudet Privilegiô Fori, ut declarat S. Congregatio Cardin:, à fortiori gaudet Privilegiô Canonis juxta ejusdem Declarationem. *Supra citatam n. 39.*

§. 4.

42 **D**E Monachis, & Religiosis. C. Non dubium. §. cod: sic dicitur. Non dubium est, quod hi, qui violentas Manus in Clericos, vel Canonicos, aut cujuslibet Religionis Conversos injiciunt, ex constitutione Concilii, Sententiam excommunicationis incurrunt. Item C. Parochianos. 9. cod: *Parochianos vestros, si qui in Monachos vel Conversos præfati*

fati Ordinis, violentas manus injecerint; sublato appellatio-
nis remedio, secundum tenorem Generalis Decreti, excommu-
nicatos publice nuntietis. Item. C. Religioso. 21. eod: in 6.
Quamvis autem is, qui Religionem ingreditur, Religiosus cen-
seri cum effectu non possit, donec sit tacite vel expresse Profes-
sus: si quis tamen violentas manus in eum injiciat, excom-
municationis latae a Canone Vinculum non evadat.

§. 5.

DE Monialibus C. 33. eod: De Monialibus tua a nobis 43
Fraternitas requisivit: per quem eis sit beneficiū absolutiōis
impendendū, si vel in se invicem, vel conversos, vel Conversas
suas, aut Clericos etiam manus injecerint temere viol. nras?
super hac igitur tua consultationi taliter respondemus: ut per
Episcopum, in cujus Diocesi Monasteria fuerint, absolvantur.

§. 6.

DE enumeratis Personis potest quæri, utrum gau- 44
deant Privilegiō Canonis tunc, dum sunt inno-
data aliquā Censurā; v. g. excommunicatione &c De
Clericis Excommunicatis Glossa in c. Contingit 36. de
Senten: excom: citat duplicem DD. Sententiam; pro-
pendetq; in eam, quæ dicit: Qui autem alium Clericum
excommunicatum verberat, videtur secundum hoc excommu-
nicatus. Idem sentiunt Sayr: de Cens. l. 2 c. 27. n. 31.
Bonac. d. 2. q. 4. p. 1. Navar. c. 27. n. 79. Dian p. 5. t. 9
resol. 82. Molin: &c.

De

45

De suspēsis, & interdictis Clericis idem sentiunt Abb. in c. Ecclesiæ n. 8 de immun: Ecclesi: Clar. § fin. q. 77. vers. sed nunquid, &c. Idem sentiunt de degradato verbaliter; secus dicendum de degradato realiter. per c. degradatio de panis in 6. Hæreticus item formalis perdit Privilegium Canonis juxta Carrer in tract. de hæret. n. 148 Decian: tract. crimin: l. 5. c. 41. n. 12. &c. Portel. in dub: Regul: v. manus violenta n. 4. etiam de Schismatico idem asserit.

§. 7.

46

D'ixi in Assertionē: *Et Bigami non sint*: hoc ut intelligatur: Sciendum est, quod Bigamus sit ille, qui bis conjugatus est, seu qui cum duabus successivè contraxit Matrimonium. Triplex autem est species Bigamiæ. Alia est *Bigamia vera*: alia *interpretativa*, alia *similitudinaria*. *Bigamia Vera* est, quando quis successivè cum duabus uxoribus Matrimonium verè, & validè contraxit, & utrumq; consumavit; sive illud Matrimonium duplex fuerit ante baptismum, sive utrumq; post baptismum; sive unum ante baptismum, & alterum post baptismum. Hinc Bigamus bigamiâ verâ non est, qui cum duabus quidem successivè, contraxit, cum neutra tamen, vel cum una tantum consumavit. Item, nec Bigamus verè censendus est, qui cum pluribus fornicatus est, vel plures concubinas habuit. *Bigamia Interpretativa* est, quæ secundum Juris

ris interpretationem, & fictionem bigamia dicitur; & contingit: *1mo* quando quis contrahit Matrimonium cum Vidua à priori marito cognita, & consumat. *2do* cum quis contrahit matrimonium cum corrupta ab alio, & consumat. *3tio*. Si quis Virginem quidem duxit, cognoscat tamen eam carnaliter, postquam hæc adulterium cum alio commisit. *4to*. Si quis post primam suam conjugem maritalier cognitam, invalidè postmodum ducat aliam, affectu tamen maritali eam cognoscat. Bigamia *similitudinaria* est, quando Clericus in Sacris Ordinibus constitutus, vel Religionem Professus, Viduam vel Virginem in uxorem ducit, & cognoscit. Quamvis autem nullum sit hujusmodi matrimonium ob impedimentum dirimens Voti Religiosi, & Ordinis Sacri, habetur tamen de Jure tanquam Bigamus propter pravam intentionem contrahendi matrimonii cum opere carnali subsecuto, ut habetur c. A nobis 7. de Bigam. non ordin. De his Bigamis est lex Ecclesiastica. *1mo*. Quod non sint ordinandi sine dispensatione summi Pontificis, quod si ordinati fuerint, privantur executione Ordinum, ut dicitur c. 2. & 3. loco citato. *2do*. Quod priventur omni Privilegiò Clericali, tam Canonis, quam Fori, juxta c. Unic: de Bigam. in 6to: *Altercationis antiquæ dubium præsentis declarationis oraculò decidentes, Bigamos omni Privilegio Clericali declaramus esse nudatos, & coercitioni*

fori secularis addictos; consuetudine contraria non obstante. Ipsi quoque sub anathemate prohibemus deferre tonsuram, & vel habitum Clericalem.

47 De Clericis Conjugatis non Bigamis, seu qui & cum Unica & Virgine contraxerunt, quod gaudeant Privilegio Canonis, probatum est supra n. 40. Quod etiam eidem Privilegio fori gaudeant, idem Canon loco citato adductus sic dicit: *Et cum juxta Parisiense Concilium, nullus Clericus distringi aut condemnari debeat à Judice seculari, presenti declaramus edito, hujusmodi Clericos conjugatos pro commissis ab eis excessibus, vel delictis, trahi non posse criminaliter, aut civiliter ad Judiciumulare; nec ab ipsis Secularibus Judicibus eos debere personaliter vel etiam pecunialiter (ne per unam viam, concedatur eisdem Judicibus, quod per aliam denegatur) ullatenus condemnari.* Sola difficultas est inter Canonistas, quinam Bigami excludantur ab omni Privilegio Clericali, an solum Bigami verè, an etiam Bigami Interpretativè. Thom. Sanchez l. 7. de Matrim: disp: 46. n. 3. sic dicit: *Si Clericus post initum Matrimonium cum Unica, & Virgine efficiatur interpretativè Bigamus, cognoscens uxorem adulteri quantumvis notorii ream, non ob id observans cetera requisita, perdet Privilegium Canonis, & fori; Quia conditiones perinde d. c. Unte. ut iis Privilegiis gaudeat, inveniuntur in eo, utpote, qui Unicam & Virginem duxit. Et ita sentiunt Aufferius dicens, ita decisum esse Tolossa, & esse ex mente omnium*

innum decisione Tolossana 64. nu: unic. Co. quem sequun-
tur Fagn. in c. nuper à nobis de Bigam. n. 20 & seq Pirrh.
de Cleric: conjug. n. 28. Kugler n. 1247 Glossa tamen in
C. citat: Unic. de Bigam. in 6; Ver. r. Bigamos sic habet
1. Bigamos verè vel interpretativè: ut quia duas uxores
habuit, vel cum Vidua vel corrupta contraxit. Deinde,
Et hoc verum est de his, qui sic in Minoribus Ordinibus con-
traxerunt; secus si in Sacris. Et in summa ejusdem Ca-
nonis, talis formatur Casus: Ponamus, quod aliquis Cle-
ricus, promotus ad primam tonsuram effectus est Bigamus
verè Et interpretativè, quia contraxit cum duabus, vel cum
una corrupta, an talis sit privatus omni Privilegio Clericali?
Respondet Romanus Pontifex, quod sic.

ASSERTIO III.

Percutiens quoruncq; modo Clericum, vel detinens eum in car-
cere. Item, manans percussione Clerici, vel suo no-
mine factam, ratam habens, nec impediens, cum ex justiti-
a aut charitate sine periculo vite teneatur, incurrunt
Excommunicationem Canonis.

§. 1.

PROBATUR primum. C. Nuper. 29. de sentent. excom: 48.

Nuper à nobis tua discretio requisivit, quid de illis Lai-
cis sit faciendum, qui Clericos (sine laesione tamen) in custo-
dia detinent publica vel privata; vel etiam detrudunt in

L 2

Vincu-

Vincula? . . respondemus, quod non credimus Laicos penam excommunicationis evadere. Non incurrit tamen excommunicationē, qui per metum absq; ulla vi vel tactu, cogit Clericum solis verbis, manere in aliqua domo. Similiter, qui obsidet domum, non ut faciat injuriam Clerico in illa existenti, sed ut justè obtineat illam. Nec incurrit excommunicationem, detinens Clericum per vim, ne aliquis eum injuriosè percutiat; aut ne ipse Clericus committat homicidium; vel ne incidat in manus hostium, &c. quia hæ actiones non sunt injuriosæ vel sacrilegæ, sed procedunt ex charitate.

§. 2.

49 **P**ROBATUR 2dum. C. Mulieres. 6. de senten: excom: §. Illi verò. Sic habetur: *illi verò, qui non per se ipsos, sed eorum auctoritate, vel mandato, alii violentè injiciunt manus in Clericos, ad Sedem Apostolicam sunt mittendi. C. Cum quis 23 eod. in 6. Cum quis absq; tuo mandato, manus injicit in Clericum tuo Nomine violentas; si hoc ratum habueris, excommunicationem latam a Canone incunctanter incurris; cum rati habitio retrahatur, & mandato debeat comparari. Si verò injectio eadem tuo Nomine non sit facta, tunc licet pecces, ratam habendo eandem, non tamen propter hoc excommunicationis ullius vinculo innodaris. Cum quis ratum habere nequeat, quod ejus nomine non est gestum.*

C. Quantæ. 47. eod. *Ne autem solos violentiæ hujusmodi auctores aliquorum præsumptio existimet puniendos, facientes,*

cientes, & consentientes pari penâ plectendos, catholica condemnat auctoritas; eos delinquentibus favere interpretans, qui cum possint, manifesto facinori desinunt obviare.

Nota 1. Si mandans revocavit mandatum, & 56
revocatio innotuit mandatario re integra, non mandans incurreret excommunicationem, si mandatarius percussisset Clericum. Secus dicendum, si revocatio non innotuit mandatario.

Nota 2. Siquis non expressè, sed tacitè man- 51
det: v g offensus à Clerico si dicat coram suis amicis vel famulis, se desiderare vindictam de tali injuria, prævidens, aut prævidere debens eos inde excitandos ad percutiendum Clericum; etiam hic incurrit excommunicationem secuta percussione. Argu: ex text: in cap. penul: de homicidio in 6.

Nota 3. Siquis mandavit, ut verbis tantum 52
Clerico inferretur injuria, mandatarius verò excessit procedendo ad verbera, mandans non incurreret excommunicationem. Quia mandans solum jussit fieri actum talem, propter quem de sui natura non incurritur excommunicatio.

Nota 4. Glossa in c. *Siquis suadente*, per manus, 53
violentas, intelligit etiam pedes. Item si quis spuat, vel perfundat aqua.

*Noto hic aliqua ex Barbosa Juris Eccl. uni. l. 1. c. 39. §. 1.
de Privil. Cler. huic materiae servientia.*

Noto 1. Quod per injectionem manuum violentarum, significetur quævis actio injuriosa, & contumeliosa contra Personam Ecclesiasticam immediate consistens in facto & opere, sive sit actio manibus, sive pedibus. Quamvis autem contactus physicè consideratus, levissimus sit, si tamen secundum moralem æstimationem, sufficiat ad gravem injuriam contra honorem, & reverentiam Clerico debitam, erit satis nihilominus ad hanc censuram incurrendam. Hinc Sylo: in summa Ver: Excommunicatio 6. §. 7. tenet: capientem Clericum per capillos, eiq; dicentem: *Nisi esses Clericus, hæc & hæc facerem.* Incurrere excommunicationem Canonis. Idem tenet. Grilenzon. Consil: 82. de eo, qui Sacerdotem insultaverat cum simplici manûs injectione ad collum, & altera manu super pugione. Idem ait Graff d. est. 9. n. 132. de eo, qui accepit Clericum per vestimentum seu capucium, dicendo: *Si non esses Clericus perouterem te.*

Noto 2. Quod ad incurrendam Censuram Canonis, requiratur talis actio, quæ sufficiat ad peccatum mortale. Item actio debet esse ipsam Personam Ecclesiasticam contingens, & exterior. Unde elevans manum, vel vibrans ensen contra Clericum, vel projiciens

ciens lapidem, si percussio illum non contingat, non incidit in Censuram.

Noto 3. Capiantem aliquid per vim vel injuriam ⁵⁶ de manibus Clerici vel corpore ejus, puta librum, pileum, aut vestem, &c. aut illam scindentem, aut frangentem, aut detineantem Clericum per vestem, ut non abeat, seu capientem frenum equi, in quo Clericus insidet, incurrere excommunicationem Canonis.

Noto 4. Incurrere in excommunicationē, eum, ⁵⁷ qui occidit Clericum per cibum vel potum venenō infectum, nam hujusmodi actio ita est violenta, ut dissolvat compositum; & est magis violenta & injuriosa, quā sit injectio alapæ, &c.

Noto 5. Eum quoq; incurrere excommunicationē ⁵⁸ tionem, qui volentem, & Consentientem Clericum percutit, quia Clericus, ad hoc consentire nequit, cū injuria fiat toti Ordini Clericali, ut DD. communiter deducunt ex c. *Contingit*. de Senten: excom: Ipse tamen Clericus, qui sic patitur verberari, non incurrit hanc excommunicationem ipso jure, sed per Sententiam Judicis; quia textus in d. c. utitur verbo: *Excommunicetur*.

Noto 6. Siquis, nullā vī adhibitā Clerico, clam ⁵⁹ & per fraudem, auferat marsupium, vel vestes in lecto jacentes, non incurrit excommunicationem Canonis.

Noto 7.

60 Noto 7. Insequens Clericum, ac impellens, ita ut cadat & lædatur, incurrit excommunicationem, Gloss: V. insecutione. in c. felicitis, de pæn: l. 6. Item, qui Clericum fugientem insequitur; isq; ob metum se præcipitet. Item qui Clericum à sede expellit, vel brachio violenter trahit.

ASSERTIO IV.

Dantur aliqui casus, in quibus percutiens Clericum, non incurrit Excommunicationem Canonis, qui enumerantur.

§. I.

61 **C**Asus 1. Siquis ignorans Clericum esse, percutiat. Probatur. C. si verò 4. de Senten: excomm: Si verò aliquis in Clericum nutrientem comam, manus injecerit violentas, propter hoc non debet Apostolico præsentari conspectui, nec etiam excommunicatione notari, dummodo ipsum Clericum ignoraverit.

62 2. Si sit percussio jocosa, & ex levitate, non ex odio vel indignatione. Probatur. C. super eo verò eod: Nec Clerici (Glossa addit: supple. sunt excommunicati) si sunt plenæ ætatis, & non odio, vel invidia, vel indignatione, sed levitate jocosa se ad invicem percutere contingat. Neq; Magister, si Scholarum Clericum intuitu disciplinæ vel correctionis percusserit.

63 3. Si sit casualis percussio. Probatur. 1. C. si verò. eod: Si verò alicujus potestatis Ostiarius, sub prætextu sui

sui officii malignatus Clericum laeserit, ab Episcopo suo potest absolvi, nisi forte eundem Clericum graviter vulneraverit. Officialis verò pro injectione manuum in Clericum, non potest, sine mandato Romani Pontificis absolutionis beneficium promereri, quia nulli Laico super Clericum tanta datur auctoritas, nisi forte turbam arcendo irruentem, non ex deliberatione, sed fortuito casu Clericum laedat.

4. Si Magister discipulum, Prælatus subditum, 64
 Parens filium Clericum, causâ correctionis, & disciplinæ percutiat. Probatur. C. cum voluntate 54. eod:
 Si vero ratione officii, quod in Ecclesia obtinent, aut etiam alii Clerici Seniores zelo devotionis pueros, vel adolescentes in Minoribus Ordinibus constitutos, turbantes Divinum Officium, & hi, qui obtentu Prælationis, vel Magisterii, subditos, & Scholares, correctionis causâ leviter fortè percusserint, excommunicationis sententiam non incurrunt. Quod & de his dicendum est, qui aliquos de familia sua, vel propinquos inferiorum graduum, simili modo, ut cohibeantur à suis insolentibus, & scientiâ bonisq; moribus informantur, duxerint corrigendos. Vide supra Casum 2.

5. Si Judex secularis Clericum inventum in crimine capiat, vel detineat in carcere ex mandato Prælati. Probatur C. si Clericos 15. eod: in 5. Si Clericos tuæ jurisdictioni subiectos (scribitur Papa Episcopo) propter

*commisso excessus, etiam per Laicos capi facias, Et eos, ne
fugiant, in carcere, postea pena debita castigandos, includas,
te, vel capientes eosdem (licet nondum appareat incorrigibiles
eos esse) nulla credimus excommunicatione notari.*

66

6. Si quis Clericum ter monitum ab Episcopo,
ut tonsuram & habitum deferat Clericalem, non de-
ferentem, & arma militaria gestantem, percutiat.
„ Probatur. C. in audientia 25. eod: Ex parte tua pro-
„ posita consultatio, utrum Clerici, qui arma milita-
„ ria, relicto habitu clericali gestare nullatenus erube-
„ scunt, si eis fuerit injuria corporalis illata, vel se à
„ captione redemerint, illa Clericorum debeant im-
„ munitate gaudere, qua pro temeraria manuum in-
„ jectione facta in Clericum, excommunicatus quis
„ ipso jure notatur, ad hæc tibi breviter responde-
„ mus. - hujusmodi Clerici, si à Prælati suis tertio
„ commoniti, militaria noluerint arma deponere, de
„ Privilegio Clericorum subsidium aliquod habere
„ non debent.

67

7. Si Clericus fuerit incorrigibilis, potest à Lai-
cis capi, in carcerari, jussu Prælati. Probatur. C. ut
„ famæ tuæ. 35. eod: Respondemus: quod cum
„ Prælati excessus corrigere debeant subditorum, &
„ publicæ utilitatis interfit, ne crimina remaneant
„ impunita, & perimpunitatis audaciam fiant, qui
„ nequam fuerant, nequiores, non solum possunt, sed
„ debent

debent etiam Clericos, postquam fuerint de crimine
 canonicè condemnati, sub arcta custodia detinere,
 qui cum sint incorrigibiles nec in Monasteriis valeant
 custodiri, ad similia vel pejora facile laberentur.
 Laici verò citra excommunicationis sententiam, ca-
 pere Clericos, & ad iudicium trahere possunt, si o-
 porteat, etiam violenter, dum tamen id de manda-
 to faciant Prælatorum. C. Præterea de Apostat.
 Clerici, qui relicto ordine Clericali & habitu suo,
 & in Apostasia tanquam Laici conversantur, si in
 criminibus comprehensi tentantur, per Censuram
 Ecclesiasticam non præcipimus liberari.

8. Si sit ob justam sui defensionem percussio, cum
 moderamine tamen inculpatae tutelæ. Probat. 1. C.
 si verò. de sent. excom. *Si verò Clericum vim sibi infe-*
rentem, ut quis repellat, vel lædat, non debet propter hoc
ad Sedem Apostoli transmitti, si in continenti vim ut repel-
lat; cum vim ut repellere omnes leges, omniaq; jura permit-
tant. Moderamen autem inculpatae tutelæ consistit
 circa hæc 1. circa modum, ut si quis esset insultatus
 sinè armis, non poterit se defendere armis. 2. circa tem-
 pus. Ut fiat in continenti, & illico facto insulto. Gloss.
 in l. 1. C. Unde vi. Nam percutiens Clericum ex inter-
 vallo ad sui defensionem, non evadit excommunica-
 tionem. 3. Circa causam, ut talis sit, & tanta pro-
 pulsatio, quanta est necessitas defensionis, & non ul-

tra. Unde si Laicus percussus à Clerico, ubi timor repercussionis non adest, dictum Clericum causâ defensionis percusserit, incidet in excommunicationem Canonis: quia non esset defensio, sed vindicta; quæ Soli Judici permessa; nisi forte timeretur geminata percussio. Ita resolutum in Curia Archiep: Neapol: teste Aloy: Ricc: &c.

Reliquos casus vide C. si verò 4. de senten: excom: C. cum non ab homine 14 C. Perpendimus. 23. eod:

§. 2.

69 **E**X dictis infero in particulari. 1. Pueri nondum habentes usum rationis, nec discernentes de peccato, si percutiant Clericum, non incurrunt excommunicationem.

70 2. Non baptizatus, si percutiat Clericum, nec hic incurrit excommunicationem. c. 14. de Judæ: quia excommunicatio est lex Ecclesiastica, cui non baptizati non subsunt.

71 3. Siquis percussit Petrum Clericum, volens percutere Paulum Laicum, non incurrit excommunicationem. Idem dicendum, si quis volens percutere hunc Clericum v g. Petrum, ab eo aberret, & casu, sive præter intentionem percutiat Clericum Paulum proximè adstantem, secus dicendum, si quis existimet Clericum, quem percutit, esse Petrum, cum sit Clericus

Pau-

Paulus, & ratio est. Tum quia tam intentio, quàm opus externum est injuriosum statui Clericali, propter cujus reverentiam imposita est excommunicatio. Tum quia percutientem nulla excusat ignorantia, nam in hoc casu percutiens habet intentionem percutiendi Clericum, & re ipsa percutit hunc Clericum, quamvis credat alium esse Clericum. Ita apud Barbos. Covar. in c. alma mater. p. 1. §. 10 n. 15. &c. Disparitas autem inter propositos casus hæc est. Quia in posteriori casu, percutiens, voluntariè percutit hominem, quem scit defacto Clericum, in quo tota ratio consistit, ob quam Canonis excommunicatio lata est. In priori autem casu, voluntariè non percutit hominem, quem scit esse Clericum, siquidem ut ponimus, à Clerici intenta percussione aberravit, alium autem hominem non longè distantem, qui Clericus erat, præter intentionem percussit. Nam etiam si hic fuisset Laicus, percutere illum noluiisset.

4. Percutiens percussione levì non attingente 72 culpam mortalem, sed solum venialem, non incurrit Censuram. Quia ad incurrendam illam requiritur, ut percussio sit peccatum mortale. Hinc si quis ex primo impetu, & subita animi passione injiciat manum in Clericum, postea adversione orta, retrahat illam, liber est à Censura. Primi enim motus non sunt in nostra potestate.

- 73 5. Laicus, vel privata Persona, videns Clericum præparatum ad injuriam alterius, absente ejus Prælato, si alias eum compescere non potest, valet eum ligare & capere, ut ipsum consignet Episcopo suo vel Superiori. Ita Innoc: in C. si verò 4. Alciat: Abb: &c.

ASSERTIO V.

Et si absolutio à præfata excommunicatione soli summo Pontifici sit reservata, eam tamen potest conferre Legatus à Latere.

§. 1.

- 74 **P**ROBATUR. C. Ad eminentiam 20 de Sent: excomm: Tibi exstat dubium, utrum absolutionis beneficium assequantur, qui pro injectione manuum in Clericos vel alias Religiosas Personas, excommunicationem incurrerunt, & à Legatis Cardinalibus, qui à Latere Romani Pontificis destinantur pro tempore, absolvuntur, cum iidem Legati mandatum super hoc non ostendant expressum, super quo id à te volumus observari, ut eos habeas absq; omni hæsitationis scrupulo absolutos, quos constiterit à talibus beneficium absolutionis, adeptos. Item C. ea noscitur. 13. eod: Alios autem, sive pauperes sive divites, Sedi Apostolicæ, vel Legato ejus, ut beneficium absolutionis obtineant, necesse est præsentari.

ASSERTIO VI.

Dantur aliqui casus, in quibus potest Episcopus, sive per se, sive per alium absolvere à præfata Excommunicatione percussorem Clerici, sive sit percussio levis, sive enormis.

§. Ante-

ANtequam probem assertionem, præmitto, tripli- 75
cem esse percussionem, *Enormem, Mediocre[m] & Le-
vem.* *Enormis* seu gravis percussio juxta C. Cum illo-
rū 32. eod est, quæ conjuncta est cum gravi læsione, vel
injuria, vel cum membri mutilatione, vel cum magna
sanguinis effusione, quæ proveniat non è naribus, sed
aliunde, vel cum magno vulnere aut ictu, quamvis parū
sanguinis exeat, vel valde ignominiosa attentis qua-
litatibus Personarum, & aliis circumstantiis. Ut si
quis impingeret alapam Episcopo &c. Percussio *Levis*
dicitur, non quia Leve est peccatum, seu veniale, sed
appellatur ita respectu enormis & mediocris, quæ sit
pugno, palma, manu, pede, digito, baculo, lapide &c.
nullam læsionem seu sugillationem carniū relinquens,
vel quæ sit absq; abciissione membri, sinè evulsione mul-
torum capillorum, sinè effusione multi sanguinis. Per-
cussio *Mediocris* dicitur illa, quæ est media inter enor-
mem & levem; qualis est illa, qua dens extrahitur,
vel capillorum magna copia evellitur, vel sugillatio
carniū relinquitur, &c. Dijudicare, quando sit
percussio levis, mediocris, vel enormis, ad Episcopum,
vel alium prudentem virum spectat. Hoc præmisso.

Quod ab Excommunicatione, ex levi percussione 76
Clerici orta possit absolvere Episcopus, habetur C.
Pervenit ad nos. 17. eod: *De his absolvendis, qui Clericis*

non enormem, sed modicam & levem injuriam irrogarunt, tua fraternitatis arbitrio (scribit Papa Episcopo) duximus committendum.

§. 2.

77 **E** Numerantur Casus. 1. Quando imminet periculum mortis non solum ex infirmitate, sed etiam si quis timeat hostes, prædonem, vel crudelitatem potentis, vel sit navigaturus periculosè, aut per loca periculosa transiturus, vel obsessus in loco, in quo machinæ jaciuntur, &c. in hoc casu non solum Episcopus, sed etiam quilibet Sacerdos ab Excommunicatione potest absolvere. Probat. C. Cum de Cætero 11. eod: Si habens capitales inimicitias, vel alias justas excusationes, quibus ab itinere rationabiliter excusetur, ita, quod sine periculo, Apostolico se nequeat conspectui præsentare, licet Diocesano Episcopo, recepto Juramento secundum morem Ecclesiæ, sibi absolutionis gratiam impetiri. Sed est illi sub juramenti debito injungendum, ut quam citius opportunitatem habuerit, Romanum Pontificem adeat, Mandatum Apostolicum suscepturus. Item C. Quod de his 26. eod: Fraternitati tuæ duximus respondendum. Quod is, qui asserit se in Canonem latæ sententiæ incidisse, non aliter, quam per Sedem Apostolicam, vel ejus Legatum, absolutionis potest beneficium obtinere: nisi forte sit in mortis articulo, vel paupertate, aut infirmitate: vel senectute tanta gravetur, quod ad Ecclesiam Romanam laborem subire non valeat veniendi, vel
ab hoc

ab hoc alio impedimento Canonico retrahatur. Cæterum ab his, in forma Sacramenti exigi consuevit, ut resumptis viribus, & opportunitate concessa, Romanam Ecclesiam in propria Persona debeant visitare.

Quod verò in articulo mortis, quilibet Sacerdos absolvere possit à quavis excommunicatione, consequenter à præfata, Concil. Trident. Sess. 14. c. 7. de pœnit: dicit: *In eadem Ecclesia DEl custoditum semper fuit, ut nulla sit reservatio in articulo mortis, atq; ideo omnes Sacerdotes, quoslibet pœnites, à quibusvis peccatis & Censuris absolvere possunt.*

§. 3.

Casus 2dus. Si Regularis verberet Regularem ejusdem Monasterii, absolvi potest à suo Prælato. Si percusserit Clericum Secularem, absolvetur ab Episcopo percussi Clerici. Quodsi percusserit Regularem alterius Claustrum, absolvetur per proprium Prælatum, & ejus Prælatum, qui passus est injuriam. Probat C. Monachi. 2. eod: *Monachi verò & Canonici Regulares, quocunq; modo se in Claustro percusserint, non sunt ad Apostolicam Sedem mittendi, sed secundum Providentiam sui Abbatis, discipline subdantur.* Glossa ait: dummodo non enormiter se percutiant, aut in Episcopum, Abbatem, vel Clericum secularem manus injiciant violentas. Item. C. cum illorum 32. eod: *Qui, si Claustrales hujusmodi fuerint, licet ab Alexandro Papa fuerit constitutum, quod*

Monachi & Canonici Regulares, quocunq; modo se in clau-
 stro percusserint, non sunt ad Apostolicam Sedem mittendi, sed
 secundum providentiam sui Abbatis, disciplinae subdantur;
 & si Abbatis discretio ad eorum correctionem non sufficit, pro-
 videntia est Diocesani Episcopi adhibenda, & alibi dicatur:
 quod de seculo fugientes, qui religionis habitum in Monaste-
 rio receperunt, & inter cetera postmodum confitentur se ta-
 le commississe delictum, per quod ipso actu excommunicationis
 Sententiam incurrerunt, sine licentia Romani Pontificis Ab-
 bas non potest, nec debet eos absolvere, quamvis praesump-
 tionem delinquentium debita possit animadversione punire; nos
 tamen in Religionis favorem, & ut evagandi materia subtrah-
 tur, maiorem eis gratiam exhibere volentes, eorum Praelatis, quod
 etiam talibus absolutionis beneficiū impertiri valeant, indulgemus.
 Nisi excessus ipsorum exstiterit difficilis, & enormis; utpote
 si ad mutilationem membri, vel effusionem sanguinis, est pro-
 cessum; aut in Episcopum, aut Abbatem, violenta manus
 injecta; cum excessus tales & similes, nequeant sine scandalo
 praeteriri. Si vero Clausstralis aliquis in Religiosam Perso-
 nam alterius Clausstri manus injecerit violentas, per Abbatem
 proprium & ejus, qui passus est injuriam, absolvatur. Item
 C. Canonica so. eod: Canonica constitutione cavetur, quod
 Monachi, & Canonici Regulares, quocunq; modo se percusserint,
 non sunt ad Apostolicam Sedem mittendi, sed secundum discre-
 tionem & providentiam sui Abbatis disciplinae subdantur--
 Nos ergo ad vos statutum huiusmodi duximus extendendum,
 auctori.

aucloritate prædicta statuantes, ut in tali casu (nisi Majoris sit providentia requirenda) per Priorem Vestrum, qui (si- cut audivimus) Presbyter esse debet, Fratribus vestris, absolutionis beneficium impendatur. Item C. Religioso. 21. eod: in 6. Religioso, qui manus violentas in Clericum seou- larem iniecit, (ne hoc prætextu habeat materiam evagandi) poterit ab Episcopo, eo casu absolutionis beneficium exhiberi. Id est: Etsi Religiosus percutiens enormiter Clericum secularem, deberet adire S. Sedem Apostolicam vel Legatum pro absolutione, potest tamen absolvi ab E- piscopo, ne habeat occasionem vagandi.

Casus 3. Si Clerici Collegialiter seu in Com. 79 muni viventes, se mediocri percussione afficiant, vel enormi, absolvi possunt ab Episcopo. C. Quoniam 9 de vit. & honest. Cleric: Indulgemus etiam, ut si quis- quam eorum, qui simul vivunt, pro manus iniectione in so- cium, a communione meruerit fieri alienus, reconciliandi, & penitentiam imponendi, potestatem plenariam habeatis, (scribit Greg. VII. Episcopo) nisi forte atrocitas facti, graviolem panam expectet.

Casus 4. Mulieres cujuscunq; fuerint ætatis, 80 conditionis imò & Moniales, percutientes Clericum, aut se ad invicem, ab Episcopo absolvi possunt. Vide C. Mulieres 6. de Sent: excomm: n. 35. & C. de Moniali- bus. 33. eod: n. 43.

Casus 5. Pueri impuberes, qui doli capaces 81

N 2 sunt

sunt, senes, impotentes ad conficiendum iter, pauperes, percussores Clericorum ab Episcopo absolvi possunt. De Pueris vide n. 36. Reliquum probatur C. Ea noscitur. 13. de Sent: excomm: *Consultationi tuæ taliter duximus respondendum: quod Mulieres, Senes, seu valetudinarii, seu membrorum destitutionibus impediti, licet ad Apostolicam Sedem non veniant, ab Episcopis valeant fidelium communioni restitui.*

§. 4.

82 **C**irca præfatos Casus, Noto. Quod, qui absoluti sunt ab Episcopo propter impedimentum perpetuum, illis non sit injungendum præceptum præsentandi se S. Sedi Apostolicæ; quia impossibile injungeretur. Si verò fuerit impedimentum temporale, hi tenentur se præsentare S. Sedi Apostolicæ, vel ejus Legato, sublato impedimento. Ita habetur C. Ea noscitur cit: im. n: *Si verò infirmitatis tempore, timore mortis beneficium fuerit absolutionis indultum, juramentò præstitò injungatur eisdem, ut postquam sanitati fuerint restituti, ad Romanam Ecclesiam, vel ejus Legatū accedant, Mandatum Apostolicum super talibus recepturi.* Item C. quod de his. 26. eod: cit: n. 77. Item C. eos qui 22. eod: in 6. *Eos, qui à sententia Canonis, vel hominis, cum ad illum, à quo aliàs de jure fuerant absolvendi, nequeunt propter imminentis mortis articulum, aut aliud impedimentum legitimum pro absolutionis beneficio habere recursum, ab alio absolvuntur, si cessante*

sante postea periculo, vel impedimento hujusmodi, se illi, a quo his cessantibus, absolvi debebant, quam citò commodè viderunt, contempserint præsentare, mandatum ipsius super illis, pro quibus excommunicati fuerant, humiliter recepturi, & satisfacturi, prout justitia suadebit; Decernimus (ne sic Censuræ illudant Ecclesiasticæ) in eandem sententiam recidere ipso jure.

§. 5.

Quæres. In qua forma, à percussore Clerici præstatur Juramentum, cum absolvitur ab Excommunicatione? *R.* C. Ex tenore 10. de Senten: excom: talis forma præscribitur: *Mandamus itaq; quatenus recepto ab eo juramento, quòd tuo debeat mandato parere, ipsum vice nostra, à sententia, qua tenetur, absolvas, sibiq; in virtute juramenti præcipias, ne de cætero in Clericum, Monachum, vel alicujus Religionis Conversum, manus injiciat violentas: nisi se defendendo, aut de mandato suorum fecerit Prælatorum; vel nisi super eum Prælationis Ministerium aut Magisterium habeat, aut cum ipso in eadem Ecclesia Socius esse noscatur.*

Etiam satisfactio debet fieri, si quæ injuria contra Justitiam Clerico à Percutiente illata, juxta C. Ea noscitur citat. n. 81. Ab Episcopis valeant fidelium communioni restitui, satisfactio juxta facultates, his, quibus per eos constiterit injurias irrogatas. Item C. eos qui cit. n. 82. statuimus. - *U2* - injuriam, seu his, quibus propter hoc obligati existunt, satisfactionem exhibeant competentem. **PUN-**

PUNCTUM II.

De Privilegio Fori.

85 **C**Um Privilegium Fori in hoc consistat, quòd Clerici sint liberi à Jurisdictione Laicali, tam in Criminalibus, quàm in Civilibus, ita ut ad forum seculare citari non possint, nec statutis Laicorum obligari, ex hac occasione possunt quæri hæc: 1. Jurisdictio Laicorum unde habeatur, & ad quos se extendat. 2. An detur suprema Potestas tam Spiritualis, quàm Temporalis. 3. Spiritualis Potestas an sit in Regibus. 4. Utrum Clerici teneantur Legibus Civilibus de solvendis Tributis, de comparando coram Judice seculari. 5. Utrum Statuta Laicorum contra Immunitatem Ecclesiasticam lata, sint valida? 6. Utrum statuentes aliquid contra libertatem Ecclesiasticam incurrant aliquas censuras Ecclesiasticas. &c. &c.

ASSERTIO I.

Principatus Politicus, si debito modo introductus est, justus & legitimus est. Ejus jurisdictio habetur immediate à DEO in ipsa communitate perfecta politica, ex hominibus congregata. Seu in corpore politico Communitatis, mediate vero à DEO habetur in ipsis Monarchis, Regibus, Principibus, loquendo de lege ordinaria.

§. I. Pro-

PROBATUR IUM. Quia Principatus Politicus (qui 86
in hoc consistit, ut in communitate humana ser-
vetur civilis Societas, pax, concordia, charitas, per
administrationem Justitiæ) jure naturæ introductus
est, quia introductus est ad exigentiam naturæ huma-
næ. Homo enim ex natura propensus est ad civilem
Societatem, & exigit conservationem vitæ suæ, quæ
haberi non potest sine concordia, charitate, pace, ju-
stitia. Porro pax & justitia stat per gubernatorem,
seu talem, qui habet potestatem præcipiendi, dirigen-
di, legem ferendi, ac criminosos coërcendi & puniendi.
Hæc potestas politica, seu Regimen potest esse vel in
Una Persona singulari, & dicetur regimen *Monar-*
chicum; vel in pluribus permodum unius supremi Con-
silio, seu Tribunalis ex pluribus Primatibus coaliti, &
erit regimen *Aristocraticum*; vel in toto populo: eritq;
regimen *Democraticum*. Si itaq; Principatus politicus,
jure naturæ introductus est, eum esse justum & legiti-
mum, est necesse. Item in Sacra Scriptura, princi-
patus politicus, laudatur, & commendatur. Sapien. 6.
Rex Sapiens, stabilimentum populi est. Et Proverb. 29.
Rex, qui judicat in veritate pauperes, thronus ejus firmabi-
tur in æternum. S. Paulus Tito scribit. c. 3. *Admone illos*
Principatibus & potestatibus subditos esse. S. Petrus 1. Ep.
c. 2. *Deum timeate, Regem honorificate, servi subditi esto-*
te in

te in omni timore dominis, non tantum bonis & modestis; sed etiam discoloris. Item supra: Subiecti igitur estote omni humanae creaturae propter DEum, siue Regi, quasi praecl-
lenti, siue ducibus &c. Dixi in assert: Si debito modo
introducitur est, ut excludam potestatem per tyrannidem
usurpatam, hæc enim est iniqua & injusta; cum ju-
sto titulo Dominii careat.

§. 2.

PROBATUR 2dum. Cum S. Paulus adhortatus fuisset
fideles, ad obediendum Principibus, illis verbis:
Omnis anima potestatibus sublimioribus subdita sit: dedit
87 rationem: Non enim est potestas, nisi à DEO, quæ autem
sunt à DEO, ordinata sunt. Itaq; qui resistit potestati,
DEI ordinationi resistit. Ad Rom: 13. & Prov: 8. dicit
Sapientia æterna de se: Per me Reges regnant, & legum
conditores iusta decernunt, per me Principes imperant, & po-
rentes decernunt iustitiam: Sapient: 6. Divina Sapientia
alloquitur Reges: Audite ergo Reges & intelligite ---
quoniam data est à Domino potestas vobis, & Virtus ab altis-
simo, qui interrogabit opera vestra, & cogitationes scruta-
bitur. Daniel: c. 2. ad Nabuchodonozor dixit: Tu Rex
Regum es, & DEUS celi, Regnum & fortitudinem & im-
perium dedit tibi. Item Reges & Principes in Sacra Scri-
ptura vocantur Ministri DEI. S. Paulus loco citato ad
Rom: 13. ait: Si autem malum feceris, time: non enim sine
causa gladium portat; DEI enim Minister est, vindex in
iram

iram ei, qui malum agit. Ergo Potestas Principis politici est Ministerialis respectu DEI. Ergo DEUS est principaliter auctor hujus principatus. Item Princeps politicus habet Jus gladii in eos, qui malè agunt, juxta S. Paulum, ita ut etiam vitâ illos privare possit. Hoc autem nullus homo propria auctoritate facere posset sinè nutu Divino, cum Solus DEUS sit Dominus vitæ hominis. Christus quoq; Pilato dicenti sibi: *Nescis, quia potestatem habeo crucifigere te, & potestatem habeo, dimittere te; respondit: Non haberes potestatem adversum me ullam, nisi tibi datum esset de super.* Joan. 19. O quantum itaq; illi imprudenter errant! qui se Dominos vitæ & necis respectu suorum subditorum jactabundè appellant.

§. 3.

Immediatè probatum est, quòd potestas politica civiliter gubernandi Rempub: fit ab ipso DEO; nunc probandum, quòd hæc potestas sit à DEO data immediatè hominibus in perfectam Civitatem seu Communitatem congregatis; Monarchis verò, Regibus, Principibus mediatè; id est, inquantum hæc potestas à populo transfertur in Monarchas & Reges. Hæc assertio, tali probatur argumentò. Datur suprema potestas politica gubernandi civiliter, eaq; immediatè collata à DEO. Sed hæc potestas non est data à DEO immediatè singulis Regibus, &c. ergo immediatè data est

ta est à DEO communitati ex hominibus in unum Corpus politicum congregatæ. Minor probatur : Si præfata potestas data fuisset , à DEO, immediatè Regibus &c. deberet id constare vel ex revelatione DEI, vel ex eo, quia ejusmodi potestas esset cum natura indita Regibus, consequenter esset connaturalis Regibus. Sed nihil horum dici potest. Non primum : ostendatur enim, quando & cui DEUS revelavit hanc veritatem, quòd Regibus DEUS *immediatè* contulerit supremam potestatem? Item dari potestatem politicam, non in una Persona, sed in toto perfecto populo, seu corpore Communitatis, ex solo dictamine rationis naturalis agnoscitur ; quia admissa Communitate congregata in unum Corpus, necessarium est, & consequens naturaliter, ut conservetur in pace, concordia, Charitate & Societate Civili, & hanc conservationem sui Communitas humana ; ex natura sua exigit. Proinde hæc potestas cum sit quædam proprietas consequens naturam humanam, est immediatè à DEO, quemadmodum & ipsa natura humana est immediatè à DEO. Quod illustrari potest in anima rationali ; quæ habet potentiam intellectivam & volitivam. Quemadmodum enim anima rationalis est immediatè à DEO, ita & potentia intellectiva & volitiva est immediatè à DEO. Proportionatè quoq; de potestate morali discurrendum. Non potest etiam dici secundum, quòd

pote-

potestas politica sit indita Regibus cum natura, aliàs cum illa nascerentur, atq; ab incunabulis, hæc haberetur in omnibus Regibus, quod dici non potest de illis, qui per liberam populi electionem eliguntur.

Jus itaq; naturale dat per se & immediatè Communitati potestatem, non tamen absolutè præcipit, ut in illa semper maneat, neq; ut per illam semper immediatè exerceatur hæc potestas, sed solum, quamdiu eadem Communitas aliud non decreverit; vel etiã ab aliquo potestatem habente alia mutatio legitimè facta non fuerit. Proinde perfecta Communitas, jure naturæ libera est, & nulli homini extra se subjicitur, sed tota in se habet potestatem, quam si à se non alienaverit, erit Regimen Democraticum; quodsi eandem potestatem à se vel in unam Personam, vel in Senatum transtulerit, erit gubernatio vel Monarchica, vel Aristocratica.

§. 4.

ID totum, quod hæcenus dictum est, Constat ex 90 l. i. ff. de Constit. Princip. ubi dicitur: *Quod Principi placuit, legis habet vigorem; utpote cum lege Regia, quæ de Imperio ejus lata est, populus ei, & in eum omne suum imperium & potestatem contulerit.* Nomine autem *Legis Regiæ* non intelligitur Lex à Rege lata, sed lex lata à populo de Regia potestate & ejus Imperio, quomodo Communitatem gubernare debeat. Ita Glossa & DD.

exponunt. Idem habetur, l. 2. ff. de Origi: Juris Civilis in qua describitur, quomodo à Condita Urbe Roma, gubernatio Reipublicæ Romanæ inceperit. Ex hac lege aliqua excerpo: *Et quidem initio Civitatis nostræ, (id est Romanæ) populus sine certa lege, sine certo jure primum agere instituit. Id est vivere incepit. Postea, omnia arbitrio Regis à populo electi gubernabantur. Aucta enim ad aliquem modum Civitate, ipse Romulus traditur populum in triginta partes divisisse, quas partes Curias appellavit, propterea, quod tunc Reipub: curam per sententias earum partium expediebat; Et ita leges quasdam, Et ipse Curiatam ad populum tulit Et c. Exactis deinde Regibus, lege Tribunitia, omnes leges exoleverunt, iterumq; caput Populus Romanus incerto magis jure, Et consuetudine aliqua uti, quam prolata lege, idq; prope viginti annis passus est. (En Democraticum Regimen) Postea, ne diutius hoc fieret, placuit publica auctoritate decem consilii (en Aristocraticum Regimen) per quos peterentur leges à Græcis Civitatibus, ut Civitas fundaretur legibus, quas in tabulis decem ancis perscriptas, pro Rostris proposuerunt, ut possent apertius perspicere datumq; est eis jus eo anno in Civitate summum, uti Et leges corrigerent, si opus esset, Et interpretarentur, neq; provocatio ab eis, sicut à reliquis Magistratibus, fieret; qui Et ipsi animadverterunt aliquid deesse istis primis legibus; ideoq; sequenti anno, alias duas eisdem tabulis adjecerunt; Et ita ex accidente appellata sunt leges duodecim tabularum Et c. His legi.*

legibus, additæ sunt aliæ leges. Et ita eodem pœne tempore tria hæc jura nata sunt: *leges 12. tabularum*, ex his *fluere capio Jus Civile*; ex iisdem legis actiones composuit. Omnium tamen harum & interpretandi scientia, & actiones apud Collegium Pontificum erant; ex quibus constituebatur, quis quoq; anno præset privatis, & populus annis prope centum, hac consuetudine usus est. Postea cum Appius Claudius composuisset & ad formam redeuisset legis actiones, Gneius Flavius scriba ejus, Libertini filius, surreptum librum populo tradidit, & adeo gratum fuit id munus populo, ut Tribunus plebis fieret, & Senator & Aedilis Curulis. Hic liber, qui actiones continet, appellatur *Jus Civile Flavianum*. -- Augescente Civitate, quia deerant quædam genera agendi, non post multum temporis spatium sextus Aelius alias actiones composuit, & librum populo dedit, qui appellatur *Jus Aelianum*. Deinde cum esset in Civitate *lex 12. tabularum*, & *Jus Civile*, essent & legis actiones, evenit, ut plebs in discordiam cum Patribus perveniret, & secederet, (in montem Aventinum) sibiq; jura constitueret, quæ plebiscita vocantur. Mox cum revocata esset plebs, quia multæ discordiæ nascebantur de his plebiscitis, pro legibus placuit & ea observari, lege *Horrentia* lata; ita factum est, ut inter plebiscita & leges species constituendi interesset, potestas autem esset eadem. Deinde quia difficile plebs convenire cepit, populusq; multo difficilius, in tanta turba hominum, necessitas ipsa Curam Reipub. ad Senatum deduxit. -- Novissime evenit, ut esset necesse Reip.

per unum consuli. Nam Senatus non perinde omnes Provin-
cias probe regere poterat. Igitur constituto Principe, datum
est ei Jus (id est à populo) ut quod constituisset, ratum
esset. (en Regimen Monarchicum) &c. Exactis (id est
expulsis) deinde Regibus Consules constituti sunt duo; penes
quos summum jus uti esset, lege rogatum est dicti ab eo, quod
plurimum Reipub. consularent. Qui tamen ne per omnia Re-
giam potestatem sibi vindicarent, lege lata factum est, ut ab
eis provocatio esset, neve possent in Caput Civis Romani an-
tiusadvertere injussu (hoc est sine jussu) populi; solum re-
lictum est illis, ut coercere possent, & in vincula publica du-
ci juberent &c. Ex his patet, in populo seu Communi-
tate fuisse immediatè potestatem.

§. 1.

91 **I**dem ex S. Scriptura firmatur. Deutor. 17. dicitur
ad populum Israëliticum, Cum ingressus fueris terram,
quam Dominus DEUS tuus dabit tibi, & possederis eam, ha-
bitaverisq; in illa, & dixeris, constituam super me Regem, si-
cut habent omnes per circuitum Nationes; cum constitueris, quem
Dominus DEUS tuus elegerit de numero fratrum tuorum, non
poteris alterius gentis hominem, Regem facere, qui non sit
frater tuus. Ex hoc textu patet, quod DEUS designa-
bat Personam, quæ in Regem creanda erat, populus
autem eidem Personæ, dignitatem regiam ac potesta-
tem conferebat. Ergo Populus habet ex natura rei
potestatem constituendi Reges, seu suam potestatem
in Reges transfundendi. Acce-

Accedit, quod S. Chrysost: hom. 23. in Epis: ad 92
Rom. in illa Verba: *Non est potestas nisi à DEO*, dicit:
Quid dicis? omnis ergo Princeps à DEO constitutus est?
istud non dico. Nec enim de quovis Principe mihi sermo nunc
est, sed de re ipsa. Id est de ipsa potestate. Quod enim prin-
cipatus sint, quodq; hi quidem imperant, illi verò subjecti
sunt, quodq; non simpliciter ac temere cuncta feruntur, divinæ
sapientiae opus esse dico. Propterea non dicit: Non enim
Princeps est nisi à DEO; sed de re ipsa differit, dicens:
Non enim potestas est, nisi à DEO.

S. 6.

NOto 1. Postquam populus suam potestatem tran- 93
stulit in Regem, & Rex eam acceptavit, eo ipso
Dominium in Populum acquisivit, nec populus Do-
minium Regi semel donatum auferre, & se in liberta-
tem vindicare potest. Sicut si quis particularis homo
suae libertati renunciaverit, & se in servum vendiderit,
non potest se postea suo arbitrio à servitute eximere.
Retinet tamen Populus potestatem in habitu, ut Na-
var: & Bellarm: ajunt; ita ut in certis casibus populus
possit licitis mediis, se in libertatem vindicare. v g.
si Princeps suam potestatem in Tyrannidem verteret,
illâ in manifestam Communitatis perniciem abutendo;
totam Communitatem Catholicam ad amplectendam
hæresim cogendo &c.

Noto

94

Noto 2. Regia potestas seu Dominatio, variis modis obtineri potest. *1mo.* Quando communitas perfecta voluntariè Regem eligit, in quem suam transfert potestatem, & in successores ejus. Et hoc modo in Regnis successivis Reges possunt dici habere potestatem à Populo, non per novum consensum, sed vi antiquæ institutionis factæ à Populo. *2do.* Quando datur potestas Personæ sinè carnali successione, sicut in Regno nostro Poloniæ eliguntur Reges. *3tio.* Per bellum justum, & tunc populus victus privatur sua potestate, quam habebat, Princeps verò, qui prævaluit contra illum, verum Jus & Dominium talis Regni acquirit. Sicut capti in justo bello, privantur libertate à Natura concessa, & efficiuntur veri servi in pœnam justam. Quodsi contingat aliquod Regnum occupari per injustum bellum, tunc in principio quidem non acquiritur vera potestas, successu tamen temporis, cum populus liberè consenserit, incipiet verum dominium & Regia potestas.

ASSERTIO II.

Nullus hominum habet supremam potestatem in universum Orbem.

§. 1.

95 **P**Robatur. Si aliquis hominum, isq; Laicus haberet supremam potestatem in universum Orbem, deberet

beret illam habere, vel supernaturali & extraordinario modo, nempe à Christo Domino collatam, vel humano aliquo jure acquisitam, hoc est vel per electionem, vel per justum bellum; nullo autem ex his modo, ab ullo Principe Laico habetur ejusmodi potestas. Non primo modo; non enim ostendi potest, cui Principi Laico Christus contulerit potestatem in universum orbem, quemadmodum contulit Petro in universam Ecclesiam, dicendo illi: *Pasce oves meas, Pasce agnos meos.* Non secundo modo; aliàs ostendi deberet, quis Princeps Laicus, electus sit in Imperatorem totius Orbis, & quis Imperator universum Orbem justo bello sibi subjugaverit. Patet item ex eo, quòd singula Regna & Principatus habeant singulos Reges & Principes, independentes à se. Ipsi quoq; summi Pontifices in multis SS Canonum locis recognoscunt, quòd non usurpent sibi supremum dominium directum Jurisdictionis temporalis in universum Orbem. Ità Nicolaus Papa ad Michàelem Imperatorem 96. dist. Cum ad verum ait: *Nec Imperator, jura Pontificatus arripuit, nec Pontifex nomen Imperatorium usurpavit, quoniam --- Christus: sic actibus propriis & dignitatibus distinctis, officia potestatis utriusq; discrevit.* Et C. Novit. 13. de Judiciis Innocentius III. Prælati per Franciam constituti, scribit: *Non putet aliquis, quod jurisdictionem illustri Re-*

gis Francorum perturbare, aut minuere intendamus, cum ipse jurisdictionem nostram, nec velit, nec debeat impedire. Non enim intendimus judicare de feudo, cujus ad ipsum spectat judicium. Et C. si duobus 7. de Appell: Denique quod quaeris, si à Civili Judice ante Judicium, vel post ad nostram audientiam fuerit appellatum, an hujusmodi appellatio teneat; tenet quidem in his, qui sunt nostrae temporali jurisdictioni subiecti, in aliis vero, etsi de consuetudine Ecclesia teneat, secundum Juris rigorem credimus non tenere. Item Nicolaus Papa ad Albinum Episcopum scribit: Sancta DEI Ecclesia, gladium non habet, nisi Spiritualem.

§. 2.

97 **A**dverto tamen hic. 1. Quod summus Pontifex in sua peculiariditione jus gladii habeat; quemadmodum & alii Prælati Ecclesiastici in proprio territorio, alio titulo comparato gladium temporalem habere possunt.

98 Adverto 2. Quod licet summus Pontifex non usurpet directum Dominium, & temporalem supremam Jurisdictionem, in universum Orbem; cæterum tamen Reges & Principes temporales, non solum quia homines, sed etiam quoad Regiam potestatem, Spirituali potestati summi Pontificis sunt subiecti. Quod colligitur ex Can. 39. Concil. Nicen: De Pontifice Romano sic dicitur: Ipse est primus sicut Petrus, cui data est potestas in omnes Principes Christianos, & omnes populos eorum,

rum, ut qui sit Vicarius Domini nostri *IESV Christi*, super cunctos populos, & universam Ecclesiam Christianam. Item C. Generali 25. q. 1. Adrianus Papa dicit: Generali decreto constituimus, ut execrandum anathema sit, & veluti prævicator Catholicae fidei semper apud DEum reus existat, quicumq; Regum - - vel Potentium, deinceps Romanorum Pontificum Decretorum censuram in quocunq; crediderit, vel permiserit violandam. Item Gelasius Papa Anastasio Imperatori sic scribit: Licet praesideas humano generi dignitate rerum terrenarum, tamen Praesulibus divinarum, devotus colla submittis. - - Subdi te debere cognosce religionis Ordine.

A S S E R T I O III.

Datur in universo Orbe suprema Spiritualis potestas, vera ac propria Jurisdictionis externa, per quam possit Christianus Populus in ordine ad salutem animae gubernari.

§. I.

ANtequam probem imam partem assertionis, pra- 99 mitto duplicem esse potestatem Ecclesiasticam: aliam Ordinis; aliam Jurisdictionis. Potestas Ordinis, est facultas quaedam moralis, ad cultum DEI religiosum ordinata, vel per oblationem sacrificii, vel per administrationem & dispensationem Sacramentorum, quae ad sanctificationem fidelium sunt instituta, vel deniq; per alias quascunq; caeremonias, quae ad ornatum sacrificii, aut Sacramentorum, convenienter

P 2

& or-

& ordinatè fieri debent. Potestas Jurisdictionis Ecclesiastica, alia est fori interni, alia fori externi Ecclesiastici. Prior est data à Christo, quæ proximè constituit Sacerdotes, Superiores & Judices in quodam Divino & secreto foro, quod in Sacramento pœnitentiæ exercetur. Posterior est itidem data à DEO, ad gubernandam Ecclesiam quatenus est quædam Respublica Spiritualis, & Corpus Christi mysticum. Quæ Spirituality vocatur, ut distinguatur à temporali.

100 Præmitto 2do. Fuisse hæresim Marsilii Paduani, qui ferè ante sexcentos annos, inter alias hæreses docuit, Christum, nullam Jurisdictionem suæ Ecclesiæ, aut Episcopis, aut summo Pontifici in Laicos vel Clericos dedisse, qui pro potestate sua possent præcipere aliquid, obligare ad præcepta servanda, & transgressores punire. Hunc sequuntur moderni Hæretici & Atheisantes, contra quos procedit præsens assertio. His præmissis.

§. 2.

101 **P**ROBATUR Assertio, quæ cum de Fide sit certa, ideo testimoniis S. Scripturæ probari debet. Christus Dominus instituendo Ecclesiam suam militantem, priusquam eam quoad visibilem suam corporalem præsentiam relinqueret, illam Petro tanquam Vicario suo ac supremo Pastori commendavit, ac subinde supremam Spiritualem potestatem ad gubernandam illam,

ei con-

ei contulit. Ut habetur Matth. 16. ubi Christo quaerenti: *Quem dicunt homines esse Filium hominis*, cum Petrus respondisset: *Tu es Christus Filius DEI vivi*: Christus dixit illi: *Beatus es Simon Bar-Jona, quia Caro & Sanguis non revelavit tibi, sed Pater meus, qui in caelis est*: & ego dico tibi, quia tu es Petrus, & super hanc Petram aedificabo Ecclesiam meam; & portae inferi non praevallebunt, adversus eam, & tibi dabo claves regni caelorum, & quodcumque ligaveris super terram, erit ligatum & in caelis, & quodcumque solveris super terram, erit solutum & in caelis. Hæc fuit promissio Christi, qui fallere non potest in promissis. Et ideo dubitari non potest, quin postea impleverit, quod tunc promisit. Et Joan. 21. dixit Christus ad Petrum. *Pasce Oves meas.* - *Pasce Agnos meos.* Id est, ut SS. Patres interpretantur, rege, governa, Ecclesiam meam. Item Matth. 18. *Si Ecclesiam non audierit, sit tibi tanquam Ethnicus & Publicanus.* S. Paulus de se scribit 2. ad Corinth. 13. *Ideo hæc absens scribo, ut non præsens durius agam secundum potestatem, quam Dominus dedit mihi in aedificationem, non in destructionem.* Hic S. Apostolus de potestate Spiritualis dicit, nam temporalem seu Regiam non habuit.

ASSERTIO IV.

Spiritualis potestas non est in Principibus Temporalibus, sed est in Pastoribus Ecclesiae, praesertim in summo Pontifice.

Ad hanc Jurisdictionem Spiritualem spectant omnes fideles, cujuscunq; sint potestatis, dignitatis, & status.

§. 1.

102 *PRimum Probatur. Act: 20. ait Apostolus: Attendite vobis & universo gregi: in quo vos Spiritus Sanctus posuit Episcopos regere Ecclesiam DEI, quam acquisivit sanguine suo. Hic apertè dicit, Episcopis datam esse à DEO potestatem regendi seu gubernandi Ecclesiam. S. Petrus 1. C. 5. Sic ad Seniores Ecclesiæ scribit: Pascite, qui in vobis est, gregem DEI, providentes non coacte, sed spontaneè secundum DEum. S. Paulus 1. ad Corinth: 5. dicit se habere judiciariam potestatem Spiritualem in Ecclesia: Ego quidem absens corpore, præsens autem Spiritu, jam judicavi ut præsens, eum, qui sic operatus est, (id est, ut uxorem patris sui quis habeat) in nomine Domini JESU Christi --- tradere hujusmodi hominem satanæ, in interitum carnis, ut Spiritus salvus sit. Item 2. Corin: 13. Prædixi enim vobis & prædico, ut præsens vobis, & nunc absens, itis, qui ante peccaverunt, & cæteris omnibus, quoniam si venero iterum, non parcam. Hanc Jurisdictionem & potestatem solum Successores S. Petri & Apostolorum habent, & non Principes temporales. Nam in testamento Novo, loco supra citato n. 74. hæc potestas promissa fuerat & data Petro, & Apostolis, qui Reges temporales non erant. Item in eodem testamento Novo non invenitur ea potestas data Regibus tempo-*

temporalibus. Hinc Symmachus in Apologia contra Anastasium Imperatorem dicit : Conferamus honorem Imperatoris, cum honore Pontificis, inter quos tantum distat, quantum ille humanarum rerum curam gerit, isle divinarum. & infra : Tu humana administras, ille tibi divina dispensat. Idem sensit Constantinus Magnus, qui iudicium in Nicæno Concilio inter Episcopos recusavit, dicens : Deus vos constituit Sacerdotes ; & nobis a DEO dati estis Iudices, & conveniens non est, ut homo iudicet DEOS, sed ille solum, de quo scriptum est : Deus stetit in Synagoga Deorum, in medio autem, DEOS dijudicat. Quod verò ad summum Pontificem suprema potestas Spiritualis spectet, probatur id verbis Christi Domini Joan: 10. ubi dicit : Alias oves habeo, quæ non sunt ex hoc ovili ; & illas oportet me adducere, & vocem meam audient & fiet unum ovile & unus Pastor. Ex quo textu infero : Ergo Christus habet suum Ovile, in quo Pastor constitutus est S. Petrus & Successores ejus. Et quemadmodum unum est Ovile Christi per Orbem universum diffusum, constans ex Fidelibus, ad quod aliæ Oves, quæ non sunt ex hoc Ovili, sunt adducendæ, juxta promissionem Christi, ita necesse est unum esse Pastorem, qui in hoc Ovili omnes Oves pascat, usq; ad Consumationem mundi ; qui non est alius, nisi Successor S. Petri. De successionem verò summorum Pontificum, sic ait S. Augustinus in Psalmo contra partem Donati : *Numerate Sacer-*

Sacerdotes, vel ab ipsa Petri Sede, & in Ordine illo Patrum, quis cui successerit, videte. Ipsa est Petra, quam non vincunt superba inferorum porte.

§. 2.

103 **S**ECUNDUM Probat. C. Quis dubitet dist. 96. Quis dubitet Sacerdotes Christi, Regum & Principum, omniumq; Fidelium Patres & Magistros censerit? Nonne miserabilis insanie esse cognoscitur, si filius Patrem, discipulus Magistrum sibi conetur subjugare, & iniquis obligationibus illum sua potestate subicere, a quo credit non solum in terra, sed etiam in caelis se ligari posse & solvi. Ibidem C. si Imperator. Si Imperator Catholicus est (quod salva pace ipsius dixerimus) filius est, non Praesul Ecclesiae, quod ad religionem competit, discere ei convenit, non docere. Ad Sacerdotes enim DEUS voluit, quae Ecclesiae disponenda sunt, non ad seculi potestates, quas, si fideles sunt Ecclesiae suae Sacerdotibus voluit esse subiectas. (Omnes 4. de majorit. & obedi: Omnes Principes terrae & ceteros homines Episcopis obedire beatus Petrus praecipiebat. Pie agnovit id Justinus Imper: in l. 4 C. de summa Trinit. & Fide Cathol. his verbis: Nos reddentes honorem Apostolicae Sedi, & Vestrae sanctitati, quod semper nobis in voto fuit, & est, ut decet Patrem, honorantes Vestram sanctitatem, omnia, quae ad Ecclesiarum statum pertinent, festinavimus ad notitiam deferre vestrae sanctitatis, quoniam nobis semper fuit magnum studium unitatem vestrae Apostolicae Sedis & statum sancta-

sanctarum Ecclesiarum custodire. Carolus Rex Franciæ in Epistola ad Adrianum II. sic scribit: *Sanctissimo Patri Andriano, summo & universali Pontifici, Carolus DEI gratia Rex, & Spiritualis Filius vester, &c.* Et Hugo Rex Franciæ, ad Joannem Pap. XV. inter alia scribit: *Hoc ex integro affectu dicimus, ut intelligatis & cognoscatis, nos & nostros vestra nolle declinare iudicia.* Plurimi quoq; alii Imperatores & Reges, hanc subjectionem suam in Spiritualibus erga sanctam Sedem Apostolicam recognoverunt; cui materiæ immorari, non est mei propositi.

§. 3.

Dices: S. Petrus 1. c. 2. dicit: *Subiecti igitur estote omni humane creature propter DEum, sive Regi quasi præcellenti, sive Ducibus,* Ergo Reges &c. habent potestatem in Spirituales. R. verbis Innocentii III. qui, (ut¹⁰⁴ habetur C. solitæ 6 de Major: & obedien:) sic scripsit Constantinopolitano Imperatori. Mirata est imperialis sublimitas, quod te nisi fuimus in nostris literis increpare: Huic autem tuæ admirationi non causam sed occasionem præbuit, quod legisti B. Petrum Apostolorum Principem sic scripsisse: *subditi estote omni humane Creature propter DEum, sive Regi tanquā præcellenti.* - Verum si Personam loquentis, & eorum ad quos loquebatur, ac vim locutionis diligentius attendisses scribentis, non expressisses taliter

„ intellectum. - Nam si per hoc quod dixit: subditi
 „ estote, Sacerdotibus voluit imponere jugum sub-
 „ jectionis, & eis prælationis auctoritatem auferre,
 „ quibus eos subjectos esse monebat, sequeretur ex hoc,
 „ quod etiam servus quilibet in Sacerdotes imperium
 „ accepisset, cum dicatur: omni humanæ creaturæ.
 „ Quod autem sequitur: Regi tanquam præcellenti,
 „ non negamus, quin præcellat Imperator in tempora-
 „ libus illos duntaxat, qui ab eo suscipiunt tempora-
 „ lia; sed Pontifex in Spiritualibus antecellit; quæ
 „ tantò sunt temporalibus digniora, quantò anima
 „ præfertur corpori. --- Poruisses autem prærogativam
 „ Sacerdoti ex eo potius intelligere, quod dictum est
 „ non à quolibet, sed à DEO, non Regi, sed Sacerdo-
 „ ti, non de regia stirpe, sed de Sacerdotali prosapia
 „ descendenti, de Sacerdotibus videlicet, quierant in
 „ Anathor; ecce constitui te super gentes & regna,
 „ ut eyellas & dissipas; ædifices & plantes. --- Ad fir-
 „ mamentum igitur cæli, hoc est universalis Ecclesiæ
 „ fecit DEUS duo magna luminaria id est duas instituit
 „ dignitates; quæ sunt Pontificalis auctoritas, & re-
 „ galis potestas, sed illa quæ præest diebus, id est Spi-
 „ ritualibus, major est; quæ verò carnalibus, minori;
 „ ut quanta est inter solem & lunam, tanta inter Pon-
 „ tifices & Reges differentia cognoscatur. Hæc autem
 „ si prudenter attenderet Imperatoria Celsitudo, non
 face.

faceret aut permitteret Constantinopolitanum Patri-
 archam, magnum quidem & honorabile membrum
 Ecclesiæ, juxta scabellum pedum suorum in sinistra
 parte sedere, cum alii Reges & Principes, Archiepi-
 scopis suis (sicut debent) reverenter assurgant, & eis
 juxta se venerabilem sedem assignent. . . . Nobis au-
 tem in B. Petro sunt oves Christi commissæ, dicente
 Domino: Pasce oves meas, non distinguens inter
 has oves & alias, ut alienum à suo demonstraret ovili,
 qui Petrum & Successores ipsius, Magistros non re-
 cognosceret & Pastores; ut illud tanquam notissimū
 omittamus, quod Dominus dixit ad Petrum, & in
 Petro dixit ad Successores ipsius: Quodcunq; ligave-
 ris super terram erit ligatum & in cælis, &c. nihil
 excipiens, qui dixit: quodcunq; &c.

ASSERTIO V.

*Quamvis Principes seculares habeant Jurisdictionem tempo-
 ralem in suis territoriis in omnes suos subditos, quibus Le-
 ges Statuere, tributa imponere, & similia exercere pos-
 sint, tamen hæc eorum Jurisdictio, ad Clericos in sua di-
 ctione existentes non extenditur, qui à Jurisdictione secu-
 lari sunt exempti, Jure tam Divino, quam humano.*

§. I.

Prima pars probata immediate Affer. i. n. 86. cui hoc
 addo, quod Principes seculares suam Jurisdictionem,

Q²

nem, quam habent in suos subditos, debeant exercere secundum æquitatem & justitiam, juxta leges patrias non despotice.

§. 2.

106 **S**ECUNDA pars, quod in Clericos & in Ecclesiasticas Personas, nullam habeant Jurisdictionem; tali probatur ratione. Quia quælibet Persona Ecclesiastica, soli DEO dicata est, consecrata, soli DEO subiecta. Ergo in illam nullus Laicus propria auctoritate jurisdictionem sibi usurpare potest; alias injuriam faceret DEO, & fieret sacrilegus. Ita decisum est in synodo Roman. 3tia sub Symmacho Papa: C. Non placuit: 16. q. 7. *Non placuit Laicum statuendi in Ecclesia (præter Papam Romanum) habere aliquam potestatem, cui obsequendi manet necessitas, non auctoritas imperandi.* Et C. Laicis, ibid. *Laicis quamvis Religiosis, nulla de Ecclesiasticis facultatibus aliquid disponendi legitur attributa facultas.* Et C. si quis Principum. Ibid. *Si quis Principum vel aliorum Laicorum dispositionem seu dominationem rerum, sive possessionum Ecclesiasticarum sibi vendicaverit, ut sacrilegus judicetur.* Michàel Imperator, auctoritate propria privaverat Ignatium sede sua Constantinopolitana; hoc ubi innotuit Nicolao Papæ, sic scripsit Imperatori, ut habetur C. satis evidenter distin. 96. *Satis evidenter ostenditur à seculari potestate nec ligari prorsus, nec solvi posse Pontificem, quem constat à pio Principe Constantino -- Deum*
appel-

*appellatum: nec posse DEum ab hominibus judicari manifestum est. - His itaq; manifeste repertis, apparet Communi-
strum nostrum Ignatium per Imperialem tantummodo senten-
tiam, nullo modo potuisse prorsus expelli. In cujus damna-
tione, quia Præsulum quoq; assensus est subsequutus, apparet id
causâ fuisse patratum adulationis, non legitimæ sanctionis.
S. Petrus 1. c. 5. Cum gregem suum seu fideles com-
mendasset senioribus Ecclesiæ, testatur, quòd illi soli
habeant jurisdictionem & Dominium in Clerum, in-
super instruit illos, quomodo in Clerum dominari de-
beant, dicens: Neq; ut turpis lucri gratiâ, sed voluntate,
neq; ut dominantes in Clerum, id est, ut S. Hieron in Epist.
3. ad Nepotianum explicat; non cum fastu & ambi-
tione, vel supercilio dominantes in Clerum. Ergo
Laici nullam habent jurisdictionem in Clerum. C, Ni-
mis de jurejur: 30. Nimis de jure divino quidam Laici u-
surpare nituntur, cum viros Ecclesiasticos nihil temporale ob-
tinentes ab eis, ad præstandum sibi fidelitatis juraamenta com-
pellunt. Quia verò secundum Apostolum servus suo domino
stat, aut cadit, sacri auctoritate Concilii prohibemus, ne tales
Clerici Personis secularibus præstare cogantur hujusmodi ju-
ramenta.*

§. 3.

Tertia pars ut fundamentaliter probetur, debent duo 107
probari. *imum* Quod Clerici poterant justè exi-
mià jurisdictione temporali Principum, sinè læsione

juris illorum? *adum* quòd sint defacto exempti. Imùm probatur. Exemptio Clericorum iustè potuit fieri tribus modis. Nempe à DEO, à Pontifice, & ab Imperatore seu Regibus. Quòd à DEO potuerit fieri præfata exemptio, nemo negare potest, nisi fuerit insanæ mentis. DEUS enim est absolutus Dominus vitæ, mortis, ac libertatis humanæ, ergo pro libitu suo potest uti hac potestate & jure. Ergo potest hominem, facere alterius Dominum vel Servum, subditum vel Superiorem, potest unum dominio & potestate privare, eamq; conferre alteri; ut videre est in diversæ conditionis hominibus. Ergo potest quoq; quem voluerit, à potestate & jurisdictione alterius liberum facere & eximere. Proinde Daniel. 2. dicitur de DEO: *Ipse mutat tempora & ætates; transfert regna & constituit.* Psal. 112. *Suscitans à terra inopem; & de stercore erigens pauperem, ut collocet eum cum Principibus, cum Principibus populi sui.* Luc. 1. *Fecit potentiam in brachio suo, dispersit superbos mente cordis sui; deposuit potentes de sede, & exaltavit humiles.* Ergo eadem facilitate potuit DEUS eximere Clericos à potestate & dominio Principum secularium, eos privare potestate, quam in Clericos habere poterant, & eam conferre Pontifici.

§. 4.

¹⁸⁰ Q Uod à Pontifice quoq; præfata Clericorum exemptio potuerat fieri iustè & validè, ita, ut eam Principes

cipes seculares admittere teneantur & servare; ratio est. Quia cum Clerici sint electa sors DEI, & de consortio Laicorum segregati, in illos, Principes seculares nullam Jurisdictionem prætereendere possunt; ac per mutationem status secularis in Spiritualem, cessarunt esse subditi Laicorum; sed constituti sunt sub potestate & Jurisdictione Vicarii Christi summi Pontificis. Si autem unus Princeps secularis, in alterius Principis subditum, non potest extendere jurisdictionem suam, multo magis in eum, qui est jurisdictionis ipsius Christi, cui à DEO Patre data est omnis potestas tam in cælo, quàm in terra. Habetur id in Synodo Roman. S. Sylvestri. c. 7. *Pontifici verò Presbyter, Diaconus, Subdiaconus, Acolythus, Exorcista, Lector, Abbas, Monachus, in omni loco representent obsequium. Id est subjecti sint: C. si Imperator. dist 96. Non à legibus publicis, non à potestatibus seculi, sed à Pontificibus, à Sacerdotibus, Omnipotens DEUS Christianæ Religionis Clericos & Sacerdotes, voluit ordinari & discuti, recipiq; de errore remanentes. C. Ecclesiæ 10. de Conf. Nos attendentes, quòd Laicis (etiam religiosis) super Ecclesiis & Personis Ecclesiasticis, nulla sit attributa facultas, quos obsequendi manet necessitas, non auctoritas imperandi. Ergo si Clerici non subsunt Laicis necesse est ut subsint Pontifici. Cum itaq; summus pontifex habeat potestatem supernaturalem (ut Suarez ait) in Clericos à Christo specialiter sibi inditam, quid*

vetat

vetat dicere? quod Christus eidem dederit hanc potestatem per quandam participationem sui domini, & potentiae, quae in ipso est per essentiam vel excellentiam, ut possit Clericos à Jurisdictione Principum secularium liberos & exemptos reddere. Præcipue cum Innocentius III. dicat: *Papa etiam sine consensu Imperatoris eos (id est Clericos) potuit eximere à Jurisdictione Imperatoris per suas Constitutiones, quia cum Clerici, Spirituales res sint, & ex toto corpus suum & animam dederunt in servitium & sortem Christi, per consequens Papæ Judicio & Constitutionibus subsumt.*

§. 5.

¹⁰⁹ **Q**uod etiam Imperatores & Reges poterant Clericos liberos & exemptos facere à sua Jurisdictione. (supposito, quod illam in Clericos potuissent habere) tanquam certum supponunt multa Jura Civilia & Canonica, communiterq; eorum Interpretes & DD Theologi. Probatur: Rex supremus, est verus dominus, & habet liberam potestatem utendi sua jurisdictione quocunq; modo, si hic non sit intrinsecè malus, vel illi prohibitus. Sed eximere Clericos à Jurisdictione Laica, est actus domini & ejusdem jurisdictionis voluntariae, qui nec fuit Regibus prohibitus, nec intrinsecè malus. Ergo potuit hic actus valide & licite fieri à quovis Rege supremo. Quod exemptio Clericorum sit actus jurisdictionis, constat ex eo, quia exemptio

est

est Privilegium, concessio autem Privilegii, est actus jurisdictionis voluntariæ. Quod eadem exemptio non sit per se & intrinsecè mala, patet; quia tale privilegium non est contra justitiam, vel contra naturalem rationem. Cui enim nocet & præjudicat? imò in favorem est Fidei & Religionis. Item potest Rex subditum suum eximere à sua jurisdictione, potestatem in illum alteri conferendo, vel libertate eum ab oneribus, contributionibus & operis donando; vel privilegia Nobilitatis (ut in Regno nostro solet evenire) tribuendo. Cur id ipsum non poterat facere cum Clericis? Non etiam iste actus est prohibitus Regibus? ostendatur enim à quo? & quando? producat hęc prohibitio. Dixi: *Supposito, quòd Jurisdictionem in Clericos Laici potuissent habere.* Glossa enim in C. si Imperator dist. 96. Verbo *discuti*: sic habet: Ergo antequam esset aliqua constitutio (intellige sive Canonica, sive Civilis) etiam Clerici non erant de jurisdictione seculari. Unde omnes Constitutiones, quæ emanarunt, quòd Clerici non sint judicandi nisi ab Episcopis, non sunt, nisi Juris (intellige Divini) declaratio. Ex quo patet, (quòd etiam & Concila immediatè Citanda n. III. Lateran. & Trident: supponunt) Laicos non posse habere ullam jurisdictionem in Clericos, nisi aliquo jure Divino vel Pontificio eis sit concessum.

III SECUNDUM PUNCTUM probatur, nempe, quod Clerici à Jurisdictione Laicali sint exempti jure tum Divino, tum humano. Concilium Coloniense p. 9. c. 20. Immunitas Ecclesiastica, vetustissima res est jure pariter Divino & humano introducta. Gregor. l. 9. Epist. 32. Romano defensori Siciliae sic scripsit: ut habetur C. 11. pervenit q. 1. Pervenit ad nos, quod si quis contra Clericos quoslibet causam habeat, despectus eorum Episcopis, eisdem Clericos in tuo facias judicio exhiberi. Quod si ita est, quia valde constat esse incongruum, hac tibi auctoritate precipimus, ut hoc denuò facere non praesumas, sed si quis contra quemlibet Clericum causam habuerit, Episcopum ejus adeat &c. Item idem ad Pontificum defensorem Corsicae: Pervenit ad nos, quod quidam Clericorum te illic posito, à Laicis teneantur. Quod si ita est, tuæ hoc culpæ noveris reputari, quia hoc fieri, si homo esses; non debuit. Concil. Lateran. sub Leone X. Sess. 9. sic dicit: Cum à jure tam Divino, quam humano Laicis potestas nulla in Ecclesiasticas Personas attributa sit. Concil. Triden. Sess. 25. de Reformatione c. 20. dicit. Ecclesiae & Personarum Ecclesiasticarum immunitatem DEI Ordinatione & Canonicis sanctionibus esse constitutam. & subdit: Decernit & precipit S. Synodus, Sacros Canones, & Concilia generalia omnia, nec non alias Apostolicas sanctiones in favorem Ecclesiasticarum Personarum ac libertatis Ecclesiasticae, contra ejus Violatores editas, quæ omnia

omnia presenti etiam decreto innovat, exacte ab omnibus observari debere.

Plura hac de re vide Infra Affer. VI. n. 114. His præmissis genericè, in particulari jam aliqua sunt decidenda.

§. 7.

NOto 1. Quòd nullus Laicus, cujuscunq; sit digni-¹¹² tatis, habeat Jurisdictionem in Clericos, in iis, quæ sunt Spiritualia & Divina; (qualia sunt, Sacramenta conficere, administrare, Ordines conferre, sacra munera & obsequia obire, idoneos Ecclesiæ Ministros examinare, instituere, investire &c.) nec in præfatas functiones immiscere se possunt Laici. Constat id ex C. si quis deinceps. 16. q. 7. dicitur: Si quis deinceps, Episcopatum vel Abbatiam de manu alicujus Laicæ Personæ susceperit, nullatenus inter Episcopos vel Abbates habeatur; nec ulla ei, ut Episcopo seu Abbati audientia concedatur. Insuper & gratiam B. Petri, & introitum Ecclesiæ interdicimus, quousq; locum, quem sub crimine tam ambitionis, quam inobedientiæ, (quod est scelus idololatriæ) cepit, resipiscendo non deserit. Similiter etiam de inferioribus Ecclesiasticis dignitatibus constituimus. Si quis Imperatorum, Regum, Ducum, Marchionum, Comitum, vel quilibet secularium potestatum aut Personarum, investituram Episcopatum vel alicujus Ecclesiasticæ dignitatis dare præsumpserit, ejusdem sententiæ vinculo se esse sciat obstrictum. Ita Gregor. VII. in Synod. general. R 2 VII. in

Item Canone Apostol. 29. *Si quis Episcopus secularium Magistratum familiaritate usus, per ipsos Ecclesiam nactus fuerit, deponitur, segregantur quoque à communione, quicumque cum ipso communionem habent.*

Item C. si Imperator. dist. 96. *Si Imperator Catholicus est -- habet privilegia suae potestatis, quae administrandis legibus publicis divinitus consecutus est; ut ejus beneficiis non ingratus contra dispositionem caelestis Ordinis nihil usurpet. Ad Sacerdotem enim Deus voluit, quae Ecclesiae disponenda sunt, pertinere, non ad seculi potestates, quas, si fideles sunt, Ecclesiae suae Sacerdotibus voluit esse subiectas. Non sibi vindicet alienum jus & ministerium, quod alteri deputatum est, ne contra eum tendas abrumpi, à quo omnia constituta sunt, & contra illius beneficia pugnare videatur, à quo propriam consecutus est potestatem.*

Nicolaus Papa ad Michaelem Imper. sic scribit. C. Imperium dist. 10. *Imperium Vestrum suis publicae rei quotidianis administrationibus debet esse contentum, non usurpare, quae Sacerdotibus Domini solum conveniunt.*

113 Noto 2. quod, quidquid juris & potestatis in rebus Spiritualibus habent Laici, quale est Jus Patronatus, praesentandi, nominandi, designandi Clericos ad Beneficia, jus sepulturae & similia, id habent ex Privilegio Ecclesiae.

ASSER.

ASSERTIO VI.

Clerici etiam in Civilibus à Jurisdictione Principum secularium sunt exempti tam Jure Divino, quàm humano. Proinde non obligantur statutis & legibus Principum, de solvendis vectigalibus, tributis, censibus, contributionibus Capitationis, & aliis oneribus subeundis, quæ iidem Principes suis subditis imponere consueverunt.

§. 1.

Primum probatur verbis Christi Matth. 6. Nemo potest duobus Dominis servire; aut enim unum odio habebit, & alterum diliget; aut unum sustinebit, & alterum contemnet. Ergo nec Clerici possunt subesse in Civilibus tam Pontifici quàm Regi, qui possent interdum contraria præcipere, & necessarium esset, uni obedire, & alterum contemnere. v. g. Rex posset præcipere Clerico, ut militet, vel aliis actionibus occupetur; Pontifex autem eadem posset prohibere, vel alia repugnantia præcipere. Item cum Clerici quo ad actiones Corporis debeant esse Divinis ministeriis addicti, & à secularibus negotiis abstracti, necesse est ut à Pontifice habeant Regulam & modum vivendi, operandi, & munia obeundi. Ergo non possunt simul esse sub jurisdictione Principum secularium, etiam quo ad ea, quæ ad corpus pertinent. Sicut Vasa DEO sacrata, eo ipso & ex natura rei à prophanis usibus exempta sunt; & contractus Matrimonii in Sacramentum consecratus,

ed ipso in forum Ecclesiasticum transit, & à seculari exemptus est.

Item. Si summus Pontifex non habet directum & immediatum Dominium in Civilibus in Laicos ut dictum n. 95. & seq à fortiori Princeps Laicus non habet dominium in Civilibus in Clericos.

§. 2.

115 **Q**UOD Jure Divino exempti sint universaliter Clerici, probatur ex S. Scriptura. 1. Esdræ 7. Artaxerxes Rex Persarum donans filiis Israël facultatem liberè redeundi, cum Esdra in Jerusalem, pro Sacerdotum Ministrorumq; templi libertate, tulit Decretum in hæc verba: *Vobis quoq; (id est subditis nostris) notum facimus de universis Sacerdotibus & Levitis & Cantoribus, & Janitoribus Natinnais, & Ministris Domus DEI hujus, ut Vectigal & Tributum, & annonas non habeatis potestatem imponendi super eos.*

116 Numer. 1. Jussit DEUS tolli summam universæ Congregationis Filiorum Israël per Congregationes & Domos suas & numerari eas per turmas suas ad bellum. Tribum autem Levi prohibuit numerari, dicens ad Moysen: *Tribum Levi noli numerare, neq; pones summam eorum cum Filiis Israël, sed constitues eos super tabernaculum testimonii, & cuncta Vasa ejus, & quidquid ad Ceremonias pertinet. Ipsi portabunt tabernaculum, & omnia utensilia ejus, & erunt in Ministerio, ac per gyrum tabernaculi me-*
tabuntur.

tabuntur. Postmodum injunxit DEUS, ut populus sic numeratus, tributum Capitationis solveret, ut habetur Exodi 30. *Locutus est Dominus ad Moysen, dicens: Quando tuleris summam filiorum Israël, juxta numerum, dabunt singuli pretium pro animabus suis Domino, & non erit plaga in eis, cum fuerint recensiti. Hoc autem dabit omnis, qui transit ad numerum. Sed ad hunc numerum, Levitæ non transiverant, quia jure Divino prohibiti fuerant numerari; ergo à Tributo capitationis solvendo, jure Divino liberi erant.*

Hinc Joseph: l. 3. antiqu: c. 11. dicit, quòd ideo DEUS Tribum Levi noluit Numerari, quia Levitæ Saceri erant & immunes à Militia, à tributis & aliis secularibus muneribus. Imò segregati erant à populo, ut dicitur Num: 8. *Consecrabis Levitas oblatos Domino, & separabis de medio filiorum Israël, ut sint mei, nec partem habebant cum populo, cum Nobilioris essent dignitatis, utpote ad Ministerium tabernaculi à DEO destinati: Et propterea Levitæ non acceperunt partem in terra promissa, ut populus, sed loco illius acceperunt Jura Sanctuarii, ut habetur Num. 18. & Deutor. 18. Josue 13.*

Genesis 47. Joseph cum totam Aegypti terram Regi obligasset & tributariam seu vectigalem fecisset, Sacerdotum terram excepit, quam voluit esse liberam ab omni obligatione. Proinde Concil Colonienſe su-

pra

pra citatum p. 110. sic dicit: *Immunitas Ecclesiastica vetustissima res est - - quæ in duobus potissimum sita est. Primum ut Clerici, illorumq; Possessiones & Bona, à vectigalibus & tributis, aliisq; muneribus Laicis libera sint. Nam (ut de libertate Levitarum sileamus) non temerè refert Scriptura, Pharaonem, totam terram Ægypti sibi tributariam fecisse, præter terram Sacerdotum & Possessiones, quæ à Rege traditæ fuerant eis, quæ vendere non sunt compulsi, quin potius ipsis etiam statuta cibaria ex horreis publicis præbebantur, ut legimus Gen. 47. Si itaq; Sacerdotes & Levitæ veteris legis, erant à temporali potestate exempti jure Divino, quis negabit idem dicendum esse de Sacerdotibus novæ legis, qui longè præstantiores sunt illis? Etiam ex novo Testamento de exemptione præfata Clericorum habeatur fundamentum.*

118 Matth. 17. *Cum exactores Tributi, quod eo tempore Judæi Augusto Cæsari viritim solvebant, Petrum interrogassent: Magister vester non solvit didrachma, & ipse respondisset affirmando; Christus postea, ut Petrum & in eo Ecclesiam instrueret, interrogavit eum: Quid tibi videtur Simon: Reges terræ à quibus accipiunt tributum vel censum? à filiis suis, an ab alienis? & ille dixit: ab alienis; Christus intulit: ergo liberi sunt filii. Ut autem non scandalizemus eos, vade ad mare -- invenies staterem, illum sumens, da eis pro me & te. Ex hoc textu colligitur imo: immunitas Christi, Petri & discipulorum ejus*

à solu-

à solutione tributi; nam cum dicit Christus: *Ut autem non scandalizemus eos.* Quasi diceret; quamvis non simus debitores Tributi, cum simus filij Regis; ne tamen isti scandalizentur, solve pro me & pro te. Ut Hierony: Chrysoft: & omnes DD. intelligunt. Et Augustinus Ser. 6. de Verbis Apostol: c. 7. de Christo ait: *Non debebat & persolvebat.* Et Ambros: in Annot: in Exod: c. 31. ait: *Non debebat filius DEI, non debebat Petrus. Sed ne scandalizentur, ait: &c.* Ideò autem dixit Christus, *ut non scandalizemus eos &c.* quia exactores Tributi; ignorabant JESUM naturalem ac verum Filium DEI, ad quam notitiam non tenebantur explicitè, præsertim cum essent Romani Gentiles. Ita Dionys: Carthus. in hunc locum. Item advertè, quòd Christus non jusserit dari tributum ex eleemosynis pauperum, & oblationibus, quarum Judas dispensator erat, sed miraculosè creavit staterem in ore piscis; ut dicit S. Hierony. Colligitur 2do. exemptio Apostolorum ab omni potestate & subjectione Principum Laicorum. Nam imprimis in ipso Christo, sicut ex filiatione naturali infertur immunitas à Tributo, ita infertur immunitas ab omni subjectione & jurisdictione Principum temporalium; Filiatio enim sicut est ratio unius exemptionis, ita necessario etiam est ratio alterius, quia est ratio dominationis & excellentiæ supra omnes Reges; Simili ergo modo, seu accommodata proportionem intelligendum est,

S. hoc

hoc Privilegium communicatum esse Petro; juxta S. Leonem P. qui inducit Christum sic dicentem ad Petrum: Tu quoq; Petra es, quia mea virtute solidaris; ut quæ mihi potestate sunt propria, sint tibi mecum participatione communia. Ideoq; ex immunitate à tributis, colligimus exemptionem ab omni subjectione & jurisdictione temporali, quæ ratione dignitatis & potestatis supra ipsos Reges, communicata est.

§. 3.

Sic in universali stabilita veritate, quod Personæ Ecclesiasticæ, jure Divino sint exemptæ ab omni subjectione & Jurisdictione Principum temporalium, ad probandum id in particulari. nobis procedendum est.

119 Et imò. Quod Clerici non obligentur Constitutionibus, statutis & legibus, à Principibus temporalibus latis, probatur. Symmachus Papa ægrotans, cum de salute corporis desperaret, ut habetur C. Bene quidem. 96. dis. timens schisma posse contingere post mortem suam injunxit Basilio Laico, qui gerebat vices Odoacri Regis, & fuit Præfectus Urbis Romæ, ut interesset electioni successoris post mortem suam, propter schisma removendum. Tempore procedente, quidam Episcopi tractabant de electione successoris, Symmacho adhuc vivente. Quo audito Basilius congregavit Concilium, & fecit constitutionem, ne liceret electionem Papæ fieri sine sua Præsentia; nec liceret Papæ

Papæ alienare res Ecclesiæ, & si alienatæ essent, revocari debere, & quædam alia constituit. Symmachus reconvalescens, post mortem Basilii congregavit Synodum Romæ, ac in illa iussit in medium deferri, ea, quæ statuta fuerant à Basilio. Lecta Basilii constitutio hæc: ne sinè Consultatione Basilii celebraretur Papæ electio. Hæc cum legerentur, Cresconius Episcopus Civitatis Tuderinæ surgens e confessu, dixit: Hic perpendat sancta Synodus, uti prætermisiss Personis Religiosis, quibus maxime curæ est de tanto Pontifice, electionem Laici in suam redegerint potestatem, quod contra Canones esse manifestum est. -- Cum legeretur Constitutio Basilii: Sancimus, ne unquam prædium seu rusticum, seu urbanum, vel ornamenta aut Ministeria Ecclesiarum, quæ nunc sunt, vel quæ ex quibuslibet titulis ad Ecclesiarum jura pervenerint, ab eo, qui nunc Antistes sub electione communi fuerit ordinandus, & illis, qui futuris seculis sequentur, quocumq; titulo adq; commento alienari liceat. Si quis verò aliquid eorum alienare voluerit, inefficax atq; irritum judicetur; sitq; facienti, vel consentienti, accipientiq; anathema. Maximus Episcopus Bleranæ Ecclesiæ dixit: Modo sancta Synodus dignetur edicere, si licuit Laico homini anathema in Ordinem Ecclesiasticum dictare? aut si potuit Laicus Sacerdoti anathema dicere? & contra Canones, quod ei non competebat constituere? sancta Synodus dixit, non licuit. Cum legerentur sequentia: Is, qui prædium rusticum vel urbanum Juris Ecclesiastici

fuerit consecutus, noverit, se nulla lege vel præscriptione mu-
 nitum., &c. &c. quæ cum lecta fuissent, acclamatumi
 est: Ista scriptura nullum Romanæ Civitatis potuit obligare
 Pontificem, quia non licuit, Laicos, statuendi in Ecclesiis,
 præter Romanum Pontificem, habere aliquam potestatem,
 quos obsequendi manet necessitas, non auctoritas imperandi. -
 Item: Scripturam, quæ in nostra congregatione vulgata est,
 nullis eam viribus subsistere manifestum est; quia nec Cano-
 nibus convenit, & à Laica Persona concepta videtur. - Item
 Scripturam, quæ in Sacerdotali Concilio recitata est, eviden-
 tissimè documentis constat esse invalidam, Primum, quod
 contra Patrum regulas, à Laicis, quamvis Religiosis (qui-
 bus nulla de Ecclesiasticis facultatibus aliquid disponendi, legi-
 tur unquam attributa facultas) facta videtur. Deinde,
 quod nullius Præsulis Apostolicæ Sedis, subscriptione firmata
 docetur. --- Tandem S. Synodus dixit: Nec apud nos in-
 certum habetur, hanc ipsam scripturam nullius esse momenti.
 Verum tamen etiamsi aliqua posset ratione subsistere, modis
 omnibus in Synodali conventu provida Beatitudinis Vestræ
 sententiâ, enervari conveniebat, & in irritum deduci, ne
 in exemplum remaneret præsumendi quibuscumque Laicis, quam-
 vis Religiosis, vel Potentibus in quacumque Civitate quolibet
 modo, aliquid decernere de Ecclesiasticis facultatibus, qua-
 rum solis Sacerdotibus disponendi indiscussæ à DEO & cura
 120 commissæ docetur. Ex dictis noto hic, quod statutum
 Principis secularis, etiam in favorem Ecclesiæ latum,

non valeat ; nisi ab Ecclesia fuerit approbatum , id quod
 ex ea ratione , quod seculares , nullam habeant potes-
 tatem & jurisdictionem in Personas Ecclesiasticas.
 Constat id ex C. Ecclesia S. Mariae 10. de Consti: ubi sic
 dicitur : Nos attendentes , quod Laicis (etiam Religiosis)
 super Ecclesiis & Personis Ecclesiasticis , nulla sit attributa
 facultas , quos obsequendi manet necessitas , non auctoritas im-
 perandi ; à quibus si quid motu proprio statutum fuerit , quod
 Ecclesiarum etiam respiciat commodum & favorem , nullius
 firmitatis existit ; nisi ab Ecclesia fuerit approbatum. Vnde
 statutum Basilii de non alienandis praediis rusticis vel Urba-
 nis , ministeriis & ornamentis Ecclesiarum , illa reprobatum
 fuit potissima ratione , quod auctoritate non fuit Romani Pon-
 tificis roboratum. Item C. Quae in Ecclesiis 7. eodem.
 Sane pervenit ad audientiam nostram , quod Cives Trevisint
 constituerunt &c. Volentes igitur Ecclesiarum indemnitati
 consulere , Constitutionem huiusmodi & venditiones feudo-
 rum Ecclesiasticorum factas sine legitimo Ecclesiasticarum Per-
 sonarum assensu , vires decernimus non habere.

Item C. cum Laicis 12. de reb. Eccl alien: Dolui-
 mus in quibusdam ex illis (i.e. Laicis) sic refrigerare charita-
 tem , quod immunitatem Ecclesiasticae libertatis , quam non
 tantum sancti Patres , sed etiam Principes seculares Privile-
 giis multis muniverunt , non formidant suis constitutionibus ,
 vel potius destitutionibus impugnare , non solum de alienatione
 feudorum , ac aliarum possessionum Ecclesiarum , & usurpa-

tionem jurisdictionum, sed etiam de mortuariis, nec non & aliis, quæ juri Spirituali annexa videntur, illicitè præsumendo. Volentes igitur super his indemnitatibus consulere Ecclesiarum, ac tantis gravaminibus providere, constitutiones & venditiones hujusmodi feudorum, seu aliorum bonorum Ecclesiasticorum, sine legitimo Personarum Ecclesiasticarum assensu præsumptas occasione constitutionis Laicæ potestatis (cùm non constitutio, sed destitutio vel destructio dici possit, nec non usurpatio jurisdictionum) sacri approbatione Concilii decernimus non tenere, præsumptoribus per censuram Ecclesiasticam compellendis.

§. 4.

121 **S**ecundo. Quòd Clerici sint exempti Jure Divino & Humano à solvendis vectigalibus, Contributionibus, & Tributis capitationis, ac aliis oneribus, quæ seculares Principes suis subditis subeunda præcipiunt; probatur. C. Quia nonnulli 1. de Immuni Eccles. in 6. Alexander 4. sic statuit: Quia nonnulli habentes temporale dominium, vel potestatis gerentes officium secularis, libertatem & immunitatem Ecclesiasticam lædere ac minuere tanquam hominis & Privilegii Ecclesiarum invidi, moliuntur, expedit, quòd per diligentiam & auctoritatem Sedis Apostolicæ (quæ curam habet Ecclesiarum omnium, & tutelam) contra talium ausus & conamina, opportunum remedium apponatur; ut Ecclesiæ ipsæ in plenitudine
Juris

juris sui, & libertatis integritate latentur; ac de-
 testabilis malignorum audacia, & insolentium nefa-
 ria temeritas propulsetur. Sanè intelleximus, quòd
 in Regno Franciæ, Communiæ, Scabini, seu Consu-
 les, & alii Domini temporales, & ii, qui jurisdictio-
 nem in ipsis Communiis, Civitatibus, castris, & vil-
 lis, temporalem exercent, vel quibus in illis com-
 missa est executio justitiæ secularis molesti sunt ni-
 mium Ecclesiis super pluribus, & infesti; & inter
 cætera nituntur & student, ut illis collectas, & tal-
 lias, & alia hujusmodi eadem Ecclesiæ prætextu bo-
 norum; quæ acquisiverunt, tribuant, & persolvant,
 vel extra manum suam ponant hujusmodi acquisita.
 Volentes itaq; super his omnibus, prout expedit,
 sollicitè providere, totq; temerariis ausibus, congruis
 præsidis obviare, auctoritate Apostolica, præhabita
 cum Fratribus nostris diligenti deliberatione, de-
 cernimus non licere præfatis Communiis, Scabinis &
 iis, qui in eis jurisdictionem temporalem obtinent,
 vel justitiam temporalem exercent, tallias & colle-
 ctas seu exactiones quascunq; Ecclesiis vel Personis
 Ecclesiasticis imponere, vel exigere ab eisdem pro-
 domibus, prædiis, vel quibuscunq; possessionibus
 ab eisdem Ecclesiis vel Personis Ecclesiasticis legiti-
 mè hactenus acquisitis, vel in posterum acquirendis,
 etiamsi ipsæ Ecclesiæ vel Personæ, vel res hujusmodi
 sint.

„ sint intra illorum districtum, vel territorium con-
 „ stitutæ. Nec etiam liceat illis ipsas Ecclesias vel
 „ Personas ad distrahendum vel alienandum, aut ex-
 „ tra manum suam ponendum, acquisita jam, vel quæ
 „ deinceps acquirant, aliquatenus coarctare.

122. C. Quancquam de Cens. in 6. Bonifacius VIII. sic
 „ statuit: Quancquam pedagiorum exactiones tam
 „ Jure Canonico, quàm Civili regulariter meritò sint
 „ damnatæ, tantò tamen districtius, ne ab Ecclesiis
 „ & Personis Ecclesiasticis talia exigantur, prohiberi
 „ oportet, quantò si id fiat, majoris inde transgressionis
 „ reatus incurritur, & offensa evidentior comprobatur.
 „ Cū igitur ecclesiæ ecclesiasticæq; Personæ, ac res ipsarū,
 „ non solum jure humano, quinimmo & Divino à se-
 „ cularium Personarum exactionibus sint immunes,
 „ constitutionem felicitis recordationis Alexandri Papæ
 „ IV. Prædecessoris nostri (qui statuit Ecclesias, &
 „ Personas Ecclesiasticas, ad pedagia & guidagia præ-
 „ nitus non teneri, nec ad exhibendum vel solvendum
 „ talia pro rebus suis propriis, quas non causâ nego-
 „ tiandi deferunt, vel deferri faciunt, seu transmittunt)
 „ volentes propter multorum insolentiam & abusum
 „ pænæ adminiculo adjuvare, adjicimus districtius in-
 „ hibendo, contraria consuetudine, quorumcunq;
 „ quæ dicenda est corruptela veriùs non obstante, ut
 „ nec Collegium, nec universitas, nec aliqua etiam
 „ singu-

singularis Persona, cujuscunq; sit dignitatis, conditionis, aut status, à præfatis Ecclesiis aut Personis, pro Personis ipsis aut rebus prædictis, talia exigat vel extorqueat per se vel per alium; suo nomine vel etiam alieno, aut eas ad hujusmodi persolvenda compellat. Qui vero &c. Plures textus ex Jure Canonico adducentur inferius.

§. 5.

Etiam Lege Civili. Clerici immunes sunt à tributis. 123
Novella Frider. Imper. quæ incipit: Item nulla: de Episc. & Cler. sic habet: *Item nulla communitas vel Persona publica vel privata, Collectas, vel exactiones, vel angarias, vel parangarias, Ecclesiis vel piis locis, aut Ecclesiasticis Personis imponere præsumat.*

ASSERTIO VII.

Idem Clerici non possunt coram Judice seculari conveniri tum in Civilibus, tum in Criminalibus sub pena excommunicationis.

§. 1.

Probatur. C. Nullus de foro compet: Nullus Judic¹²⁴ cum, neq; Presbyterum, neq; Diaconum, aut Clericum ullum, aut Minores Ecclesiæ, sine permissu Pontificis per se distringe: e, aut condemnare præsumat. Quod si fecerit, ab Ecclesia DEI, cui injuriam irrogare dignoscitur, tamdiu sit sequestratus, quousq; reatum suum cognoscens, emendet.

T

Concil.

Concil. Agathenen. c. 32. Clericum nullus præsumat ad secularem Judicem Episcopo non permittente, pulsare, sed si pulsatus fuerit, non respondeat, vel proponat, nec audeat criminale negotium in seculari judicio proponere. C. Clericum 11. q. 1. Clericum cujuscunque Ordinis, absq^{ue} Pontificis sui permissu, nullus præsumat ad secularem Judicem attrahere, nec Laico quemlibet Clericum liceat accusare.

Cajus Papa ad Felicem Episcopum sic scribit: C. Nemo. 11. q. 1. Nemo unquam Episcopum apud Judicem secularem, aut alios Clericos, accusare præsumat. Item C. Pervenit 11. q. 1. cit. n.

125 Præter adducta jura, & plurima alia, Bulla Cæ-
næ Domini § 14. declarat ipso facto incurrere Excom-
municationem omnes illos, qui Personas Ecclesiasticas,
Capitula, Conventus & Collegia Ecclesiarum quarum-
cunq^{ue} coram se, ad tribunal, audientiam, Cancellariam,
Consilium, Parlamentum, præter juris Canonici dispo-
sitionem, trahunt, vel trahi faciunt, vel procurant di-
rectè vel indirectè, quovis quæsito colore. Vide in-
fra n. 148.

Studio & opera Reverendissimi in Christo Patris
Stanislai Karnkowski Episcopi Vladislaviensis & Pomera-
niæ, in unum volumen redactarum, accedit Consti-
tutio Synod. Metropol. Eccl. Ghez. l. 2. tit. de Foro
„ compet: ex antiquis: Irrefragabili constitutione san-
„ cimus, ut nullus Clericus Clericum, in Civili vel Cri-
mina-

minali causa relicto suo Pontifice, aut etiam quivis
 Laicus Clericos super Personalibus actionibus seu
 aliis causis ad forum Ecclesiæ spectantibus, relictis
 Ecclesiasticis Judicibus, ad Judices trahat seculares.
 Alioquin si Clericus fuerit, ipso jure Causam amittat;
 in negotio Civili & in Criminali causa, depositionis
 sententiam non evadat. Si verò Laicus fuerit, sive
 citans Actor sit, sive reus reconveniens, excommu-
 nicationis sententiam ipso facto incurrat. Judex
 verò Laicus, qui scienter ad suam præsentiam Cleri-
 cum seu Clericos citari præceperit, aut ipsos conde-
 mnare super his, quæ ad forum seculare non perti-
 nent præsumperit; nisi exceptione declinatoria fori
 proposita, legitime taliter citatos Clericos ad forum
 Ecclesiastici Judicis remiserit, cum extunc falcem
 in messera alienam immittere convincatur, simili
 excommunicationis sententia eo ipso sit constrictus.
 Et nihilominus sententiam, si quàm contra hujusmo-
 di Clericos tulerit, decernimus esse nullam. Eccle-
 siasticis verò Judicibus, districtius inhibemus, ne
 Laicos, ad instantiam quorumcunq; Clericorum, vel
 Laicorum, pro causis secularibus, seu mere civilibus
 ad suum Consistorium citari faciant; aut de cogita-
 tione causarum hujusmodi se aliquatenus intromit-
 tant; nisi fortè miserabilium personarum, vel in de-
 fectu Judicis secularis. Nec è contra Judices secula-

„ res Clericos pro quibuscunq; causis Criminalibus,
 „ vel Civilibus, Personalibus, nec etiam Laicos, quo-
 „ cunq; modo super rebus vel possessionibus Ecclesia-
 „ rum quocunq; titulo eas possideant, ad suum Judi-
 „ cium faciant evocari, vel eos audeant judicare A-
 „ lioquin tam Ecclesiasticus, quàm secularis Judex
 „ metas suæ potestatis excedens, excommunicationis
 „ sententia innodetur, & Actor Laicus, qui reum in-
 „ debitè coram non suo Judice fatigavit, & in expensis
 „ condemnetur, & super eadem causa de cætero nul-
 „ latenus audiatur.

„ Quia nonnulli seculares Judices terminos pro-
 „ priæ Jurisdictionis transgredientes, nec adverten-
 „ tes, quòd nemo debet falcem suam mittere in mes-
 „ sem alienam, homines degentes in bonis Ecclesiæ in
 „ præjudicium ipsarum Ecclesiarum & Personarum
 „ Ecclesiasticarum ad sua Judicia pertrahere, & pœnam,
 „ nisi paruerint, infligere non verentur; Ideoq; cen-
 „ suimus statuendum, quòd secularium Principum,
 „ Judices, Procuratores, seu Officiales quicunq; habi-
 „ tantes in Bonis Ecclesiarum, ad sua Judicia nullate-
 „ nus protrahant, seu judicent invitos, aut pœnas ex
 „ causa quacunq; infligant eisdem; sententiam majo-
 „ ris excommunicationis, si secus præsumpserint, ipso
 „ facto, nisi ab his cum effectu destiterint, & infra
 „ unius mensis spacium exacta restituerint, incursum.

Quòd

Quod ad eos, qui ipsos protrahi seu citari procura-
verint, duximus extendendum: sententiæq; eorum,
si quas protulerint viribus non subsistant. Quodsi
habitatores prædictos captivaverint, ut eorum pare-
rent iudicio, locus in quo tenebuntur, Ecclesiastico,
tamdiu, donec illos ab ipsa captivitate dimiserint,
subjaceat interdicto.

§. 2.

Idem Lege Civili statuitur: In Auth. statuimus: C. 126
de Episc. & Cler: Statuimus, ut nullus Ecclesiasticam
Personam in Criminali questione vel Civili trahere ad Judi-
cium seculare præsumat, contra Imperiales Constitutiones &
Canonicas sanctiones. Quodsi actor fecerit, a suo Jure cadat,
judicatum non teneat, & Judex extunc potestate judicandi
privetur. Valentinianus, Theodosius & Arcadius Im-
perat. sic statuerunt ut habetur C. Continua 11. q. 1.
Continua lege sancimus, ut nullus Episcoporum, vel eorum,
qui Ecclesie necessitatibus serviunt, ad judicia sive Ordinario-
rum, sive extraordinariorum Judicium pertrahatur. Habent
illi suos Judices, nec quidquam his, publicis est commune
cum legibus. Idem inquit: Fas non est, ut Divini
Muneris Ministri, temporalium potestatum subdantur ar-
bitrio. Justin: Const. 123. Si Ecclesiasticum negotium sit,
nullam communionem habeant Civiles Magistratus, cum ea
disceptatione, sed Religiosissimi Episcopi secundum Sacros Ca-
nones, negotio finem imponunto, sive controversa sit de jure
Ecclesiastico, sive de quibuslibet aliis rebus.

§. 3.

127 **E**Adem evocatio Personæ Spiritualis ad Judicem se-
cularem, in Statuto Regni nostri Poloniae prohi-
bita est secularibus. Nam Sigismundus Rex Poloniae
Anno 1543. postquam omnes Causas, de quibus Ju-
dices Spirituales cognoscere debent (præmissis prius
Consilio Synodi Generalis) exposuisset, pænam quoq;
in eos, qui Ecclesiasticas Personas ad forumulare
pertrahere præsumerent, constituit his verbis: *Similiter
etiam, si quis secularis Spiritualem ad jusulare terre-
stre pro his articulis iudicio Spirituali pertinentibus evocaret, talis
etiam debet condemnari in pena 14. Marcarum. Nihilomi-
nus per hanc constitutionem nostram, nolumus ut in aliquo de-
rogetur iuribus & Privilegiis Spiritualium, in statutis de-
scriptis, hoc est, ne in illis hoc mutaretur vel destrueretur,
quod est plus in illis scriptum, quam hæc constitutio habet. Ita
in statuto Regni li: 2. par. 6. tit. 1. n. 7. Reperiuntur
tamen in eodem stat: quatuor Casus, in quibus. Causæ
Spiritualium iuri terrestri subsunt, enumeranturq; loco
cit. n. 5. Spirituales pro bonis, siue iniuriis bonorum iuri
communi subiectorum, iure Terrestri experiantur. Iniuriæ
sunt: super limitibus: Kmetonibus fugitivis: cade: & vul-
neribus. Alias juxta statuta Joannis Alberti Regis. Idem
habetur in Constit. Synod. Prov. Gnes. li 2. fol. 120 his
verbis: Spirituales autem pro Bonorum suorum terrestrium,
Iuri communi Regni subiectorum, dominio & proprietate,
ac pro*

ac pro injuriis supra scriptis in statuto Regni expressis, jure
terrestri Regni experiantur. Injuria autem sunt juxta sta-
tutum Joannis Alberti & Alexandri Regum, super limiti-
bus, Colonis fugitivi, capite occisi & vulneribus. Si autem
Persona Ecclesiastica secularem in casu aliquo ex 4. proxime
supra scriptis ad Judicium Spirituale citaverit, pena 14. Mar-
carum per Ordinarium suum irremissibiliter puniatur.

§. 4.

DE hoc Privilegio Exemptionis Clericorum, noto 1.¹²⁸
quod illud fuerit immediatè jure Divino conces-
sum Clericis, & postea à jure Canonico stabilitum,
tandem à jure Civili, acceptum per ordinem ad subdi-
tos suos Laicos. Noto 2. quod nulli Clerico libe.¹²⁹
rum sit renuntiare dicto Privilegio, subjiciendo se Ju-
dici Laico. Quia hoc Privilegium datum est, non
privatis personis, sed toti Ordini Clericali. Ut habe-
tur C. si diligenti 12. de for. compet. Manifeste patet,
quod non solum inviti (i. e. Clerici) sed etiam voluntarii
pacisci non possunt, ut secularia Judicia subeant, cum non sit
hoc beneficium personale, cui renuntiare valeat, sed potius
toti Collegio Ecclesiastico publice sit indultum, cui privatorum
pactio derogare non potest.

Noto 3. Quod Clerici non possint conveniri co-¹³⁰
ram Judice seculari, hoc intelligendum est, quando
sunt rei, seu ad litem provocati. Nam si Clerici sint
Actores, sequi debent forum Rei; ut statuit Pelagius
Papa

Papa C. Experientia, & C. si quispiam. 11. q. 1. allegans generalem Regulam utriusq; Juris, quod *Actor sequitur forum Rei*. Si causa sit mere Civilis, & non Spiritualis, vel annexa Spirituali. Sed de hac re tractare fusè, non est hujus loci, Noto 4. Quod statuta Imperatorum (quorum primus fuerat Constantinus M.) lata in favorem Ecclesiæ, dirigebantur immediate, ad subditos suos, ne illi imitati Antecessorum suorum tyrannidem, Ecclesiam & Spirituales persequerentur. Præscripseruntq; Gubernatoribus Provinciarum & Civitatum; quàm reverentiam Ecclesiæ & Clero præstituri essent, neve Jura eorum læderent.

182 Noto 5. Quod judicare de Censibus Ecclesiasticis, sit solius Fori Ecclesiastici, non secularis, juxta Constitutionem Synodalem, quæ habetur Lib. 2. cit. Constit. Synod. Metropol. Eccles. Gnesn. Provin. tit. *De Foro competenti*. Causæ ad Forum & ad Judicium Ecclesiasticum pertinentes. Petri Gamrati. Petricoviæ Anno 1541. estq; talis.

Sacro Sancta Synodus, satisfaciendo votis & desideriis Statûs secularis, & instantiæ eorum, in Comitibus præteritis, de super factis, causas omnes ad Forum & Judicium Ecclesiasticum pertinentes, in Corpore Juris Canonici clausas, & quæ communiter in Judiciis Ecclesiasticis prædicantur, quas causas pro more veteri Rex erendissimi Domini Archiepiscopus & Episcopi. se defensores strenue præmiserunt, Synodaliter descripsit.

seripsit. Cause autem merè Spirituales sunt hæ: Fides Catholica, Hæresis &c. --- Item causæ merè Spirituales, sunt maleficia, incantationes, sortilegia, raptus, & violentiæ Ecclesiasticæ, ac quorumcunq; censuum perpetuorum, qui terreni, & conditionalium, qui Widerkaffy vulgo appellantur, ac dotium, sive agrorum Plebanatium, & aliorum Sacerdotiorum, qui vulgo Poświecne nominantur; præsertim in quorum possessione Ecclesiæ & Ecclesiasticæ Personæ fuerunt à tempore diuturno, & præscripto, &c. Et statutum Regni tit: Quas causas Judices Spiritualium cognoscent. à Joan. Felice Herbut: citatum. Item ad Iudicium Spirituale iudicare pertinet Incantationes, & Magias, Censuum Ecclesiasticos terrestres & temporales, Reemptiones, Ecclesiarum donationes alias Pośwaine. Sigis: Cracov: 1543. Proinde nullus Iudex secularis potest decernere, num in toto, num per medium solvendi fiat Census Ecclesiastici; cum hac in parte nullam Jurisdictionem habeat; nec illi contraria consuetudo (ut dictum supra) suffragari potest. Consequenter Decreta ejusmodi nulla sunt; & qui sic decreverunt, tenentur in conscientia ad restitutionem. Quando verò Spirituales, Retentores Censuum Laicos, ad Iudicem secularem citant, illam Juris Regulam secuti: *Aktor debet sequi Forum Rei.* Tunc Officium Judicis secularis non nisi illud est, ut iniquum Retentorem Censuum Ecclesiasticorum, suo Decreto compellat ad satisfacien-

ciendum, & reddendos Censuræ, etiam statutâ in casum contraventionis pænâ; non verò ut ultra procedat, v g inscriptiones cassando, censuræ ad minorem quantitatem redigendo, &c. &c Quia hac in parte (ut multoties dictum) nullam Jurisdictionem habet, nec ullo jure eam sibi usurpare potest.

A S S E R T I O VIII.

Quamvis Clerici sint exempti ab obligatione Legum Civilium, eas tamen leges, quæ respiciunt bonum commune, & ad omnes Cives Reipub: regulantur, ut per illas servetur mutua societas, nec repugnant immunitati Ecclesiasticæ, sed sunt conformes juri naturali, vel Divino, vel Canonico, Clerici tenentur servare, non ex vi ipsarum legum, & vi coactiva, sed ex vi directiva.

§. I.

¹³³ **P**rima pars, jam probata est immediata Assertionem, & ratio est. Quia Princeps legem ferre non potest, nisi in homines suæ potestati subditos, nec sua lege obligare eum, in quem jurisdictionem non habet; quoniam leges condere, & statuta ponere, est actus Jurisdictionis *L. nulli. C. de sentent. & interlocut*: sed nullus Princeps Civilis, habet potestatem & jurisdictionem in Clericos; ut supra dictum; consequens igitur est, quòd Clerici non obligentur Legibus Civilibus, quatenus sunt Imperatoriæ vel Regiæ, & auctoritate Laicali conditæ.

§. 2.

SECUNDAM partem antequam probem, expono prius, 134
 quid per vim directivam, & vim coactivam intel-
 ligatur. Ille dicitur vi directiva solum ad servandam
 legem teneri, qui ideò legem servat, quia ratio natu-
 ralis dictat, hanc legem esse servandam propter bo-
 num commune, propter conformitatem cum aliis,
 propter mutuam Societatem, & conservandam pacem.
 Hac vi directiva, Legislatores tenentur ad servandas
 suas leges, quas tulerunt. ut Colligitur id ex C *Cum*
omnes de Constit. Ille verò vi coactiva tenetur ad servan-
 dam legem, qui ita obligatur, ut si eam non servet, in-
 currat etiam pœnas à lege præscriptas, & cogi possit
 ad servandam eam. Quòd sic illustro. Supponamus
 statutam esse à Principe Civili legem v. g. ne quis arma
 noctu deferat, ne aleis ludat, ne venetur certis tempo-
 ribus, locis, aut certo, rētis, laquei vel instrumenti ge-
 nere; & in transgressores pœnam statuatur: si Laicus
 hanc legem transgressus fuerit, peccabit contra legem
 Civilem, & pœnâ à lege latâ puniendus erit. At Cle-
 ricus si arma noctu deferat, aleis ludat, venetur, pec-
 cabit quidem contra Canones, quibus armorum usus
 Clericis interdicitur, ludus aleæ, & venatio clamosa,
 peccabit item contra jus naturale, quod præcipit in
 omni communitate, conformitatem, securitatem, æqui-
 tatem ac justiciam conservandam; non peccabit tamen.

contra Legem Civilem, nec afficiendus erit pœnâ à lege statuta.

135 In hac assertione sic explicata, conveniunt omnes scriptores Catholici, ut asserit Suar: l. 4. c. 16. de Imm: Eccl: & rationem dat T. quia uniformis observantia talium legum est necessaria ad Reip: pacem, & ad servandam inter Cives æquitatem. Ergo & obligatio directiva debet esse generalis omnibus. Tum quia, posita lege justa de re ad omnes pertinente, & quæ à Clericis, decenter ac sinè speciali gravamine illorum servari potest, ratio naturalis dictat, talem legem esse servandam etiam à Clericis; turpe enim esset, si cum tota communitate, cujus pars sunt, non concordarent, in servanda lege. Ergo Clerici tenentur vi directiva ad servandas leges Civiles, quæ respiciunt bonum commune, & non repugnant Immunitati Ecclesiasticæ.

136 Hinc sequitur, quòd Clericus teneatur servare leges Civiles quæ sunt taxativæ pretii rerum vendibilium, præscriptivæ solemnitarum, contractuum, emptio- num, venditionum, &c. Proinde si Clericus in regno vendat frumentum ultra pretium justè à Repub: statutum, peccabit & tenebitur ad restitutionem. Si contractum, non juxta legem præscriptam faciat, non erit validus. &c. Item sequitur, quòd Clericus transgressor Legis Civilis, licèt vi legis Civilis non fiat reus pœnæ à Lege Civili statutz, sit tamen reus pœnæ vi juris

juris naturalis, quod omnem peccatorem, delinquentem contra Rempub: puniendum dicitur, & à suo Episcopo vel Prælato pænâ affici debet. Sed quia solum legem Divinam vel Naturalem, non verò Civilem violavit, idè pænâ arbitraria ab Episcopo vel Prælato puniendus est; neq; enim cogitur Judex Ecclesiasticus tunc Clericum eâ pænâ punire, quæ à lege Civili in transgressores est statuta. Cum Leges pænales Civiles, non extendant se ad Personas Ecclesiasticas, omni jure à Jurisdictione Laicali exemptas.

ASSERTIO IX.

Statuta Principum secularium, quæ sive directè sive indirectè adversantur Immunitati Ecclesiasticæ, aliquid circa Personas Ecclesiasticas vel illarum res disponendo sunt nulla ac irrita, & talia de volumine Legum abradi debent.

§. 1.

PROBATUR C. Adversus 7. de Immun: Eccle: sic habetur. *Adversus Consules & Rectores Civitatum vel alios, qui Ecclesias & Ecclesiasticos Viros talliis seu collectis & exactionibus aliis aggravare nituntur, volens Immunitati Ecclesiasticæ Lateranense Concilium providere; præsumptionem hujusmodi sub anathematis districtione prohibuit, transgressores & fautores eorum excommunicationi subjacere præcepit, donec satisfactionem impenderint competentem. --- Quia verò nec sic quorundam malitia contra DEI Ecclesiam*

conquieuit, adjicimus, ut constitutiones & sententie, quæ
à talibus vel de ipsorum mandato fuerint promulgatæ, inanes
& irritæ habeantur, nullo unquam tempore valituræ.

138 C. Gravem. 53. de Senten: excom: Gravem vene-
rabilis Fratris nostri Pisani Archiepiscopi recepimus quæstio-
nem, quodd quidam Cives Pisani deputati à potestate ac populo
ad statuta Civitatis edenda, in derogationem Apostolicæ Sedis
& subversionem Ecclesiasticæ libertatis edere præsumperunt,
quodd si quis Clericus vel Laicus contra quemcunq; Laicum Pi-
sani districtus ad Judicem Ecclesiasticum literas Apostolicas
impetrauerit, in mille solidis, nisi renuntiaverit literis, con-
demnetur, nec redditus possessionum suarum reddantur eidem,
vel agri excolantur illius, sed banno potius subjaceant Potesta-
ris; & infra statuerunt illi præterea, ut Clerici suis sumptibus
castrum Ripæ fractæ faciant custodiri; quod si renuerint, con-
tra eos Potestas procedere teneatur. & infra. Ideoq; Frater-
nitati tuæ mandamus, quatenus in Consiliarios & Officiales
Civitatis ipsius nisi statuta ipsa de Capitularibus suis deleri
fecerint, & idonee, sicut exigit res caveri, quodd similia de
cætero non debeant attentare, excommunicationis sententiam
promulgare procures.

139 Concilium Treverense. de Immunit: Eccle. sic
habet: Vetera statuta Prædecessorum nostrorum innovando,
& extendendo, præsentis nostræ Ordinatione cassamus & irri-
tamus omnia statuta & consuetudines, quæ, & quas, Civi-
tates, Communitates & loca, Præsides, Potestates, Rectores,
& Con-

Et Consules, Et quaecumq; alie Personæ contra libertatem Ecclesiæ edere, vel servare præsumpserint, Et si aliqui secundum statuta vel consuetudines memoratas judicaverint, iudicatum vigore careat, Et ipsi iudicantes Et exequentes, ipso facto inhabiles sint ad omnem legitimum actum in Ecclesiâ, salvis nihilominus penis contra tales in Concilio generali promulgatis.

§. 14.

Bulla Cænæ Domini (ut infra n 156) cum excommunicationem tulisset in Violatores Immuni: Ecclesiæ soli summo Pontifici reservatam, declarat, quid facto opus sit, ut absolutio impertienda sit valida. his verbis § 24. Declarantes ac protestantes, quamcunq; absolutionem, etiam solenniter per nos faciendam, prædictos excommunicatos sub præsentibus comprehensos, nisi prius à præmissis cum vero proposito ulterius similia non committendi, destiterint, ac quoad eos, qui cōtra libertatē, ut præmittitur statuta fecerint, nisi prius statuta, Ordinationes, Constitut: Pragmáticas & Decreta huiusmodi publicè revocerint, & ex Archivis, seu Capitularibus locis, aut libris, in quibus annotata reperiuntur, deleri & casari, ac nos de revocatione huiusmodi certiores fecerint, eos non comprehendere, nec eis aliter suffragari.

C. Noverit. 49. de sente: excomm: Excommunicamus 141

omnes --

omnes--Nec non & qui de cætero servari fecerint statuta edita,
& consuetudines introductas contra Ecclesiæ libertatem; nisi
ea de capitularibus suis intra duos menses post hujusmodi pu-
blicationem sententiæ, fecerint amoveri.

142

Exstat Urbani VIII. huc spectans Constitutio
edita Anno 1641 quæ incipit: Romanus Pontifex in Sa-
cra: quæ, quia longior est, integram non adduco, ali-
qua materiæ præsentī servientia, ex illa excerpo. Cum
autem, ut accepimus, à nonnullis prætendebatur, quosdam
ex Legatis, sive Natis, sive aliis etiam à Latere &c. aliisq;
Jurisdictionem quomodolibet exercentibus, aliqua eidem Se-
di aut Jurisdictioni, vel Immunitati, seu libertati Ecclesia-
stica, Ecclesiisq;, & Personis Ecclesiasticis præjudicialia
præter, aut contra facultates sibi concessas, nedum fecisse, decla-
rasse, concessisse ac decrevisse, seu alias quomodolibet disposu-
isse, sed etiam prædicta & quacunq; alia eis præjudicialia à qui-
buscunq; aliis sive Ecclesiasticis, sive Laicis quomodolibet
qualificatis, sufficientem facultatem Apostol: non habentibus,
commissa & facta, oneraq; super Ecclesiis ac eorum Bonis &
Juribus, earumq; fructibus absq; sufficienti facultate Apostol:
imposita, transgressionescq; & excessus contra SS. Canonum
dispositionem, contra Sedis Apostol: Jurisdictionem, immuni-
tatem aut libertatem Ecclesiasticam, seu Ecclesias, vel Perso-
nas Eccles: earumq; Bona, & iura quacunq; quomodolibet
commissos, & perpetratos, tolerasse & approbasse, vel quo-
modolibet permisisse, seu eisdem præjudicialibus consensisse--

in prædicta Sedis Apostolice Jurisdictionis, Immunitatis, seu Libertatis Ecclesiasticæ, aliarumq; Ecclesiarum Personarumq; Ecclesiasticarum maximum detrimentum, & populorum grave scandalum, animarumq; ipsorum prætententium, transgredientium, vel occupantium, seu usurpantium, ac in Censuris eo ipso incursis insordescentium perniciem. Propterea Nos, sicut ex onere Pastoralis tenemur, indemnitati Sedis Apostolicæ consulere volentes, attendentesq;, quod prædicti Legati Nuntii . . . Sinè speciali Papæ Mandato, nulla eidem Sedi, & Ecclesiis aliisq; prædictis præjudicialia unquam tacitè, vel expressè facere potuerunt, vel possunt. . . Idcirco etiamsi prædicta omnia & singula eidem Sedi Apostolice Jurisdictioni vel Immunitati aut libertati Ecclesie seu Ecclesiis, vel Personis Ecclesiasticis, earumq; Bonis, juribusq; ac fructibus, quomodolibet præjudicialia, per prædictos & alios quoscunq;, contra aut præter facultates, eis concessas, facta, eo ipso fuerint & sint nulla, & invalida; nihilominus abundantiori cautela uti volentes, omniumq; & singulorum quomodolibet præjudicialium quandocunq; & à quibusvis ac ex quacunq; causa & quovis modo factorum, & gestorum, ac inde secutorum quorumcunq;, cæterorumq; hic de necessitate forsan exprimendorum, ac inferendorum tenores, etiam majores & veriores, pro plenè expressis, ac de verbo ad verbum insertis habentes, motu pro-

prio, certâq; scientiâ --- hac nostra perpetua Constitutione
 declaramus, omnia & singula acta, decreta, statuta, indul-
 ta, concessionēs, ordinationes, declarationes, concordias &
 pacta, etiam Nomine ejusdem Sedis Apostol: inita --- nec-
 non quascunq; contributiones, collectas, gabellas, militum ho-
 spirationes, decimas, vel alias fructuum partes, aliaq;
 „ onera, & gravamina quæcunq; super Ecclesiis, Mo-
 „ nasteriis, & piis locis præsertim vacantibus, vel Per-
 „ sonis Ecclesiasticis, earumq; vel eorum Bonis seu fru-
 „ ctibus, etiam prætextu vel causâ facultatis Bona sta-
 „ bilia acquirendi, seu retinendi, ac alias quomodo-
 „ libet per Laicos præfatos, & quoscunq; alios quomo-
 „ dolibet qualificados, absq; sufficienti facultate Apo-
 „ stolica, impositas & impositas, exactasq; & exactas, etiâ
 „ à sponte dantibus, vel contribuentibus --- Necnon re-
 „ liqua omnia quocunq; & qualiacunq; eidē Sedi Apost:
 „ vel Jurisdictioni, Immunitati, aut libertati Eccl: seu
 „ Ecclesiis vel Personis Eccles: earumq; Juribus, Bonis, &
 „ fructibus quomodolibet præjudicialia per quoscunq;
 „ sufficienti facultate Apost: non munitos, facta, gesta,
 „ & respectivè perpetrata, cum omnibus & singulis, quan-
 „ docunq; & quomodocunq; inde securis, & quocunq; tempore
 etiam longissimo executioni demandatis, ac observatis fuis-
 se & esse ipso jure, nullas & invalidas, ac nulla & invalida,
 nulliusq; roboris, vel momenti, indebitaq; & illicita, ac de-
 facto præsumptas & præsumpta. Nullumq; præjudicium eis-
 dem

dem intulisse, nec inferre unquam posse --- Quinimo omnia
 & singula præjudicialia fuisse à SS. Canonibus, Con-
 stitutionibus Apost: & Conciliis etiam Universalib;
 præsertimq; à prædicta Bulla, in Cæna Domini legi
 solita, respectivè reprobata, ac damnata, prout etiã
 ad abundantiorẽ cautelam, *tenore presentium, repro-*
bamus, & damnamus, beneplacitaq; Apost: per Præ-
 decessores nostros & per Nos hactenus denegata fuisse
 declaramus; sicut etiam harum vigore denegamus,
 & qua tenus foret opus, omnia & singula præjudicialia
 prædicta, omniaq; alia, si quæ sint, irritamus, & an-
 nullamus, ac respectivè revocamus, cum inde secu-
 ris quibuscunq; præsertim intrusionibus, occupatio-
 nibus, usurpationibus, & observantiis ac usibus, &
 consuetudinibus quantumvis longissimis & imme-
 morabilibus, etiam cum asserta fama Privilegii Apo-
 stoli: quas & quæ, illicitas & illicitas, irrationabilesq;
 & irrationabilia declaramus, ac pro reprobatis, illi-
 citis, irrationabilibus, irritis & annullatis perpetuò
 haberi volumus, decernimusq; & damnamus ita,
 quod in posterum illa & illæ non possint unquam in
 iudicio, nec extra iudicium à quoquã quomodoli-
 bet allegari, deduci, probari. Nec ab aliquo ad-
 mitti ad quemcunq; effectum, & quatenus opus fo-
 rer, adversus illos & illa ac alia quæ cunq; quomo-
 libet præjudicialia harum serie eandem Sedẽ Apost:

„ Romanamq; Ecclesiam & Ecclesias inferiores, ac
 „ Personas Ecclesiasticas quascunq; plenariè & plenif-
 „ simè ex justis Causis nobis bene visis, ac si talia nun-
 „ quam existissent, in integrum & pristinum, in quo
 „ antea erant, statum restituimus, reponimusq; ac
 „ reintegramus. . . . Datum Romæ apud S. Petrum
 „ sub Annulo Piscatoris die 5. Junii, 1641. Pontifica-
 „ tus nostri 18.

§. 2.

143 **F**Ridericus II. Imper. in Constitutione sua de Stat. &
 Consuet. contra libertatem Ecclesiasticam, sic di-
 cit: *Ad decus & honorem Imperii, & laudem Romani Prin-*
cipis, nihil omnino magis videtur accedere, quam ut expur-
gatis quibusdam erroribus & iniquis quorundam statutis
penitus destitutis, de cætero Ecclesia DEI plena quiete vi-
geat, & secunda gaudeat libertate. Sanè adeò infidelium quo-
rundam & injustorum iniquitas abundavit, ut non dubi-
tent contra Apostolicam disciplinam & Sacros Canones statu-
ta sua confingere, contra Ecclesiasticas personas & Ecclesia
libertatem. Cum ergo dispositione Divina favente nihil velit
Ecclesia (quæ nihil debet præter bonum appetere) quod nobis
eodem concursu & eadem non placet voluntate. Nos Fri-
dericus Romanorum Imperator semper Augustus, hac edictali
lege irritamus, & irrita nuntiamus omnia statuta & con-
suetudines, quæ Civitates, vel loca, potestates, Consules, vel
quacunq; alia Personæ contra libertatem Ecclesiæ vel Eccle-
siasticas

siasticas Personas edere vel servare, adversus Canonicas vel Imperiales sanctiones præsumpserint, Et ea de Capitularibus suis mandamus, intra duos menses post hujus publicationem edicti, penitus aboleri, Et si de cetero similia attentaverint, ipso jure decernimus esse nulla, Et eos sua jurisdictione privatos superiori protinus applicanda, nec non locum, ubi deinceps talia præsumpta fuerint, banno mille Alacarum precipimus subjacere. Potestates verò, Consules, Rectores, Statuarii Et Scriptores prædictorum statutorum, nec non Et Consiliarii locorum ipsorum, qui secundum statuta vel consuetudines memoratas judicaverint, sint extunc ipso jure infames, quorum sententiæ Et actus alios illegitimos precipimus aliquatenus non tenere. Quod si per annum hujus nostræ constitutionis inventi fuerint contemptores, bona eorum per totum nostrum Imperium mandamus impune ab omnibus occupari; salvis nihilominus aliis penis contra tales in generali Concilio promulgatis.

Præfatam Constitutionem Honorius III. Papa ac- 144
ceptavit his verbis: *Has leges à Friderico Romanorum Imperatore Filio nostro Charissimo, pro utilitate omnium Christianorum editas, laudamus, approbamus Et confirmamus, tanquam in æternum valituras. Vide Bull. Honor. III. Constit: 1. Idem Authen: Cassa. de Sacros. Eccles: Cassa Et irrita esse denuntiari precipimus omnia statuta, Et consuetudines contra libertates Ecclesiæ earumq; Personas, inductas adversus Canonicas vel Imperiales sanctiones, Et ea de Ca-*

pitularibus penitus aboleri mandat nova Constitutio, & cetera similia attentata, ipso jure, nulla esse decernit.

146 Quodsi quæras, quænam statuta dicantur esse contra Immunitatem Ecclesiasticam? & in universali. Imprimis illa statuta sunt contraria Immunitati Ecclesiasticæ, ex quibus tolluntur vel minuuntur Privilegia Ecclesiis vel Ecclesiasticis Personis à Pontifice vel alicujus Regni aut Provinciæ Superiori Magistratu concessa. Vel quando Clerici impediuntur facere ea, quæ sunt ipsis concessa à Communi Jure. Vel quando statuta decernunt, ut Ecclesia, Clerici, ipsorumq; subditi subjiciantur servituti & publicis functionibus. Vel quando per statuta hujusmodi Clerici efficiuntur timidiore, Laici autem audentiores ad nocendum Clericis, vel illos affligendos, licet nulla mentio Clericorum per expressum in statutis fiat. *L. 1. §. Quæ honorandæ ff. Quærum rerum actio non datur.* Item, quando statuta Laicorum specificè disponunt de Bonis vel Personis Ecclesiasticis. Etiam si commodum & favorem earum concernant; si hæc fiant sinè consensu Jurisdictionis Ecclesiasticæ.

ASSERTIO X.

In particulari nullus Princeps secularis, vel Magistratus, vel Respublica potest statuere, ut Clerici tributa purè personalia (qualis est Census, seu Capitatio &c.) solvant, ut communia cum Laicis munera, siue honorifica, siue vilia, obeant,

obcant, ut arma tractent, ut Principes Legatos, milites hospitio suscipiant; ut de decimis & oblationibus tributum solvant.

§. 1.

PROBATUR 1. Universaliter. Constitutio in rebus Ecclesiæ vel contra Immunitatem Ecclesiæ facta à Laicis, nulla est & invalida; ut probatum immediata assertione. Et Gloss in C. 7. de Constit. Item Laici de rebus Ecclesiæ vel Personis Ecclesiasticis nihil disponere possunt in præjudicium Ecclesiæ. Ead. in C. 10. eod. & in multis SS. Canonum locis. Sed præfatæ constitutiones, sunt contra Immunitatem Ecclesiasticam, item disponunt de rebus & Personis Ecclesiasticis in præjudicium Ecclesiæ, ergo sunt nullæ & invalidæ.

§. 2.

DE Tributo Capitationis probatur. Tributum Capitationis, quod est purè personale, imponitur nonnisi titulo jurisdictionis in personas subjectas tali jurisdictioni, & exigitur nonnisi ratione actionum lucrosarum, quas eadem Personæ exercent, ut asserunt omnes Canonistæ. Et C. Omnis anima 2. de Censi. Subditi esse deberis; ideo enim tributa præstatis, quia hæc est probatio subjectionis. Sed Clerici, nulli jurisdictioni Laicali subsunt, ut supra probatum; nec exercent actiones lucrosas; ex natura enim sua, & vi status Spiritualis, dicati sunt cultui Divino, & procurandæ salutis

luti animarum; ordinati sunt ad ministeria Spiritua-
lia, qualia sunt, conficere & administrare Sacramen-
ta, concionari, cultum DEI promovere, psallere, de-
corem Domûs DEI procurare, DEum pro peccatis pò-
puli exorare, & sacrificiis placare, &c. & has actiones
suas non possunt ordinare ad lucra temporalia, alias
committerent simoniam jure Divino & Naturali pro-
hibitam. Ergo Spirituales sunt liberi jurè Naturali à
Tributo Capitationis, de quo intelligenda sunt Verba
Christi supra Citata num: 118. ex Matth. 17., nam tri-
butum illud, quod Cæsari solvebatur & vocabatur Cen-
sus, fuerat tributum capitationis; ut colligi potest ex
Luc. 2. cum Cæsar jussisset: *ut describeretur universus
Orbis.* Huc spectat testimonium S. Hieronymi: in C.
Matth. cit: *Nos pro illius honore tributa non solvimus, &
quasi filii Regis à vectigalibus immunes sumus.* Et S. Aug:
l. 1. quæst. Evang. c. 23. *In omni Regno intelligendum est,
liberos esse filios, id est non esse Vectigales; multo ergo magis
liberi esse debent in quolibet Regno terreno filii Regni illius,
sub quo sunt omnia Regna terræ.* Concilium quoq; Pro-
vi: Treverense de Immunit, Eccles: sic habet: *Præ-
terea statuimus, quòd nullus à Personis Ecclesiasticis, seu eo-
rum Bonis, contra libertatem Ecclesiasticam, pedagia, telo-
lonia, angarias, parangarias, collectas, aut exactiones ex-
torquere, aut imponere præsumat. quinimò ad abstinendum
ab iis & similibus (ergo & à tributo Capitationis) &*

ad

ad restituendum, si quis aliquid extorserit, canonica monitione
premissa per Ordinarios locorum, juxta Ecclesiasticam cen-
suram cogatur.

§. 3.

A Communibus cum Laicis muneribus exempti sunt¹⁴⁸
Spirituales. S. Paulus 2. ad Thimor. 2. dicit. Nemo
militans DEO, implicat se negotiis secularibus. L. 1. C.
de Episc: & Cler: præcipit Imperat: Ne Clerici Nomina-
tionibus, seu susceptionibus aliquibus quas publicus mos expo-
scit, contra indulta sibi Privilegia prægraventur. Et L. 2.
Ab omnibus omnino muneribus excusentur, ne à Divinis ob-
sequiis avocentur. Et L. 9 ibi: Curialibus muneribus atq;
omni iniquitudine Civilium functionum exsortes Clericos esse
oportet. Et l. 10. Repellatur ab his exactionibus munerum
sordidorum. Item l. 1. ibid. Nullus novis collationibus vos
obligabit, (Glossa addit: sordidorum munerum) sed vacatio-
ne gaudebitis, neq; hospites suscipietis. Item L. Placet 17.
ibid: Placet ut nihil commune Clerici cum publicis actionibus,
vel ad Curiam pertinentibus, cujus corpori non sunt annexi,
habeant. In jure autem Canonico integer titulus hac
de re est. l. 3. Decretal: Ne Clerici vel Monachi seculari-
bus negotiis se immisceant.

§. 4.

NE quisquam hospitetur in Domibus Ecclesiasticis¹⁴⁹
(ut in domibus i Lit: sic habetur Ut in Domi-
bus Ecclesiarum, neq; Missus, neq; Comes, vel Judex pu-
blicus,

publicus, vel Minister, quasi pro consuetudine placitum, vel hospitium vendicent, sed in publicis locis domos constituent, in quibus placitum teneant, & etiam hospientur. Hac de re Vide Piaſeckii Praxis Episcopalis par. 2. c. 4. n. 56 De Exemptione Monasteriorum omniumq; priorum locorum ab onere hospitandi Milites, habetur Bulla S. Pii V. quæ incipit: Cum sicut non sinè. Nontinentur item Clerici contribuere ad illa, quæ immediatè & directè cedunt in utilitatem publicam, & mediatè tantum in utilitatem Clericorum, uti sunt reparationes Murorum, fontium, pontium, viarum publicarum &c. Less de Justitia d. 36 n. 123.

§. 5.

^{15c} *Quòd ex Decimis & oblationibus, tributum, non debet solvi, antequam probetur: aliqua præmittuntur. 1. Decimæ sunt pars decima fructuum Ministris Ecclesiæ ob spirituale ipsorum Ministerium, iisdem debita, ex omnibus bonis frugiferis. Proinde Decimæ quo ad substantiam spectatæ, sunt stipendium necessarium ad sustentationem Ministrorum Ecclesiæ debitum, quæ tum jure naturali tum divino debentur Clericis. Nam justitia præcipit, ut necessaria Vitæ tanquam debitum stipendium subministrentur illis; & Christus dixit Matth. 10. Dignus est operarius cibo suo. Et quemadmodum peccaret graviter, qui operarium privaret stipendo suo, ita peccant graviter contra justitiam*

tiam, qui Clericis non solvunt decimas, quæ ad imitationem Divinæ Legis Veteris, sunt ab Ecclesia institutæ, & ipsi DEO dantur, ut Concil: Moguntin: C. Decimas. 16. q. 7. ait: *Decimas DEO, & Sacerdotibus DEI dandas, Abraham factis, & Jacob promissis insinuat: deinde lex statuit, & omnes Sancti Doctores commemorant.*

Oblationes sunt, quæ ad altare à Christi fidelibus Deo & Sanctis offeruntur religionis intuitu, vel ad placandum Deum pro peccatis. Ad has oblationes nullus fidelium obligatur, sunt permodum Eleemosinæ, non ab omnibus tamen fidelibus eas offerentibus sunt acceptandæ, ut habetur. C. Oblationes. dist. 90. *Oblationes dissidentium fratrum, ne in sacrario, neq; in gazophylatio recipiantur. Dona eorum, qui pauperes opprimunt, à Sacerdotibus refutanda sunt. His præmissis probatur.*

C. Decimas 16. q. 7. Concil: Lateran: dicit. *Decimas, quas in usum pietatis concessas esse, canonica auctoritas demonstrat, à laicis possideri Apostolica auctoritate prohibemus. Sive enim ab Episcopis, vel Regibus, vel quibuslibet Personis eas acceperint, nisi Ecclesie reddiderint, sciant se sacrilegii crimen committere, & æternæ damnationis periculum incurrere. Ibidem. C. Peruenit. Peruenit ad nos fama sinistra, quòd quidam Episcoporum, non Sacerdotibus propriæ Diocesis, decimas atq; Christianorum*

oblaciones conferant, sed potius laicalibus personis, militum videlicet sive servitorum, vel (quod gravius est) etiam consanguineis. Vnde si quis amodo Episcopus inventus fueris huius Divini praecepti transgressor, inter maximos Haereticos & Antichristos non minimus habeatur. Et sicut Nicæna Synodus de Simoniacis censuit & qui dat Episcopus, & qui recipiunt ab eo laici, sive pretio, sive beneficio, aeterni incendij ignibus deputentur.

153. C. Sancitum 23. q. 8. in Concil. Vormaciens: Sancitum est ut unicuique Ecclesiae unus mansus integer absque ullo servitio attribatur, & Presbyteri in eis constituti, non de decimis, neque de oblationibus fidelium, non de domibus, neque de atrijs, vel de hortis juxta Ecclesiam positis, neque de praescripto manso aliquod servitium faciant, praeter Ecclesiasticum. Idem C. 1. de Cens. habetur.

154. Ex quibus textibus sic arguitur 1. Laici nullum habent jus ad decimas Clericorum; Omnes enim decimae terra, Domini sunt, & illi Sanctificantur. c. 16. q. 7. Item, quidquid semel Ecclesiae oblatum fuerit, Domini est, & ad jus pertinet Sacerdotum; unde, quicumque Laicus, illud sibi usurpat, committit sacrilegium, ut dicitur. C. Nulli 12. q. 1. Ergo Laici non possunt disponere de decimis Clericorum, ergo nec de illis exigere tributum, alias decimas facerent sibi tributarias; quod esset juris & dominij indicium. 2. Laici non possunt possidere decimas, ut deductum. Ergo nec de decimis

exigere tributum à Clericis. Nam Clerici solvendo tributum de decimis, partem aliquam decimarum darent Laicis, consequenter Laici, recipiendo partem aliquam decimarum, titulo tributi, fierent illius possessores, quod esset contra Canones Citatos. §. Episcopus, etiamsi habeat Jurisdictionem in Clericos, non potest aliquid de decimis conferre Laicis. Ergo à fortiori Laici nihil Jurisdictionis habentes in Clericos, non possunt propria authoritate aliquid de decimis sibi usurpare. Proinde judicent ipsimet illi qui in quibusdam locis, Laudo publico Tributum de Decimis constituerant, illudq; à Clero forti executione extorserant, utrum id rectâ conscientia fecerint, & fecisse potuerint? & utrum obligatione restitutionis non teneantur? Illi verò, qui impugnant decimas, vel illas dare renuunt, audiant magnum & Sanctum Doctorem in Ecclesia DEI Augustinum l. 50 homiliarum homin. 48 dicentem, sibiq; dicta applicent. *Majores Nostri, ideo copiis omnibus abundabant, quia DEO decimas dabant, & Cesari censum reddebant. Modo autem quia discessit devotio DEI, accessit indictio fisci. Nolumus pariri cum DEO decimas, modo autem totum tollitur. Hoc tollit fiscus, quod non accipit Christus.* Citatur hic textus à Gratian. C. Majores, 16 q. 7

§. 7.

Quod concernit oblationes habetur C. Quia 10. q. 1. 155.

Y 3

q. 1.

§. 7. Sub Damaso Papa Laici Civitatis Romanæ, auferebant oblationes de altaribus, & consumeabant. Damasus Papa quæsiuit ex Hieronymo quid de his deberet fieri, & S. Hieronymus respondit sic: Quia Sacerdotes pro omnibus orare debent, quorum Eleemosynas & oblationes accipiunt, qua fronte præsumunt Laici oblationes, quas Christiani pro peccatis suis offerunt, vel comedere? vel aliis concedere? eum ipsi non debeant ex officio suo pro populo orare. Ob hoc Papa gloriose mittere oportet illos præsumptores in Excommunicationem perpetuam, ut & ceteri metum habeant, & amplius hæc in Ecclesia ne fiant. Quamobrem Damasus Papa sic ibidem constituit. Hanc consuetudinem, quæ contra S. Ecclesiam Catholicam augeri videtur, omnino interdiximus, ut nullo modo unquam oblationes quæ intra Sanctam Ecclesiam offeruntur, sub dominio Laicorum detineantur, sed tantummodo Sacerdotibus, qui quotidie Domino servire videntur, liceat comedere & bibere: quia in Veteri testamento prohibuit Dominus panes Sanctos comedere Filiis Israël, nisi tantummodo Aaron, & Filiis ejus, qui panes longè erant ab istis panibus, qui nunc in Sancta Ecclesia offeruntur: quia illi sub Umbra legis erant, qui verò modò sub gratiâ Spiritûs Sancti, toto mundo Evangelio coruscante lucidiores esse videntur. Qua fronte, aut conscientia oblationes vultis accipere, qui vix valeatis pro, vobis ne dum pro aliis DEO preces offerre? quia prævium est, & contra dominicum præceptum, & detrimentum animæ suæ inferi.

inferi, qui illud agere conatur, quod ei nulla ratione conceditur. Quia omnibus Sanctis Patribus nostrisq; Prioribus placuit hanc sanctionem fieri, & nos similiter in eisdem persistere volumus, ut nullus audeat irritum facere hoc, quod constitutum est, si in perpetuam damnationem noluerit persistere. si quis vero contra hanc Regulam Nostram & contra Regulam Sanctorum 318. Patrum, qui in Nicano Concilio hoc constituerunt, temerarius presumptor fuerit, & de cætero oblationes de sacris Ecclesiis auferre molitus fuerit, sub anathematis vinculo sit colligatus & condemnatus. Responderunt omnes: fiat fiat. Idem constituit Calixtus Papa II Ibidem Sanctorum Patrum canonibus consona sanctentes, oblationes de Sacratissimo & Reverendissimo Altari B. Petri & Salvatoris S. Mariæ Rotundæ, aut aliis Ecclesiarum altaribus siue crucibus à laicis auferri penitus interdiximus, & sub distinctione anathematis prohibemus. Similia scribit S. Urbanus Papa M. Ipsæ res fidelium, quæ Domino offeruntur, non debent in alios usus, quàm Ecclesiasticos & Christianorum Fratrum, vel indigentium converteri: quia vota sunt fidelium, & pretia peccatorum, ac patrimonia pauperum. Breviar die 25. Maij.

§. 8.

ID ipsum ratione antequam probem: Noto. Cum ¹⁵⁶ Decimæ ad sustentationem Beneficiariorum spectent, & sint stipendium Ministerii Spiritualis, non modica est controversia inter Canonistas & Theologos, utrū Bene-

Beneficarii sint verè & propriè Domini, eorum fructuum & proventuum, quos ex beneficio percipiunt, an solum usufructuarii, vel Usuarii tantum. Tunc autem Beneficiarius diceretur propriè Dominus fructuum Beneficii, quando haberet liberam facultatem de fructibus ex beneficio perceptis, Nomine suo & auctoritate statuendi, quidquid ipse voluerit, sive in vita, sive in morte. Nomine usufructus in præsentem intelligitur jus, quod habet Clericus utendi in Vita solum, non in morte fructibus beneficii sive in suos, sive in alienos usus, salvâ tamen beneficii ipsius substantiâ. Nomine usus, intelligitur jus, quod habet Beneficiarius in Vita tantum non in morte, utendi fructibus, in suum tantum commodum, non verò in alienum, salvo quôq; & integro ipso beneficio. Nonnulli itaq; Theologi & Canonistæ docent, quod Beneficarii non sunt simpliciter Domini vel usufructuarii in hac vita, sed nonnisi usuarii fructuum ex beneficio perceptorum. hoc est. Nihil tutâ conscientia ex fructibus beneficiorum possunt retinere ultra id, quod est necessarium ad commodam & honestam illorum sustentationem, & quidquid superfluum fuerit, in usus pios, seu in usus pauperum erogare debent, quod nisi fecerint, peccant mortaliter peccato injustitiæ, furtum committunt, & tenentur tam ipsi, quàm accipientes ab illis, ad restitutionem. Alii dicunt, quod

Bene-

Beneficiarii habeant dominium etiam superfluum fructuum, ita tamen, ut illos in profanos usus impendere non possint, peccabuntque mortaliter, non quia alienum usurpaverint, sed quod vanè consumpserint. Præterea alias TT. & Canonistarum opiniones, cum illa sententia, quæ est nunc communior, censeo: quod Beneficarii, portionis illius, quæ ad commodam & honestam illorum sustentationem est necessaria, dominium habeant, de ea tamen portione, quæ superest ex fructibus beneficii, obligantur in conscientia id totum, quod superest in communes pios usus & pauperes expendere. Quod Beneficarii sint Domini portionis ad sustentationem necessariæ, ratio est: quia omnis operarius, mercedis & stipendii sibi ob laborem debiti est Dominus; quemadmodum miles est Dominus sui stipendii. Sed Beneficiarius est operarius in Ecclesia Christi: ergo est Dominus fructuum beneficii sibi ad vitam conservandam necessariorum. Item: Pauperes & Ecclesia sunt verè Domini quartæ partis sibi à Jure ex iisdem fructibus beneficii assignatæ ut habetur. C. Concesso. 12. q. 2. *Reditus & oblationes fidelium in quatuor partes dividat (Episcopus) quarum unam sibi ipse retineat, alteram Clericis pro Officiorum suorum sedulitate distribuat, fabricis tertiam, quartam pauperibus & peregrinis habeat, fideliter erogandam, quarum rationem Divino est redditurus examini, & C. Mos est. ibid: Mos est Apostolicæ sedis*

Ordinatis Episcopis præceptum tradere, ut de omni stipendio, quod accedit, quatuor fieri debeant portiones, una videlicet Episcopo, & familiæ ejus propter hospitalitatem, & susceptionem, alia Clero, tertia verò pauperibus. 4^{ta} Ecclesiis reparandis. &c. Ergo & Clerici sunt Domini suæ portionis.

157. Quod verò superfluum iidem Beneficarii debent expendere in pauperes, multis in locis SS. Canonū, hoc reperitur. C. 12. q. 1. Si (id est, Quamvis, ut Glossa interpretatur) privatum possidemus, quod nobis sufficiat, non illa nostra sunt, sed pauperum, quorum procuracionem quodammodo gerimus, non proprietatem nobis usurpatione damnabili vendicamus. Clemens Papa decimas appellat Patrimonium Clericorum & Pauperum, & testatur illas, ad sustentandos Clericos & pauperes ab Ecclesia esse institutas. Quamobrem peccant graviter, qui superfluos fructus in profana non in pauperes expendunt. Adduco S. Bernardum ad Fulconem in sua Epistola sic scribentem: Verūntamen quæ sunt tua illa beneficia Ecclesiæ? Rectè, quia surgis ad vigilias, vadis ad Missas, horis eorum nocturnis diurnisq; frequentas. Bene facis. Sic Ecclesiæ Præbendam gratis non accipis. Dignum est, ut qui altari deservit, de altario vivat. Conceditur ergo tibi, ut si bene deservis, de altario vivas; non autem de altario luxurieris, ut de altario superbias, ut inde compares tibi frana aurea, stellas depicias, calcarea deargentata,

Paria

varia griseaq; pellicia à collo & manibus ornatu purpureo
diversificata. Deniq; quidquid præter necessarium victum
ac simplicem vestitum de altario retines, tuum non est, at
rapina est, sacrilegium est. Sic Divus Doctor. Ex his itaq;
patet, quòd beneficiarii, ultra portionem ad vitæ u-
sum sibi necessariam, reliqua quæ supersunt, in com-
munes indigentium utilitates erogare debent ex præ-
cepto Ecclesiæ.

His positis sic arguo, quod Laici non possint¹⁵⁸
exigere contributionem de decimis à Clero perceptis.
Nam ea contributio esset vel de iis, quæ concernunt
honestam sustentationem Clericorum, vel de superflu-
is, quæ concernunt pauperes. Imò modò fieri non po-
test, aliàs impietatis & injustitiæ esset, id Clericis
tollere, quo ad vitæ suæ, & statûs conservationem na-
turaliter indigent. Nec 2dò modò, nam si ipsi Cle-
rici de superfluis non possunt securâ conscientia dispo-
nere in usus profanos, ne in consanguineos quidem
ditandos, quâ conscientia Laici propria auctoritate,
in suum usum Christi Pauperum patrimonium usur-
pabunt? Nonne ea rapina, esset peccatum clamans
in cælum? Imò metuendum est Laicis, ne spoliati sua
sorte pauperes, simili modò, immutatis quibusdam,
contra se clament, quemadmodum clamantes inducit
S. Bernardus Epist: 42. ad Henricum Sennonensem Ar-
chiep: Clamant nudi, clamant famelici, conquæ-

„runtur & dicunt: Dicite Pontifices, in fræno quid
 „facit aurum? numquid à fræno repellit frigus? sive
 „esuriem? Nobis frigore & fame laborantibus, quid
 „conferunt tot mutatoria vel extensa in perticis,
 „vel plicata in manticis? Nostrum est, quod effun-
 „ditis; nobis crudeliter subtrahitur, quod inaniter
 „expenditis. Vita Nostra cedit vobis in superfluas
 „copias. Nostris necessitatibus detrahitur, quidquid
 „accedit vanitatibus vestris. Duo deniq; mala de
 „una prodeunt radice cupiditatis, dum & vos va-
 „nitando peritis, & nos spoliando perimitis. Iumen-
 „ta gradiuntur onusta gemmis, & nostra non cura-
 „tis crura nuda caligulis? Annuli, catenulæ, & tin-
 „tinnabula, & elevata quædam corrigiæ multaq; a-
 „lia tam speciosa coloribus, quàm ponderibus pre-
 „tiosa mulorum dependent cervicibus; fratrum au-
 „tem lateribus nec semicineta miserantes apponitis?
 „Huc accedit, quod hæc omnia nec negotiationis stu-
 „dio, nec proprio manuum exercitio vobis elaborastis, nec ju-
 „re hæreditario possidetis: &c.

ASSERTIO XI.

*Invalida sunt item statuta illa, & Decreta, quibus probi-
 betur, ne quidquam Clericis vendatur, vel Ecclesiis aut
 piis locis applicetur, ne aliquæ summae iisdem inscriban-
 tur; & similia.*

§. 1.

PROBATUR imum C. Eos qui. de immun: Eccles: „
in 6 Eos, qui temporale dominium obtinentes „
suis subditis, ne Prælati, aut Clericis, seu Personis „
Ecclesiasticis, quidquam vendant, aut emant ali- „
quid ab eisdem, neq; ipsis bladam molant, coquant „
panem, aut alia obsequia exhibere præsumant, ali- „
quando interdicunt, (cum talia in derogationem „
Libertatis Ecclesiasticæ præsumantur,) eo ipso ex- „
communicationis sententiæ decernimus subiacere. „

§. 2.

HUC spectat Confirmatio Constitutionis Friderici „
& Carolinæ in favorem Ecclesiasticæ libertatis per „
Bonifacium IX. & Joannem summos Pontifices, quæ „
inserta est statuto Regni Nostri, & habetur lib. 2. „
par. 7. tit. 1. & 2. fol. 263.

Bonifacius Episcopus servus servorum DEI - - - - 160 „
Dudum siquidem fel: recor: Honorius P. III. Præ- „
decessor noster attentè considerans, quòd claræ me „
morix Fridericus Imper: Rom: semper Augustus, „
ad laudem Romanæ Ecclesiæ & Sacri decus impe- „
rii cupiens, ut expurgatis quorundam erroribus, i- „
niquis statutis penitus destitutis, de cætero Eccle- „
sia & Ecclesiasticæ Personæ plenâ vigeant quiete, „
securâ libertate gauderent. Ac piè & justè atten- „
dens, quòd quorundam perversorum iniquitas adeò „

„ abundaret, ut non dubitarent contra Ecclesiasticam
 „ disciplinam & SS. Canones statuta sua confingere
 „ adversus Ecclesiasticas Personas & Ecclesiasticam li-
 „ bertatem edita, tali lege hujusmodi statuta iniqua
 „ irritaverat & præceperat irrita nuntiari. Ut o-
 „ mnia statuta & Consuetudines, quæ Civitates & lo-
 „ ca, Potestates & Consules, aut quæcunq; aliæ Per-
 „ sonæ, contra libertatem Ecclesiæ vel Personas Eccle-
 „ siasticas hujusmodi edere, aut observare tentarent,
 „ contra Canonicas vel Imperiales Sanctiones, de i-
 „ psorum Capitularibus infra duos menses post ipsius
 „ legis publicationem penitus aboleri facerent; &
 „ si de cætero talia attentarent, illa ipso jure decre-
 „ vit esse nulla; & eos sua jurisdictione privatos.
 „ &c. &c. Decernuntur ibi pænæ variæ intrans-
 „ gressores. . . . Et insuper ordinaverat, ut nullus Ec-
 „ clesiasticam Personam in criminali quæstione vel
 „ Civili ad judicium seculare trahere præsumat con-
 „ tra easdem Canonicas sanctiones & constitutiones
 „ Imperiales. Quod si secus faceret actor à suo jure
 „ caderet, & judicatum non teneret & Judex foret
 „ extunc judicandi autoritate privatus. Quodq; Ju-
 „ dices temporales, qui Clericis & Personis Ecclesi-
 „ asticis justitiam denegare præsumerent, tertio re-
 „ quisiti, suam jurisdictionem amitterent, prout in
 „ dicta Imperiali Constitutione plenius continetur.

Dicitur inquam Prædecessor Constitutionem ipsam
 etiam de Consilio Fratrum suorum S. R. E. Cardina-
 lium, qui tunc erant, autoritate Apostolica ap-
 probans & confirmans ipsam mandavit inviolabi-
 ter observari, nec non statutos, & scriptores,
 ac violatores prædictos excommunicatos eadem au-
 thoritate nuntiari. Et deinde ad audientiam di-
 vę memorię Caroli IV. etiam Rom Imper: semper
 Augusti deducto, quod nonnullę seculares personę
 in potestatibus & officiis publicis constitutę, vide-
 licet Duces, Marchiones, Comites, Barones & alii
 Domini temporales, nec non Consules Civitatum,
 Villarum & opidorum & locorum Rectores in di-
 versis Provinciis ejusdem Imperii constituti, Dei
 timore postposito, statuta singularia & iniquas Or-
 dinationes motu proprio & defacto contra ipsas Per-
 sonas Ecclesiasticas & Ecclesiarum libertates ac e-
 orum privilegia condiderant, illisq; defacto & publi-
 cę utebantur, contra Canonicas & legitimas San-
 ctiones: Utpote quod nulla bona temporalia in
 potestatem Ecclesiarum transferrentur. Et ne Cle-
 rici in sacris Ordinibus constituti ad agendum &
 testificandum in Civilibus, & maximę in piis cau-
 sis aliquatenus admitterentur. Quodq; excommu-
 nicati Laici & publicę denuntiati in Civili foro
 minimę repellerentur. Et insuper prædicti Domi-

„ ni temporales, Consules & Rectores per Secularem
 „ potestatem res & bona Clericorum occuparent, a-
 „ restarent, & oblationes Christifidelium minuerent,
 „ atq; restringerent. Exactiones & tallias indebitas de
 „ bonis & redditibus Ecclesiarum exigerent, & extor-
 „ querent; possessiones Ecclesiarum & Personarum
 „ earundem devastarent incendiis & rapinis. Con-
 „ tractus inter Clericos & laicos factos legitimè, ad li-
 „ bros Civitatum, villarum & locorum prædictorum
 „ inscribere & sigillare recusarent. Donataq; & lega-
 „ ta ad fabricas & Ecclesiarum structuras contra Præ-
 „ latorum voluntatem & aliorum, quorum intererat,
 „ contra justitiam tenere, & usurpare præsumerent in
 „ fraudem & odium Clericorum. De bonis etiam
 „ & rebus eorundem Clericorum, quæ non causâ ne-
 „ gotiationum, sed propriis eorundem usibus, per e-
 „ orum terras ducebant, seu duci faciebant, theloniū
 „ exigere & recipere non verebantur. Et confugien-
 „ tes ad Ecclesias & earum cimiteria, inde extrahe-
 „ re, contra Canonicas & Imperiales sanctiones hujus-
 „ modi præsumpserant, & præsumebant. Idem Ca-
 „ rolus tanquam imperator Christianissimusq; Prin-
 „ ceps, volens in præmissis providere remedio salu-
 „ tari, etiam de Principum Ducum, Comitum Ba-
 „ ronum, fideliumq; aliorum Sacri Imperii Consilio,
 „ & auctoritate imperiali, quæcunq; statuta & con-
 sue-

suetudines prædictas tanquam per Canonicas & Civiles Sanctiones expresse reprobata, cassavit, irritavit, & annullavit, ac cassa & irrita, nulliusq; esse roboris penitus voluit, vel momenti. Præcipiens sub indignatione imperialis banni, Universis & Singulis Principibus ac Dominis temporalibus, Consulib, Potestatib, & aliis in Officiis publicis constitutis, quatenus extunc ipsorum statuta & Ordinationes, quæ in præjudicium Ecclesiasticæ libertatis edita fuerant, omnino revocarent, & de luce tollerent, quodq; secundum ea non Judicarent amplius, nec sententias dictarent, aut eisdem in iudicio vel extra iudicium quomodolibet pro se & contra Ecclesiasticam libertatem potirentur. &c. &c. Tandem sequitur summi Pontificis mandatum quatenus prædictæ Constitutiones inviolabiliter observentur.

Hanc Confirmationem sequitur Confirmatio Constitutionis Carolinæ per Joannem Papam; quàm ibidem vide fol. 266. Præfatam Constitutionem FridERICI vide supra p. 141. Constitutionem Caroli IV vide in Bullario inter Constit: Bonifacii IX. Constit: IV. *Iustis & honestis.*

§. 3.

Iniquitatem quoq; (ne dicam impietatem) sapit, si quis hominem jure naturali privet, ac impediatur,

Aa

ne-

ne quidquam pro salute animæ suæ, & remissione peccatorum, de bonis suis Deo offerre possit. Fuerat hæc olim Consuetudo Catholicorum in Galliis (teste Baron: An: 843) ut dum quis illorum vel fundum, vel prædium, vel quid simile donaret Ecclesiæ, in scheda connotatione facta eorum, quæ applicabat Ecclesiæ, ad Altare DEI constitutus, sic diceret: Ego N. Offero DEO & trado hæc omnia, quæ in hac scheda continentur, in remissionem peccatorum meorum, & Parentum meorum, & Filiorum meorum, ut de his Sacerdotes DEO serviant, sacrificia offerant; orationes ad DEVM fundant. Quodsi quis hæc ab Ecclesiâ repetere voluerit, coram tremendo DEI Iudicio respondebit, & fiet sacrilegus. Baron: an: 843. Ratio item est quia Ecclesiastici sunt exempti à jurisdictione Laicorum, ut dictum supra. n. 114. & seq. Ergo iniquum est, si per statuta Laicorum, quibus non subiiciuntur, prohibeantur aliquid acquirere? consequentia patet; quia nemo justè prohibet, nisi habeat jurisdictionem in eum, cui prohibet. Item, liberum cuiq; homini, sua bona donare, vel vendere, Hæreticis, in illicita & quæ cum æterna animæ damnatione sunt, (quæ pudet dicere) vel in luxum, expendere, ut experientia docet, & nemo prohibetur. Unicus ille, qui bona sua, in eleemosynas, in pios usus, ut Deum sibi propitium pro peccatis suis faciat, expendit; prohibetur? nonne id sunt;

ma impietatis & injustitiæ? Hinc meritò conqueri-
tur S. Ambrosi: l. 5. Epist: 31. *Scribuntur testamenta tem-
plorum, id est, idolorum, ministris, nullus excipitur pro-
fanus; nullus ultimæ conditionis; soli ex omnibus, Clerici jus
clauditur.* Et S. Hieron: Epist: ad Nepotian: *Pudet di-
cere: Sacerdotes idolorum, Mimi, & auriga, & scortæ,
hereditates capiunt; solis Clericis & Monachis hoc tem-
pore prohibetur; & prohibetur non à persecutoribus, sed
Principibus Christianis.* Probat 2.

§. 4.

Henricus Constantinopolitanus Imperator, consti-¹⁶³
tuerat, ut nullus posset de suis Possessionibus in
vita, vel ultimo testamento aliquid Ecclesiis elargiri.
Hoc ubi pervenit ad notitiam Innocentii P. III. sic
decrevit in Constitutione sua 10. quæ incipit: *Ad
Nostram.* Cum igitur Constitutio hujusmodi tam Divinis
quàm humanis sit legibus inimica, Discretionem Vestræ per A-
postolica scripta mandamus, quatenus ipsam auctoritate no-
stra decernatis frivolum, & inanem, & nullo modo ser-
vandam.

In Constit: Synodal: Provin: Gnesnen Anno Dñi 164
1577. l. 3. de testamen: & ulti: volunt: fol: 174. sic
habetur: *Præterea statuta Laicorum, quæ habent, quòd nul-
lus ultra certam summam Ecclesiis vel Clericis donare, seu
legare audeat, in ultima voluntate, irrita judicamus, cum
iniquitatem contineant, & testandi perimant libertatem.*

Conditores vero huiusmodi statutorum, ac eisdem utentes, Canonica arceantur disciplina Et Item infra: Ad hoc, quod quedam in quibusdam partibus Conuetudo, imò corruptela detestabilis observatur, videlicet, quod tam Laicus, quam Clericus in lecto agnitudoinis constitutus, ultra certam summam, juxta loci illius consuetudinem limitatam, nec piis locis, nec Personis Ecclesiasticis, pro animæ suæ remedio Et salute, aliqua possit ordinare Legata. Considerantes, licet vicibus jam repetitis, prædictam consuetudinem, Et sacris Canonibus, Et Secularibus etiam legibus obviare, cum omnia lura clamant, quod ultima voluntas, Et ultimum hominis testamentum, inviolabile perseveret; et nihil sit, quod magis hominibus debeat, quam ut extremæ voluntatis liber stylus existat. Eandem consuetudinem DEO odibilem, animabus Et moribus bonis inimicam, autoritate huius Sacri Concilii, penitus reprobamus; firmiter statuentes, ut unicuique, quem lura à testamentorum non prohibent factione, in Sanitate, vel in lecto agnitudoinis constituto, legandi, disponendi, Et ordinandi de bonis sibi collatis, circa pia loca Et Personas Ecclesiasticas, dummodo legitimos non prætereas successores, libera sit facultas. Volentes, Et præcipientes districte, ut per locorum Episcopos, Et ceteros Prelatos, jurisdictionem habentes, universi Clerici tam Seculares, quam Regulares, Et Laici, impediētes defunctorum legata seu ultimas voluntates, per excommunicationis, in Personas, Et Interdicti in loca, sententias, Canonica monitione præmissa, feren-

ferendas, ab huiusmodi impedimentis desistere compellantur, ad quorum executionem, & debitas aggregationes, procedente tempore faciendas, Episcopi & Prelati, ad quos iustamentorum defensio, utroque jure suadente, dignoscitur pertinere, benevolos se exhibeant, & paratos, ne huiusmodi negligentia de eorum manibus in die districti iudicii requiratur.

§. 5.

EX dictis patet, statutum, quo Ecclesiæ & pia loca redduntur inhabilia ad acquirendas possessiones, & immobilia Bona, esse contra immunitatem Ecclesiasticam, eosque, qui condunt tale statutum vel illud exequuntur, esse ipso facto excommunicatos Pirhing. l. 1. t. 2. à n. 90 Dian. p. 6. t. 3. R. 6. fuse probant, ejusmodi statuta non solum esse illicita, sed etiam irrita. Addit Less. cas. 4. & fuse probat, statutum illud graviter esse illicitum, quo decernitur, ut illis, qui volunt ingredi Religionem, vel iam ingressi sunt, non liceat Bona sua, vel portionem sibi obventuram, dare pauperibus, vel conferre in Religionem: dicitque talis Constitutionis authores, ipso facto incurrere excommunicationem. Idem dicit de illis, qui statuunt, ne Ecclesiis, piis locis, Domibus Religiosis, plus conferatur, vel inscribatur, quam à lege sua taxatum est.

§. 6.

Accedit autoritas summi Pontificis Pauli V. qui

Anno 1606 anathemate percussit Rempub: Venetam ex eo, quod illa Anno 1607. statutum fecerit, ne intra Dominium Venetum quisquam auderet absq; licentia senatûs, fundos & immobilia bona Ecclesiis vel aliis piis locis applicare, vel legare. Quod si quis iam eis impenderit, certo interiecto spatio temporis: debebant Ecclesiastici bona divendere, acceptamq; pecuniam in pios usus convertere. Adverto quod Resp. Veneta non prohibebat absolutè Ecclesiasticos, hæreticos bonorum immobilium scribi; non denegabat donationes bonorum immobilium Ecclesiasticis, non impediebat fundationes de novo fieri, nihilominus tamen hanc solam ob causam summus Pontifex Rempub. Venetam proscripsit ab Ecclesia, & Interdicto affecit, quod legem injuriosam Immunitati Ecclesiasticæ ferre præsumperit. Ergo multo magis contra immunitatem Ecclesiasticam faciunt, qui graviora præsumunt.

167 *Sed Audiamus hac de re differentem Cardinalem Baronium in sua Parænesi ad præfatam Rempub: Venetam in qua fol. 15. sic habet. Exagitantini insuper literis Apostolicis per Vos. Statutum: ne quis Ecclesias, Monasteria, atq; alias Religiosas Domos Venetiis & ubiq; locorum dominio Vestro subiectorum sine vestra speciali licentia fundet & erigat; quàm autem contra jus fasq; id præsumperitis, quæ dicturi sumus, vos commovebunt. Nam illa Occidentalis Imperii culmina Augustissima, æque & robore militari,*

tari, potentia, simulq; doctrina rerum Sacrarum conspicui,
 Carolus & Ludovicus, cum faterentur, super Ecclesias nul-
 lum sibi vendicandum esse dominium, verè legitimi lauda-
 ti sunt Imperatores, ut qui lege scripta professi sunt, non
 tantum in Ecclesiarum constructione, aliquod jus non es-
 se concessum Imperatoribus, sed neq; absq; Episcopi licentia
 domi sua Oratorii construendi habere aliquam facultatem,
 quod probe cognitum, pragmatica Sanctione ita relinquere
 voluere testatum his verbis: Placuit nobis, ut (sicut ab E-
 piscopis & reliquis Sacerdotibus, ac DEI servis admoniti
 fuimus) ne Capellæ in nostro Palatio, vel alicubi, sine per-
 missu Episcopi, in cujus est Parochia, fiant. Si igitur, nec
 Capellam unam, & in suo Palatio ædificandi, absq; licentia
 Episcopi, tanti Imperatores facultatem se habere testati sunt,
 quomodo ædificandi Ecclesias, & alia Religiosa loca danti
 licentiam vel negandi, Vos ita Vobis arrogatis auctorita-
 tem? Ita Cardin. Baronius, qui multis exemplis probat
 præfatum Reip: Venetæ statutum infringere Ecclesia-
 sticam libertatem; adeoq; esse nullum.

His omnibus addendum esse censet Dian. p. 1.162
 t. 2. res. 62. quod Constantinus Imperator concessit
 facultatem, ut Ecclesiæ per totum Orbem possint æ-
 dificari, ut patet in c. Futuram 12. q. 1. Ergo non
 possunt Principes etiam aliàs absoluti, & Imperio non
 subiecti, revocare Privilegia ab imperio Ecclesiæ con-
 cessa; Nam ut notat Filliuc: t. 1. tra: 16. c. 10. n. 270.
 his

his verbis: In particulari autem ea statuta dicuntur contra libertatem, quæ in genere vel specie tollunt, lædunt, vel restringunt Privilegia generalia à DEO, Papa vel Imperatore concessa toti Ecclesiæ tam in spiritualibus, quàm in temporalibus.

Addo ex summa ejusdem Dianæ. V. statutum 169 Laicale n. 18. sic habetur; Postremo monendi hoc loco veniunt Reges & Principes, eorumq; Consilarii, ut si Regna stabilire, & ab eis calamitates arcere desiderant, nihil statuant, quod Ecclesiasticæ libertati non sit consentaneum; sed si quod simile statutum in suis ditionibus exstat, omnino abrogent, & expungant; in dubiis verò eam semper amplectantur opinionem, quæ favet Ecclesiæ, aut saltem consulant S. sedem, ut docet Bernardus Justus in defen. liber. fol. 27. & Carolus imperator apud Granadum in c. memoriam dist. 19 sciantq; violentibus jurisdictionem Ecclesiæ Regnorum everisionem & amissionem imminere, ut fassus est, Basilius Imperator. Unde notat Baronius ad annum Christi 701. & aliàs, olim Deum Regnum Hispaniæ tradidisse Mauris, & Machometanis, quia à Sancta sede Apostolica in jurisdictione defecerat ... & ad annum 549. Justinianum, dum Ecclesiasticis dogmatibus perferutandis, plus quàm Imperatorem decet, studiose vacaret, universum pessum dedisse Imperium: Hunc tamen ait Tanner. in 22. disp.

disp. 1. q. 3 d. 1. n. 30. multa justè & legitimè de rebus Ecclesiæ sanxisse; quæ tamen non sunt leges Ecclesiasticæ, sed meræ executiones Canonum.

N. 19. Monendi quoq; veniunt Episcopi & Judices Ecclesiastici, si quando statutum editur contra libertatem Ecclesiæ præcipere Magistratibus, & Legislatoribus, ut illud tollant, & ipsis recusantibus ipsi tollere, & invalidum declarare, & in dubiis cogere ad declarandum expressè tali statuto Ecclesias & Ecclesiasticos, minimè comprehendi.

A S S E R T I O XII.

Eadem immunitate Ecclesiastica in Regno Nostro Polonia gaudent & in ea debent observari Ecclesia ac Personæ Ecclesiasticæ. Cum verò in statuto Regni & Constitutionibus, aliqua reperiantur Constitutiones, quæ adversantur immunitati Ecclesiasticæ, ideo sunt nullæ & invalidæ, nec obligare possunt spirituales Personas.

§. 1.

imūm probatur. Fusior essem, si omnia recenserem, quemadmodum ab introducta S. Fide Catholica in Regnum Poloniæ, Spirituales sunt suscepti & fundati cum omnibus Privilegiis & immunitatibus suis Ecclesiasticis. Primus Mieschus seu Miecislaus Princeps Poloniæ. Anno 965. ritu Christiano suscepit S. Fidem. Ex nunc totum se ad propagandam per omnem Principatum

Bb

suum

suam Religionem, hortante & adjuvante uxore convertit
(ut Cromer l. 3 fol 47. scribit) Anno Dni 967. (ut
Dlugoss. tom. & l. 1. fol 93. refert) Novem Ecclesiis
Cathedralibus à se fundatis dotes sufficientes assignat, & tam
Pontificibus eorum, quam Personalibus dignitatibus, & Ca-
nonicalibus & Cathedralibus & aliis institutis Monasteriis
& Ecclesiis Parochialibus, omnem universa Polonorum
Regionis omnium frugum Nascentium deputavit Decima-
tionem, sed & omnes Barones, Proceres, Cives, & Rusticos,
non solum ad redditionem, sed etiam ad ducturam campe-
stris Decimæ subjiciens, largitus est. Præterea Ecclesiis Ca-
thedralibus, Collegiatis, Conventualibus & Parochialibus, lar-
gas possessiones, redditus & prædia largitus est. Cromer
loc. cit. dicit: Miecislavus Princeps Basilicas novem diver-
sis in locis ædificat, easq; suppellectili omnis generis pretiosa
ornat. Censibus & possessionibus locupletat . . . iisq; De-
cimas omnis generis frugum de suis juxta ac Nobilitatis,
plebisq; agris, edicto perpetuo adscribit; ita quidem, ut ea
decimæ, post messem ab iis qui dant, ad constitutum locum
comportentur. Ex quo contextu manifestè patet, quòd
Miecislavus plenitudine potestatis suæ absolutæ, No-
bilitati & omnibus subditis legem oneris imposuerit,
ut Spiritualibus Decimas extraderent, easq; ad locum
comportarent. Patet 2. quòd Libertates Ecclesiasti-
cæ, Decimæ, & Possessiones Ecclesiarum, antiquiores
sint Libertatibus Nobilitatis.

Idem

Idem præstitit Ecclesiis ac personis Ecclesiasticis 172
 successor ejus Boleslaus Chabri, de quo Długoss. &
 Cromer: Nulla autem in re Boleslaus erat severior, quam
 in contemptu Religionis, Templorum profanatione, & Sa-
 cerdotum injuriis atq; contumeliis vindicandis, ad quæ faci-
 nera tum pleriq; Equestris Ordinis homines, partim pristinae
 impietatis consuetudine, partim militari licentia incitati, fer-
 ventur, & Decimarum quoq; onus detrectarent, Sacerdo-
 tesq; pulsarent, in authores quidem pena capitis animadver-
 tit, Ceteros partim verberibus, partim verbis atq; minis ca-
 stigavit. Episcopos & Sacerdotes ipse magnopere colebat, et
 ab omnibus coli volebat, nec sedebat stante aut veniente Epi-
 scopo, nisi & ille assedisset. l. 3. fol. 64.

Præter alia documenta, satis esset ipsum statu- 173
 tum Regni Lib. 2. par. 1. tit. 2. Omnes Domus Dei
 & Ecclesiæ in juribus suis & libertatibus in integro conser-
 vari debent. Vladislaus Jagello Anno 1413. sic statuit:
 Primo quidem, quod universas ædes Sacras seu Ecclesias in
 omnibus earum, Juribus immunitatibus & libertatibus, ac
 metis & distinctionibus antiquis, quibus temporibus Domi-
 norum Prædecessorum Nostorum Polonia Regum ac Du-
 cum fruebantur, volumus omnimodè conservare.

Item idem Vladislaus Anno 1433. & Casimirus 174
 III. Anno 1459. sic statuit: Etsi subditorum Nostorum
 secularium, commodis de benignitate Regia libenter intendi-
 mus, Juraq; & libertates ipsorum contra detestandam ma-

lignorum pravitatem ditionis nostræ præsidia conseruemus; multò magis tamen Regis Pacifici Dominatoris universorum exemplò (per quem Reges regnant & principes dominantur) Ecclesiam suam Sanctam & Personas Spirituales, et Seculares sibi subiectas, in Juribus & libertatibus ac statutis à Sanctis Patribus editis conservare & tueri convenit: & ipsas ab omni impressionum incurso præservare.

¹⁷⁵ Has libertates & Immunitates Ecclesiasticas, quilibet Rex Poloniæ, se conservaturum promittit his Verbis: Ego N. DEI Gratia Rex Poloniæ &c. Juro spondeo & promitto, quod omnia Jura, Libertates, Privilegia, Literas, Immunitates Regni mei Poloniæ Ecclesiasticas & Seculares, Ecclesiis, Regno quoq; Poloniæ, eiusdemq; Prelatis Principibus &c. per Divos prædecessores meos, &c. justas & legitime donatas, manutenebo, servabo, custodiam &c. attendam &c. sic me Deus adjuvet & hæc S. DEI Evangelia.

§. 2.

¹⁷⁶ 2dum. Nempe, quòd aliquæ Constitutiones contrariæ Libertati Ecclesiasticæ reperiuntur in statuto Regni & Constitutionibus, probatur, testimonio Reverendissimi Stanislai Lubiencki Episcopi Płocensis; qui in Responso suo contra quandam Dissidentium Protestationem fol. 204. sic dicit: Verum posteriore tempore, alterius generis & longè ab illis diversæ Constitutiones iniquæ & Spiritualibus graves in volumen Legum irre-

pserunt

pservunt. Videlicet Anno 1538. Ne Spirituales Notarii sint. Anno 1543. statutum de Cortesanis, & quid ad Judicium Spirituale pertineat. de Annatis. Anno 1550. de alendis per Abbates filiis nobilium, de foro Spiritualium in actionibus tam Civilibus, quam criminalibus, cum Personis Spiritualibus intentantur. de excommunicationibus & jurisdictione spirituali, de Decimis. Ibidem mentionem facit Constitutionum Anno 1607. & 1609. factarum.

Reverendissimus Andreas Lipski (qui post fuit Episc: Cracov:) in Decade Quæsti. Public: quæsti: 5. n. 9. sic ait: Ex quibus manifestò apparet omnia illa statuta, quæ hoc infelici nostro ævo, maxime verò omnes illas Constitutiones Anni 1607. quæ turbata Repub: ob domesticas dissensiones contra Personas Spirituales reclamantibus et protestantibus Episcopis, atq; Universo hujus Regni Clero summo iure, summaque injuria à Secularibus promulgata & in volumen legum publicarum relata fuerunt, contrarias atq; omnino repugnantes esse Libertati Ecclesiastica, utpote per quæ vel diminui, vel omnino funditus tolli videntur Privilegia Ecclesie vel Ordini Ecclesiastico servientia. Nam quæ ibi de suspensione, de præscriptionibus Decimarum & aliorum fructuum & bonis & Censibus jure reemptionis Ecclesiis adscriptis provenientes, de Annatis, de scultetis, de foro Spiritualium, de appellationibus ad Curiam Romanam non admittendis, de Plebeiis ad Ecclesias etiam Collegiatas non recipiendis, sine statûs Spiritualis consensu à Secularibus statu-

untur, quid aliud nisi temerariam quandam manuum quasi
injectionem in jura & immunitates Ecclesiasticas Sapiunt
cum non quod antiqua consuetudini perpetuoq; (ex quo Re-
gnum hoc Christianae Religionis sacra suscepit) usui consen-
taneum; non quod equitati, aut juribus Ecclesiastici Ordini
conveniens est; sed quod propriae temeritati, & quid-
quid libet faciendi licentiae applaudere videbatur, in legibus
& Constitutionibus hujusmodi continere nemo negare potest.
Hucusq; ille.

§. 3.

178 **I**Nter cætera Regnante Sigismundo Augusto, in Co-
mitiis Generalibus Varaviae Anno 1563. & 1564.
cum plures in Senatu essent Hæretici, quàm Catho-
lici, latae sunt quaedam Constitutiones Immunitati Ec-
clesiasticæ præjudiciosæ, contra quas, in facie Reip:
in Comitiis Petricoviae Anno 1565. celebratis, spiri-
tuales protestati sunt, de qua re diploma ejusdem Se-
renissimi Regis exstat, quod adduco.

*Sigismundus Augustus DEI Gratia Rex Poloniae, Magnus
Dux Litvaniae, Russiae, Prussiae, Mazoviae, Samogitiae, etc.
Dominus & Heres.*

Significamus tenore præsentium, quorum interest
„ Universis & Singulis præsentibus & futuris harum
„ notitiam habituris. Quomodo constituti personas
„ liter coram nobis in præsentia Senatorum ac Nun-
„ tiorum Terrestrium in moderna conventionem gene-
rali

rali Petricoviensi congregatorum, Reverendissimi
 in Christo Patres Dni Dni. Jacobus Uchanski DEI
 Gratiâ Archiepiscopus Gneznens; Legatus Natus, &
 Regni Poloniae Primas Philippus Padniewski Cra-
 cov: Nicolaus Wolski Vladislav. Adamus Konar-
 ski Pofnanien. Albertus Starozrzebski Chelmen:
 Dionysius Setczygniowski Camenec: Episcopi, No-
 mine suo & aliorum Reverendissimorum DD. Epi-
 scoporum absentium, ac totius status Ecclesiastici
 & Spiritualis Regni Nostri, productis & exhibi-
 tis factis & inscriptis, certis suis scriptis, & solen-
 nibus protestationibus, etiam verbo ibidem factis,
 & inhærendo suis prioribus protestationibus ante
 biennium, videlicet Anno Dni. 1563. solenniter pu-
 blicè & per expressum protestati sunt & dixerunt:
 Quod quantum in ipsis situm est, nequaquam con-
 sentire possunt neq; consentiunt in ea placita, Con-
 stitutionem, Decreta, seu declarationem, quæcunq;
 in præjudicium Ecclesiarum DEI & statûs Spiritu-
 alis in hac Conventione Generali quomodolibet sta-
 tuantur contra jura & libertates Ecclesiasticas sa-
 eris Canonibus munitas, & in derogationem liber-
 tatum & immunitatum Ecclesiasticarum totius Pro-
 vinciae, & omnium Ecclesiarum Regni, literis Pri-
 vilegiis, statutis, Constitutionibus, & indultis, per
 olim Serenissimos Principes, & Dominos, Duces &
 Reges

„ Reges Poloniæ, Ecclesiis ipsis & Personis earum le-
 „ gitimè concessarum, per eosdem Duces & Reges,
 „ tum usum continuum ab antiquo approbatarum,
 „ quibus publicè & legitimè cautum, & provisum.
 „ est, nullas videlicet debere fieri in eodem Regno
 „ Constitutiones, placita, & Ordinationes, nisi de o-
 „ mnium Consiliariorum consensu & Voluntate &
 „ etiam, quod nullus status in alterum libertatibus
 „ & immunitatibus gaudentem in tam libero Regno,
 „ potest de jure quidquam novi, præsertim contra
 „ immunitatem & libertatem alterius constituere &
 „ laudare, novasq; leges & statuta condere, per quod
 „ alter status gravari, & in suis libertatibus opprimi
 „ possent, & præsertim quod contra fidei Catholicæ
 „ & Ecclesiæ Sanctæ Ordinationem & institutum fi-
 „ eret, aliis nihilominus Senatoribus, necnon terrarū
 „ Nunciis, præsertim Catholicis repugnantibus, reni-
 „ tentibus, consensumq; suum, præfatis Constitutio-
 „ nibus & Ordinationibus, Religioni Jurisdictioni,
 „ libertatibus ac immunitatibus Ecclesiasticis contra-
 „ riis, denegantibus, imò suadentibus & postulantibus
 „ jura & libertates Ecclesiasticas & omnes dignita-
 „ tes in vigore & robore suo conservari. Et insu-
 „ per protestantibus, quod nihil omnino Catholicæ
 „ Religioni & Jurisdictioni ac libertatibus & immu-
 „ nitatibus status Spiritualis derogare velint, per quas
 „ cunq;

cunq; Constitutiones seu Ordinationes. Intelligen-
 tesq; & animadvertentes supra dicti Reveren: DD.
 Archiepiscopi & Episcopi, in præsentì Conventione
 nonnulla statuta & Constitutiones & placita, ad
 nonnullorum Senatorum & Nunciorum status se-
 cularis instantiam, contra Religionem, Jurisdic-
 tionem, immunitates Ecclesiasticas, Ordinib; sui &
 Ecclesiarum fieri & laudari, præsertim de & super
 executione Processuum à foro spirituali ad Capi-
 taneos loci remitti solitorum, & roboratione seu
 confirmatione Constitutionis Petricov. ante bien-
 nium editæ. Quæ quidem Constitutiones in eam
 vim sunt factæ, ut nulla executio per loci Capi-
 taneos Processuum remissorum & remittendorum,
 ad Capitaneos locorum fieret amplius, manifestè
 contra Jura, Libertates & Immunitates Ecclesiasti-
 cas, necnon contra Privilegia & statuta Regni, imo
 etiam contra dictam Constitutionem ante biennium
 editam, prout ex collatione istarum, ut vocant,
 Constitutionum, manifestè apparet, ipsas esse in-
 ter se contrarias, & pugnare (quòd ajunt) ex di-
 ametro. Quamvis alii audeant affirmare, quòd
 nihil novi hìc statuatur, sed idem, quod ante bi-
 ennium, nisi quòd hæc moderna Constitutio sit
 prioris declaratio, cum tamen manifestum sit, non
 esse unam et eandem rem, neq; declarationem Con-

titutionis ante biennium factæ, sed est nova con-
 stitutio biennali planè contraria, & hoc in eo,
 quòd in biennali Constitutione contineatur, quòd
 Nuncii Terrestres noluerunt intrare in aliquas di-
 sputationes cum DD. Spiritualibus; Hic vero in
 ista Constitutione nova statum spiritualem impli-
 cant, seu ingerunt, cum tamen nedum sententia-
 ti, sed nec vocati, nec auditi fuerint spirituales,
 neq; terminum ullum hætenus coram Majestate
 Regia habuerint; manifesti verò juris est, præser-
 tim in Polonia, neminem cujuscunq; Conditionis,
 ne Iudæum quidem, extra terminum condemnari
 legitimè posse. Præterea, quod etiam ante bien-
 nium factum est, nomine Constitutionis vocari non
 potest, sed tantum nomine Mandati, quod in illa
 constitutione non exstat scriptum: statuimus, con-
 stituimus, vel aliud simile, sed tantum mandamus;
 neq; ullo verbo meminit Constitutionis. Et insu-
 per quòd tantum ex consensu DD. Secularium Con-
 siliariorum, ante biennium Regia Majestas id fa-
 ctum seu mandatum scribi iussit. unde apparet ad
 hæc nunquam consensisse Consiliarios Spirituales,
 quemadmodum protestabantur de præjudicio &
 grauamine contra præfatum mandatum. Postremò
 quia planum est, tam ipsum mandatum biennale,
 quod Constitutionem vocant, quàm statutum Ja-
 gello.

gellonis in Iedlna fol. 50. ad quod seipsum Man. „
datum refert, nihil de Spiritualibus continere, tan- „
tùm de Majestate Regia & subditis, in quibus utiq; „
sunt tam Spirituales, quàm Regulares; ideo justò „
judiciò nihil processibus Juris Spiritualis obesse ac „
derogare potuit, sicut ipsum statutum Jagellonis, „
ita hoc mandatum biennale, vocatum Constituti- „
onis Nomine, quòd sese ad ipsum statutum Jagel- „
lonis duobus in locis refert, planissimè. Quis i- „
gitur non videat manifestam injuriam, maximum „
præjudicium & Violationem seu confractionem li- „
bertatum, jurium, & immunitatum statûs Spiritu- „
alis? & quod sinè ipsorum consensu hæc ita fiant, „
tam ante biennium, quàm etiam nunc, primi utiq; „
status in Consilio Regni, & exinde etiam jurium „
statui Spirituali concessorum, & diu laudatorum, „
tam in Conciliis Generalibus seu Oecumenicis, „
quàm per Imperatores Christianos, & Duces ac Re- „
ges Poloniæ collatorum omnibus Spiritualibus, & „
præsertim Ecclesiis & Ecclesiasticis Personis in Re- „
gno Poloniæ, & quidem non modò de decimarum „
& aliarum rerum spiritualibus annexarum, sed e- „
tiam de merè spitualium jurisdictione talis & mo- „
derna Constitutio facta est, quæ omnem Jurisdi- „
ctionem Spiritualem tollit, & in nihilum redigit „
idq; opere contra statuta Regni & Privilegia Eccle- „

„ fiaſtica atq; ſpiritualia provocabant, & ea offen-
 „ debant, ex quo jam nulla executio in Caſtro de
 „ brachio Regali ſequitur. Quod quidem Officium
 „ Caſtrenſe ſicuti eſt, etiam vocatur brachium ſecu-
 „ lare ſeu Regale, & ob id coram dicta S. Maje-
 „ ſtate Regia & Conſiliariis ſecularibus ac Terrarum
 „ Nunciis protunc in Conventione Generali congre-
 „ gatis ſolemniter & expreſſè proteſtati ſunt, quòd
 „ quantum in ipsis ſitum eſt, nequaquam conſentire
 „ poſſunt, neq; conſentiunt in ea placita & Conſti-
 „ tutiones, quæcunq; in præjudicium Eccleſiarum DEI
 „ in hac Conventione generali quomodolibet statu-
 „ untur, contra Iura, Libertates Eccleſiaſticas, olim
 „ ſacris Canonibus munitas, & per Illuſtriſſimos Du-
 „ ces & Hæredes Regni, necnon Sereniſſimos Reges Po-
 „ loniæ Eccleſiis & Eccleſiaſticis Perſonis legitimè & be-
 „ nignè conceſſas, uti præmiſſum eſt, coram dicta Regia
 „ Majeſtate exhibitis & demonſtratis, petieruntq; ſub-
 „ miſſè dicti Reverendiſſimi DD. ſe circa Privilegia,
 „ immunitates Conſtitutiones Eccleſiarum Regni conſervari, eaq;
 „ executioni debitæ demandari, & ne in formâ Conſtitutionum
 „ & Ordinationum, eadem placita et Conſtitutiones ſeu
 „ prætaetæ Eccleſiæ & ſtatu Eccleſiaſtico Ordinationes
 „ præjudiciales in quibuſcunq; rebus referantur, neq; Ec-
 „ cleſias Dei ac earum miniſtros afficere quovis modò per-
 „ mittat. ex quo Conſtitutiones & ſtatuta conventiona-

lia non possunt nec debent etiam de jure Regni
 statui & laudari, nisi de mutuo & omnium con-
 sensu tam spiritualium, quàm secularium Consili-
 ariorum. Ideo subjacere non teneantur cum universo suo
 Clero talibus Constitutionibus, seu Ordinationibus, quæ non
 fuerint, prout non sunt, omnes de consensu tam spiritualium
 quàm secularium Consiliariorum profectæ & constitutæ; imò
 ut supra scriptum est per alios DD. Consiliarios & Num-
 eros Terrestres, præsertim Catholicos reprobata, uti præju-
 diciales Religioni, Ecclesiæ DEI ac Iurisdictioni Ecclesiasticæ
 & Iuribus ac Privilegiis nec non libertatibus & immuni-
 tatibus statûs spiritualis præjudiciales & nocivæ. Et ob
 id iterum atq; iterum, omnibus quibus melius, efficaciusq; de-
 buerunt, protestati sunt, se cum universo Clero talibus Con-
 stitutionibus immunitati Ecclesiasticæ contrariis nolle subja-
 cere. & ea protestatione solenni facta, petierunt à nobis præ-
 dicti Reverendissimi DD. hanc protestationem, ipsis per nos
 pro religione, Iurisdictione, immunitate & liber-
 tate Ecclesiastica statûsq; spiritualis, consignari, &
 de remedio justitiæ Ecclesiis DEI ac Ecclesiasticis
 Personis in Regno Nostro provideri. ac ipsos cum
 eorum Ecclesiis & Univerſo Clero in Juribus, li-
 bertatibus & immunitatibus Ecclesiasticis conser-
 vari & Manu teneri. Nos verò volentes, unicuiq;
 quod suum est, reddere, & agnoscentes nos
 æquè spiritualibus ac secularibus Jura & Pri-

„ vilegia, immunitates ac libertates confirmasse, tam
 „ literis, quàm jurejurando Nostro; ideoq; ea invio-
 „ labiliter conservare, & manutenere debere, & pro-
 „ testationem ipsorum Reverendissimorum DD. con-
 „ signari jussimus: adhærendo simul, protestationi-
 „ bus in facie Nostra factis tam Consiliariorum, quàm
 „ Nunciorum Terrestrium; præsertim Catholicorum,
 „ qui sacra tecta jura Ecclesiastica omnia, & Persona-
 „ rum esse voluerunt, & postulârunt. *Et ipsos; im-*
primis verò Ecclesias omnes in juribus & libertatibus, &
immunitatibus earundem plenissimè conservandos ac manu-
tenendos duximus, prout conservamus & manutenere vo-
lumus, & conservari, ac manuteneri per successores No-
stros perpetuis temporibus & in ævum decernimus, in nul-
lo præjudicando neq; derogando præfatis juribus libertatibus
& immunitatibus Omnium Ecclesiarum in Dominis No-
stris consistentium, & Personarum Ecclesiasticarum. In cu-
 „ jus rei fidem & evidens testimonium manu No-
 „ stra subscripsimus, & Sigillum Nostrium appendi-
 „ jussimus. Datum Petricoviæ in Gener. Regni Con-
 „ ventione die Sabbato ante Domi. Palmarum An-
 „ no D. 1565. Regni n. 36. &c. Sigismundus Au-
 „ gustus Rex.

179 Ex adducto diplomate (cujus originale habe-
 tur in Archivo Ecclesiæ Cathedr: Cracov:) manifestè
 patet i. Quòd Serenissimus Rex agnoverit, & decla-

rave-

raverit Constitutiones latas contra immunitatem Ecclesiasticam, (contra quas semper protestabantur spirituales) esse nullas & invalidas 2. Quod idem Rex intacta velit esse Jura & libertates Ecclesiasticas, eaq; à successoribus suis conservanda & manutenenda, in perpetuum & in ævum, statuatur.

Idem dicendum de Articulo Confæderationis Anno Domini 1573. sub Interregno, edito, & in Volumen Constitutionum Regni, inserto; quod nullius sit roboris. De quo fusè tractat Andreas Lipski locò citatò, quæst. 8. Ob paritatem rationis, idem dicendum de Constitutione Anno 1635. fol: 7. tit: Ordynacyá Rzeczy Pospolitey Dobr Ziemiaskich Dzieńiczných. & fol: 9 O Wyderkáfách. & fol: 10 ac 11. Compozycya o Dzieńięciny; contra quas Constitutiones Anno eodem, Feria 6. post Dominicam Conductûs, Nomine totius Cleri R. D. Adrianus Grodecki Canonicus Gnesnen: coram Actis Sochaczovien- sibus protestatus est: quàm Protestationem postea Anno 1649. Feria 6. in Crastino festi Nativitatis S. Joannis Bapt: R. D. Swierczynski Decanus Stęzycen- sis ad Acta Castri Stęzyc: obtulit. Quamobrem, non rectè illi faciunt, qui præfatis infundati constitui- onibus, secundum illas Decreta in Judiciis formari prætendunt, vel facta præjudicare asserunt. Decreta quoq; illa, quibus Spirituales in quibusdam locis le-

vare summas Originales de Bonis unius Territorii & Palatinatus, ac in Bona alterius transferre prohibentur, nulla sunt, nec Spirituales obligant. vide dicta n. 163. & sequen.

§. 4.

Ultimum Probatur Constitutione Synodi Provincialis Gneznenfis Anno Domini 1621. die 16. Aprilis Petricoviæ celebratæ. quæ est talis: De Immunitate Ecclesiastica & libertatibus Ecclesiæ tuendis Cap. 1. *Cum Ecclesiastica Libertas, ad ministros Ecclesiæ, & immunitas ad bonorum possessionem, fructusq; pertinens, Dei Ordinatione, summorum Pontificum Decretis, & Sanctorum Conciliorum auctoritate stabilita, atq; in hoc Regno debite observata, nulla ratione violari a quoquam debeat; proinde, quod de summa pietate & Justitia Sacra Regia Majestatis Synodus maximè confidit; dubitare non possumus, quin reliqui Magistratus Provincie, exemplo pientissimi Regis, quem DEVS Sanctæ Fidei Ecclesiæq; sue in hoc amplissimo Regno, defensorem & protectorem singulari providentiâ constituit, libertatem & immunitatem Ecclesiasticam conservare integram studeant, & quæ Ecclesiastici Juris sunt, ea tanquam DEI ipsius munita præsidio sanctè tueantur. Quod ita ut fiat, Episcopi præcipua pars Senatus Regni, cujus Princeps est Archiepiscopus Gneznenfis, pro officii sui munere obligantur in conscientia providere, ne quid contra libertates, jura, immunitates, & privilegia Ecclesi-*

siastica in Comitibus Regni statuatur. Et cum non deceat
Ecclesiasticos in hoc superari à Secularibus, qui absq̃ ullo
respectu metue invidia, aut cujusvis potentia, tam anxie,
solicite, & efficaciter lura sua & libertates tuentur; mul-
tò magis convenit Episcopis Christum aperte confiteri, &
strenue causam DEI agere. Ideoq; si quid invito Ordine
Ecclesiastico pro lege habendum, à secularibus decernatur,
conjunctim operam Metropolitana suo & Primati, ad tuenda
jura Ecclesiae praestent, & non modò circa Conclusionem Co-
mitiorum protestentur, se ea lege, quae non de publico omni-
um consensu ferretur, non teneri, verum etiam ad acta Re-
gni publica, relata Protestationem singuli in Diocesibus
per Decanatus Rurales Clero suo intiment, & publicari man-
dent per Processum, non tamen ex ambona; ad eum effe-
ctum, ut Clerus praemoneatur, se ad ejusmodi praedudicia-
lium legum observantiam non obligari: Et Confessarii, praes-
sertim nonnulli Regulares, qui per indulgentiam nimiam, aut
alia de Causa Nobiles a quibusvis criminibus absolvunt, no-
rint probe examinare conscientias eorum, qui constitutiones
Libertati Ecclesiasticae contrarias in Comitibus promonent, &
Clerum, inaudita Causa per injuriam aut invidiam oppu-
gnant. Quamobrem praesentis Synodi auctoritate, omnes sa-
cros Canones & Apostolicas sanctiones in favorem Ecclesi-
asticarum Personarum libertatis Ecclesiasticae, & contra e-
jus violatores editas; omnia item superiorum temporum Pro-
vincialia statuta in hac materia de immunitate Ecclesiarum

sancita, ab omnibus exacte servari precipimus.

§. 7.

182 **C**onfirmatur id ipsum recenti SSmi. Clementis XI. ad Regnum Nostrium Milsa Constitutione. Cum etenim Anno 1710. in Consilio Varsaviensi nonnulla Decreta & Constitutiones contra immunitatem Ecclesiasticā latæ fuissent, nec non in Confæderatione Generali Sandomiriensi, multa in præjudicium veriùs oppressionem statûs spiritualis constituta fuissent: Sanctissimus, acceptâ hac de re notitiâ, dedit Breve suum ad Regnum Nostrium Poloniæ, in quo, gravibus & scandalosis, secularis potestatis abusibus occurrendo, omnia Decreta & Ordinationes, & alia in præjudicium libertatis Ecclesiasticæ facta, nulla, invalida, irrita ac temeraria declarat, imò & facienda agenda decernenda in posterum, annullat ac reprobat. Insuper præcipit Prælati Ecclesiasticis Regni Nostri sub pænâ suspensionis & Interdicti, ne decreta ejusmodi absq; consensu S. Sedis Apostolicæ facta, executioni mandari permittant. Omnibus verò & singulis Regni Poloniæ Personis Ecclesiasticis tam secularibus, quàm Regularibus, in Virtute S. Obedientiæ sub pænâ excommunicationis, suspensionis & privationis prohibet, ne quidquam etiam minimum quovis modo, aut prætextu redimendæ vexæ, solvere audeant, aut Jurisdictioni seculari sese subicere præsumant. Hanc

Con-

Constitutionem Sanctissimi Clementis XI. in suis terminis positam vide inferius n. 321.

ASSERTIO XIII.

Omnes fideles cujuscunq; dignitatis & Potestatis, violantes atque ex præfatis modo Immunitatem Ecclesiasticam; statuantes Decreta vel ea exequentes, vel in illa consentientes, ipso facto incurrunt excommunicationem soli summo Pontifici reservatam cum obligatione restitutionis damnorum.

§.

PROBATUR C. non minus 4 de immunit: Eccles: Con-
cilium Lateranense sic dicit: In diversis mundi partibus Consules Civitatum & Rectores, nec non & alii, qui potestatem habere videntur, tot onera frequenter imponunt Ecclesiis, ut deterioris conditionis factum sub eis Sacerdotium videatur, quam sub Pharaone fuerit, qui legis Divinae notitiam non habebat. Ille quidem omnibus aliis servituti subactis, Sacerdotes & possessiones eorum in pristina libertate dimisit, & eis alimoniam de publico administravit, isti vero onera sua ferè universa imponunt Ecclesiis, & tot angariis eas affligunt, ut eis, quòd Ieremias deplo-
rat, competere videatur: Princeps provinciarum facta est sub tributo; si-
ve expeditiones, si-
ve alia quælibet sibi arbitrentur agenda, de bonis Ecclesiarum, & Clericorum, &

„ pauperum Christi usibus deputatis, volunt fere
 „ cuncta compleri. Jurisdictionem etiam & autho-
 „ ritatem Prælatorum ita evacuant, ut nihil potesta-
 „ tis eis in suis videatur hominibus remansisse. Quo
 „ circa sub anathematis districtione fieri de cætero
 „ talia prohibemus . . . si autem Consules, aut alii
 „ de cætero ista commiserint, & commoniti desiste-
 „ re noluerint, tam ipsi, quàm fautores eorum, ex-
 „ communicationi se noverint subjacere; nec com-
 „ munioni reddantur, donec satisfactionem fecerint
 „ competentem.

184 C. Adversus 7. cod: Adversus Consules & Re-
 „ ctiores Civitatum, vel alios, qui Ecclesias & Eccle-
 „ siasticos Viros, taliis seu collectis, & exactionibûs
 „ aliis aggravare nituntur, volens immunitati Eccle-
 „ siasticæ Lateranense Concilium providere, præsum-
 „ ptionem hujusmodi sub anathematis districtione
 „ prohibuit; transgressores & fautores eorum, excom-
 „ municationi subjacere præcepit, donec satisfactio-
 „ nem impenderint competentem --- Quia verò nec sic
 „ quorundam malitia contra DEI Ecclesiam conqui-
 „ evit, adjicimus, ut Constitutiones & sententiæ, quæ
 „ à talibus vel de ipsorum mandato fuerint promulga-
 „ tæ, inanes, & irritæ habeantur, nullo unquam tem-
 „ pore valituræ. Cæterum, quia fraus & dolus ali-
 „ cui patrocinari non debent, nullus vano decipiatur

errore

errore, ut intra tempus Regiminis sustineat anathema, quasi post illud non sit ad satisfactionis debitum compellendus, nam & ipsum, qui satisfacere recusaverit, & successorem ipsius, nisi satisfecerit, infra mensem manere decernimus Ecclesiasticâ censurâ conclusum, donec satisfecerit competenter; cum succedat in Onere, qui substituitur in honore.

Accedit Bulla *Cane Domini*, quæ præfata Decreta innovat. & est talis: §. 13. Excommunicamus & anathematizamus omnes, & singulos Cancellarios Vice Cancellarios & Consiliarios Ordinarios & extraordinarios &c. §. 14. Quive ex eorum prætenso officio vel ad instantiam quorumcunq; Personas Ecclesiasticas Capitula, Conventus & Collegia Ecclesiarum quarumcunq; coram se ad eorum Tribunal, audientiam, Cancellariam, Consilium vel Parlamentum præter Juris Canonici dispositionem, trahunt, vel trahi faciunt, vel procurant directè vel indirectè quovis quæsito colore. Nec non qui statuta, Ordinationes, Constitutiones Pragmaticas, seu quævis alia Decreta, in genere vel in specie ex quavis causa & quovis quæsito colore, ac etiam prætextu Literarum Apostolicarum usu non receptarum, seu revocatarum, vel cujusvis consuetudinis aut Privilegii vel aliàs quomodolibet fecerint, ordinaverint & publicaverint, vel factis & ordina-

„ tis usi fuerint, unde libertas Ecclesiastica tollitur, seu
 „ in aliquo læditur vel deprimitur, aut aliàs quovis
 „ modo restringitur, seu nostris & dictæ sedis ac qua-
 „ rumcunq; Ecclesiarum Juribus, quomodolibet di-
 „ rectè vel indirectè, tacitè vel expressè præjudicatur.
 „ §. 17. Quive collectas, decimas, taleas, præstantias,
 „ & alia onera, Clericis, Prælatiis, & aliis Personis
 „ Ecclesiasticis ac eorum & Ecclesiarum, Monasteri-
 „ orum, & aliorum beneficiorum Ecclesiasticorum bo-
 „ nis, illorumq; fructibus, redditibus & proventibus
 „ hujusmodi, absq; simili Rom: Pontificis speciali &
 „ expressa licentia imponunt, & diversis etiam exqui-
 „ sitis modis exigunt, aut sic imposita etiam à spon-
 „ te dantibus & concedentibus recipiunt; necnon qui
 „ per se vel alium sive alios, directè vel indirectè,
 „ prædicta facere, exequi, & procurare, aut in eisdem
 „ auxilium, consilium vel favorem aut votum seu
 „ suffragium, palàm vel occultè præstare non ve-
 „ rentur, cujuscunq; sint præminentia, dignitatis, Or-
 „ dinis, conditionis aut statûs; etiamsi Imperiali aut
 „ Regali præfulgeant dignitate, seu Principes, Duces,
 „ Comites, Barones, Respublicæ, & alii Potentatus
 „ quicunq;, etiam Regnis, Provinciis, Civitatibus
 „ & Terris quoquo modo præsidentes, aut qua-
 „ vis etiam Pontificali dignitate insigniti; innovan-
 „ tes Decreta super his per sacros Canones, tam in-

Lateranensi novissimè celebrato, quàm aliis Conci-
liis generalibus edita, etiam cum Censuris, & pæ-
nis in eis contentis.

ASSERTIO XIV.

*Insuper in Regno nostro Polonia violatores Immunitatis Ec-
clesiasticæ, & Posteriores illorum, ad Ordines, Dignitates,
& Beneficia Ecclesiastica, sunt perpetuò inhabiles.*

§. 1.

PROBATUR Bulla Sixti V. Papæ data ad Regnum No-
strum Poloniæ Anno 1589. quæ est talis.

SIXTUS EPISCOPUS

Servus Servorum DEI. Ad perpetuam rei memoriam:

Pastoralis Nostra sollicitudo, quam pro tuenda ubiq; gen-
tium & locorum, propagandæ Catholica Religione suscipe-
re tenemur, Paternæq; Charitas, quam erga inclitum Polo-
niæ Regnum in visceribus Christi præcipue gerimus, & sin-
gularis zelus, Orthodoxæ Fidei, sinceræq; erga Romanos
Pontifices, Sanctamq; hanc sedem devotio, quam ipsum Re-
gnum, præsertim verò illius Prælati hoc maxime tempore
præferunt; jure optimo nos inducunt, ut iis, quæ pro con-
servatione ejusdem Catholica Fidei, & pro publica ejusdem
Regni quiete & tranquillitate pie ac prudenter à Præla-
tis præfatis statuta fuerunt, Apostolica Confirmationis ro-
bur, iisdem Præsulibus supplicantibus, benigne imperitamus:
Nuper siquidem, sicut Nobis expositum fuit, in Synodo Pro-
vin-

Vinciali Petricoviensi, de more celebrata, Venerabiles Fratres Nostri Archiepiscopi & Episcopi Metropolitanarum & Cathedralium dicti Regni Ecclesiarum, simul congregati, & convenientes in unum, ut more vigilum Pastorum gregem Domini curæ suæ creditum ab imminetibus luporum periculis in columem, quantum in eis est, præservarent, simulq; unioni & paci ipsorum Prælatorum, Procerum, & Populorum ejusdem Regni consulerent, inter alia, sub Nostro & Sedis Apostolicæ beneplacito statuerunt, ordinârunt, & decreverunt.

Quod tam in præsens, quàm in futurum nemo unquam agnoscatûr nec recipiatur in Regem Polonia, nisi fuerit verè Catholicus: quiq; Sanctam Catholicam & Orthodoxam fidem, quam S. Romana & Apostolica Ecclesia tenet, docet, & prædicat, palàm & publicè profiteatur, & sequatur, & in unitate ejusdem Sanctæ Romanæ Ecclesiæ permaneat. Quodq; pro tempore existens Archiepiscopus Gnesnensis, cui jus renuntiandi, seu publicandi Regem, ex Privilegio competere dignoscitur, nominet, renuntiet, aut publicet, qui fuerit fidei dubiæ, & non sit manifestè Catholicus. Ad tollendum verò dissidii & intestini belli periculum, nullus Episcoporum & Prælatorum, contra Jus Archiepiscopi prædicti, post denuntiationem ab eo factam, scilicet de Persona Catholica, & servatis Regni statutis & consuetudinibus, in electione Regis audeat nominare, renuntiare, aut coronare alium in Regem, ; alioquin à Regimine & administratione

nistrations Cathedralis seu Metropolitana Ecclesie, cui præ-
est, in perpetuum, eo ipso sit suspensus; atq; etiam omnibus be-
neficiis Ecclesiasticis, quæ quomodolibet obtinet, privatus ex-
istat. Et nihilominus hujusmodi nominatio, renuntiatio,
aut coronatio, invalida & nulla censeatur, ac nullius sit
roboris vel momenti.

Ne quis Nominatus à Rege Poloniae pro tempore ex-
istente in Episcopum vel Archiepiscopum, ad Ecclesiam ali-
quam Cathedrali vel Metropolitanam ex iis, ad quas pro
tempore vacantie jus nominandi ipsi Regi & Privilegio Apo-
stolico competit, assumat sibi honorem, & locum; neve in
Regimine & Administratione Ecclesie hujusmodi, illiusq; Bo-
narum, quoquo modo se immisceat, nisi prius à sede Apo-
stolica eidem Ecclesie de Persona sua sic Nominata, provi-
deri, seu in Episcopum vel Archiepiscopum. Præsulem &
Pastorem præfici obrinuerit, Literis Apostolicis desuper expe-
ditis: si secus fecerint, ad illam & aliam quamcunq; in habi-
lis omnino censeatur.

Quicumq; ex Senatoribus, sive ex Nobilibus in pro-
movendo Rege Hæretico, operam, consilium, auxilium, vel fa-
vorem præstiterit, vel consenserit aut ei iam promoti ad hæ-
serit, præter alias censuras Ecclesiasticas, & penas, in quas
eos incurrere sacris Canonibus & constitutionibus Apostolicis
constitutum est, tam ipse, quam posteri ejus & descenden-
tes, ad omnes honores, dignitates, & beneficia Ecclesiastica
obtinenda, perpetuò inhabiles & incapaces sint, & esse cen-
seantur.

Ec

Nul.

Nullus Episcoporum, seu inferior Prælatus audeat Hereticum hominem ad honores, dignitates, officia, vel beneficia spiritualia, & temporalia promovere, vel promoveri facere; aut intercessione, opibus, aut alia quacumq; ratione, ad ea assequenda juvare. Quodsi id attentare præsumpserit, penam privationis omnium & quorumcumq; beneficiorum Ecclesiasticorum, vel officiorum, quæ obtinet, necnon suspensionis, ut præfertur à Regimine & administratione suæ Ecclesiæ ipso facto incurrat, & ad alia obtinenda incapax prorsus existat.

Quicumq; ex iis, qui pro Catholicis se gerunt, repidis nimirum & falsis Fratribus Apostolicæ sedis Authoritatem, jurisdictionem Ecclesiasticam & jura decimarum publice vel privatim, directè vel indirectè in Conventibus aut aliis in locis impugnaverit, tam ipse, quàm ejus posteri, ab Ordinibus, honoribus, dignitatibus & beneficiis Ecclesiasticis in perpetuum arceantur, & ad illa semper inhabiles existant.

Quoties ex necessaria, communi, & publica causa ad de licentia seu permissione S. Sedis Apostolicæ conferendum est, consensu publico ex Bonis Ecclesiæ subsidium seu donativum aliquod Regi vel Reipub: illud per deputatos suos Episcopi exigant, ne subdiditi & Bona Ecclesiarum à Secularibus exactoribus expilentur, & profanentur, ac variis injuriis & damnis (prout plerumq; factum est) afficiantur. Si Episcopi aliter fecerint, penis in Concilio Generali Lateranensi novissime celebrato, & in Bulla Cœnæ Domini legi solita,

aliisq;

alijsq; sanctionibus Apostolicis contra eos, qui etiam sponte offerunt, inflictis eo ipso subjaceant. Demum, quod propter omnes subitas dicti Regni necessitates, & improvisos eventus, Thesaurus, sive ararium publicum & commune omnium Regni predicti Ecclesiarum, in aliqua Ecclesie arce seu Castro, provide & accurate instituitur, & cum omni diligentia & custodia asservetur.

Quae omnia Statuta & decreta, quo firmitus & accuratius perpetuis & futuris temporibus observentur, iidem Praelati per dilectum Vincentium de Seve Praepositum Laicentem & Internuntium ab ipsa Synodo Provinciali ad nos missum, Nobis humiliter supplicari fecerunt, ut illis Apostolica comprobationis robur adijcere, aliasq; in praemissis opportune, provide de benignitate Apostolica dignaremur.

Nos igitur Eorundem Praelatorum, ac ipsius Synodi pietatem, sanctumq; & laudabile propositum, plurimum in Domino commendantes, eorumq; supplicationibus hac in parte annuentes, statuta, ordinationes, & decreta predicta, pro ut superius descripta fuerunt, ex certa nostra scientia, deq; Apostolica potestatis plenitudine, tenore praesentium perpetuo confirmamus, & approbamus, eaq; praesentis scripti patrocinio communimus, & illius perpetuae & inviolabilis firmitatis robur adijcimus, ac per eos, quos illa concernunt in futurum, perpetuo, firmiter & inviolate observari praecipimus & mandamus; omnesque & singulos Jaris & facti ac solemnitarum & substantialium, si qui in eis intervenerunt

defectus, supplemus, decernentes irritum & inane, si secus super his à quoquam quavis auctoritate fulgente, scienter vel ignoranter contigerit, attentare. Non obstantibus prædictarum Ecclesiarum & quibusvis aliis contrariis statutis & consuetudinibus etiam juramento, confirmatione Apostolica, vel quavis alia firmitate roboratis, & immemorabili tempore pacificè observatis; necnon Privilegiis, indultis, & literis Apostolicis quomodolibet concessis, approbatis, & innovatis. Quibus omnibus & singulis etiamsi de illis eorumque totis tenoribus specialis, specifica, expressa & individua mentio habenda foret, tenores huiusmodi præsentibus pro expressis habentes, ad effectum præsentium duntaxat, ac specialiter & expressè derogamus illaq; omnia & singula quatenus præsentibus literis in aliquo adversentur, penitus tollimus & abrogamus, & nolumus deinceps cuiquam suffragari, cæterisq; contrariis quibuscunq; aut si iidem Prælatis, vel eorum alicui, seu aliis Personis, communiter vel divisim ab Apostolica sede sit indultum, quod interdici, suspendi, vel excommunicari non possit, per literas Apostolicas non facientes plenam & expressam, ac de verbo ad verbum de indulto huiusmodi mentionem.

Volumus autem, quòd præsentium literarum transumptis, etiam impressis Notarii publici manu subscriptis, & sigillo Personæ in dignitate Ecclesiastica constitutæ obsignatis, eadem ubiq; fides adhibeatur, quæ ipsis originalibus adhibetur, exhibitis vel ostensis.

Nul-

Nulli ergo homini liceat hanc *Paginam* Nostræ confirmationis, approbationis, communitationis, adjectionis, præcepti, mandati, suppletionis, decreti, derogationis, sublationis, & Voluntatis, infringere, vel ei ausu temerario contraire. Si quis autem hoc attentare præsumpserit, indignationem Omnipotentis DEI, ac Beatorum Petri & Pauli Apostolorum ejus, se noverit incursurum. Datum Romæ apud S. Petrum Anno Incarnationis Dominicæ. Millesimo Quingentesimo, Octogesimo Nono. Quinzo Idus Febr: Pontificatus Nostri Anno Quinto.

ASSERTIO XV.

Præfata Privilegia, & Jura Immunitatis Ecclesiasticæ, nulla consuetudine contraria possunt tolli, abrogari & immutari.

§. I.

PROBATUR C. Clerici 8. de Iudic: ut de omni crimine, 187
Clericus debeat coram Ecclesiastico Iudice Conveniri, non debet in hac parte Canonibus ex aliqua consuetudine præjudicium generari. C. Ad nostram 3. de Consuet: Nos igitur attendentes, quod consuetudo, quæ Canonibus obviat institutis, nullius debeat esse momenti, cum sententia à non suo Iudice lata, nullam obtineat firmitatem, ut in causis Ecclesiasticis subjectorum tuorum postquam tibi de meritis earum constiterit, sententiam proferre valeas, sicut ordo

Ee 3

po-

postulat rationis autoritate tibi presentium (præ-
missa consuetudine non obstante) concedimus fa-
cultatem.

C. Consuetudines eod: *Consuetudines, quæ Ecclesiis
gravamen inducere dignoscuntur, nostra nos decet considera-
tione remittere.*

C. cum inter 5. eod. Nos igitur cognito, quod
ex tali consuetudine, si qua foret, dirumperetur
nervus Ecclesiasticæ disciplinæ, ipsam de consensu
Fratrum Nostrorum duximus irritandam.

C. Cum terra 14. de Elect: irreperant quædam
pravæ consuetudines (de quibus mentionem facit ci-
tatum caput) contra ius Canonicum, has reprobat
Papa, his verbis: *Quia igitur hoc redundat in gravamen
& perniciem Ecclesiasticæ libertatis, præscriptam consuetu-
dinis pravitatem sancimus penitus abolendam.*

Item C. Noverit 49. de senten. ex commun. ci-
tato n. 141. & Authen. Cassa. C. de sacros. Eccl. citat.
supra n. 145. & Constitutio Frider. Imper. citata 143.
Idem habent Constitutiones Synodales Provinciæ Gne-
znen: sub Reverendissimo Stanislao Karnkowski tle.
de Consuetud: *Consuetudines, quæ gravamen Ecclesiis in-
ducere dignoscuntur, invalidas decernimus; Locorum Ordini-
nariis, ut in omnem eventum eis resistent, firmiter injungentes.*

§. 2.

188 **H**inc quædam consuetudines in Regno Nostro con-

tra

tra immunitatem Ecclesiasticam, introductæ sunt nul-
læ, ac irritæ. Ratio insuper est, quia Jura Canonica,
consuetudinem immunitati Ecclesiasticæ contrariam
appellant corruptelam, & tanquam damnabilem re-
probant. Corruptela autem & consuetudo damnabi-
lis, in re nihil aliud est, nisi frequentia peccandi: &
quemadmodum, nemo dicere potest licitum esse pec-
catum, ex eo quia frequenter committitur. (alias quisq;
inferret, licita esse adulteria, perjuria, & similia sce-
lera, ex eo, quia in aliqua Communitate, hæc crimi-
na in consuetudinem abierunt) sic non potest dici,
licitum esse agere contra immunitatem Ecclesiasticam,
quia hoc jam consuetudine introductum.

Item. Consuetudo non potest legitimè introduci
contra jus divinum & naturale; nihil enim intrinse-
cè malum, potest per consuetudinem fieri bonum. Sed
Immunitas Ecclesiastica est Juris Divini, ut supra pro-
batum n. iii.

Tandem. Inter alia requisita, ut Consuetudo le-
gitimè introducatur, est etiam hoc, ut sit legitimè
præscripta, hoc autem ut fiat, debet esse continuata
præscriptio bonæ fide, quod fieri non potest in casu pro-
posito, cum singulis annis per publicationem Bullæ
Coenæ Domini improbetur ab Ecclesia. Item ut quis
introducatur jus Consuetudinis contra immunitatem
Ecclesiasticam, debet esse capax jurisdictionis & po-

testatis Ecclesiasticæ, nam Universaliter, qui in ducit
Consuetudinem, debet habere potestatem ferendi lē-
gem, vel ejus potestatis esse capax. Sed laici non sunt
capaces Jurisdictionis Ecclesiasticæ. Ergo non possunt
introducere consuetudinem contrariam Immunitati
Ecclesiasticæ.

ASSERTIO XVI.

*Omnibus spiritualibus cujusvis Dignitatis prohibetur à Sa-
cris Canonibus sub gravissimis censuris, ne sine expressa S.
sedis Apostolicæ licentia ultro consentiant in Tributa &
Onera Personis Ecclesiasticis à potestate laicali imposita.*

§. 1.

189 **P**ROBATUR. Concilium Lateranense sub Leone X.
sess. 9. de Refor: Curia sic dicit: Et cum à Jure
„ tam Divino quàm humano, Laicis potestas nulla
„ in Ecclesiasticas Personas attributa sit, innovamus
„ omnes & singulas constitutiones fel: rec: Bonifacii
„ Papæ VIII. etiam Prædecessoris nostri, quæ incipit:
„ Felicis: & Clementis V. quæ incipit: Si quis suaden-
„ te: nec non quascunq; alias Apostolicas Sanctiones
„ in favorem libertatis Ecclesiasticæ, & contra ejus
„ violatores quomodolibet editas, & pænis etiam con-
„ tra talia præsumentes, in Bulla, quæ legitur in Cæ-
„ na Domini, contentis, in suo robore permanfuris.
„ Et cum in Lateranensi pariter ac Conciliis Genera-
libus

libus sub excommunicationis pœna prohibitum fue-
 rit, ne Reges, Principes, Duces, Comites, Barones,
 Respublicæ, & alii potentatus quicunq; Regnis, Pro-
 vinciis, Civitatibus, ac terris quoquo modo præsi-
 dentes, Collectas, Decimas, & alia hujusmodi
 onera, Clericis, Prælatiis & aliis quibuscunq;
 Personis Ecclesiasticis imponant, exigantq;, neve à
 sponte etiam dantibus & consentientibus etiam re-
 cipiant, atq; in præmissis, auxilium, favorem, con-
 silium vel palàm vel occultè præstantes, in excom-
 municationis latæ sententiæ pœnam eo ipso incidant;
 & ipsæ quoq; Respub: ac Communitates & Uni-
 versitates, circa hoc quomodolibet delinquentes,
 Ecclesiastico, eo ipso subjiciantur Interdicto. Præ-
 lati etiam præmissis absq; Rom: Pontificis expres-
 sa licentia, ultro consentientes, Excommunicationis
 & Depositionis pœnam ipso facto incurrant, statu-
 imus, & ordinamus, ut de cætero talia præsumen-
 tes, etiamsi (ut præfertur) qualificati fuerint, ultra
 supra dictas pœnas, quas contraveniendo, eo ipso
 incurrere volumus, innovamus, quòd ad omnes a-
 ctus legitimos inhabiles, & intestabiles habeantur.
 Huc spectat Concil: Triden: sess. 22. c. 11. citandum
 n. 208. & C. Clericus 3. in 6. citandum n. 194.

Ff Affer-

ASSERTIO XVII.

Quid si iudem proprio motu, & inconsulta S. sede Apostolica aliquod tributum vel onus Personis Ecclesiasticis imponere præsumpserint, penis Concilii Lateranensis & Bulle Coena D. ipso facto subjacent.

§. 1.

¹⁹⁰ Quid Prælati Ecclesiastici proprio motu, aliquod Tributum Clericis imponere non possint probatur.

C. Cum Apostolus 6. de cens: Grave nimis esse dignoscitur, quod quidam Prælatorum ita in procurationibus graves existant, ut interdum Ecclesiastica ornamenta subditi (id est Clerici) exponere compellantur, quocirca statuimus . . . Prohibemus etiam, ne subditos suos talis & exactionibus huius Episcopi gravare præsument.

C. Prohibemus 7. eod: Prohibemus insuper, ne ab Abbatibus, Episcopis vel aliis Prælatibus novi Censuræ imponantur Ecclesiis, nec veteres augeantur, nec partem reddituum suis usibus appropriare præsument, sed libertatem, quam sibi majores conservare desiderant, minoribus suis, bona voluntate conferrent. Si quis verò aliter fecerit, irritum, quod egerit, habeatur.

C. Ecclesiis 9. eod: Ecclesiis, quas de novo Episcopi de manibus laicorum eripiunt, præter cathedraicum, & jura omnia, quæ aliis Ecclesiis imponuntur, exactionem prohibemus imponi.

Re-

Reliquum ejusdem puncti probatur Bulla Sixti V. 191
superius n. 187. citatà: *Si Episcopi aliter fecerint*
(subintellige: si nulla existente publica necessitate, si proprio
motu & sine consensu S. sedis Apostolica, & consensu Cle-
ri publico, ut inferius dicetur) pænis in Consilio Generali
Lateranensi novissime celebrata, & in Bulla die Coenæ Do-
mini legi solita, alijsq; Sanctionibus Apostolicis contra eos, qui
etiam sponte offerunt, inflictis, eo ipso subjaceant.

Pænæ Concilii Lateranensis, ad quas se refert „192
Bulla Sixti V. adductæ sunt immediatè, n. 190. quod „
Concilium Lateranense fuerat novissimum, quia fuit „
inchoatum sub Julio II. Pontifi: max: die 10 Mensis „
Maji Anni 1511. & terminatum die 16. Martii An- „
ni 1518. sub Leone X. Pontifi: Max: In hoc itaq; „
Concilio, decernitur, quod Prælati Ecclesiastici præ- „
fata præsumentes, incurrant ipsò factò pænam Ex- „
communicationis & Depositionis, & ad omnes a- „
ctus legitimos, inhabiles & intestabiles habeantur. „
Quæ pænæ à Bulla Coenæ Domini, in omnes qua- „
vis etiam Pontificali dignitate insignitos innovatæ; „
ut supra n. 186.

ASSERTIO XVIII

*Spirituales quoq; ipsi sponte prædicta onera solventes, excom-
municationem summo Pontifici reservatam (de qua C.*

*Clericis de imm: Eccl: in 6.) incurrunt, cui licet per
Clem: unic: eod: derogatum sit, eam tamen Sixtus V.
pro Regno Poloniae innovavit, & p. m. Clemens XI. pa-
nam suspensionis, excommunicationis & privationis ad qua-
vis officia, tulit.*

§. 1.

193 **A**dducitur primo C. Clericis 3. de imm: Eccles: in
sto in quo Bonifacius VIII. sic dicit: Clericis Lai-
cos infestos oppidò tradit antiquitas, quod & præ-
sentium experientia temporum manifestè declarat,
dum suis finibus non contenti nituntur in veritum,
ad illicita, fræna relaxant, nec prudenter attendunt,
quàm sit eis in Clericos, Ecclesiasticasvè Personas &
bona, interdicta potestas. Ecclesiarum Prælati, Ec-
clesiis, Ecclesiasticisq; Personis Regularibus & Secu-
laribus, imponunt onera gravia, ipsosq; talliant
& eis collectas imponunt, ab ipsis suorum proven-
tuum vel bonorum, dimidiam, decimam, seu Vi-
cesimam, vel quamvis aliam portionem, aut quo-
tam exigunt, & extorquent, eosq; moliantur mul-
tifariè subicere servituti, suæq; submittere ditioni.
Et (quod dolenter referimus) nonnulli Ecclesiarum
Prælati Ecclesiasticæq; Personæ, trepidantes, ubi
trepidandum non est transitoriam pacem quæren-
tes, plus timentes Majestatem temporalem offen-
dere, quàm æternam, talium abusibus non tam re-

mera-

merariè, quàm improvidè acquiescunt, Sedis Apo-
 stolicæ authoritate seu licentia non obtenta. Nos
 igitur talibus iniquis actibus obviare volentes, de
 Fratrum Nostrorum consilio Apostolica autho-
 ritate statuimus, quòd quicumq; Prælati Ecclesia-
 sticæq; Personæ Religiosæ vel Seculares quorumcunq;
 Ordinum Conditionis, seu statûs, Collectas, vel tal-
 lias, decimam, Vicecimam seu centesimam suorum
 & Ecclesiarum proventuum, vel bonorum, Laicis,
 solverint vel se soluturos consenserint, aut quam-
 vis aliam quantitatem, portionem, aut quotam
 ipsorum proventuum vel bonorum æstimationis, vel
 valoris ipsorum, subadjutorii, mutui, subventionis,
 subsidii vel doni nomine seu quovis alio titulo,
 modo vel quæsito colore, absq; authoritate Sedis e-
 jusdem; nec non Imperatores, Reges, seu Principes,
 Duces, Comites vel Barones, Potestates, Capitanei,
 vel Officiales, vel Rectores, quocunq; nomine cen-
 seantur, Civitatum, Castrorum, seu quorumcunq;
 locorum constitutorum ubilibet, & quivis alii cu-
 juscunq; præminentix, conditionis & statûs, qui
 talia imposuerint, exegerint, vel receperint, aut a-
 pud ædes sacras deposita Ecclesiarum vel Ecclesia-
 sticarum Personarum ubilibet arrestaverint, saisive-
 rint, seu occupare præsumperint, vel arrestari, vel
 saisiri, aut occupari mandaverint, aut occupata sai-

11 sita seu arestata receperint, nec non omnes, qui
 12 scienter dederint in prædictis auxilium, consilium,
 13 vel favorem publicè vel occultè, eo ipso sententi-
 14 am excommunicationis incurrant. Universitates
 15 quoq; quæ in his culpabiles fuerint, Ecclesiastico
 16 supponimus interdicto. Prælati & Personis Eccle-
 17 siasticis supradictis, in virtute Obedientiæ & sub de-
 18 positionis pæna districtè mandantes, ut talibus absq;
 19 expressa licentia dictæ sedis nullatenus acquiescant
 20 quodq; prætextu cujuscunq; obligationis promissio-
 21 nis, & Confessionis factarum hætenus vel facien-
 22 darum in antea, priusquam hujusmodi constitutio,
 23 prohibitio, seu præceptum ad notitiam ipsorum per-
 24 venerit, nil solvant, nec supradicti seculares, quo-
 25 quo modo recipiant. Et si solverint vel prædicti
 26 receperint, in excommunicationis sententiam inci-
 27 dant ipso facto. A supra dictis autem excommu-
 28 nicationum & interdicti sententiis, nullus absolvi
 29 valeat, præterquam in mortis Articulo, absq; sedis
 30 Apostolicæ auctoritate & licentia speciali: Cum
 31 nostræ intentionis existat tam horrendum secula-
 32 rium Potestatum abusum, nullatenus sub dissimu-
 33 latione transire. Non obstantibus quibuscunq; pri-
 34 vilegiis, sub quibuscunq; tenoribus, formis seu mo-
 35 dis, aut verborum conceptione concessis Impera-
 36 toribus, Regibus & aliis supradictis, quæ contra

præ-

præ-
suffra-

hujus-
 minus
 se con-
 te, &
 laicis
 as, po-
 contri-
 Sed C
 aliqua
 timent
 jussio-
 lit ho-
 ritate
 itorum
 & con-
 Il Pap
 vorem
 gentes
 piente
 curran
 eorum
 scanda
 lls ut

premissa, in nullo volumus alicui vel aliquibus suffragari.

Noto ex Glossa in c. adductum: Pro intellectu hujus capituli præsupponendum est, quod in C. non minus h. t. supra citato n. 184. dicitur Clericos posse conferre sponte subsidium laicis urgente necessitate, & in C. Adversus eod: citato n. 185. dicitur à laicis non posse compelli Clericos ad solvendas tallias, possunt tamen Clerici per modum doni gratuitè contribuere, cum consensu tamen S. Sedis Apostolicæ. Sed Clericis per illud Capitulum, non erat imposita aliqua pena. Unde eveniebat, quod multi Clerici plus timentes homines quàm DEUM contributebant ad huiusmodi tallias. Ob quam Causam Bonifacius VIII. tulit hoc Decretum, Quod Clerici etiam cum auctoritate Diæcesani non possunt contribuere ad tallias Laicorum, etiam per modum doni absq; licentia Papæ, & contra facientes incurrunt excommunicationem solum Papæ reservatam; Et istud fuit introductum in favorem Clericorum. Item decrevit Pontifex, quod exigentes collectas à Clericis, vel à sponte dantibus accipientes, quemadmodum & ipsi sponte solventes, incurrant eandem excommunicationem, non obstantibus eorum Privilegiis. Ex hac constitutione nonnulla scandala & magna incommoda sunt secuta. His malis ut occurreret Clemens V. talem tulit Constitutionem.

nem, quæ habetur titulo : de Immuni: Eccl: cap. unic:
in hæc Verba.

§. 2.

195 **Q**Uoniam ex Constitutione Bonifacii Papæ VIII.
prædecessoris Nostri, quæ incipit : *Clericis Laicos*,
„ & ex declaratione seu declarationibus, ex illa post
„ modum subsecutis, nonnulla scandala, magna peri-
„ cula, & incommoda gravia sunt secuta, & amplio-
„ ra sequi (nisi celeri remedio succurratur) præsumi-
„ tur verisimiliter in futurum ; Nos de consilio Fra-
„ trum Nostrorum, constitutionem & declarationem,
seu declarationes prædictas, & quidquid ex eis secutum est,
vel ob eas, penitus revocamus, & eas haberi volumus, pro
infectis ; volentes & firmiter statuentes, (contra quoscunq;
Laicos exigentes, seu extorquentes ab Ecclesiis Ecclesiasti-
cisq; Personis, tallias, seu Collectas, aut exactiones quasq;
& contra dantes ad id faciendum, consilium, auxilium, vel
favorem nec non circa præstandas subvectiones Laicis ab Ec-
clesiarum Prælati, ac aliis viris Ecclesiasticis) inviolabili-
ter observari, quod super his à Prædecessoribus nostris in
Lateranensi & generali Conciliis, quæ nos sub obrestatione Di-
vini Judicii præcipimus observari, districtè salubriter est
provisum.

Ex hac constitutione Clementis V. constat, quod
Clemens Papa, antiqua Jura de immunitate Ecclesia-
stica non sustulerit, sed nonnisi, declaraverit, pænam
la-

latam in C. Clericis in sponte solventes, & recipientes à sponte solventibus, locum non habere: ut declaratur C. Quod olim in Extr. Consum h. t. infra citando n. 201. Hanc tamen pœnam Sixtus V. specialiter pro Regno Nostro Poloniæ innovavit in Bulla supra citata n. 187. his verbis: *Si Episcopi aliter fecerint, pœnis in Concilio Generali Lateranensi novissime celebrato, & in Bulla die Coenæ Domini legi solita, aliisque sanctionibus Apostolicis, contra eos, qui etiam sponte offerunt inflictiis, eo ipso subiaceant.* Sciendum autem est, quod in Corpore Juris antiqui nulla alia Sanctio Apostolica, contra eos, qui sponte offerunt, pœnam infligens, habeatur, præter citatam Bonifacii VIII. C. Clericis in 6. h. t.

§. 3.

PROBATUR ultimum Brevi Clementis XI. ad Regnum Poloniæ Missio, quod n. 321. citatur --- Quocirca Venerabilibus Fratribus dicti Regni Archiepiscopis & Episcopis, sub pœna suspensionis ab exercitio Episcopatum & Interdicti ab ingressu Ecclesiæ precipimus & mandamus, ne Decreta, Ordinationes, & Constitutiones hujusmodi executioni mandari, necnon dictam taxam laicali autoritate absq. Nostro & dictæ Sedis consensu & beneplacito factam, exigere, multoq. minus ullam Personam Ecclesiasticam sive secularem, sive Regularem ad forum laicale trahi, & ab eo, vel à quocunq. alio, quam Ecclesiastico Tribunali judicari & puniri permittant. - Omnibus verò, & singulis aliis ejusdem

Gg

Re

Regni Personis Ecclesiasticis tam secularibus, quàm Regularibus in Virtute S. Obedientiæ, ac sub suspensionis & excommunicationis Majoris & privationis dignitatum, officiorum, Munerum & Beneficiorum Ecclesiasticorum per eos obtentorum, perpetuæq; inhabilitatis ad illa & alia similia vel dissimilia quæcunq; in posterum quomodolibet obtinenda, ipso facto, absq; alia declaratione incurrendis penis, districte prohibemus & interdiciamus, ne prædictorum Decretorum, Ordinationum, Constitutionum, & taxa vigore, quidquam etiam minimum, quovis modo, etiam subsidii vel subvectionis titulo, aut vexationum & molestiarum sibi illatarum vel inferendarum redemptionis prætextu, solvere, aut solvi facere, vel ad solutionem alicujus ex prædictis oneribus, impositionibus & gabellis, nisi illa prius, nostra & dictæ Sedis auctoritate approbata & confirmata fuerint, concurrere, multoq; minùs dictæ Generalis Confæderationis Sandomiriæ; aut cujusvis alterius Laicalis Tribunalis dicti Regni foro se se subicere audeant, quovis modo, seu præsumant.

ASSERTIO XIX.

Esi spirituales sponte & ex mera liberalitate subsidium Charitativum contribuere possint, tamen ad id aliquot cumulativè requiruntur conditiones, quarum vel unica non subsistente, nulla ratione contribuere possunt.

§. I.

ANtequam probetur assertio, enumerantur Condi-

tionones, quæ sunt hæ: 1. Ut contributionis faciendæ necessitas sit, non tantum communis Laicis & Clericis, sed sit summè magna, aut evidens utilitas subsit, cui relevandæ Laicorum facultates non sufficiant. 2. Ut in casu communis periculi, in quo subveniendum est Reipub, Episcopus cum toto Clero deliberet, an, & quantum Laicis contribuendū sit. 3^{to}. Ut Contributiones à Clericis fiant spontaneè, & absq; ullâ Cleri coactione, vel secularium exactione. 4^{to}. Ut prius de tali contributione summus Pontifex consulatur, & ejus habeatur licentia, ita, ut Clerici contribuere non possint, antequam summus Pontifex consenserit; nisi urgeret ipsarum Ecclesiarum, aut Personarum Ecclesiasticarum nimia necessitas, & in mora periculum esset.

§. 2.

PRobatur assertio C. Non minus 4. h. t. supra cit.¹⁹⁸
p. 185. *Quo circa sub anathematis districtione fieri de cætero talia prohibemus; nisi Episcopus & Clerus tantam necessitatem vel utilitatem aspexerint, ut absq; ulla exactione ad relevandas communes utilitates vel necessitates, ubi Laicorum non suppetunt facultates, subsidia per Ecclesias existiment conferenda. Si autem Consules aut alii &c. Glossa intextum cit: dicit: ex arbitrio Episcopi dependet inspicere hanc necessitatem, tamen aliquid conferre non debent, nisi super hoc prius Rom: Pontifex consulatur.*

C. Adversus 7. eod: supra cit: p. 186. Verum si quando forte Episcopus simul cum Clericis tantam necessitatem & utilitatem perspexerit, ut absq; ulla coactione ad relevandas utilitates vel necessitates communes, ubi Laicorum non suppetunt facultates, subsidia duxerit per Ecclesias conferenda, prædicti Laici humiliter & devotè recipiant cum gratiarum actione. Propter imprudentiam tamen quorundam, Romanus Pontifex prius consulatur, cujus interest communibus utilitatibus providere. Quia verò &c.

- 200 C. Quod olim Extrav. Com. h. t. Quod olim per fel: recor.
 „ Bonifaciū P. VIII. Prædecessorē nostrū contra Laicos
 „ exigentes sive recipientes à Clericis & Eccle: Personis
 „ tallias, decimam, vel aliam quotam seu quantita-
 „ tem aliquam de proventibus bonorum suorum aut
 „ Ecclesiarum, necnon adversus solventes, aut pro-
 „ mittentes, vel consentientes se soluturos, pænis ad-
 „ jectis statutum est, quantum ad pænas ipsas ex cau-
 „ sa de consilio Fratrum Nostrorum restringimus
 „ ad exigentes tantummodo, & ad exigendum dan-
 „ tes auxilium consilium, vel favorem, non autem
 „ quoad easdem pænas in solventibus aut recipienti-
 „ bus à sponte dantibus deinceps vendicet sibi locum.
 „ Cæterum attendant sollicitè Ecclesiarum Prælati &
 „ alii Ecclesiastici Lateranense Concilium, quod in
 „ hujusmodi subventionibus solum casum necessitatis,
 „ aut communis utilitatis, ubi Laicorum ad id non

sup-

suppetant facultates, deliberatione providā noscitur
 excepisse; & deinde Generale statuisse Concilium,
 propter quorundam imprudentiam, etiam in hoc
 casu Romanum Pontificem (cujus interest com-
 munitibus providere utilitatibus) primitus consulen-
 dum. Attentè igitur caveant, ne prædictorum Con-
 ciliarum transgressores existant, aliquid in casu præ-
 dicto, & multo magis si casus ipse non subit, quo-
 quo modo vel titulo inconsulto Romano Pontifice
 occasione subventionum dictarum concedendo Lai-
 eis, vel etiam promittendo. Alioquin tanquam
 Canonum & tam solennium Conciliarum temera-
 ri transgressores, quas procul dubio DEO propi-
 tio idem infliget Pontifex, gravissimas pœnas po-
 terunt meritò formidare. Nulli ergo omnino ho-
 minum &c.

§. 3.

Adduco huc Decisionem S. R. Rotæ in Brundusi-201
 na Gabellæ 13. Febr: 1604. coram Penia teste
 Barbosa de Jure Eccl. l. 1. C. 29. de Privilegiis Cleric:
 §. 1. n. 8. f. 485. quæ declarat, posse quidem Cleri-
 cos contribuere, si sequentia copulativè concurrant.
 Primò: ut si adsit magna necessitas cui aliàs facile
 subveniri non possit, nisi Clerici cum Laicis contri-
 buant, ut probatur in d. e. Non minus ubi expres-
 se notat Abbas, n. 5. v. 2. sequitur & de cap. Ad-

Gg 3

ver-

versus de immun: Eccles. ubi Abb. n. 4. & clarius
 apparet per extravag. Benedicti XI. sub tit. de im-
 mun Eccl. Secundo debet concurrere communis
 utilitas, vel saltem pietas. ut in di. c. Non minus
 & c. Adversus & cap. Pervenit. de imm. Eccl. &
 de pietate consideravit text. in l. ad instructiones
 C. de Sacrosan. Eccles. Tertiò oportet, quòd onus
 illud sit tale, ut ad illud sustinendum Laici non
 sufficiant; quia Clerici & Ecclesia solum tenentur
 cum Laicis contribuere in subsidium, & ubi Laico-
 rum non suppetunt facultates ut in dict. cap. non
 minus & cap. Adversus, quas condiciones conside-
 ravit Benedictus in dict. Extravag. de immun. Eccl.
 ibi. Cæterum solliciti attendant Ecclesiarum Præ-
 lati & alii Clerici, Lateranense Concilium, quòd
 in hujusmodi subventionibus solum casum necessi-
 tatis, aut communis utilitatis, ubi Laicorum ad id
 non suppetunt facultates, deliberatione provida no-
 scitur excepisse. Quartò requiritur, ut ad onus
 hujusmodi imponendum, vocetur & consentiat to-
 tus Clerus; nec sufficeret Episcopus cum Capitulo,
 quia quod omnes tangit, ab omnibus particulari-
 ter debet approbari, cap. Cum omnes de instit. cap.
 Quòd omnes de Regul. Jur: in 6. & probatur in di.
 c. Non minus n. 4. & 5. notab. 4. Quintò in istis
 oneribus imponendis ad effectum, ut Clerus tene-

atur

atur, potissimum requiritur ut Papa consulatur, & ipso consulto, & non aliàs Clerici contribuant d. c. Adversus ubi notat Abb. n. 4. vers. 4. requiritur; & sic fuit expressè cautum per Benedictum XI. in d. Extravag. de immunit. Eccles. & meritò: quia si arbitrio Episcoporum & Cleri hoc relinqueretur, facile contingerent huiusmodi impositiones & onera per ambitum, & preces Principum, & Ministrorum Laicorum, quibus occurrere solent Romani Pontifices, qui non aliter, quàm causa cognita istas facultates ut Clerici contribuant, concedere solent. Postremò requiritur, quòd ad hæc onera & impositiones solvendas, postquam prædictis requisitis concurrentibus imposita fuerint, Clerici & Personæ Ecclesiasticæ, non à Ministris Laicis, sed à suo Episcopo, & superiore Ecclesiastico compellantur; Principes enim & seculares potestates non possunt in his se intromittere. Ita. Innoc. in d. cap. non minus n. 6. vers. quamvis ad ea. & Bald. in d. c. ad instructiones n. 5. vers. adhuc tamen & n. 6. vers. quòd verò credo C. de Sacros. Eccl. & Innocentium & Baldum communiter sequuntur Doctores, & signanter Abb. in d. c. non minus n. 18. vers. dicit tamen de immun. Eccl. & Guid. Papæ decis. 18. in fine vers. si tamen dicti viri &c.

Hanc decisionem secuta est S. Congregatio

Emi-

„ Eminentissimorum Cardinalium, controversiis juris
 „ dictionalibus præpositorum, cujus decretum vide
 „ infra n. 256.

202 Noto: quòd si Clerus justas habeat rationes: v.g.
 sciat malè informatam esse S. sedem Apostolicam
 &c. nec urgere summam necessitatem, potest præfa-
 tum subsidium Charitativum denegare; quemadmo-
 dum Anno D. 1422. Regnante Vladislao Rege præ-
 dictatum est; ut testatur Cromerus l. 18. fol. 134. his
 verbis; *Cum autem esset Rex in Polonia, poposcit Ordi-
 nem Ecclesiasticum quinque millia florenorum, quæ ei Pon-
 tificex Maximus exigenda concesserat. Verum ea de Syno-
 di sententia negata sunt, ne quid ejusmodi in consuetudinem
 veniret.*

§. 4.

203 **Q**uæres Utrum Religiosi Mendicantes, qui in com-
 muni possident Bona immobilia, teneantur ad præ-
 fatas Contributiones? R. eos non teneri, nisi acce-
 dente speciali S. Sedis Apostolicæ consensu. Habe-
 tur super hac re præter Constitutionem Pij IV quæ
 incipit: *De statu Ecclesiarum*, Constitutio II. S. Pij V
 quæ incipit: *dum ad uberes*, cujus tenor talis.

§. 1. Hinc est, quod nos volentes eosdem men-
 „ dicantium Ordines, & dilectos filios eorum Fratres
 „ & Monachos, cæterasq; Personas, ac etiam Moni-
 „ ales quaslibet ejusdem Ordinis sub illorum cura
 de.

degentes specialibus favoribus & gratiis prosequi, „
 motu proprio, non ad alicujus Nobis super hoc o- „
 blatae petitionis instantiam, sed ex certa nostra „
 scientia ac de Apostolicae potestatis plenitudine, „
 quod ex nunc deinceps perpetuis futuris tempori- „
 bus, omnes & singuli Mendicantium Ordinum hu- „
 jusmodi Fratres, Monachi, & dilectae Filiae in Chri- „
 sto Moniales seu sorores, ac aliae utriusq; sexus Per- „
 sonae Regulares ubilibet per totum Christianum „
 Orbem diffusi, & constituti, illorumq; Monasteria, „
 Cænobia, Domus, Conventus, Ecclesiae, Capellae, „
 Oratoria, & alia loca etiam unita, ac membra, & „
 dependentia, nec non terrae cultae, & incultae, pos- „
 sessiones, praedia, agri, & alia omnia & singula, „
 mobilia, & immobilia, ac se moventia. *Et ubilibet* „
ac in quibuscunq; rebus consistentia bona nec non eorū „
 in dictis bonis laboratores, coloni, arrendatarii, lo- „
 catarii, & affectuarii, negotiorumq; suorum gesto- „
 res universi, quomodolibet nuncupati, nunc & pro „
 tempore existentes in perpetuum, ab omnibus & „
 singulis exactionibus, tam urbanis, quàm rusticis, „
 necnon datis, gabellis, pedagiis, vectigalibus, col- „
 lectis, impositionibus, & oneribus, ordinariis & „
 extraordinariis, ac tam realibus, quàm personali- „
 bus, meris & mixtis, etiam subsidio triennali, & „
 augmento, ac focularibus, equorum taxis, Militumq; „

„ hospitiiis, ac aliàs quibuscunq; Nominibus nuncu-
 „ patis quavis Authoritate quomodolibet impositis,
 „ & imponendis, & quæ Laicis ac aliis quibusvis
 „ quomodolibet imponi consueverunt, & in futurum
 „ imponentur, ac ratione quarumcunq; mercium &
 „ rerum cuiuscunq; generis vel qualitatis existentium,
 „ tam per mare & aquam dulcem, quàm per terram
 „ undecunq; & quomodocunq; pro tempore delata-
 „ rum, necnon animalium quorumcunq; mortuorum
 „ & vivorum, & quæ aliàs quomodolibet & ex qua-
 „ vis causa, ac super quibuscunq; rebus, tam in alma
 „ Urbe nostra, quàm extra eam ubilibet locorum exi-
 „ guntur, & in futurum exigentur. Necnon à con-
 „ tributionibus & solutionibus in illis faciendis, ac
 „ tam pro victu & vestitu, quàm quocunq; alio usu
 „ suo tantum, ac tam emendo, quàm vendendo, &
 „ aliàs quomodolibet negociando. Necnon etiam à
 „ solutione quadrantis pro singulis libris carniū, de
 „ animalibus, quæ nunc & pro tempore ex armentis
 „ occidi contigerit; necnon etiam, quæ in suis ædi-
 „ bus, prædiis & possessionibus privatim detinent;
 „ & nutriunt; ac à contributione sumptuum & expen-
 „ sarum, quæ aliquando pro pontibus, viis, aquæ du-
 „ ctibus, muris, mænibus, aliisve machinis struendis,
 „ & reparandis, seu reficiendis, ac Civitatum, terra-
 „ rum, & locorum quorumcunq; fortificationibus;

nec-

necnon etiam alias in omnibus, & per omnia ac
tam in dicta Urbe, quàm extra eam ubilibet pe-
nitus, & omnino liberi immunes, & exempti, ac
liberæ & exemptæ, liberaq; immunia & exempta
sint & esse censeantur, ac pro talibus teneantur
& reputentur. Quodq; terræ, agri possessiones &
loca arativa, ut præfertur in illis, quæ aliquando
pro pascuis animalium ad certum tempus reservan-
tur, nullatenus unquam comprehenduntur, nec com-
prehendi censeantur.

§. 2. Ac etiam Monasteria, cænobia, aliaq;
omnia Regularia loca prædicta, pro quorumcunq;
militum, tam equitum, quàm peditum, hospitibus,
quemadmodum magno cum nostro dolore huc-
usq; in plerisq; locis factum comperimus, nequa-
quam assignentur, nec assignari debeant.

§. 3. Et in super, quod fructus, redditus, pro-
ventus, introitus, & alia quæcunq; bona Monaste-
riorum, Cænobiorum & aliorum locorum Regulari-
um præfatorum, ab aliis, quàm à Syndicis & Pro-
curatoribus Religiosis Fratribus, Monachis, & Mo-
nialibus, aliisq; Personis præfatis, exigi, illaq; dun-
taxat in beneficium loci, vel sustentationem ipso-
rum Religiosorum Fratrum & Monialium expendi,
nec per alios quoscunq; quovis nomine censeantur,
nec in alium quàm præmissum usum converti, seu

„ expendi possint neq; debeant, nisi de consensu Su-
 „ periorum illius loci, cui lata, vel consignata, aut
 „ donata fuerint, quem aliàs spectabunt, nec etiam
 „ soli tutores aut curatores seu Protectores, & alio
 „ Nomine Sanctefii aut aliàs nuncupati, de eisdem
 „ bonis ullo modo disponere possint. Quodq; id i-
 „ psum etiam de elemosinis, oblationibus & quibus-
 „ cunq; aliis donativis intelligi & observari debeat,
 „ Apostolica auctoritate tenore præsentium perpetuò
 „ statuimus, ordinamus, volumus, & declaramus.

§. 4. Necnon Fratres, Monachos, Moniales, ac
 „ aliàs Regulares Personas, eorumq; Monasteria Cæ-
 „ nobia, Conventus, Ecclesias, Capellas, Oratoria &
 „ alia loca ac terras, possessiones, prædia, agros, &
 „ bona, necnon laboratores, Colonos, arrendatarios,
 „ locatarios, afflictuarios, ac gestores, prædicta, ut
 „ præfertur, libera, immunia & exempta eisdem au-
 „ thoritate & tenore facimus, ac fore & esse decer-
 „ nimus. &c. &c.

§. 5. Distictiùs etiam in Virtute S. Obedien-
 „ tiæ, & sub indignationis Nostræ ac excommunica-
 „ tionis majoris latæ sententiæ, ac duorum millium
 „ ducatorum auri de Camera pro una Basilicæ S. Pe-
 „ tri de Urbe, & pro altera medietatibus singulis Mo-
 „ nasteriis & locis præfatis, quæ molestari seu pertur-
 „ bari contigerit, irremissibiliter applicandorum præ-

nis eo ipso si & quoties contra factum fuerit, in-
 currendis; inhibentes tam illis, quàm dilectis Fi-
 liis Legatis, Vicelegatis, Gubernatoribus, Potesta-
 tibus, dactorum, gabellarum, onerum & aliorum
 præmissorum, exactoribus, Conductoribus, appalta-
 toribus, necnon quibusvis communitatibus, & Uni-
 versitatibus, illarumq; Officialibus, & Personis ali-
 isq; quibuscunq; ad quos spectat & quomodolibet
 spectabit in futurum, quatenus præmissa omnia &
 singula inviolabiliter & perpetuò observent, ac ab
 omnibus observari faciant; neq; Fratres Monachos,
 Moniales & alias Religiosas Personas, aliosq; supra
 dictos super præmissis, quomodolibet molestant, &
 perturbent; neq; permittant per quoscunq; quo-
 modolibet molestari seu perturbari. Et si quis con-
 tradicere, aut quovis modo contravenire præsum-
 pserit, per mandatum executivum contra ipsum,
 cujuscunq; dignitatis, status, Ordinis, vel præemi-
 nentiae fuerit, ipso facto procedi.

§. 6. Et sic per quoscunq; Judices & Com-
 missarios, quavis autoritate fungentes, sublata eis
 & eorum cuilibet quavis aliter judicandi & inter-
 pretandi facultate, judicari & definiri debere; ac
 quidquid secus super his à quoquam quavis autho-
 ritate scienter vel ignoranter attentari contigerit,
 irritum & inane decernimus.

§. 7. Quo circa Venerabilibus Fratribus, Patri-
 „ archis, Archiepiscopis, & Episcopis, sive eorum Vi-
 „ cariis in Spiritualibus Generalibus, necnon dilectis
 „ filiis Curiae Causarum Camerae Apostolicae genera-
 „ li Auditori, ac Abbatibus, Prioribus, Praepositis,
 „ Dacanis, Archidiaconis, Canonicis, & Capitulis ac
 „ aliis, quarumcunq; Ecclesiarum Praelatis & Perso-
 „ nis ubilibet & in quibuscunq; Regionibus Ter-
 „ ris & locis existentibus, & aliis ad quos quomo-
 „ dolibet spectat & spectabit per praesentes motu si-
 „ mili mandamus, quatenus ipsi & eorum quilibet
 „ per se vel alium, seu alios, praesentes literas & in
 „ eis contenta, quaecunq; ubi & quando opus fuerit,
 „ ac quoties pro parte Fratrum, Monachorum, Mo-
 „ nialium, aliarumq; Religiosarum Personarum pra-
 „ fatarum fuerint requisiti, solenniter publicantes,
 „ illisq; in praemissis efficacis defensionis praesidio as-
 „ sistentes, faciant autoritate nostra, illos & eorum
 „ singulos, statuto, ordinatione, voluntate, declaratio-
 „ ne, constitutione, deputatione, mandato, inhibito-
 „ ne, decreto, aliisq; praemissis, pacifice frui & gau-
 „ dere, non permittent es desuper per Camerari-
 „ um, Praesidentes, Clericos, & Commissarios Came-
 „ rae huiusmodi, necnon Legatos, Vicelegatos, Gu-
 „ bernatores, Collectores gabellarum, & Exactores
 „ praedictos, aut quoscunq; alios ad aliquam solutio-

nem

nem,
 rum
 do c
 renon
 inqu
 praed
 pella
 per h
 nas h
 Ecce
 si opu

Apos
 cili
 nibus
 quom
 to, c
 alia
 legis
 eorum
 mis,
 toriis
 tis cl
 nere
 tia c
 etiam

nem, contributionem vel præstationem præmissorum occasione quomodolibet facienda, quovis modo cogi & compelli, aut alias contra præsentium tenorem quomodolibet molestari, perturbari, aut inquietari. Contradictores quoslibet & rebelles per prædictas aliasq; opportunas Censuras & pœnas appellatione postposita compescendo, ac legitimis super his habendis servatis processibus, censuras & pœnas hujusmodi incurrisse declarando; interdictum Ecclesiasticum apponendo, invocato etiam ad hoc, si opus sit, auxilio brachii secularis.

§. 8. Non obstantibus &c. Nec non quibusvis Apostolicis ac in Provincialibus & Synodalibus Concilii editis generalibus vel specialibus constitutionibus & Ordinationibus, etiam contra exemptos quomodolibet editis & edendis ac etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoq; indultis, & literis Apostolicis, illis & eorum singulis sub quibuscunq; tenoribus & formis, ac cum quibusvis etiã derogatoriis derogatoriis, aliisq; efficacioribus, efficacissimis ac in solitis clausulis, irritantibusq; & aliis decretis in genere & specie, etiam motu simili & ex certa scientia etiam consistorialiter, & alias quomodolibet etiam iteratis vicibus in contrarium concessis, appro-

„ probatis & innovatis, quibus omnibus, illorum te-
 „ nores præsentibus pro sufficienter expressis habentes,
 „ illis aliàs in suo robore permansuris,, hac vice
 „ duntaxat specialiter & expressè derogamus, contra-
 „ riis quibuscunq; aut si aliquibus communiter vel
 „ divisiim ab eadem sit sede indultum, quod inter-
 „ dici, suspendi, vel excommunicari non possint, per
 „ literas Apostolicas non facientes plenam & expres-
 „ sam, ac de verbo ad verbum de indulto hujusmo-
 „ di mentionem. Datum Romæ apud S. Marcum
 „ sub annulo Piscatoris die 29. Julii 1560. Pontifica-
 „ tûs Nostri Anno primo.

ASSERTIO XX.

*Quodsi consensus S. sedis Apostolicæ ad malam informatio-
 nem obtentus est, vel quia preces veritate non niteban-
 tur; in tali casu Rescriptum Apostolicum super danda
 contributione à Clero nullum est, & pro subreptitio ac o-
 breptitio à Jure habetur.*

§. 1.

204 **P**ROBATUR C. Ex parte 2. de Rescrip: dicitur: quòd
 in quolibet Rescripto Apostolico, subintelligatur
 hæc clausula: *si preces veritate nitantur*, etiamsi per
 expressum non apponatur. Ergo ut quis Rescriptum
 à S. sede Apostolica validum obtineat, narrata circa
 causam motivam debeat esse vera et non falsa; quodsi
 falsa

falsa fuerint, etiam Apostolicum rescriptum nullum erit. Item C. Ad audientiam 31. eod: dicitur, quod rescripta quaecunq; beneficialia & alia gratiosa ipso jure nulla sint, si obreptitiè impetrata fuerint. Et Glossa in Clemen: uni: de præben dicit: *Literæ gratiæ videntur, & sunt ipso jure nulla, si fuerint obtenta per subreptionem.* Illa autem Rescripta dicuntur subreptitia seu obtenta per subreptionem, quæ obtinentur tacita veritate, necessario & essentialiter de jure vel consuetudine aut stylo Curiae exprimenda. Obreptitia verò seu per obreptionem obtenta Rescripta illa dicuntur, quæ narrata falsitate circa causam motivam, aut aliud substantialiter requisitum, obtinentur. Illustrantur dicta: si quis procuret dispensationem v.g. in impedimento Matrimonii, vel in voto Religionis, &c. & causam motivam proponat talem, quæ sit falsa; in tali casu dispensatio obtenta non valet. Item si cum quo dispensatum est in jejuniis ex ea ratione, quod sit infirmus, si allegata ratio est falsa, dispensatio data, nulla est.

§. 2.

HActenus dicta, confirmantur Brevi Sanctissimi D. Nostri s. m. Clementis XI dato ad Illustrissimum & Reverendissimum D. Hieronymum Grimaldi Archiepiscopum Edessenum S. sedis Apost: in Regno Poloniae Nuntium.

CLEMENS PAPA XI.

Venerabilis Frater Salutem & Apostolicam benedictionem. Pro parte Charissimi in Christo Filii Nostri Augusti Poloniae Regis Illustris. Nobis exposuim fuit, quod cum Dilecti Filii Nobis Viri Ordines Regni Poloniae & Magni Ducatus Litvania in eorum Comitibus Generalibus die 1. Februarii proximè præteriti Varsaviae habitis, de advertendis in posterum calamitatibus, quæ ob retardatas Stipendiorum Militibus debitorum solutiones, Regnum & Magnum Ducatum hujusmodi non ita pridem misere affligerent, conjunctis studiis egissent, salubriaq; cepissent Consilia, ut stipendia præfatis militibus exacte deinceps persolverentur, in eamq; causam dicti Ordines eorundem Regni & Magni Ducatus quasdam pecuniarum summas tribuere & conferre decrevissent, Venerabiles Fratres Archiepiscopi Episcopi ac Dilecti Filii Clerus Unversus præfatorum Regni & M. Ducatus animo recolentes ingentia damna sibi etiam ex dilatis stipendiorum hujusmodi solutionibus enata, simulq; providè considerantes ob incertum inibi necdum integrè pacatarum statum, ac gravem, quam merito verenda finitimi Turcarum Tyranni arma ingerunt formidinem, validas militum copias in Regno & Magno Ducatu præfatis, quibus eorum necessitatibus & periculis occurrere ipsiusq; communis hostis insidie nefariiq; conatus, propelli valeant ex publica Religionis, Patriæq; securitatis, ac defensionis causa retineri & sub-

subsistere necesse esse, Laicorum verò facultates ad exsol-
vendam integram pecuniarum quantitatem ad præmissa ne-
cessariam non sufficere, aliisq; rationalibus ex causis adducti
in summis ararii publici angustiis contributionem per capita,
sive Capitationem ab universo Clero seculari & Regulari,
dictorum Regni & M. Ducatus solvendam, & in solutio-
nem præfatorum stipendiorum erogandam, memorato Augu-
sto Regi præstare & conferre obtulerunt, si Nostra & hu-
jus S. Sedis super hoc licentia suffragetur, & facultas. No-
bis propterea Augustus Rex ac Archiepiscopi, Episcopi &
Clerus præfati, humiliter supplicari fecerunt; ut sibi in præ-
missis oportune providere, & ut infra indulgere de beni-
gnitate Apostolica dignaremur. Nos igitur specialem illis
facere volentes gratiam, dictorumq; Archiepiscoporum &
Episcoporum ac Cleri singulares Personas à quibusvis Ex-
communicationis suspensionis & Interdicti, aliisq; Ecclesia-
sticis sententiis, Censuris & penis, à jure vel ab homine
quavis occasione vel causa latis, si quibus quomodo-
libet innodata existunt, ad effectum præsentium duntaxat
consequeniarum serie absolventes, & absolutas fore censen-
tes, hujusmodi supplicationibus inclinati, Tibi, præfatis Archie-
piscopo & Episcopis, ac dilectis filiis Abbatibus, & aliis
Personis Ecclesiasticis tam secularibus, quam cujusvis Or-
dinis, Congregationis, Societatis etiam JESU, & instituti
etiam Mendicantium, bona tamen immobilia possidentium,
Regularibus eorundem Regni Polonia & M.D.L. ut contri-

tributionem per Capita, siue Capitationem, præfato Augusto Regi, sponte tamen & ad biennium proximum, ac pro summa, quæ eis videtur duntaxat, præstare, & tribuere, ipsi autem Augusto Regi, ejusq; Ministris, ut eandem contributionem per Capita siue Capitationem petere, & recipere, absq; conscientie scrupulo, ac Censurarum & pænarum Ecclesiasticarum incurso, libere, & licite possint; dummodo tamen pecuniæ inde proventus in causam supra dictam, & non in alios usus convertantur & erogentur, auctoritate Nostra Apostolica indulgendi, & licentiam concedendi, ipsosq; Archiepiscopos, Episcopos, Abbates ac alias Personas Ecclesiasticas, ac earum singulas, quatenus dictam contributionem per Capita, siue Capitationem absq; Sedis præfate licentia promiserint aut solverint; necnon eundem Augustum Regem, ejusq; Ministros præfatos, si illam absq; hujusmodi licentia receperint, ab omnibus & singulis Censuris, & pænis propterea, quomodolibet incursis, dicta auctoritate absolvendi facultatem & potestatem, eadem auctoritate tenore præsentium tribuimus, & impertimur. Tibiq; ut ad executionem præfate contributionis per Capita, siue Capitationes, per Personas Ecclesiasticas tantum, & non alias procedere debeas, auctoritate præfata committimus & mandamus; contradictores & solvere recusantes, per Censuras & pænas Ecclesiasticas, aliq; opportuna Juris & facti remedia eadem auctoritate compescendo, non obstantibus Concilii Lateranen: & quibusvis Apostolicis Constitutionibus, ordinationibus, nec-

non quarumvis Ecclesiarum, Monasteriorum, Ordinum Congregationum, Societatum, (etiam JESU) Institutorum, ac quibuslibet aliis etiam juramento, confirmatione Apostolica vel quavis firmitate alia roboratis, Statutis, & consuetudinibus, privilegiis quoque indultis, literis Apostolicis ac exemptionibus & immunitatibus etiam in Corpore juris clausis, quibusvis generaliter vel specialiter concessis, etiamsi de illis, eorumque totis tenoribus de verbo ad verbum mentio, seu quavis alia expressio habenda & facienda sit; & in eis caveatur, expresse, quod per hujusmodi clausulas generales etiam mentionem specialem importantes eis derogatum esse non censeatur, aut derogari, videatur, nisi certis modis & forma in illis expressis plenè observatis. Quibus omnibus, & singulis illorum tenores præsentibus pro plene & sufficienter expressis, ac de verbo ad verbum insertis habentes, illis aliàs in suo robore permansuris, ad præmissorum effectum hac vice duntaxat speciales & expresse derogamus, ceterisque contrariis quibuscunque. Volumus autem ut Pauperes Clerici, & Religiosi, qui in redditibus non habent nisi victum necessarium, ad contribuendum minime compellantur. Vtque præsentium Literarum transumptis seu exemplis etiam impressis manu alicujus Notarii publici subscriptis & sigillo Personæ in Ecclesiastica dignitate constitutæ munitis, eadem prorsus fides tam in Judicio, quàm extra illud adhibeatur, quæ præsentibus ipsis adhiberetur, si forent exhibitæ vel ostensæ. Datum Romæ apud S. Mariam Majorem sub Annulo Piscæ-

teris die XIII. Octob. M. DCCXVII. Pontificatus Nostri
Anno XVI.

Er. Card. Oliverius

206

Ex præfato Breui Apostolico, deducuntur hæc:
1. Quòd ut Clerici Contribuant subsidium Charita-
tivum Laicis, summa requiratur Necessitas contribu-
tionis faciendæ à Clero, cui relevandæ facultates La-
icorum non sufficiant. 2. Quòd in talem contributio-
nem prius Episcopi & Clerus debeat consentire. 3.
Quòd præfatus Cleri consensus non valeat, nisi ac-
cedat S. sedis Apostolicæ licentia. 4. Quòd Clerus
spontaneè & non coactè eam contribuere debeat sum-
mam, quæ sibi videbitur. 5. Contributio data à Cle-
ro non debet converti in alios usus, præter eos, in
quos est concessa. 6. Si Clerus absq; licentia S. sedis
Apostolicæ promittat Laicis, aliquam summam, vel
solvat, tam ille, quàm accipientes incurrunt Censuras
SS. Canonum. 7. Accedente consensu S. Sedis Apo-
stolicæ contributio per Ecclesiasticas personas, & non
aliàs exigi debet. 8. Renuentes contribuere, Censuris
Ecclesiasticis, non executionibus militaribus compelli
debent. 9. Clerici pauperes & Religiosi, qui ex red-
ditibus solùm victum necessarium habeant, à Contri-
butione præfata liberi declarantur. &c. &c.

§. 3.

CONcludo dicta hætenus Decreto S. Concilii Tri-
dent

dent: sess. 22. c. 11. de Refor. Si quem Clericorum
 & Laicorum, quacunq; is dignitate etiam Imperia-
 li, aut Regali præfulgeat, in tantum malorum o-
 mnium Radix cupiditas occupaverit, ut alicujus
 Ecclesiæ, seu cujusvis secularis vel Regularis bene-
 ficii, Montium pietatis, aliorumq; piorum locorum
 jurisdictiones, bona, Census, ac Jura, etiam feuda-
 lia & emphyteutica, fructus, emolumenta, seu quas-
 cunq; obventiones, quæ in ministrotum & paupe-
 rum Necessitates converti debent, per se vel alios,
 vi vel timore ineusso, seu etiam per suppositas Per-
 sonas Clericorum aut Laicorum, seu quacunq; ar-
 te, aut quocunq; quæsito colore in proprios usus
 convertere, illosq; usurpare præsumpserit, seu im-
 pedire, ne ab iis ad quos jure pertinent, percipi-
 antur, is anathemati tamdiu subjaceat, quamdiu
 Jurisdictiones, bonares, jura, fructus, & redditus,
 quos occupaverit, vel qui ad eum quomodocunq;
 etiam ex donatione suppositæ personæ pervenerint,
 Ecclesiæ ejusq; administratori, sive Beneficiato inte-
 gre restituerit, ac deinde à Romano Pontifice ab-
 solutionem obtinuerit. Quodsi ejusdem Ecclesiæ Pa-
 tronus fuerit, etiam jure patronatûs ultra prædi-
 ctas pœnas eo ipso privatus existat. Clericus verò
 qui nefandæ fraudis & usurpationis hujusmodi fa-
 bricator seu consentiens fuerit, eisdem pœnis subja-
 ceat;

- „ ceat nec non quibuscunq; Beneficiis privatus sit,
 „ & ad quæcunq; alia beneficia inhabilis efficiatur;
 „ & à suorum Ordinum executione etiam post inte-
 „ gram satisfactionem & absolutionem, sui Ordina-
 „ ri arbitrio suspendatur.

PARS II.

De Immunitate Ecclesiastica Reali.

208 *Immunitas Ecclesiastica Realis est illa, qua gaudent Bona Ecclesiastica ita, ut à Vectigalibus, Tributis, Censibus & aliis muneribus laicis, sint libera & immunia.*

209 **P**RAENOTO I. Quod præfata Bona, alia sint Bona Ecclesiarum, alia Bona Clericorum. Bona Ecclesiarum dividuntur in Bona mobilia, & immobilia; sub immobilibus, non solum fundi, prædia, domus, & similia bona corporalia, quæ fixam radicem habent, comprehenduntur, sed etiam Jura fructifera, ut Censuum, quibus annui redditus respondent, servitutes & similia bona perpetua, quæ incorporalia dicuntur, juxta juris consuetudinem in Clemen: Exivi. § cum an-
 nui

nui redditus de V. S. comprehenduntur. Ad Bona mobilia reliquæ res omnes, Ecclesiæ usibus deputatæ, cujuscunq; valoris & æstimationis sint, referuntur. Hæc itaq; Bona Ecclesiarum, vel sunt propriè sacra & religiosa, quia vel per specialem benedictionem consecrata sunt, vel sunt instrumenta Divini cultus, & ad opera pietatis per se ordinata, qualia sunt, Vasa sacra, vestes, templum, cæmeterium &c. Vel sunt talia, quæ licet non sint consecrata, spectant tamen ad Ecclesiam & ab illa denominantur Bona sacra, qualia sunt, Ecclesiarum fundi, prædia, redditus, proventus, Decimæ, Census &c. quæ ad augendum cultum DEI, decorem Ecclesiæ, & reparationem, ad sustentationem Servorum DEI & Ministrorum Ecclesiæ à fidelibus Deo sunt oblata, & vocantur Dos Ecclesiæ vulgò poswiętne. Clericorum Bona itidem mobilia vel immobilia, censentur à S. Thom: quodlib: 6. art: 12. duplicia. Alia quæ lucrantur Clerici ex Bonis Ecclesiæ, ut Decimis vel prædiis Ecclesiasticis, seu ex Beneficiis suis, quæ eis propter officium dantur, hæc S. Thomas vocat *Ecclesiastica*, utiq; lato modo, nos illa Clericalia appellabimus ad vitandam æquivocationē. Alia Bona sunt, quæ acquirunt Clerici, vel successione hæreditaria à Parentibus, vel donatione, vel industria, vel alia arte comparant, & hæc vocantur Patrimonialia, seu secularia. Ad hæc Bona Navarrus re-

ducit illa bona, quæ per actiones spirituales tanquam stipendia illarum, à Clericis comparantur: Ut sunt stipendia Missarum, Concionum &c. hæc bona appellantur, *quasi Patrimonialia*.

²¹⁰ Prænoto 2. Nomine Ecclesiæ, de qua hic sermo, intelligi debet templum ipsum, quod ad usum sacrificii Sacramentorum, & ut in eo fideles ad orandum, & verbum DEI audiendum conveniant, dedicatum & consecratum est. Hæc Ecclesia considerari potest vel sub generali ratione rei sacræ, & sic habet exemptiones & immunitates, cæteris rebus sacris, cum quibus in illa generali ratione convenit, communes; de quibus in præsentia; vel considerari potest sub ratione propria loci seu Domûs, quæ ad custodiendas vel protegendas Personas, quæ in ea existunt, vel ad illam confugiunt, vel ad custodiam rerum, quæ in ea collocantur, ordinatur. Et sub hac ratione Ecclesiæ, loca quoq; sacra, habent sua propria Privilegia, de quibus Capite sequenti.

²¹¹ Prænoto 3. Onera, de quibus hic quæri potest, sunt triplicia. Quædam dicuntur merè realia, quæ ipsis Rebus vel Bonis (quia talia sunt) sinè respectu ad Personæ qualitatem sunt imposita jure perpetuo & invariabiliter, ita, ut tamdiu durent, quamdiu res ipsæ durant. Quædam verò onera sunt merè Personalialia, quæ Personis subditis sinè respectu ad Bona earum Patrimonia-

monialia, quæ fortassis nulla habent, imponuntur; prout est capitationis exactio &c. Hæc tributa purè Personalia appellari solent nomine *Census* ut habetur: Matth: 17. Quædam deniq; onera sunt mixta, quæ imponuntur Personis subditis, cum respectu tamen ad bona earum, ita, ut immediatè quidem Personis imposita sint tributa illa, mediatè verò Bonis, quæ habent.

Agendum itaq; imò de Bonis Ecclesiarum, utrū hæc subiaceant aliquibus Tributis & Oneribus. 2dò de Bonis Clericorum tam Clericalibus, quàm Patrimonialibus; utrum quoq; ab oneribus sint immunia.

PUNCTUM I.

De Bonis Ecclesiarum.

ASSERTIO I.

Bona Ecclesiarum tam Mobilia quàm immobilia propriè sacra, sunt immunia à communibus usibus, vel ministeriis, nec ad usus profanos possunt applicari.

PROBATUR. Quia Sancta debent sanctè tractari, sed quæ DEO sunt dicata, & consecrata sunt sacra, ergo debent sanctè tractari, & ad profanos usus non possunt transferri. Unde C. Vestimenta de Consecrat.

dist. 1. dicitur. *Vestimenta Ecclesiastica, quibus Domino ministratur, & sacrata debent esse, & honesta, quibus, aliis in usibus non debent frui, quam in Ecclesiasticis & Deo dignis officiis.* Et C. Ligna ibid: *Ligna Ecclesie dedicata non debent ad aliud opus jungi, nisi ad aliam Ecclesiam, vel igni sunt comburenda, vel ad profectum in Monasterio Fratribus; in Laicorum verò usum non debent admitti.* Regula Juris in 6. *Semel Deo dicatum, non est ad usus humanos ulterius transferendum.* Sic calix consecratus non potest adhiberi ad usum profanum. Et ita in lege veteri vasa templi in magna erant veneratione. Undè Daniel: 5. Balthazar Rex Babyloniz, qui vasa templi in convivio suo profanare ausus est, statim Divinam sensit vindictam.

ASSERTIO II.

Omnia Bona Ecclesiarum, sive decori earum, sive sustentationi Ministrorum Ecclesie applicata, exempta sunt Jure Divino à Jurisdictione Laicali. Per solos Ministros Ecclesiasticos administrari debent.

§ .1.

²¹³ **P**ROBATUR. C. Nulli 12 q. 2. *Nulli liceat ignorare, omnino, quod Domino consecratur, sive fuerit homo sive animal, sive ager, vel quidquid semel fuerit consecratum, Sanctum Sanctorum Domino erit, & ad jus pertinebit Sacerdotum.* Ibidem C. Prædia. *Prædia Divinis usibus tra-*
dita

dita, quidam humanis applicant usibus, & Domino, cui tra-
 dita sunt, ea subtrahunt; ut sibi inserviant. Quapropter
 ab omnibus illius usurpationis contumelia depellenda est, ne
 pradia, usibus secretorum celestium dicata, à quibusdam ir-
 ruentibus vexentur. Concili: Lateranensesub Leone X.
 sess: 9. de Refor: Curia. §. Et cum fructuum: sic di-
 cit: Et Cum fructuum Ecclesiarum Cathedralium &
 Metropolitanarum, Monasteriorumq; & aliorum „
 quorumcunq; beneficiorum Ecclesiasticorum plena „
 tia dispositio & administratio ad nos & Romanū „
 Pontificem pro tempore existentem, & illos etiam, „
 qui ejusmodi Ecclesias, Monasteria & beneficia ju- „
 re & canonicè obtinent, solū pertinent, Secula- „
 resq; Principes omni etiam divino jure id prohi- „
 bente, dictis Ecclesiis, Monasteriis, ac beneficiis in- „
 tromittere se nullatenus debeant, statuimus & or- „
 dinamus, ut fructus, redditus, & proventus Eccle- „
 siarum Monasteriorum ac beneficiorum per secula- „
 res illos Principes, etiamsi Imperator, Reges, Regi- „
 nave, seu Respublicæ, vel Potentatus fuerint, aut „
 per eorum officiales, seu Judices etiam Ecclesiasti- „
 eos, vel quascunq; alias personas, publicas vel pri- „
 vatas, de eorundem, Imperatoris, Regum, Regina- „
 rumvè ac Principum, Rerumq;publicarum vel Po- „
 tentatuum mandato sequestrari occupativè, aut mo- „
 do aliquo detineri (plenius infra citabitur) valeant. „

Idem Lex Civilis summa in de rer: divis: dicitur:
*summa rerum divisio in duos articulos deducitur. Nam alia
 sunt Divini juris, alia humani. Divini juris sunt, veluti res
 sacre, & religiosa; sancta quoque res divini juris sunt.
 Quod autem divini juris est, id nullius in bonis est.*

214 Hinc S. Ambrosius ad Marcellinam sororem
 „ Epif 33. de se scribit: ut habetur C. Convenior. 23.
 „ q 8. *Convenior ipse à Comitibus, & tribunis, ut Ba-*
 „ *silicæ fieret matura traditio, dicentibus, Imperato-*
 „ *rem jure suo uti, eo quod in potestate ejus essent*
 „ *omnia. Respondi, si à me peteret, quod meum es-*
 „ *set, id est fundum meum, argentum meum, jus*
 „ *hujusmodi meum, me non refragaturum, quan-*
 „ *quam omnia, quæ mea sunt, essent pauperum; ve-*
 „ *rum ea, quæ divina sunt, Imperatoriæ potestati non*
 „ *esse subjecta. Si patrimonium petitur? invadite;*
 „ *si corpus? occurram. Vultis in Vincula rapere?*
 „ *vultis in Mortem? voluptati est mihi, non ego*
 „ *me vallabo circumfusione populorum, nec altaria*
 „ *tenebo, vitam obsecrans; sed pro altaribus gratius*
 „ *immolabor - - & infra: Mandatur: trade Basilicam,*
 „ *hoc est (dic aliquod Verbum in Deum, & me*
 „ *rere) nec solum dic adversus Deum, sed etiam fac*
 „ *adversus Deum. Mandatur: trade Altaria DEI,*
 „ *Urgemur igitur præceptis Regalibus, sed confirma-*
 „ *mur Scripturæ sermonibus, quæ respondit (Tan-*
 quam

quam una ex insipientibus locuta es) . . & infra
 Allegatur: Imperatori licere omnia, ipsius esse u-
 niversa. Respondeo. Noli te gravare Imperator, ut
 putes te in ea, quæ divina sunt, imperiale aliquod
 jus habere, noli te extollere; sed si vis diutius im-
 perare, esto Deo subditus. Scriptum est (quæ sunt
 DEI, Deo; quæ Cæsaris Cæsari) Ad Imperatorem
 palatia pertinent, ad Sacerdotem Ecclesiæ. Publi-
 corum tibi mæniūm jus commissum est, non sa-
 cerorum &c. Et in Oratione contra Auxentium
Nabuthe &c: Nabuthe Sanctum virum possessorem
 vineæ suæ scimus interpellatum petitione regia, ut
 vineam suam daret, ubi Rex succisis vitibus, olus
 vile fereret, eumq; respondisse (absit, ut ego Pa-
 trum meorum tradam hæreditatem) . . . si ille vi-
 neam non tradidit suam, nos trademus Ecclesiam
 Christi? Quid igitur à me responsum est contu-
 maciter? Dixi enim conventus; absit à me, ut
 tradam Christi hæreditatem. Si ille Patrum hæ-
 reditatem non tradidit, ego tradam Christi hære-
 ditatem? Sed & hoc addidi: absit ut tradam hæ-
 reditatem Patrum, hoc est Dionysii, qui in exilio
 causâ fidei defunctus est; hæreditatem Eustorgii
 Confessoris, hæreditatem Myroclis, atq; omnium
 retrò fidelium Episcoporum. Respondi ego, quod
 Sacerdotis est. Quòd Imperatoris est facit Impera.

tor. Prius est, ut animam mihi, quàm fidem auferat &c. Tributum Cæsaris est: non negatur. Ecclesia DEI est, Cæsari utiq; non debet adijci; quia Jus Cæsaris esse non potest Templum DEI. Et supra in eadem Oratione: si de meis aliquid posceretur, aut fundus, aut domus, &c. id, quod mei iuris esset, respondi, me libenter offerre; Templo DEI nihil posse decerpere, nec tradere illud, quod custodiendum, non tradendum acceperim. Deinde consulere me etiam Imperatoris mei saluti; quia, nec mihi expediret tradere, nec illi accipere. Accedit, quòd Bona Ecclesiæ appellentur Patrimonium Christi. C. Cum ex eo 34. de elect. in 6. in quòd Glossa V. Christi notat: *Dominium Bonorum Ecclesiarum esse penes Christum.* Item Glossa in c. Expedi 12. q. 1. V. communes sic habet: *Queritur: quis sit Dominus Rerum Ecclesiasticarum? nunquid Pauperes dicuntur esse Domini? --- Alii dicunt quòd ipse DEVS.* C. qui Christi 12. q. 2. sic dicitur: *Qui Christi pecunias & Ecclesiæ auferit, fraudat & rapit, ut homicida in conspectu Iudicis deputabitur.* Ex quo textu infero: Ergo pecuniæ (intellige & reliquæ res) Ecclesiæ, sunt simul etiam Christi, proinde Dominium illarum est penes Christum. Concilium quoq; Trident. sess. 21. c. 1. de Refor. dicit: *Res Ecclesiasticas esse DEI.* Si itaq; Bona Ecclesiarum sunt Bona DEI & Christi, consequens est, quòd fiat

exem.

exem
Bona
plebi

Q
pus
testar
ma r
quibu
Fratr
ris,
Apos
bis c
ut in
anim
oport
gent
&
Et
tand
jue
ad
DE
est,
infl

exempta à Jurisdictione Laicali, multo magis, quàm
Bona Regalia sunt exempta à Jurisdictione cujusvis
plebis.

§. 1.

QUòd administratio Bonorum Ecclesiæ ad solos Mi-²¹⁹
nistros Ecclesiasticos spectet, probatur C. Episco-
pus 12. q. 1. *Episcopus, Ecclesiasticarum rerum habeat po-
testatem ad dispensandum erga omnes, qui indigent, cum sum-
ma reverentia, & timore DEI: Participet autem & ipse,
quibus indiget (si tamen indiget) tam in suis, quàm in
Fratrum, qui ab eo suscipiuntur, necessariis usibus profutu-
ris, ita ut in nullo qualibet occasione fraudentur, juxta S.
Apostolum sic dicentem: (habentes victum & tegumentum,
his contenti simus) Et C. Præcipimus ibidem. Præcipimus,
ut in potestate sua Episcopus Ecclesiæ res habeat. Si enim
animæ hominum pretiosiores illi sunt credita, multò magis
oportet curam pecuniarum gerere, ita ut potestate ejus indi-
gentibus, omnia dispensentur per Presbyteros & Diaconos,
& cum DEI timore, & omni sollicitudine ministrentur.
Et Concilium Trident: sess. 25. c. 1. de Refor: Op-
tandum est, ut ii, qui Episcopale ministerium suscipiunt, quæ
sue sint partes, agnoscant, ac se non ad propria commoda, non
ad divitias aut luxum, sed ad labores & sollicitudines pro
DEI gloria vocatos esse intelligant; nec enim dubitandum
est, & fideles reliquos ad religionem innocentiamq; faciliùs
inflammandos, si Præpositos suos viderint, non ea, quæ mun-*

di sunt, sed animarum salutem, ac caelestem patriam cogitantes. Hæc cum ad restituendam Ecclesiasticam disciplinam præcipua esse, sancta Synodus animadvertat, admonet Episcopos omnes, ut secum ea sæpe meditantes, factis etiam ipsis ac vitæ actionibus, quod est veluti perpetuum quoddam prædicandi genus, se muneri suo conformes ostendant. Imprimis verò ita mores suos omnes componant, ut reliqui ab eis frugalitatis, modestiæ, continentiæ, ac, quæ nos tantopere commendat Deo, sanctæ humilitatis exempla petere possint. Quapropter exemplo Patrum Nostrorum in Concilio Carthagenensi, non solum jubet, ut Episcopi modesta suppellectili, & mensa, victu contenti sint, verum etiam in reliquo Vitæ genere ac tota ejus domo caveant, ne quid appareat, quod à Sancto hoc instituto sit alienum; quodq; non simplicitatem, Dei zelum, ac vanitatum contemptum, præferat. Omnino verò eis interdicit, ne ex redditibus Ecclesiæ, consanguineos familiaresve suos augere studeant, cum & Apostolorum Canones prohibeant, ne res Ecclesiasticas, quæ DEI sunt, consanguineis donent; sed si pauperes sint, iis, ut pauperibus distribuant, eas autem non distrabant, nec dissipent illorum causâ; imò quàm maxime potest, eos sancta Synodus monet, ut omnem humanum hunc erga fratres, nepotes propinquosq; carnis affectum, unde multorum malorum in Ecclesia seminarium exstat, penitus deponant. Quæ verò de Episcopis dicta sunt, eadem non solum in quibuscunq; beneficiis Ecclesiastica tam secularia, quàm Regularia obtinentibus, pro

gra-

gradus sui conditione observari, sed & ad S R E Cardinales pertinere decerni; quorum consilio apud Sanctissimum Romanum Pontificem cum universalis Ecclesie administratio nitatur, nefas videri potest, non iis, etiam virtutum insignibus ac vivendi disciplinam eos fulgere, quae merito omnium in se oculos convertant.

In statuto quoque Regni Nostri sic habetur l. 2. tit. 1. leg. 5. *Theauri Ecclesiarum, ut integrè conserventur statuimus: ut Domini Episcopi in Civitatibus & Bonis Nostreis, una cum Capitaneis seu Tenuariis Nostreis, in Bonis verò Nobilium cum Collatoribus Inventaria argenti, seu aliarum rerum pretiosarum in Ecclesiis conscribant.*

Præfatam verò exemptionem esse de Jure Divino, sat clarè constat ex dictis -- n. III.

A S S E R T I O . III

Eadem Bona Ecclesiarum sunt immunia à legibus Civilibus, ita ut circa illa nihil in particulari disponi possit; sunt item libera à solutione, quorumvis tributorum.

§. I.

Primum Probatur iisdem rationibus & textibus Juris, quibus assertio V. Par. 1. Pa. 2. vide dicta n. 106. & seq. Et ratio est. Quia tales leges Civiles, quæ aliquid disponunt de Bonis Ecclesiarum sunt nullæ, ut pote finè jurisdictione factæ, nam sicut Civilis Magistratus, aut Princeps non habet potestatem admi-

nistrandi Bona Ecclesiastica, ita nec jurisdictionem habet ad ferendas leges, per quas disponat aliquid circa eadem Bona. Item. quia Bona Ecclesiarum, eo ipso, quod speciali titulo facta sunt Divina, & spiritualia per specialem habitudinem ad supernaturalem finem, constituta sunt extra objectum & materiam jurisdictionis temporalis.

§. 2.

218 **S**ecundum probatur iisdem Juribus, quibus Assertio 6. loco citato. Vide dicta n. 114. & sequent. Et ratio est: quia Tributum est: signum subjectionis, cum ergo nec Ecclesiæ, nec earum bona sint subiecta potestati seculari, neq; etiam Tributis secularibus subjici possunt. Item Dominus Bonorum Ecclesiasticorum, qui ipsemet est Christus Dominus, non potest esse subiectus tributis, ergo nec Bona Ecclesiarum, quæ sunt propria Christi, & veluti proprium ejus, ut Concilia loquuntur, Patrimonium possunt esse subiecta tributis. Solutio enim talium tributorum, non ab alio, nisi ab ipso Christo Domino deberet exigi; cum Ministri Ecclesiasticorum Bonorum, non sint Domini, sed non nisi administratores & dispensatores nomine Christi, cum majori vel minori plenitudine potestatis.

219 Accedit quod C. secundum Canonicam. 23 q. 8. dicitur: *Secundum Canonicam auctoritatem & constitutionem Domini Imperatoris Ludovici, de Ecclesiastico agro*

¶

Et manso, Et de mancipiis, quæ ipse suis capitulis constituit, vel si quilibet pro loco sepulture aliquid largitus Ecclesiæ fuerit, de decimis etiam Et oblationibus fidelium, nullus quemquam Presbyterorum aliquem censum persolvere cogat, nec quisquam cujuslibet ordinis, vel dignitatis exinde quidquam subtrahat, aut redhibitionem quamcunque exigat temporalem. Et C. sancitum ibid: quod idem est cum C. 1. de Censib. Sancitum est, ut unicuique Ecclesiæ unus mansus integer, absque ullo servitio attribatur, Et Presbyteri in eis constituti, non de decimis, neque de oblationibus fidelium, non de domibus, neque de atriis, vel de hortis juxta Ecclesiam positis, neque de præscripto manso, aliquod servitium faciant, præter Ecclesiasticum.

Constantius & Constans Imperatores, immunitatem Ecclesiæ dederunt his verbis (ut habetur C. In qualibet Civitate ibid.) In qualibet Civitate, in quolibet oppido, vico, Castello, municipio, quicumque voto Christianæ Religionis meritum eximie singularisque virtutis omnibus intimaverit; securitate perpetua potiat. Gaudere enim & gloriari ex fide semper volumus, scientes, magis Religionibus, quam officiis & labore corporis, vel sudore, nostram Rempublicam contineri. Gratianus quoque Valentinianus & Theodosius decreverunt dicentes: Universos, quos constiterit Custodes Ecclesiarum esse, vel Sanctorum locorum, ac religiosis obsequiis deser-

„ vire nullius attentationis molestiam sustinere de-
 „ cernimus. Imperator Justinianus. Sancimus, res ad
 „ venerabiles Ecclesias, vel xenones, vel Monasteria,
 „ vel prochotrophia, vel brephotrophia, vel orpha-
 „ notrophia, vel gerontocomia, vel denique aliud ta-
 „ le consortium descendentes ex qualicunq; curiali
 „ liberalitate, sive inter vivos sive mortis causa, sive
 „ in ultimis voluntatibus, habita, à lucrativorum in-
 „ scriptionibus liberas esse & immunes; legè scilicet
 „ quæ super hujusmodi inscriptionibus posita est, in
 „ aliis quidem personis, suum robur obtinente, in
 „ parte autem Ecclesiastica, vel aliarum domuum,
 „ quæ hujusmodi piis consortiis deputatæ sunt, suum
 „ vigorem pietatis intuitu mitigante, Cod. Theod.
 „ l. 16. tit. 2. le. 16.

221 Voces hujus legis explico. *Xenones* seu *Xenodo-*
chium, est locus venerabilis, in quo pauperes peregrini
 recipiuntur. *Prochotrophium*, est locus, ubi pauperes pa-
 scuntur. *Brephotrophium*, est locus, in quo infantes pau-
 perum aluntur. *Orphanotrophium* est locus, in quo pu-
 eri parentibus orbatī aluntur. *Gerontocomium* est locus,
 in quo senes & valetudinarii, & propter senectutem
 solam infirmi homines curantur.

Idem habetur in L. Placet. L. Jubemus L. Pri-
 vilegia C. de sacrosan: Eccles.

ASSER-

ASSERTIO IV.

Non solum novis tributis onerari non possunt, præfata Bona, verum etiam ab illis quibus onerata fuerant, priusquam ipsi Ecclesiæ acquirerentur, libera sunt.

§. I.

PROBATUR. Cap. Quia Nonnulli l. h. t. in 6. (vide²²² illud supra p. 123.) dicitur. Quibuscunq; qui jurisdictionem temporalem exercent non licere tallias vel collectas, seu exactiones quascunq; Ecclesiis imponere vel exigere ab eisdem pro domibus, prædiis, vel quibuscunq; possessionibus ab eisdem Ecclesiis legitimè hætenus acquisitis vel in posterum acquirendis. Hæc lex ex ea occasione lata est, quia Laici, volebant cogere Ecclesias, ut hæc solverent onera realia ex Bonis suis, cum talibus oneribus acquisitis, vel ea dimitterent. Jus itaq; Canonicum decrevit, non licere quascunq; collectas seu exactiones imponere vel exigere, tum de bonis acquisitis, tum acquirendis; hoc est: non licere, non solum novas exactiones bonis Ecclesiarum acquisitis vel acquirendis imponere, sed etiam non licere, exigere antiquas exactiones, quæ fuerant annexæ Bonis Ecclesiasticis, antequam ad Ecclesias pervenissent, vel quæ cum talibus oneribus realibus ab illis Ecclesiis in posterum acquirerentur.

Ex illis quoq; Christi Verbis Matth: 17 ergo²²³

libe-

liberi sunt filii, sic argui potest : Naturalis Filius Regis ita est exemptus à tributis merè Personalibus, ut etiam bona ejus immunia fiant à tributis realibus ; & quemadmodum gaudet Privilegio Naturali, ut super bona ejus jam sua non imponantur nova tributa, ita quoq; gaudet hoc privilegio, ut si de novo acquirat talia bona, quæ apud alios subditos fuerant tributaria, sub suo dominio fiant libera & immunia, Ergo multo magis Christus, & Bona ejus Ecclesiastica gaudent hoc privilegio.

224 Ratio quoq; est: Quia Tributa realia, sicut jure subjectionis imponuntur Bonis, ita eodem jure exiguntur & solvuntur. Sed Bona quæcunq; eo ipso, quia fiunt Ecclesiarum bona, desinunt esse subjecta Principi Laico, quia extra ejus jurisdictionem fiunt, incipiunt enim esse Bona Ecclesiæ seu Patrimonium Christi & ejus jurisdictionis. Sicut autem Princeps Laicus nullam habet jurisdictionem in ipsam Ecclesiam, multò magis in Christum Dominum ; ita nec in Bona ejus. Ergo eo ipso, quòd talia Bona, fiant Ecclesiæ Bona & Christi Patrimonium, fiunt exempta ab omnibus tributis, quæ in sola jurisdictione fundantur.

225 Noto si præfata Bona fuerant tributaria alicui vel ratione contractûs vg. Censualis, vel alio justitiali titulo tunc illa onera realia annexa Bonis, necessa-

rio re
clesia
jecta :
satio
Bona
ante
debet
bantu
potest
doten
Tener
Patron

Quæ
de
pe,
exemp

A N
sc
(qui
tur h
stia
comp
Prob

rio redimi vel remitti debent, ut in dictis Bonis, Ecclesia maneat libera, nec ulli Jurisdictioni Laicali subiecta: seu talia Bona debent amortisari. Amortisatio autem seu Morticinium, est facultas possidendi Bona immobilia sine onere solvendi tributa, quæ ante solvebantur. Hæc amortisatio seu dispensatio debet fieri à Principe vel à Rep: vel ab eo cui solvebantur ea tributa. Imò nec ipse Patronus Ecclesiæ potest aliquam pensionem de illis Bonis Ecclesiæ in dotem datis sibi ab Ecclesia præstandam reservare. Tenetur tamen Ecclesia in casu extremæ egestatis suo Patrono subvenire. C. Nobis de Jure Patron.

ASSERTIO V.

Quæ dicta sunt de Bonis Ecclesiarum, eadem dicenda sunt de Bonis Religiosorum Bona immobilia possidentium, nempe, quod etiam hæc sint Patrimonium Christi, & pari exemptione cum Bonis Ecclesiarum gaudeant.

§ .i.

ANtequam probem. Noto 1. Quod Religiosi non solum Non Medicantes, sed etiam Mendicantes, (qui ex Regula & constitutionibus non permittuntur habere possessiones stabiles, sed ex eleemosynis ostiarii emendicatis alimenta, & alia necessaria sibi comparare tenentur) possint habere Bona Immobilia. Probatum id Concilio Triden: sess. 25. c. 3. de Regular:

Mm

Cps.

Concedit S. Synodus, omnibus Monasteriis & Domibus tam Virorum, quam mulierum & Mendicantium, exceptis Domibus Fratrum S. Francisci Capucinorum, & eorum, qui Minorum de observantia vocantur (huc spectant Domus Professæ Soc: Jesu ex constit: Pauli III. Julii III. Gregorij XIII.) etiã quibus aut ex consuetudinibus suis erat prohiberi aut ex Privilegio Apostolico non erat concessu, ut deinceps Bonis immobilibus possidere liceat. Quodsi aliqua loca ex prædictis, quibus auctoritate Apostolica similia bona possidere permissu erat, eis spoliata sint, eadem omnia illis restituenda esse decernit. In prædictis autem Monasteriis & Domibus tam Virorum quam Mulierum, bona immobilia possidentibus, is tantum Numerus constituatur, ac in posterum conseruetur, qui vel ex redditibus propriis Monasteriorum, vel ex consuetis elemosynis commodè possit sustentari. Nec de cætero similia loca erigantur sine Episcopi, in cujus Diocesi erigenda sunt, licentia prius obtema.

217 Noto 2. Quod, quamvis Religiosi tam non Mendicantes, quam Medicantes, possideant bona immobilia in communi, nullus tamen illorum in particulari, nec superior quidem potest habere dominium & jus proprietatis in illa bona, idq; ratione Paupertatis Voto solenni Deo promissæ. Præfatorum Bonorum dominium est penes ipsum Deum, cui immediatè à Fidelibus & Fundatoribus Domorum Religiosarum donata sunt, & dicata, juxta dicta p. 163. Admini-

stra-

stratio verò eorundem Bonorum est penes ipsas Reli-
 giosas Communitates, sive earum superiores. Ita de-
 claratum est etiam à Concil. Trident. sessi: 25. c. 2.
 de Regular. Nemini Regularium tam Virorum
 quàm Fæminarum, liceat Bona immobilia vel mo-
 bilia, cujuscunq; qualitatis fuerint, etiam quovis
 modo ab eis acquisita tanquam propria, aut etiam
 Nomine Conventûs, possidere vel tenere; sed sta-
 tim ea superiori tradantur, Conventuiq; incorpo-
 rentur. Nec deinceps liceat superioribus Bona sta-
 bilia alicui Regulari concedere etiam ad usum, fru-
 ctum, vel usum, administrationem aut commen-
 dam. Administratio autem Bonorum Monasterio-
 rum seu Conventuum ad solos Officiales eorundẽ
 ad nutum superiorum amovibiles, pertineat. Mo-
 bilium vero usum, ita superiores permittant, ut
 eorum Supellex statui paupertatis, quam professi
 sunt, conveniat; nihilq; superflui in ea sit, nihil
 etiam, quod necessarium eis denegetur.

Hoc totum Clemens VIII. in Decretis suis An-
 no 1599. & 1604. editis confirmavit his verbis.

§. 2. Quò Tridentini Concilii Decreta de ²²⁸
 Paupertatis voto custodiendo fidelius observentur,
 præcipitur, ut nullus ex Fratribus, etiamsi Supe-
 rior sit, Bona immobilia vel mobilia, aut pecuni-
 am, proventus, Census, eleemosynas, sive ex Con-

„ clonibus, sive ex lectionibus aut pro Missis tam in
 „ propria Ecclesia, quàm ubicunq; celebrandis, aliq;
 „ ipsorum iusto labore & causa, & quocunq; nomi-
 „ ne acquisita, etiamsi subsidia consanguineorum aut
 „ piorum largitiones, legata aut donationes fuerint,
 „ tanquam propria, aut etiam nomine proventus pos-
 „ sidere possit, sed ea omnia statim superiori tradan-
 „ tur, & Conventui in corporentur, atq; cum ceteri-
 „ ris illius Bonis, redditibus, pecuniis ac proventibus
 „ confundantur; quo communis inde victus & ve-
 „ stitus omnibus suppeditari possit. Neq; superio-
 „ ribus, quicunq; illi sint ullo pacto liceat eisdem Fra-
 „ tribus, aut eorum alicui, Bona stabilia etiam ad usum
 „ fructum vel ad usum, administrationem aut com-
 „ mendam, etiam depositi aut custodiæ nomine con-
 „ cedere. Eorum verò, quæ ad necessitatem concessa
 „ erunt, nullus quidquam possideat, ut proprium,
 „ neq; ut proprio utatur. Qui in præmissorum ali-
 „ quo deliquerit, pænas nedum à Concilio Tridenti-
 „ no præscriptas, sed aliàs quoq; multò graviores su-
 „ periorum arbitrio imponendas incurrat. Nulla
 „ quorumcunq; superiorum dispensatio, nulla licentia
 „ quantū ad bona mobilia vel immobilia Fratres ex-
 „ cusare possit, quominus culpæ & pænæ ab ejusdē Con-
 „ cilio Decretis impositæ, & ipso facto incurrendæ obno-
 „ xii sint; etiamsi superiores asseverent hujusmodi

di-

dispo-
bus
omn
1624

res D
lum
lisq;
pend
singu
Relig
Tem
&c.
so co
priet

domi
ligen
nium
DEL
minu
appli
nium
mini
na ho
lius.

dispensationes aut licentias, concedere posse, quibus in ea re fidem minimè adhiberi volumus. Hæc omnia Urbanus VIII. sua Constitutione edita Anno 1624. quæ incipit: *Romanus Pontifex*: observari precepit.

Patet itaq; ex adductis Decretis, quòd Superiores Domorum Religiosarum non sint Domini, sed solum Administratores Bonorum immobilium, ex illisq; proventus & fructus, non ad quosvis usus, expendere possunt, præterquam in Victum & Vestitum singulorum Religiosorum, ac in necessaria tum ipsis Religiosis, tum eorum muniis exercendis, qualia sunt, Templum, Sacristia, Bibliotheca, habitatio, sartatecta &c. Item iidem Superiores non possunt ulli Religioso concedere usum alicujus rei cum dominio & proprietate ejusdem.

Adverto. Cum dicitur Bonorum immobilium²³⁰ dominium propriè esse penes Deum: non esse intelligendum, quasi Deus incipiat habere aliquod dominium illorum Bonorum, quod antea non habuit; DEI enim omnia sunt, & eorum supremus est Dominus; sed quòd illa Bona Monasteriis à Fidelibus applicata, incipiant esse sacra, Deo dicata, Patrimonium Christi, & desinant esse, in Bonis alicujus hominis, nec possint amplius dici Patrimonium & Bona hominis, ut colligitur & Instit: de rer: divis: §. Nullius. Vide dicta n. 155. & 215. His prænotatis.

PRobatur assertio Constitutione Clementis VIII.
quæ est talis.

CLEMENS PAPA VIII

²³¹ **R**eligiosæ Congregationes ab insigni Sanctitate Viris Spi-
ritus Sancti afflatis institutæ, tantas Ecclesiæ **DE**l uti-
litates omni tempore attulerunt, ut ad eas conservandas &
instaurandas Romani Pontifices Prædecessores Nostri magnam
jure optimo diligentiam semper adhibuerint, Nam cum ea sit
rerum humanarum conditio & natura, ut etiam quæ opti-
mè fundata & constituta sunt, partim hominum imbecillita-
te, & ad malum proclivitate, partim Demonis astutia pau-
latim deficient, ac nisi cura pervigili sustententur, in de-
terius prolabantur. Idcirco summorum Pontificum vigilan-
tia magnopere laboravit, ut Regularium Ordinum discipli-
na aut labefactata in pristinum restitueretur, aut salutari-
bus constitutionibus communita integra atq; incolumis perma-
neret. Quorum Nos vestigiis pro eodem Officii munere
insistere, & Pastoralem illorum sollicitudinem (quantum pos-
sumus) Divina adjutrice gratia cupimus imitari.

§. 1. Quare ne ex muneribus, quæ à pluribus Re-
ligiosæ vitæ Professoribus ex Christi Patrimonio, quibusvis ho-
minibus quavis ex causa sæpe tribuuntur, gravia incommo-
da & mala etiam boni specie existant, præcavere studen-
tes, hac nostra perpetuò valitura Constitutione universis &
fin.

singulis cujuscunq; Ordinis Mendicantium vel Non Mendicantium Bona immobilia & redditus certos ex indulto Apostolico possidentium vel non possidentium, seu cujusvis Congregationis Societatis & Instituti (non tamen Militiae) Regularibus Personis utriuslibet sexus, omnem & quamcunq; largitionem & missionem munerum penitus interdiciamus.

§. 2 sub qua prohibitionem comprehendere volumus omnia & singula Capitula, Conventus, Congregationes, tam singulorum Conventuum, Monasteriorum, Prioratum, Praepositarum, Praeceptoriarum, Domorum & locorum, quam Provincialia aut Generalia cujuslibet Provinciae sive universi Ordinis, Societatis, Instituti, eorumq; vel earum Cancerrarios, Commissarios, & quoscunq; Officiales, & singulares Personas, ipsos etiam Ordinum, Congregationum, & Societatum hujusmodi superiores, quascunq; dignitates obtinentes, etiam Generales & Provinciales, Magistros, Ministros, & quocunq; Nomine Praefectos, necnon Conventuum, Monasteriorum, Prioratum, Praepositarum, Praeceptoriarum Domorum & locorum quorumcunq; Abbates, Priores, Praepositos, Praeceptores, etiam Majores, Guardianos, Ministros, Rectores, atq; Abbatissas, Priorissas, & alio quovis titulo praesidentes tam ipsis Regularibus, quam locorum Ordinariis, seu quibusvis superioribus, subjectas, utriusq; sexus ad vitam vel ad tempus deputatos, adeo, ut nemo unquam eorum vel earum, directe vel indirecte palam vel occulte tam communi, quam particulari & proprio Nomine etiam sub quo-

quovis flatuti vel consuetudinis, seu veriùs corruptele, aut alio prætectu vel quacunq; causa, nisi in Generali Capitulo, aut alia Generali Congregatione, re maturè discussa, unanimi consensu omnium superiorumq; permissu causa approbata fuerit, quidquam tale attentare valeat.

§. 3. Id autem ita absolūtè & generatim vetitum intelligatur, ut neq; omnino fas sit quidquam donare, tam ex fructibus, redditibus, proventibus, collectis vel contributionibus, aut oblationibus, siue eleemosynis aut subsidiis certis vel incertis, Ordinariis, seu extraordinariis Mensæ seu Massæ communis, vel ejusvis fabricæ & Sacristiæ, quorum Bona communiter, ut præfertur, administrantur, seu quæ rationibus reddendis sunt obnoxia, quàm ex pecuniis etiam, quæ à singulis, quovis modo acquisitæ in commune conferendæ omnino sunt. Nec si per viam voluntariæ contributionis in commune congerantur. Nec si forsitan privatim & nominatim cuilibet, Religioso à superioribus, vel à propriis affinibus, propinquis, familiaribus, amicis aut benevolis, vel à piis Christi fidelibus, etiam eleemosynæ aut charitatis, & illius propriæ Personæ intuitu attributæ, seu quoquomodo per quemlibet Religiosum, suo Monasterio, Domui aut loco acquisitæ, eiq; ut ad libitum de eis disponat, per superiores concessæ fuerint, præterquam leviora esculenta aut poculenta, seu ad devotionem vel Religionem pertinentia munuscula, communi tantum, nunquam verò particulari Nomine (ubi superiori de consensu Conventus videbitur) tradenda. Sed

§

Et hujusmodi missiones munerum, ipsis Religiosis utriuslibet sexus, non solum per se, verum etiam per alios tam directè, quàm indirectè, prohibitas declaramus.

§. 3. Neq; verò quisspiam ab hac generali prohibitione se excusare valeat, etiamsi munera miserit cuius Personæ Laicæ, vel Ecclesiasticæ cujuscunq; statûs, gradûs, dignitatis, ordinis, vel conditionis, Et quavis non solum mundana, Et Ducalis, Regia, Imperiali, verum etiam Ecclesiastica Et Pontificali, aut alia majori, etiam S. R. E. Cardinalatus dignitate fulgenti, etiam proprio Loci Ordinario, etiam ex causa Et occasione Benedictionis vel susceptionis Habitûs Regularis, tonsuræ, aut Professionis Monialium, tam sibi subditarum, aut ipsi etiam proprio Ordinis vel Congregationis Protectori, Viceprotectori, Generali vel Provinciali, aut cujusvis Monasterii, Prioratûs, Domûs, aut cujuslibet alterius loci Regularis Superiori, aut alio quocunq; Officio, munere aut dignitate fulgenti, vel cuicunq; etiam simplici Et particulari Religioso; ita ut inter ipsos quoq; Religiosos, (ne prava ambitione impulsî pro consequendis in sua Religione gradibus Et dignitatibus, alter alterius gratiam aut benevolentiam aucupetur) quæcunq; largitio aut donatio munerum (nisi rerum minimarum de licentia expressa Et in scriptis superiorum) sit penitus interdicta.

§. 5. Insuper prohibemus ne unquam eisdem Regularibus liceat ullas pecunias, quoquomodo erogare in alicujus etiam Benefactoris, aut Protectoris, vel Ordinarii honorem,

N n

etiam

etiam occasione transitus, vel primi ingressus, aut ad beneficiorum acceptorum memoriam, gratiæ animi testificationem, seu pro prædictis Personis, quavis auctoritate vel dignitate fungentibus, honorificè, laudè, & oppiparè excipiendis, seu pro quibusvis convivis eisdem, aut cuiusvis alteri, quacumque occasione vel causa exhibendis vel pro commensationibus, aut computationibus quibusvis Personis tam ejusdem ordinis, Congregationis, Monasterii, Domus, aut loci, quam extraneis largiendis, aut pro exhibendis, spectaculis etiam intra Ecclesias, Monasteria, & Domos sacras seu pias, vel extra eas, in quibusvis publicis aut privatis, sacris aut profanis locis, etiam ubi Sanctorum & Sanctarum vita, aut res pie gestæ etiam in memoriam Passionis Dominicæ populis spectanda proponuntur, aut alias in prædictis, siue in quibusvis rebus supervacaneis ad pompam & ostentationem, aut ad oblectationem vel paucorum lucrum & privata commoda quomodolibet pertinentibus, nisi re ipsa pro divino cultu & veris Christi pauperum indigentis, servato in hoc charitatis ordine, & habita necessitatis ratione, de consilio & consensu Superiorum sublevandis, aut alias in rebus licitis & per Capitulum Generale aut Provinciale non prohibitis, vel taxam ibi forsan præscriptam non excedentibus, sumptus hujusmodi fiant.

§. 6. Declarantes tamen per hæc, laudabilem & Apostolicam doctrinam sacrisq; Canonibus commendatam hospitalitatem præsertim erga pauperes & peregrinos, nequaquam im-

minui

minui aut prohiberi. Quinimo si qui redditus ad id vel ex fundatione, vel ex institutis, statutis, aut consuetudinibus aliquorum Monasteriorum Ordinum, aut Regularium hujusmodi locorum, aut ex testatorum vel donantium voluntatibus, siue aliàs applicati aut donati sunt, eos omnino, ut decet, integrè in usus pios hospitalitatis hujusmodi erogandos esse, & præsertim in Monasteriis, seu locis desertis & à Laicorum adibus longiùs remotis, ubi tamen pauperum & verè egenorum ratio imprimis habeatur. Si quos verò ditiores occasione transitus, siue aliàs ex devotionis aut necessitatis causa eo diuertere contigerit, eos sanè deceret Refectorio communi cum Religiosis, mensaq; & ferculis communibus, nequaquam à cæteris distinctis contentos esse. Verùm omnino ipsi Regulares in hospitibus, hujusmodi potentioribus excipiendis ita segerant, ut in eis frugalitas & paupertas Religiosa prorsus eluceat.

§. 7. Pari etiam ratione distinctè inhibemus, ne quispiam ex prædictis Laicus aliàs, quàm ut superiùs dictum est, vel Clericus Secularis vel Regularis, quocunq; honore, præeminentia, nobilitate aut excellentia etiam S. R. E. Cardinalatus dignitate præditus, etiam Protector, Vice-Protector, Loci Ordinarius, Prælatus, Generalis, Provincialis, aut Monasterii, Domus, vel loci cujuslibet superior, eorumve affines, propinqui, familiares, aut Ministri, utriusq; sexus, quidquam contra hanc superiùs expressam prohibitionem recipiant. Quodsi vel ab aliquo particulari Religioso, vel à Su-

periore quopiam Generali, Provinciali, aut alio quocumq; Officio fungente, aut à Conventu, Capitulo vel Congregatione, siue ab universo Ordine & Religione quidquam receperint, id quod acceperint, suum non faciant; verum ipso facto, absq; aliqua monitione Iudicis Decreto, sententia, aut declaratione ad illius restitutionem omnino in utroq; foro teneantur; adeo, ut restitutione ipsa realiter non facta, neq; etiam in foro conscientie absolvi possint. Hanc autem restitutionem fieri volumus non privatim ei Religioso, qui donavit, sed ei Monasterio, Domui, vel alteri loco, de cuius bonis facta est largitio; vel si non de eis Bonis donatum est, in quo idem Religiosus donans professionem emisit, vel si nomine totius Capituli, Conventus aut Congregationis vel universi Ordinis seu Religionis donatio facta exstiterit, pariter communi mensæ aut Massæ cuius nomine donatum fuerit, accepta munera restituantur, ita, ut nec qui donavit, nec Conventus, Capitulum, Congregatio, Ordo aut Religio, cui restitutio facienda est, illam remittere, & iterum condonare, aut recipientem ab obligatione restituendi eximere, vel ut in pauperes eroget, concedere quoquomodo possit.

§. 8. Quodsi quis ex supra dictis Regularibus utriuslibet sexus, cujuscumq; gradus, Ordinis dignitatis ac ubilibet locorum existentibus conjunctim cum cæteris seu divisim Nostrarum hujusmodi prohibitionum, statutorum, Ordinationum, jussionum, Decretorum, mandatorum, transgressor fuerit; statuimus, ut omnibus & singulis per eum obientis digni.

gnitatibus gradibus, muneribus & Officiis, eo ipso privatus, ac ad illa & alia similia vel dissimilia in futurum obtinenda, inhabilis perpetuo & incapax, ac perpetua infamia & ignominia notatus existat. Et præterea privationem vocis activæ & passivæ, absq; ullo superioris decreto aut ministerio ipso facto incurrat; necnon ultra hujusmodi pœnas etiã tanquam contra furti & simonia criminum reum, tam per diam denuntiationis, accusationis, aut querelæ, quàm etiã ex officio procedi & inquire, condignisq; suppliciis affici debeat. Pœnis aliis à Jure statutis, ac per alias constitutiones Apostolicas, aut propria cujusvis Ordinis, Congregationis, Monasterii, Domus aut loci statuta vel consuetudines contra Personas aliquid præmissorum committentes, forsan decretis & inflictis, nihilominus in suo robore permansuris.

§. 9. Quocirca universis & singulis modernis & pro tempore existentibus Locorum Ordinariis, eorumq; Ordinum, Prioratum Monasteriorum & Domorum Superioribus, etiã Generalibus seu Provincialibus, cæterisq; ad quos spectat, per Apostolica scripta mandamus, quatenus ipsi & eorum singuli, quantum ad eos pertinet, curent omni studio, diligentia, auctoritate, & Vigilantia præsentem Constitutionem firmiter & inviolatè observari, & contra inobedientes, vel transgressores condignis pœnis animadverti; eosdem inobedientes, necnon contradictores quoslibet & rebelles per opportuna juris & facti remedia, appellatione postposita, compescendo, invocato etiã ad hoc, si opus fuerit auxilio brachii secularis.

§. 10. Non obstantibus constitutionibus & Ordinatio-
nibus &c. &c. Nulli ergo omnino hominum liceat hanc pa-
ginam Nostrorum Interdicti, prohibitionis, declarationis, in-
hibitionis, statuti, mandati, sublationis, abrogationis, & vo-
luntatis infringere, vel ei ausu temerario contraire, Si quis
autem hoc attentare, præsumpserit, indignationem Omnipoten-
tis DEI ac BB. Petri & Pauli Apost: ejus, se noverit
incursum. Datum Romæ in Monte Quirinali Anno In-
carnationis Dominicæ M.D.XCIV. XIII. Kal Julii Pon-
tific: Nostri Anno tertio.

§. 3.

²³² Noto Quòd temporibus Urbani Papæ VIII. ex oc-
casione præfatæ Constitutionis Clementis VIII.
exorta fuerant aliqua dubia, ac sanctissimo ad reso-
lutionem proposita, super quibus, ab eodem talis e-
manavit decisio perpetuis temporibus observanda.

URBANUS PAPA VIII.

Ad perpetuam rei memoriam.

Nuper à Congregatione nonnullorum Romanæ Cu-
riæ Prælatorum, coram Dilecto Filio Nostro An-
tonio Tituli S. Petri ad Vincula Presbytero Car-
dinali S. Onuphrij nuncupato, Majori Pænitentia-
rio, ac Nostro in Alma Urbe Provicario in spiritua-
libus Generali, & Nostro secundum carnem Fratre
Germano à Nobis deputata emanavit declaratio te-
noris

noris subsequenti; videlicet. Cum circa interpre-
 tationem Constitutionis fel: recor: Clementis VIII.
 sub data XIII. Kalen: Julii Pontificatus sui Anno
 III. de largitione munerum Regularibus utriusq;
 sexus interdicta, nonnullæ difficultates & ambigui-
 tates sint exortæ; Congregatio specialiter à Sanctis-
 simo D. N. Urbano Divinâ Providentiâ Papa VIII.
 coram Eminentissimo Cardinali S. Onuphrii Ma-
 jori Pænitentiario ac Urbis Provicario deputata,
 auctoritate sibi attributa declaravit, & declarat,
 munera à Religionis utriusq; sexûs tribui posse ex
 causis gratitudinis, conciliationis Benevolentia,
 eiusq; conservationis, erga ipsam Religionem vel
 Conventum, aliisve causis ex sui natura actum vir-
 tutis & meriti continentibus modestè tamen, ac
 discretè, & dummodo id non fiat, nisi de superio-
 rum localium, licentia, ac etiam cum consensu ma-
 joris partis Conventus, si talis consensus de Jure,
 vel ex Constitutionibus seu Consuetudinibus cujusq;
 Religionis respectivè, in hujusmodi casibus requi-
 ratur Consensum verò Conventus in §. 3. ejusdem
 Constitutionis ad leviora esculenta aut poculenta,
 seu ad devotionem & religiositatem pertinentia
 munuscula largienda &c requisitum, intelligi de-
 bere de consensu aliàs de Jure requisito, & ubi con-
 currit ambitionis suspicio, qua cessante, nec in his
 requi-

requiri licentiam superiorum in scriptis in §. 4. e.
 „ iusdem Bullæ requisitam, sed sufficere licentiam e-
 „ tiam oretenus eisdem concessam, declarat. Comes-
 „ sationes autem computationes & convivias in exci-
 „ piendis, præsertim Benefactoribus, Protectoribus,
 „ vel Ordinariis honorificè & laute, de quibus in §.
 „ 5. & 6. ejusdem Constit: censi tantummodo pro-
 „ hibita, si decentiæ statûs Regularis adversentur.
 „ Restitutionem verò receptorum Conventibus faci-
 „ endam, de qua in §. 7. ibidem cautum est, intel-
 „ ligi debere de Conventibus, ad quos data, donata,
 „ seu missa de jure pertinent, si id commodè fieri po-
 „ test, aliàs Conventui ejusdem Religionis viciniore
 „ loco, ubi petita fuit absolutio, restituantur. Insu-
 „ per eadem facultate sibi tributa, omnes, qui
 „ hucusq; adversus supra dictæ Constitutionis Capi-
 „ tula hic moderata largiti fuerunt, vel receperunt,
 „ à pænis quibuscunq; in eadem Constitutione infli-
 „ ctis & incursis, posse & debere à propriis Confes-
 „ sariis absolvi in foro Conscientiæ, etiam non facta
 „ prius hujusmodi rerum donatarum, seu datarum
 „ restitutione. Quo ad eos verò, qui præter modum
 „ prædictum graviore Religionis detrimento, largien-
 „ do vel recipiendo, transgressi sunt, sed ob inopiam
 „ restituere nequeunt, eadem Sanctitas, concedit Ma-
 „ jori Pæniteniario, ut de præteritis usq; ad diem
 datæ

datæ præsentium in foro conscientia absolvat, di-
 spenset, & condonet, seu absolvi dispensari & con-
 donari mandet, prout in Domino magis expedire
 judicaverit. Et ne prædictæ Clementis VIII Con-
 stitutionis memoria dilabatur, superiores Locales
 cujuscunq; Monasterii, Conventus, Domus, ac Col-
 legii Regularis, sub pæna privationis Officii, vo-
 cisq; activæ & passivæ ipso jure incurren: efficere
 tenentur, ut in perpetuum singulis annis mense Ja-
 nuario, non solum prædicta Constitutio (quam in
 reliquis ejus partibus eadem sanctitas omnino ob-
 servari jubet, & quatenus opus sit, innovat, quem-
 cunq; præensum non usum, aut præensum usum,
 seu præensam consuetudinem damnando & irritan-
 do) verum etiam hoc Decretum in aliqua publica
 Congregation, vel saltē in publica mensa perlegantur.
 Omnibus tã Ecclesiasticis Personis etiam Regularibus,
 quàm Laicis, cujuscunq; sint Ordinis, Conditionis
 gradus, ac dignitatis, etiam speciali notâ dignis &
 qui sub generali dispositione, non comprehedentur
 prædictam Clementis Constitutionem contra præ-
 sentis Decreti tenorem declarandi, vel interpretan-
 di facultate penitus interdicta, super quibus Sanctis-
 simus mandavit expediri Breve. Datum Romæ
 die 15. Septembr: 1640. Quapropter ut præmissa

Qo fir

firmius subsistant, & inviolabiliter observentur,
quantum cum Domino possumus, providere volen-
tes, motu proprio, & ex certa scientia ac matura
deliberatione Nostri deq; Apostolicæ potestatis ple-
nitudine, declarationem præinsertam cum omnibus
& singulis in ea contentis renore præsentium per-
petuo confirmamus, & approbamus, illisq; inviola-
bilis Apostolicæ firmitatis robur adjicimus, ac om-
nes & singulos tam juris, quàm facti defectus, si
qui desuper quomodolibet intervenerit, suplemus,
inviolabiliter ab omnibus, ad quos spectat, & spe-
ctabit in futurum, observari, sicq; & non aliter in
præmissis per quoscunq; Judices Ordinarios & De-
legatos etiam Causarum Palatii Apostolici Audito-
res, ac S.R.E. Cardinales, etiam de Latere Legatos,
& quosvis alios quacunq; autoritate fungentes, sub-
lata eis & eorum cuilibet quavis aliter judicandi &
diffidendi debere, ac irritum & inane, si secus super
his à quoquam quavis autoritate scienter vel igno-
ranter, contigerit attentari decernimus, Non ob-
stantibus quo ad ea, quæ declarationi prædictæ &
præsentibus sunt contraria vel diversa Constitutio-
ne fel. recor. Clementis Papæ VIII. prædecessoris
nostri prædicti, omnibus illis, quæ idem Clemens
in Constitutione hujusmodi voluit non ob stare, cæ-
terisq; contrariis quibuscunq;. Datum Romæ 2^æ

pud

pud
ris.
tus

EX
fi.
vis
inva
sum
do,
mitt

to n
sic d
dere
rà P
stitu
riri
Præ
stra
fieri
Inte
don
isde
niti

pud Sanctam Mariam Majorem sub annulo Piscato-
ris. Die XVI. Octobris. M.D.C.XXXX, Pontifica-
tus Nostri Anno VIII.

§. 4.

EX adductis Constitutionibus Patet 1. Quòd Bona²³³
Immobilia Religiosorum sint Patrimonium Chri-
sti. Proinde juxta dicta n. 223. sunt libera à quibus-
vis oneribus & Contributionibus. Hinc si quis illa
invadat, sequestret. devastet. vel aliquid illis injurio-
sum inferat, sibi ea usurpando, vel alteri adjudican-
do, ipsi Christo injuriam facit, ac sacrilegium com-
mittit, Censurasq; incurrit cum onere restitutionis.

Confirmatur id Concilio Lateranen: supra cita-²³⁴
to n. 214. de fructibus Monasteriorum & Ecclesiarum
sic dicente: Et si sequestrati fuerint, occupativè aut
detenti, integrè liberèq; ac sinè exceptione vel mo-
rà Prælati, ad quos de jure legitimèq; spectant re-
stituuntur; de quibus, si dissipati nunquam repe-
riri possint, eorum justa æstimatione facta, dictis
Prælati satisfieri volumus per eos, qui dictas seque-
strationes, applicationes, dissipationesq; fecerint, aut
fieri mandaverint, sub pæna excommunicationis, aut
Interdicti Ecclesiastici tallum Principum terris &
dominio eo ipso incurrendis. Et ut eorum ac e-
isdem subjectorum Bona ubicunq; reperta, si mo-
nitis parere noluerint, capi & retineri possint. Ipsi

verò contra facientes, tam supra dictis pænis, quàm
 „ privationis feudorum & privilegiorum quæ à Nobis
 „ & Romana vel aliis Ecclesiis, nunc è pro tempo-
 „ re obtinuerint, & aliis contra Violatores & oppres-
 „ sores libertatis Ecclesiasticæ etiam per extravagani-
 „ tes & aliàs constitutiones, etiam incognitas, & for-
 „ san in usu non existentes, impositis, quarum omni-
 „ um tenores pro expressis & insertis habentes, in-
 „ novamus, ac perpetuum firmatis robur habere de-
 „ cernimus, & declaramus, ac secundum eas per quos-
 „ cunq; Judices, etiam S.R.E. Cardinales, sublatâ &
 „ ademptâ eis aliter judicandi declarandiq; potestate,
 „ sententiari, judicari, & interpretari debere volumus
 „ atq; mandamus.

235 Patet. 2. Quod si nullus Religiosus etiam Præ-
 latus potest facere largitiones & donationes gratuitas
 ex proventibus & fructibus Monasterii, quas si faciat,
 incurrat pænas in Constitutione statutas, ac contra e-
 um tanquam Criminis furri & Simonix reum pro-
 cedendum est, multo magis fructus & proventus Mo-
 nasterii non potest expendere in Contributiones ini-
 quas.

236 Patet. 3. Si accipientes à præfatis Religiosis lar-
 gitiones & donationes, non fiunt domini datarum si-
 bi rerum, & tenentur eas restituere, à fortiori dicen-
 dum est, quod per vim extorquentes aliquas ex iisdem

Bonis

Bonis Contributiones, vel ad eas præstandas, inducētes obligationes, nullum in illas acquirant Dominium, ac obligentur ad restitutionem, Censurisq; Ecclesiasticis juxta dicta, innodentur.

§. 5.

CONFIRMANTUR dicta. 1. Cum Fundatores Domorum Religiosarum ex sua pietate & liberalitate in Deum fundant aliquos Religiosos vel Moniales, id præstant non intuitu Personarum humanarum, sed solius DEI, ab eo mercedem uberrimam sperantes ex promissione Christi: *Quamdiu fecistis uni de his Fratribus meis minimis, mihi fecistis. Matth. 25. Da pauperibus, & habebis thesaurum in celo Ibid: c. 19. Dant Deo temporalia, ut ab eo æterna recipiant; dant terram, ut accipiant celum; dant fundos, ut illos commutent in Regnum æternum duraturum. Privant se bonis temporalibus, ut mereantur audire in tremendo illo totius Mundi Judicio, Venite benedicti Patris mei possidete paratum vobis Regnum &c.* Ergo Bona immobilia Religiosis Cænobiis à Fundatoribus applicata, DEI sunt. Item si nunc resurgerent iidem Fundatores, & quæreretur ex illis: qua intentione Vos vestra Bona immobilia Monasteriis incorporastis? Deumne vel quem hominum illorum instituitis hæredem? Hominibus ne illa vel DEO donastis? quid putamus ad hæc responderent? quid nos ipsimet in simili casu responderemus?

Religiosi Mendicantes, qui nullas habent possessiones, sed ex puris eleemosynis vivunt, non tenentur quidquam ex iisdem eleemosynis contribuere in communem Laicorum usum; impiusq; esset, qui ab illis id exigeret in contributionem, quod eis titulo eleemosynæ in solam sustentationem à suis Benefactoribus datum est. Ergo idem dicendum est de Religiosis Mendicantibus possessiones stabiles habentibus. Consequentiam antequam probem.

Sciendum est 1. Quòd Religiosi Mendicantes possidentes Bona stabilia, æquè sint Mendicantes, & vi Regulæ teneantur ex eleemosynis vivere, atq; illi qui Bona non possident, sed ex puris eleemosynis sustentantur. Hæc unica inter illos est differentia, (præcisè aliis de jure) quòd Mendicantibus non possidentibus Bona Benefactores sui in singulos dies, intuitu pauperis Christi, provideant victum, & eorum necessitatibus ac indigentis, toties, quoties, necesse est, subveniant; Mendicantibus verò Bona immobilia possidentibus, Benefactores & Fundatores sui, semel pro semper stabilem & perpetuam pariter intuitu pauperis Christi in singulos annos ex Bonis immobilibus percipiendam in proventibus & fructibus providerunt eleemosynam, ut sic provisi, non medicando ostiatim (ut tenentur, ex Regula, vel vi Voti) commodius suis Religiosis vacent muniis & obsequio ani-

marum

marum. Proinde redditus & proventus ex Bonis, quæ permittente Concilio Triden: supra citato n. 227. possident, sunt pura eleemosyna stabilis & perpetua, quæ non in alios usus, preterquam in sustentationem & necessaria præfatorum Mendicantium expendi debet.

Sciendum 2. Quod lege Ecclesiasticâ cautum sit, ne plures Personæ ad Monasteria suscipiantur, quàm ex proventibus & eleemosynis alii possint. Præter Concilium Triden: supra citatum n. 228. Concilium Moguntinum sub Leone III. celebratum, sic habet: *Non amplius suscipiantur in Monasterio Monachorum, aut Clericorum, seu etiam puellarum, quàm quot se regere de Bonis Ecclesiæ absq; penuria possint.* Constitutio Bonifacii VIII. c. unic. §. *sanè de stat. Regular: in 6.* sic habet: *Inhibemus, ne in Monasteriis Ordinum non Mendicantium aliqua recipiantur, de cætero in sorores, nisi quot poterunt de ipsorum Monasteriorum Bonis, sive proventibus absq; penuria sustentari. si secus actum fuerit, irritum decernentes.* Hæc eadem S. Pius V. in Constit: quæ incipit: *Circa pastoralis Officii* confirmavit, dicens: *Et ne propter Monialium numerum excessivum, clausuræ observatio violetur, inhærentes similiter, Constitutioni Bonifacii VIII. & Concilii Tridentini, Monialibus, & earum superioribus, & Ordinariis districtè inhibendo, præcipimus & mandamus, ne plures in earum Monasteriis recipiant & admit-*
tant,

tant, siue recipi & admitti permittant, quam ex propriis redditibus ipsorum Monasteriorum, vel consuetis eleemosynis, commode sustentari possint. Hinc si aliqua Domus Religiosa, maiores habeat ex suis Bonis proventus, plures etiam Personas tenetur alere. Proinde nullum Monasterium plus habet proventuum, quàm ad sustentationem Personarum & necessaria requiratur.

24ⁱ His positis probatur consequentia n. 239. posita si Mendicantes possidentes Bona, æquè vivunt ex eleemosyna, atq; non possidentes Bona immobilia, item si Mendicantes possidentes Bona non plus habent ad sustentationem sui, atq; non possidentes Bona; item si Mendicantium possidentium Bona, fructus & proventus percepti ex iisdem Bonis sunt pura eleemosyna, atq; mendicantium non possidentium Bona, tunc si posteriores Religiosi nempe mendicantes non possidentes Bona, liberi sunt à Contributionibus, nec priores Religiosi nempe possidentes Bona ad illas faciendas cogi possunt. Item si posterioribus surripere eleemosynam est iniquum & impium, etiam prioribus surripere fructus & proventus erit contra iustitiã cū contra iustitiã sit eleemosynam decimari Nihil autem refert ad rationem Pauperis, siue ille eleemosynam vg florenorum 100. comparet à singulis Benefactoribus, per partes emendicando, siue ex arario alicujus divitis eleemosynis

synis destinato, simul florenos 100. accipiendo. Dicta extende ad Religiosos non Mendicantes; nam etiam horum Bona sunt Patrimonium Christi, nec illorum dominium habent vi voti solennis Paupertatis, sed solam administrationem.

§. 6.

Illustrantur dicta. Si is, qui pauperi provisam pro²⁴² una die surripuit eleemosynam, iniquè egisse censendus est, multò magis iniquus dicendus erit, qui eidem provisam pro integro anno eripuit eleemosynam. Nam cui unius diei ablata est sustentatio, is si ea die fame confectus fuerit, sequenti die facili negotio talem Benefactorem inveniet, qui misericordiâ motus, ejus esurie subveniat, ille verò, cui totius anni, sublata sustentatio, non facilè talem habebit Benefactorem, qui totius anni provisionem sua liberalitate refarciat, præcipuè si de uno paupere hæc sit apud omnes opinio, quòd nihil possidendo purâ eleemosynâ sustentetur, de altero verò, sint sic sibi persuasi homines, quòd possidendo Bona, omnium rerum habeat abundantiam. Quamobrem illi Religiosi Mendicantes, qui Bona immobilia possident, & ex illis contributiones solvunt, minùs cæteris ex sola eleemosyna viventibus habent; & sunt indigentiores, quia eleemosynam suam, vix suæ sustentationi sufficientem, etiam in contributiones partiuntur. Exemplo res pateat. Sin-

duo pauperes, æquali provisi eleemosynâ vg. uterq;
habeat si: 100. in hoc casu, unus altero non est di-
tior. Quodsi uni illorum ab aliqua potestate coacti-
va, vel à latronibus in via, in toto vel in parte au-
feratur eleemosyna, alterius eleemosynâ in integro
permanente, quis neget hunc præ priori esse ditio-
rem? Pariter de Religiosis Bona immobilia eleemosynæ ti-
tulô possidentibus, & ex illis contributiones solventi-
bus, ac de non possidentibus, nec de sua eleemosyna
quidquam contribuentibus, dicendum est. Ne itaq;
quisquam miretur Monasteria Religiosorum bene fun-
data, ære alieno gravata esse, & ad eam devenisse e-
gestatem, ut ex redditibus Bonorum suorum vix sus-
tentationem necessariam Personis providere valeant:
superiores enim Locales intenti, ut Fundatorum vo-
luntati satisfiat, ut obeantur muniô & obsequia ani-
marum, pro quibus facta fundatio, plures admittunt
ad Monasteria, quàm ex redditibus commodè susten-
tari possint; quod nisi fieret, & Monasteria suffici-
enti Religiosorum destituta numerô, corruerent, &
Ministeriis ex suo religioso instituto debitis, non sa-
tisfieret. Cum verò tot alendis Personis, & expensis in
Contributiones faciendis proventus Bonorum Monaste-
rij non sufficiant, iidem superiores coguntur magna
contrahere debita, quibus exsolvendis nunquam pa-
res erunt, nisi extra ordinarijs adjuti fuerint eleemo-
syna.

Iure quoq; Civili, dicta confirmantur. L. 1. ff. de ad-
 min: rer: ad Civit: pertin: sic habetur: *Quod ad cer-*
tam speciem Civitati relinquitur, in alios usus convertere,
non licet. Ergo pariter, quod relinquitur Domiciliis
 Religiosis in sustentationem Religiosarum Personarum,
 in Ornatum Ecclesiæ, in conducenda sacrificia pro de-
 functis &c. id in alios usus, nempe in solvendas Lai-
 cis Contributiones, & similia onera convertere non li-
 cet. Item L. Legatum 16. ff. de usu & usu fr: leg:
Legatum (fundi) Civitati relictum, ut ex redditibus quot
annis in ea Civitate, memoria defuncti conservanda gra-
tia spectaculum celebretur, quod illic celebrari non licet.
 Quæro, quid de Legato existimes? Modestinus respondit:
 Cum testator spectaculum edi voluerit in Civitate, sed tale,
 quod ibi celebrari non licet, iniquam esse, hanc quantitatem,
 quam in spectaculum defunctus destinaverit, lucro hæredum
 cedere. Igitur adhibitis hæredibus, & primoribus Civitatis,
 dispiciendum esse, in quam rem converti debeat fidei com-
 missum, ut memoria testatoris alio, & licito genere celebretur.
 Ex quo sic arguo: Legatum fundum relictum & fru-
 ctus ex illo expendendos in opus illicitum, Resp: Hæ-
 redes & successores non possunt sibi usurpare, nec ex
 illis lucrum habere, sed id totum debet converti in
 aliud opus licitum, per quod memoria testatoris ce-
 lebretur. Ergo à fortiori, legatum fundum & fructus

ex illo percipiendos ac expendendos in opus licitum ac pium, vg in Missas, &c. ut ita memoria Testatoris celebretur, Resp: Hæredes, & successores non possunt sibi usurpare, & in suos usus convertere.

§. 8.

244 **V**ideant itaq; illi qui Inscriptiones piis locis factas, Testamenta & Legata ad pias causas, suis Decretis cassant, vel Censuræ Ecclesiasticas, ad minorem redigunt quantitatem, utrùm rectè id agant, & liberi sint in conscientia coram Deo ab onere restitutionis? Imò quærendum est, unde ea illis, quæ sibi usurpant, in Res Deo dicatas, jus, dominium, potestas? Utinam meminissent horrendæ illius in Anania & Saphira (de qua Actor: 5.) divinæ vindictæ, quibus liberum erat, vel totum, vel partem, vel nihil de substantia sua dedicasse Deo; totum consecrârunt. Et quia ex consecratis à se sponte Deo, aliquid sibi reservârunt; subitanea morte, in pœnam tanti sacrilegij extincti sunt. Hi de eo, quod in ante suum fuerat, Deo subtraxerunt, & tamen Vindicem DEUM sibi factæ injuriæ experti sunt; quæ itaq; illos divina manet ultio, qui non de suis sed de alienis DEO consecratis, vel in toto, vel in parte detrahunt, sibiq; vel aliis contra omne Jus appropriant? Si, ille, qui de proprio semel Deo obtulit, revocare non potest; qua potestate illi, qui nihil in id contulerunt, Deo

obla-

oblata de alieno, revocare præsumunt? Donationes inter vivos, jure humano sunt irrevocabiles; Donationes vero Deo factæ, quæ authoritate & jurisdictione per Decreta cassativa piorum Legatorum revocantur? Vide dicta n. 154. & sequent.

Noto i. Inter Testamenta Privilegiata recense-
tur Testamentum in pias Causas, quod censetur tunc esse, quando hæres est pia Causa, aut quando substitutionis viâ, hæreditas devenit ad pias causas, Vil. lalob. in sum: tom: 2. tract: 30. diff: 4 n. 2. &c. Nominine verò piæ Causæ intelligitur, quidquid pro anima sua relictum est, imo. Ecclesiæ vel Monasterio, vel uni cuiuspiam Monacho intuitu pietatis, non verò contemplatione sanguinitatis vel amicitia. Bald. in l. 1. Ver: Circa personam Cod. de sacros. Eccl: 2do. Hospitali. Bald: consil: 5. lib. 3. 3tio. Fraternitatibus. Panor: consil, 31. Veri venio ad secundum l. 1. 4to. Pauperibus cujuscunq; statûs. Gloss. Bart. Bald. & Castren: in l. Illud. C. de sacros Eccl. 5to. Viduis & alijs Misere-
bilibus Personis. Specul: in tit: de instrum: edit: §. nunc verò aliqua. V. & scias, quod. 6to. Pupillis vel Orphanis, si tamen sint pauperes. l. 1. Cod. quando Imperator inter pupil. & Vid. Gloss. in c. omnis ætas. 7mo. Relictum cuiusvis pro Anima: Bart: Bald. in l. C. de sacros. Eccl. 8vo. Pro redemptione Captivorum. Id: 9no. Relictum causa alimentorum, modo relinquatur pau-

peribus, aut iis, qui famem patiuntur. Bart: in l. a.
lio. fl. de alim. & ciba. legat: &c. Testamentum itaq;
in pias Causas ita privilegiatum est, ut ad Validita-
tem ejus non requirantur eæ solennitates, quæ de Ju-
re Civili aliorum testamentorum ordinationem requi-
runtur. C. Cam esse. & C. Relatum: extra: de testam.
Hinc duo testes Jure Gentium requisiti non ad vali-
ditatem testamenti, in foro conscientiæ sunt necessa-
rij (cùm eos Jus Canonicum non requirat) sed ut
possit probari in foro externo, ad ferendam pro ea
Judicis sententiam. Proinde Testamentum ad pias
causas, manu Testatoris scriptum valet etiam sine Te-
stibus; dummodo constet, quòd scriptura sit facta ma-
nu defuncti. Joan: de Imol: in l. si quis cum testa-
mentum n. 5. & 6. fl. de testam. & alii imò etiam si
solum manu; Testatoris sit subscriptum. Tiraq. de pia
cau. priv. 4.

246 Noto 2. Exstant aliquæ Leges Civiles, circa ulti-
mas Voluntates, quæ permittunt totam substantiam
relinqui pauperibus, seu in pias causas L. 49. Cod.
de Episc: Si quis ad declinandum Legem Falcidiam, cum
desiderat totam suam substantiam pro redemptione Captivo-
rum relinquere, eos ipsos Captivos scripserit Heredes, ne
videatur quasi incertis Personis Heredibus institutis, judi-
cium suum oppugnandum reliquisse, sancimus, ejusmodi &
talem Institutionem pietatis intuitu, valere, & non esse re-
spuam.

spuendam. Sed etsi Pauperes quidem scripserit Hæredes, & non inveniatur certum Prochotrophium, vel certæ Ecclesiæ Pauperes, de quibus testator cogitauerit, sed sub incerto vocabulo pauperes fuerint Hæredes instituti, simili modo & huiusmodi Institutionem valere decernimus etc. Nōmine Legis Falcidiæ, intelligitur Lex lata à Falcidio Tribuno, qua cavetur, ne plus legare liceat, quàm Dodrantem, seu tres partes Bonorū, ut 4ta pars maneat Hæredi, post soluta debita, expensas funeris, ac mercedem funerum. Per Legem ergo Falcidiam Hæres potest detrahere à legatis vel donationibus, mortis causa factis, partem Bonorum, quousq; impleat suam Legitimam, per illa legata vel donationes imminutam, si sit Hæres Necessarius; quales sunt in linea recta descendentes; aut quousq; separet 4tam partem Bonorum, si sit Hæres, cui nulla debetur Legitima. Hæc Lex Falcidia etiam jure Canonico non habet locum in reliquis ad pias causas, ut statuit Benedict: XI. in extra vag. Inter cunctas 1. de privilegiis Relicta pauperibus, non patiuntur Falcidiam. Item l. 24. Cod de Episc: Id quod pauperibus testamento, vel codicillo relinquitur, non ut incertis Personis relictum, evanescat, sed omnibus modis ratum firmumq; consistat. Ibid. L. 28. Nulli licere decernimus, siue testamento Hæres sit institutus, siue ab intestato succedat siue fidei Commissarius, vel legatarius inveniatur, dispositionis pii Testatoris, vel imper-

bamente violare, asserendo, incertum esse legatum; vel fidei commissum, quod redemptioni captivorum relinquitur, sed modis omnibus exactum pro voluntate restatoris piæ rei negotio proficere.

247 Noto 3. Quod pia legata sint extra limites jurisdictionis Laicalis, ut asserit Bonac: de Contract: disp: 3. q. 18. p. 1. §. 10. n. 1. Hinc Judex Laicus non potest se intromittere in causis Ecclesiasticis vel Ecclesiasticorum sub pæna Excommunicationis latæ in Bulla Coenæ Domini. Idem in Bull. Cæn: 13. d. 1. q. 15. p. 4. §. 1. n. 5. & plurimi alij. C. Tua de testamen: Cum igitur in omnibus piis Voluntatibus sit per locorum, Episcopos providendum, ut secundum defuncti voluntatem universa procedant, &c. Clement: Quia contingit: de Relig: domi: dicitur: Cum ea, quæ ad certum usum sunt destinata fidelium, ad illum debeant, non ad alium (salva sedis Apostolicæ auctoritate) converti &c. Quam Constitutionem Concilium Tridentinum sess: 7. de Refor: c. 15. innovat, ejusq; executionem Locorum Ordinariis commendat. Idem habetur sess. 25. c. 8. de Refor: . . . Hunc spectant dicta n. 26. & sequent.



E
C
I. C
lunta
tenti
tenta
II. S
bene
Chri
tuus
tulit
III.
non
ribus



CONCLUSIONES

ACADEMICÆ

Ex Tractatu de Gratia Christi.

I. **G**ratia sufficiens in sensu Ecclesiæ est, quæ effectu, ad quem datur, caret, ex culpa voluntatis, ad eum tamen ponendum dat veram potentiam, etiam relativè ad præsentem difficultatem, tentationem, ac motum concupiscentiæ.

II. **S**upposito etiam peccato Originali DEUS verè ac sincerè vult voluntate antecedente beneplaciti omnes & singulos homines salvare & Christus Dominus pro omnibus & singulis mortuus est; ac Sangvinis sui pretium pro omnibus obtulit DEO Patri.

III. **P**eccatoribus etiam excæcatis & obduratis, datur Gratia sufficiens ad Conversionem, non Omnibus tamen momentis, sed certis temporibus.

Ex Tractatu de Sacramentis.

)a(

I Ad

I. **A**D veritatem & integritatem substantialem SACRAMENTI, necessaria est interna Ministri intentio, qua velit non fingere ac simulare, sed verè ac seriò facere simpliciter ac generatim saltem id, quod facit Ecclesia.

I. **I**N Nova Lege existunt Septem Sacramenta, nec plura, nec pauciora.

III. **A**D valorem Sacramenti non requiritur in Ministro probitas sive Sanctitas vitæ.

Ex THEOLOGIA MORALI.

I. **L**Ex est præceptum commune justum & stabile ad bonum publicum à Superiore sancitum & promulgatum.

II. **Q**Uando lex sufficienter est promulgata non solum obligat eos, quibus innotuit, sed etiam eos, qui eam ignorant, & tenentur scire.

III. **E**T si Lex naturalis mutari possit per additionem, in se tamen immutabilis est ita, ut nec abrogari possit, nec desinat obligare.

Ex Controversa.

I. **E**Ucharistia est Sacramentum Novæ Legis à Christo institutum ad cælestem animarum nostrarum alimoniam, in quo Corpus, & Sangvis ejus verè realiter ac substantialiter continentur.

II. **E**St reliquis Sacramentis longè perfectius & excellentius.

III. **N**on est in re necessarium necessitate mediæ ad Salutem.

Ex

Ex jure Canonico.

I. **I**mmunitas, Ecclesiastica est privilegium sive jus, quo res vel Persona Ecclesiastica eximuntur ab oneribus quibusdam aliis reb9 vel Personis communibus.

II. **H**æc immunitas est triplex, localis, realis, Personalis.

III. **G**audent immunitate locali Ecclesiæ non tantum Consecratae, sed etiam benedictæ Authoritate Episcopi vel ad publicum usum Divinorum destinatae.

Ex L O G I C A.

I. **A**d scientiam Philosophicè talem sola requiritur & sufficit Certitudo Metaphysica.

II. **L**ogica totaliter sumpta est simpliciter practica, cujus objectum sunt omnes tres operationes intellectus, non verò res v. voces externæ.

III. **I**ndifferentia ad actum secundum tollitur per actum secundum.

Ex P H Y S I C A.

I. **D**antur formæ Substantiales partiales in Composito humano tantum.

II. **T**otum Compositum Substantiale Physicum non distingvitur realiter ab omnibus suis partibus collectivè sumptis.

III. **I**mplicat infinitum Cathegorematicum totum in quacunq; ratione.

Ex M E T A P H Y S I C A.

I. **E**ssentia non distinguitur realiter ab existentia.

II. **P**ossibilitas Creaturæ actuata in re est ipsa Creatura actu existens, proportionatè loquendum de possibili non existente.

III. **N**on dantur Negationes objectivæ, quæ sunt purum non esse rei.

Ex E T H I C A.

I. Mens movet Voluntatem ad agendum.

II. Existit in nobis Libertas.

III. **P**rinicipia acquisita actuum humanorum sunt Virtutes & Vitia.

Ex M A T H E M A T I C A.


I. **A**lgebræ notitiam indicare, ac juxta eandem calculum quadratum tum determinatarum tum indeterminatarum ostendere.

II. **D**atis quibûs numeris tertium continuè proportionalem invenire. Item datis tribûs, quartum continuè proportionalem invenire.

III. **E**xtrahere radicem quadratam ex dato Numero; item ex dato Numero extrahere radicem Cubicam.

*Defendentur publicè à Reverendo Domino PETRO ROBOROWICZ Marianæ Academicæ Rectore: in Aula Karnkoviana & Lubieniana Collegii Calissien-
Societatis JESU. Die 26. Januarii 1758.*





Biblioteka Jagiellońska



stdr0026554

